

**DISPUTATIONES DE
TESTIMONIIS ET
ARGUMENTIS E
VETERI TESTAMENTO
PETITIS, QUIBUS...**

Josué : de La Place, Thomas Ioseph
Sendendor





88

1 1

~~99~~

1 2

121

151

DISPV TATIONES D. E

TESTIMONIIS ET ARGVMENTIS E VETERI TESTAMENTO PETITIS, QVI- bus probatur, Dominum nostrum Iesum Christum esse Deum præditum essentia di- uina,

In Academia Salmutrensi varijs temporibus habita,

Sub Præsidio D. IOSVE' PLACÆI,
S. S. Theologiæ Professoris.

*H. Thom. Joseph. Sudentz. Ord. Minimorum
et Fratr. Vniuers.*



SALMVRII,

Ex Typographiâ IOH. LESNERII,
Ad Insigne Libri Aurci.

M. DC. LI.





Index Disputationum quæ hoc libro continentur.

Disputatio I. De Argumento I. Ex visione Esaia cap. vi.

In anno quo mortuus est rex Osias vidi Dominum sedentem super solium excelsum &c. collata cum Ioh. xii. 41. Hac dixit Esaias cum vidit gloriam eius &c. Respondente Henrico petitio Andes-Biernenfi An. 1649. Septemb. 4. pag. 1.

Disputatio II. De Arg. II. Ex Esaï. cap. vii. V. 14.

Ecce virgo concipiet, & pariet filium, & vocabitur nomen eius Emmanuel, laudato Matth. i. 23. Respondente Adriano Hessels Vltrajectino An. 1649. Nouemb. 25. pag. 33.

Disputatio III. De Arg. III. Ex Esaï. cap. viii. V. 13.

Dominum exercituum ipsum sanctificate. Ipse pavor vester & ipse terror vester: & erit vobis in sanctificationem, in lapidem autem offensionis & in petram scandalî duabus domibus Israël &c. collato cum Rom. 9. 32. & 1. Petr. 2. 3. Respondente eodem Adriano Hessels Vltrajectino. pag. 45.

Disputatio IV. De Arg. IV. Ex Esaï. cap. xxxv. V. 23.

per memetipsum iuravi &c. quod mihi carnabitur omne genu, citato Rom. 14. 10. Respondente Bernardo Abrahamo ex Aquis mortuis, An. 1650. Mai. 12. pag. 65.

Disputatio V. de Arg. V. Ex Verbis Domini apud Esaïam cap. 41. 4. & 44. 6. & 48. 12. Ego prius & ego novissimus, collatis cum verbis Christi apud Iohannem in Apocalypsi cap. 1. V. 11. 17. & cap. 2.

ã j

- V. 8. & cap. 22. V. 13. eodem Bernardo Abrahamo
 Respondente, pag. 80.
 Disputatio VI. De Arg. VI. Ex loco Zachar. cap. xi.
 13. *Et dixit Dominus ad me, projice illud ad figulum, ma-*
gnificum pretium, quo appropriatus sum ab eis &c, collato
 cum Matth. xxvii. 9. Respondente Isaaco Sonorio
 Geneuensi An. 1650. die 31. Maij pag. 89.
 Disputatio VII. De Arg. VII. Ex loco Zachar. cap.
 xii. V. 10. *Aspicient ad me quem transfixerunt*, lauda-
 to loh. xix. 37. & Apoc. i. 7. Eodem Isaaco Sono-
 rio Respondente, pag. 94.
 Disputatio VIII. De Arg. VIII. Ex Malach. cap. iiii.
 V. 1. *Ecce ego mitto angelum (seu nuncium) meum, &*
preparabit viam ante faciem meam, collato cum Matth.
 ii. 10. Marc. i. 2. Luc. i. 76. &c, eodem Responden-
 te, pag. 108.
 Disputatio IX. De Arg. IX. Ex verbis Psalmi xcvi.
 V. 8. *Adorate eum omnes Angeli*, laudatis Heb. i. V.
 6. Respondente Salomone Ligerio Iuliodunensi,
 An. 1650. Iun. 23. pag. 118.
 Disputatio X. De Arg. X. Ex verbis Psal. cxiv. V. 1.
 & L. V. 13. *Domini est terra & plenitudo eius*, laudatis
 i. Cor. x. 26. Respondente Iacobo Championo
 Thouarcensi, An. 1651. Mart. 24. pag. 138.
 Disputatio XI. De Arg. XI. Ex Psal. lxxviii. V. 19.
Ascendisti in altum, cepisti captiuitatem, accepisti dona in
hominibus, collato cum Eph. 4. 8. eodem Iacobo
 Championo Respondente, pag. 144.
 Disputatio XII. De Arg. XII. Ex his verbis Psal.
 cii. V. 26. *Tu initio terram fundasti, & opera manuum*
tuarum sunt celi. Ipsi peribunt, tu autem permanes &c.
 laudatis Heb. i. 10. eodem Respondente. pag. 150.

Disputatio XIII. De Arg. XIII. Ex verbis Apostoli

1. Cor. cap. x. v. 9. *Neque tentemus Christum, sicut
& quidam illorum tentauerunt, & perierunt à serpentibus*
collatis cum Numer. xxi. 5. 6. Respondente Antonio
Gauuo Calensi Occitano An. 1651. Mart. 30. p. 154.

Disputatio XIV. De Arg. XIV. Ex Esai. cap. xxxv.
v. 4. *Deus ipse veniet & seruat vos. Tunc aperientur*
oculi cecorum & aures surdorum reserabuntur &c collato
cum Matth. xi. 5. eodem Antonio Gauuo Respon-
dente, pag. 156.

Disputatio XV. De Arg. XV. Ex Esaiæ. cap. xl. v. 3.
5. 10. Collat. cum Matth. 3. 3. 1. Pet. 1. 24. eodem
Respondente, pag. 166.

Disputatio XVI. De Arg. XVI. Ex Esai. cap. l. i. v.
6. 7. *Propterea cognoscat populus meus nomen meum, prop-*
terea cognoscat in die illa, quia ego qui loquor, ecce ad-
fui. Quam speciosi super montes pedes Euangel. santis,
predicantis pacem, euangelisantis bonum &c, collat.
cum Rom. 10. 15. Respondente Daniele du Tens
Blasensi, An. 1651. April. 27. pag. 170.

Disputatio XVII. De Arg. XVII. Ex Esai. l. x. v.
1. *Surge, illuminare &c,* citato Ephes. 5. 14. eodem
Daniele du Tens Respondente, pag. 175.

Disputatio XVIII. De Arg. XVIII. Ex Esai. l. xi.
v. 1. *Spiritus Domini est super me, eo quod vixit me &c*
laudato Luc. 4. 18. eodem Respondente, pag. 177.

Disputatio XIX. De Arg. XIX. Ex Esai. cap. liv. v.
5. *Quoniam maritus tuus factor tuus, Dominus exerci-*
tuum nomen eius, & redemptor tuus, sanctus Israël,
Deus vniuersæ terre vocabitur, necnon ex alijs locis, in
quibus Deus Israël Ecclesiæ Maritus seu sponsus ap-
pellatur, collatis cum Matth. 9. 15. & 25. 1. Ioh. 3.

29. 2. Cor. 11. 12. Ephes. 5. &c, Respondente eodem. pag. 178.
- Disputatio XX. De Arg. XX. Ex Deut. cap. vi. 7. 13. citato Matth. 4. 10. & Luc. 4. 8. *Dominum Deum tuum adorabis, & ei soli servies.* Respondente eodem. pag. 180.
- Disputatio XXI. De Arg. XXI. Ex 1. Reg. 8. 39. 2. Chron. 6. 30. *Tu solus nosti corda filiorum hominum,* collat. cum Apoc. 2. 23. eodem Respondente. pag. 184.
- Disputatio XXII. Ex apparitione Dei quæ describitur Gen. cap. 18. Respondente Iacobo Vergnonio Pictone, An. 1651. die Iun. 22. pag. 188.
- Disputatio XXIII. De Arg. XXIII. Ex Gen. cap. 31. 7. 11. 13. Exod. 3. 2. 6. alijsque locis similibus, in quibus Angelus se Deum esse proficitur, aut Deus appellatur, eodem Vergnonio Resp. pag. 194.
- Disputatio XXIV. De Arg. XXIV. Ex Esai. 2. 11. 17. *Exaltabitur Dominus solus in die illa,* eodem Respondente. pag. 202.
- Disputatio XXV. De Arg. XXV. Ex Esai. cap. ix. 7. 6. *Puer enim natus est nobis, Filius datus est nobis &c.* eodem Respondente, pag. 203.
- Disputatio XXVI. De Arg. XXVI. Ex Esai. 42. 8. & 48. 11. *Gloriam meam alteri non dabo,* Respondente Micaele Cornuello pictone An. 1651. Iul. die 20. pag. 209.
- Disputatio XXVII. De Arg. XXVII. Ex locis Exod. cap. 20. 7. 3. Esai. 43. 2. & 44. 6. & 45. 5. 14. 21. 22. & 46. 9. &c, in quibus Deus Israël, aut vetat alium haberi pro Deo, aut negat esse alium Deum. eodem Cornuello Respondente. pag. 214.

Disputatio XXVIII. de Arg. XXVIII. Ex Esai. cap. 43. *ſ. 24. Servire me fecisti in peccatis tuis &c.* eodem Respondente, pag. 221.

Disputatio XXIX. de Arg. XXIX. Ex Esai. cap. LXIII. *ſ. 1. Ego qui loquor in iustitia &c.* eodem Respondente, pag. 225.

Disputatio XXX. de Arg. XXX. Ex Ierem. cap. 10. *ſ. 11. Dij qui non fecerunt cælum & terram tollentur de terra, & de sub cælis ipsiis.* Respondente Iacobo Hieronymo Sedanensi An. 1651. pag. 227.

Disputatio XXXI. de Arg. XXXI. Ex Ierem. cap. XXIII. *ſ. 6. Et hoc est nomen quo vocabis eum, Iehoua Iustitia nostra.* eodem Iacobo Hieronymo Respondente, pag. 136.

Disputatio XXXII. de Arg. XXXII. Ex nomine Tetragrammato, vulgò *Iehoua*, eodem Respondente, pag. 244.

Disputatio XXXIII. de Arg. XXXIII. Ex Zach. cap. 2. *ſ. 8. &c. Quoniam sic dicit Dominus exercituum, post gloriam misit me ad gentes, quæ spoliauerunt vos &c.* Respondente Benjamine Daillonio Armorico, An. 1651. pag. 272.

Disputatio XXXIV. de Arg. XXXIV. Ex Zach. cap. 3. *ſ. 2. Et dixit Dominus ad Satan, increpet Dominus te Satan, increpet te Dominus qui eligit Hierusalem.* Respondente F. le Vasseur Picardo Bellouacensi An. 1651. Aug. 10. pag. 292.

Disputatio XXXV. de Arg. XXXV. Ex Psal. 2. *ſ. 12. Osculamini Filium, ne fortè irascatur, & pereatis via: cum exarserit paululum ira eius. Beati omnes qui confidunt in eo,* eodem le Vasseur Respondente, pag. 298.

- Disputatio XXXVI. de Arg. XXXVI. Ex Deuter.
cap. xxxiii. v. 17. 21. &c; Respondente Daniele
du Tens Blesensi An. 1651. Aug. 31. pag. 318.
- Disputatio XXXVII. de Arg. XXXVII. Ex Gen.
cap. 1. v. 26. & 111. v. 22. alijsque locis, ex qui-
bus plures esse personas diuinas colligi potest, eodem
Daniele du Tens Respondente. pag. 321.
- Addenda ad Arg. XI X. Ex Esai. cap. l i v. v. 3. pe-
titum. pag. 350.
- Responsio ad objectiones quasdam Socini pag. 361.
- Addenda ad Arg. XXXV II. Ex Gen. cap. 1. v. 26.
& similibus locis petatum, pag. 395.



DISPUTATIONVM

De argumentis, quibus efficitur Dominum nostrum esse Deum essentia diuina præditum.

PRIMA

De Arg. I. Ex visione Esaïæ cap. VI. *In anno quo mortuus est Rex Osas vidi Dominum sedentem super soliam excelsum, &c. collata cum Ioh. XII. 41. Hac dixit Esaïas cum vidit gloriam eius, &c.*



N nomine Patris, & Filij, & Spiritus Sancti probare institimus hoc secundo libro, Dominum nostrum Iesum Christum esse Deum diuina essentia præditum. Ita enim potius concipimus statum controuersiz quàm vt solent Aduersarij, quibus placuit vt quæreretur, *sine Christus Deus summus necne?*

I I. Hæc enim locutio, *Deus summus*, primùm à *forma saniorum sermonum*, quam nobis inuitandam Apostoli proposuerunt, 2. Tim. 1. 13. discedit. Nomen enim *עליון* *ὑψιστος* *summus, altissimus*, etsi nominibus Dei *אל, אלהים, יהוה*, additur nonnunquam in Veteri Testamento, tamen in Nouo perpetuò usurpatur tanquam nomen Dei, neque nomini Dei subjungitur vt epitheton, nisi quater tantum: Semel ab Apostolo Heb. 7.1. *ἰερεὺς τοῦ θεοῦ ὑψιστου*, sed vt reddat verba Gen. 14.18. *כהן לאל עליון*: ter à Diabolo Marc. 5.7. Luc 8.28. Act. 16.17. etiam cum veritatem, confictetur maligno, cuius discriminis hæc ratio esse videtur, quod in Vetere Testamento Dei nomen tribuitur aliquoties Angelis, immò Iudicibus, atque ita erant quodammodo dii inferiores Deo summo *κατασσομένοι*. In

Nouo verò Dei nomen ei soli vendicatur, qui cœlorum & terræ dominus est, ab ipsis etiam Angelis adorandus, iuxta vaticinium *Esaiæ 2. 27. Exaltabitur Dominus solus in die illa.* Exortio enim & reuelato sole iustitiæ tanquam discriminē inter Deum & Angelos apparuit, vt dii appellari desierint in ordinem seruorum redacti.

I I I. Deinde periculosa est: innuit enim plures Deos, vnum summum, reliquos inferiores; qui Gentium error erat prædicatione Euangelij abolendus in æternum. Denique laborat ambiguitate disputantibus incommoda. Dicitur enim Deus *וְיֵשׁוּבָה* summus ratione, vel loci, quia sedet *על כִּלְיָתָהּ* in locis altissimis: vel nature, quia præditus est natura altissima: vel persone, quia personam sustinet in Scriptura omnium summam; vel denique exaltationis, quia super omnes, qui putantur aut dicuntur dii, exaltatus est, *כִּי אַתָּה יְהוָה עֲלֵינוּ עַל כָּל הָאֱלֹהִים* quoniam tu Domine altissimus es super omnem terram: valde exaltatus es super omnes Deos.

Pl. 97.
9.

I V. Certum est autem Dominum nostrum, seu locum spectes, seu exaltationem dici posse Altissimum. Nam, & sedet ad dextram Majestatis in excelsis, supra omnes cœlos, excelsior cœlis factus, & habet nomen quod est supra omne nomen, iubenturque cum *כָּל אֱלֹהִים* omnes Angeli adorare. Certum etiam est eundem Dominum nostrum, si personam eius cum persona Patris conferas, ita altissimum esse respectu angelorum & hominum, vt in comparatione cum Patre non tam ipse quam Pater sit altissimus. Est enim à Patre, cum Pater à nullo sit; & partes suscepit mediatoris inter Patrem & homines, cum Pater nullas partes sustineat nisi Dei & Patris: quam prærogatiuam Patris personalem nos vltro confitemur.

Heb. 1.
3.
Eph. 4.
10.
Heb. 7.
16.
Philip.
2. 9.
Heb. 1.
6.

V. De Natura igitur seu essentia omnis inter nos est questio, *Sino Christus præditus natura altissima*, hoc est, *diuina*, necne & Nos affirmamus, Negant Aduersarij, Conuenit de Iudice Scriptura sacra. Cum enim in genere omnis de veritate controuersie iudex seu norma sit *veritas ab utraque parte contendente agnita & confessâ*, partibus questionis ita applicabilis, vt quæ cum illa congruat, quæ non congruat liquido constare possit, vt patet inductione, manifestum est talem veritatem esse, non traditionem non scriptam, nec ingentia Patrum volumina, nec ecclesiæ iudicium vel testimonium, sed Scripturam vtriusque Testamenti diuinitus inspiratam, quam

omnes Christiani, ut ut in partes diuisi, pro canonica habent vniuersi consensu. Eam igitur, ut libro præcedente fecimus, scrutemur diligenter, non viribus nostris, sed Dei Patris & Domini nostri Iesu Christi promissionibus, & misericordia quam imploremus, freti.

V I. Testimonia Scripturæ quibus diuina Filij Dei essentia probari potest, quoniam multa sunt, distribuemus in tres classes seu sectiones. Quædam enim ex utroque Testamento promemus, Quædam ex solo Vetere, Quædam ex solo Nouo.

V I I. Primi generis sunt testimonia Veteris Testamenti laudata in Nouo, quorum agmen ducet illustris illa visio gloriæ Domini, quæ describitur Esaia cap. vi. 1. *Anno quo mortuus est rex Ozias, vidi Dominum sedentem super solium excelsum & eleuatum*, &c. cuius is fuit exitus, ut mitteretur propheta, qui diceret populo Iudaico, *Excata cor populi huius, & aures eius aggraua, & oculos eius clande: ne forte videat oculis, & auribus suis audiat, & corde suo intelligat, & conuertatur, & sanem eum.* Quæ verba citantur ab Apostolo Ioh. xii. 39. ut probet, Iudæos non potuisse credere in Iesum, addito hoc breui commentario, *Hæc dixit Esaias cum vidit gloriam eius, & locutus est de eo*, quo docet verba illa Esaia de Iudæis illis esse intelligenda, qui positam ob oculos Christi gloriam neque oculis viderunt, neque corde intellexerunt, neque ut sanarentur ad eum conuersi sunt. Hinc ducitur

V I I I. Arg. 1. *Ille cuius gloriam Esaias vidisse dicitur cap. vi. libri sui est Deus Israelis essentia diuina prædictus. Dominus Iesus est ille cuius gloriam Esaias vidisse dicitur illo capite. Ergo Dominus Iesus est Deus Israelis diuina essentia prædictus.* Major legenti illud caput ita manifesta est, ut probatione non egeat, unica enim toto illo capite visio continetur magnificæ gloriæ Dei Israelis, qui nomine maximè proprio יהוה צבאות *Dominus exercituum* bis appellatur. Minor duplici genere argumentorum nititur, quorum alterum à testimonio Apostoli & Euangelistæ Iohannis petitur, alterum ab ipso textu Esaia. Testimonium Apostoli disertum est, *Hæc, inquit, dixit Esaias cum vidit gloriam eius: & locutus est de eo*, cum sine dubio pronominebus eius & eo significans, de quo vno loquebatur, nempe, Dominum Iesum.

I X. Ad hoc testimonium nihil potest responderi, nisi, aut pronomina illa *eius, eo*, non referri ad Iesum, aut si referantur, gloriam illam Iesu non eam esse cuius visio descripta est Esai. v. 1. 2. 3. &c, aut, si sit illa gloria quæ ibi descripta est, tamen Iesum non esse illum Dominum quem Esaias eo loco describit & vidisse se profitetur. Quæ tria, quoniam ab Aduersarijs reponuntur, ordine refellenda sunt.

Ref. 1. X. Primum igitur negant pronomina illa *eius, eo*, referri debere ad Iesum: *posse enim ad Deum commodè referri*: cui rei vè colorem aliquem conciliet Socinus ait à v. 37. *quatuor consequentes versiculos per parentheses legi aut debere, aut saltem posse. Apertissimum enim est, inquit, versiculum demum 42. cum isto v. 37. & sensu & verbis coniungi, cum aliquatuor intermedij videri possint aliquantum à proposito digredi.* Idem isdem ferè verbis dicit Vvolkelius. Sed notam parenthesis neque fontes græci, neque versiones vllæ habent, neque verba Euangelistæ innuunt aut poscunt (cohæret enim sensu & verbis vers. 42. non modò cum v. 37. sed etiam cum v. 39. & 40.) imò respuunt. Quid enim est parenthesis nisi vt loquitur Quintilianus, *medio sermone aliquis insertus sensus, vel, vt plenius Valla, interiectio orationis in sermone, quæ remota sermo manet integer?* Itaque pars sermonis non est, sed aliquid interiectum inter partes sermonis. Quis autem non videt initium v. 38. *vt sermo Esaiæ propheta impleveretur*, non esse aliquid interpositum, sed cohærere cum fine v. 37. *non credebant in eum*, tanquam cum altera parte sermonis? Est enim sermo integer, *non credebant in eum, vt sermo Esaiæ propheta impleveretur*, &c. à quo, quin mutiletur, rescindi non potest membrum, *vt sermo Esaiæ impleveretur.* Hoc veltæ co-visibile est.

X I. Si quis tamen aliquam confirmationem desiderat, Id primum firmat Euangelistæ mens, qui verba, *non credebant in eum*, non tam propter ipsa quàm propter sequentia posuit. Non enim incredulitatis Iudæorum meminit, nisi vt scandalum, quod ex ea nasci videbatur, remoueret prolatis oraculis ex quibus liquet, eam à Deo non solum præuisam & prædictam, sed etiam aliquomodo præordinatam fuisse. Deinde id confirmat similis sermo frequens in Nouo Testamento. Vt Math. 1. 22. *Hoc autem totum factum est, vt impleveretur quod dictum est à Domino per prophetam*: Et Math. 2. 15. *Et erat ibi vsque ad obitum Herodis*

ut adimpleretur quod dictum est à Domino: & Xl. 23. & veniens habitavit in civitate qua vocatur Nazareth. ut adimpleretur quod dictum est, &c. Et Math. 4. 13. habitavit in Capernaum maritima in finibus Zabulon & Nephtalim, ut adimpleretur quod dictum est per Esaiam prophetam. Insaniret qui in his locis & similibus verba, ut adimpleretur, ab antecedentibus inserta parenthesis nota diuideret: sunt tamen isti nostro tam similia quam ouum ouo.

XII. Adde quod Euangelista non contentus dixisse Iudæos non credidisse Xl. 37. ulterius progreditur v. 39. affirmatque eos non potuisse credere, quæ sermonis progressio & quasi gradatio, si quid video, parenthesis esse non potest. Denique versus 42. iungi gestit non tantum cum 37. sed etiam, & quidem maxime, cum 39. & 40. ut sit sensus, quamvis dixerim Iudæos non credidisse in eum, quamvis addiderim eos non potuisse credere, quamvis utrumque disertis verbis Esaias prædixerit, tamen id non est ita accipiendum, quasi nulli prorsus crediderint: nam præter plebeios non paucos, quales nos sumus, etiam ex primoribus multi crediderunt in eum, &c. Esto igitur conclusum non esse parenthesis: vnde sic possum argumentari. Si pronomina eius & eo non essent referenda ad Iesum, versus quatuor inter 37. & 42. interpositi parenthesi includi deberent, vel saltem possent. Hoc autem falsum est, ut iam probavi. Ergo & illud.

XIII. Deinde negari non potest, quin illa pronomina, nisi quid impediat, ad Iesum referenda sint. Id enim series narrationis flagitare videtur. Quod autem impediatur in verbis Euangelistæ nihil prorsus occurrit. Id quod argumento est, non cauisse Spiritum Sanctum, ne referrentur ad Christum. Cur autem non cauerit causa dici non potest, nisi quia in ea relatione nihil erat periculi. Si quod enim fuisset, id, & qua erat perspicientia sine dubio vidisset, & qua pro Ecclesia vigilabat charitate, sustulisset, vel mutato pronomine in nomen Dei, vel aliqua alia ratione prospiciendo veritati. Tanta enim tamque admirabili sapientia diuinus liber coruscat, nulla ut possit eius verbis falsa interpretatio affingi, quam, si est alicuius momenti, ipse textus non redarguat: cuius rei specimen vel hæ nostræ disputationes non dubium exhibent. Si quis impedimentum arcessat à præiudicata opinione Aduersariorum essentiam Christo diuinam detrahentium, is cogitet hoc quicquid est impedimenti non esse in textu,

2. Cor. sed extra textum in corde ipsorum, instar velaminis illius, quod
 3. 15. ad hunc usque diem, cum legitur Moses cordi Iudæorum imposi-
 tum esse Paulus testatur. Quando autem de persona agitur, quam
 ipso Christo teste Math. 11. 27. *nemo novit nisi Pater*, non est
 præiudicium vllum ad lectionem Scripturæ qua reuelatur asse-
 rendum.

XIV. Tertiò, cum pronomina illa *Eius, eo*, sint in verbis
 non Prophetæ Esaiæ, sed Euangelistæ, ad eum referri debent de
 quo loquebatur Euangelista. Loquebatur autem de vno Chri-
 sto. Ad eum igitur vnum referri debent. Quis enim credat sacrum
 historicum eum illis pronominebus designasse de quo non agebat,
 eum verò de quo agebat, de quo narrationem institutam conti-
 nuabat non designasse? Potestne exemplum afferri pronominis
 eiusmodi, quod sacer autor ad eum referendum voluerit, quem
 ipse non nominavit? Huc accedit quod Apostolus septem istis
 versibus inter 36. & 44. in quibus Iesum nominat, insertis, Iesum
 non aliter quàm talium pronominebus significavit: his enim
 eum sic designavit vers. 37. semel v. 41. illo lectorem ad Chri-
 stum eo pronomine intelligendum veluti præparans & assuesca-
 ciens, hoc, si aberraret, reuocans.

XV. Quartò, pronomina illa, aut ad Iesum, aut ad alium re-
 ferenda sunt. Non ad alium. Ad quem enim? Ad Deum, inquit
 Socinus, Atqui Deus non est ab Euangelista nominatus. Imò,
 inquit, *Proximè antè in verbo Sanem, licet tacitè, nominatus est.*
Es prius eodem modo in verbis exccecauit, & induravit (quamvis
hæc tertia persona sint, illud verò prima) nominatus fuit. Demus
 nominari eum cuius nomen tacetur, hoc est, qui non nominatur,
 illud urgeamus; nequidem sic tacitè nominatum esse Deum ab E-
 uangelista: non enim verba illa recitat vt sua, sed vt verba Esaiæ:
 nec vt aliquid doceat de Deo, sed vt probet duntaxat non potuisse
 Iudæos credere in Iesum.

XVI. Vnde etiam habet Socinus Iesum non fuisse sic tacitè in
 verbo illo *Sanem* nominatum? Nam si de illa excæcatione & indu-
 ratione verba exccecauit & induravit intelligenda sunt teste Apo-
 stolo, quibus factum est, vt Iudæi non potuerint credere in Iesum:
 Annon manifestum est de illa sanatione verbum *Sanem* accipien-
 dum esse, cuius autor est Iesus illis omnibus qui in ipsum credunt?
 Et quis est medicus, quis servator populi sui à peccatis, quis me-

detur contra&is corde, quis peccati seruos in libertatem vindicat, quis à maledictione legis redemit, quis ius filiorum Dei confert, quis peccata delet & remittit, quis vitam æternam largitur, quis ab hostibus liberat, quis denique mortuos suscitabit in die nouissimo nisi Dominus Iesus in quo solo est salus? Quid est igitur cur nolit Socinus istam, quæ in verbo Sanem includitur, sanationem Domino Iesu tribuere?

XVII. Hinc pulsus Socinus confugit ad vers. 38. in quo Dominus est nominatus. *Domine quis credidit audiens nostro? Et eni brachium Domini est reuelatum?* Si quis obijciat versiculi illius distantiam ab hoc nostro 41. reponit, *prænomina relatiua non semper ad proxima referri, maxime ubi, ut hoc loco fit, de Deo & Christo agitur.* Et profert exemplum ex 1. Ioh. 2. 28. *Et nunc filioli manete in eo, ut cum apparuerit, habeamus fiduciam, & non confundamur ab eo in aduentu eius,* quæ verba nemo dubitare potest quin de Christo sint dicta. At quæ illicò adduntur vers. 29. *Si scitis quoniam iustus est, scitote, quoniam & omnis qui facit iustitiam ex ipso natus est,* de Deo, non de Christo, dicta esse affirmat, sed perperam mea sententia: flagitat enim series sermonis ut tam de Christo, quàm quæ antecedunt, accipiantur: ex quo qui nati non sunt, ij profectò nati non sunt ex Deo. Est enim etiam, Christus nostrum omnium, hoc est, fidelium parens, teste ipso Christo, Heb. 2. 13. *Ecce ego & pueri mei quos dedit mihi Deus.* Et Propheta Esai 53. 10. *videbit semen.* Is enim est sponsus Ecclesiæ castæ matris omnium nostrum, & secundus Adamus in quo omnes viuificamur. Addit Socinus *Paullo ante in eodem cap. 2. 1. Ioh. miram videri esse confusionem pronominum relatiuorum, nec satis dignosci posse ad Christumne an verò ad Deum, siue ad Filiumne an verò ad Patrem hæc aut illa verba referenda sint.* Nempe, quia ad vtrumcunque referantur nihil interest: sunt enim Pater & Filius ita vnum, ut ambobus idem verbum singularis numeri, idem pronomem relatiuum accommodetur Apoc. 21. 15. & 20. 6. & 22. 3. &c.

XVIII. Subjungit idem Socinus, *nullum exemplum accommodatius inueniri posse, quàm illud in hoc ipso Euangelio cap. 9. 22. ubi pronomem autem siue eum, Iesum refert nec aperte nec tacite, nisi multis aut nominatum; cum proxime ter eodem pronome cæcus ille natus significatus fuisset.* Certè nullum accommodatius inueniri.

potuit ad refellendum ipsum Socinum. Nam utrumque Euangelista discretè nominauerat, Iesum & cæcum illum: de utroque agebatur, de hoc quidem ut de miraculi subiecto, de illo verò ut de miraculi autore, de Iesu per se, de cæco propter Iesum. Deinde Euangelista ad pronomen αὐτὸν adjungit χεῖρ, ἰατρικὴν τὸν ὁμολογήσῃ χεῖρ Si quis enim confiteretur Christum, atque ita omnem ambiguitatem, omnem dubitandi ad Christum in ean ad cæcum referendum sit occasionem tollit. Hic verò neque ab ipso Euangelista nominatus fuit Deus, neque Euangelista de Deo agebat aut loquebatur, sed de Christo tantum, neque ad pronomen adiungitur nomen Dei, aut aliud quiddam quo, Christo excluso, referri doceatur ad Deum: multa autem suadent imò persuadent referendum esse ad Christum, ut mox liquebit. Adde quod uocatio Domine non Filium Dei compelliari nihil est quo possit euinci.

X I X. At, inquit Socinus, *In græca Roberti Stephani editione in folio (ut vocant) annotatum est in margine nota quadam id significante codicem quendam vetustissimum in Italia ab amicis Typographi collatum pro τὸν δὲ αὐτῷ, id est, gloriam eius, habuisse τὸν δὲ θεῷ τῷ θεῷ, id est, gloriam Dei.* Eadem lectio adnotata est in margine codicis græci editi a Christob. Froschonero Tiguri anno 1559. Et ego habui quondam in Italia græcum codicem manu scriptum antiquissimum & elegantissimum, quem mihi eripuit quidam, in quo, nisme memoria fallit, eadem lectio in ipso contextu consignata erat. Quorsum hæc? vultne Socinus vnus codicis græci ab vno aut altero visi autoritate præponderari consensum omnium aliorum codicum græcorum, omniumque versionum, etiam antiquissimarum, quæ habent constanter τὸν δὲ θεῷ αὐτῷ gloriam eius? Id nimis iniquum foret. Nonne potuit codex ille manuscriptus alicuius Arriani vel photiniani fuisse, qui cum pronomen αὐτῷ putaret ad Deum referendum esse, ut errandi scilicet ansam præcinderet, scripserat τῷ θεῷ? Nam non esse illam lectionem de mente Apostoli sequentia argumenta planum, uti spero, facient.

X X. Ut igitur pergamus, Hoc esto quintum argumentum.

Resp. *Ad utrumque Esaia testimonium, inquit ipse Socinus, verba ista ad* *Victu* *Arg. 6.* *claus. 1.* *Iohannis sine dubio referri debent, præsertim cum dicat, Hæc dixit, non autem Hoc dixit. Iam autem negari non potest, quin Esaïas, cum dixit prius testimonium, loqueretur de Christo. Legatur cap.*

52. proximè antecedens versiculum primum capitis 53. quem Apostolus laudauit: legantur versus sequentes toto cap. 53. de Christo vbique loquitur, Christum vbique describit, Deum quatenus à Christo differt, non item. At Deum compellat versu illo primo. Esto, nempe aliud est Deum alloqui, aliud de Deo loqui. Eum sæpe alloquimur de quo tamen non loquimur. Si igitur Esaias prius testimonium dixit cum de Christo, non de Deo loqueretur, annon manifestum est in verbis Euangelistæ, *Hec dixit Esaias cum vidit gloriam eius, & locutus est de eo*, pronomen *eo* ad Christum, non ad Deum esse referendum?

XXI. Idem dicendum esse de posteriore testimonio, nemo, opinor, inficiabitur, præsertim cum in confesso sit, verba illa Euangelistæ ad vtrumque testimonium referri: Nec possit negari in eo sermonem esse de ea Iudæorum incredulitate, qua factum est, vt Christum videndo & audiendo non viderent oculis, nec intelligerent corde, nec in eum crederent, aut credere possent, ad quem tamen vt sanarentur respicere & conuerti eos necesse erat. Quod si in verbis, *locutus est de eo*, pronomen *Eo* ad Christum refertur, quis non videt, etiam in verbis, *vidit gloriam eius* pronomen *eius* ad eundem Christum referendum esse?

XXII. Sextò, aut pronomina ista referri debent ad Christum, aut intelligi non potest quorsum post recitata duo Esaiæ testimonia prudencissimus Euangelista verba illa addiderit. *Hec dixit Esaias cum vidit gloriam eius, & locutus est de eo*: de Deo enim, non de Christo, intellecta quid faciunt ad propositum? quem vsum habent? Non modò inutilia sunt, sed, quod deterius est, lectorem vel incautum fallunt, vel attentum implicant pronominum ambiguitate fallaci.

XXIII. Socinus dicit, *Iohanni causum addendi, quod Esaias illa dixisset, cum vidit gloriam Dei, hanc fuisse, vt indicaret locum in Esaiæ libro, vbi hæc scripta erant. Visio enim illa magnifica & gloriosa admodum celebrem locum faciebat; gloriaque Dei nominata, quam Esaias vidisset, statim visio ista intelligebatur. Nihil enim simile nec antè, nec post, ei conspectum fuisse legitur.* Visionem intelligit descriptam Esai. cap. vi. Hæc verò causa quatuor rationibus refellitur. Nam primò recurrit quæstio, quorsum Apostolus locum in Esaiæ libro indicasset, vbi hæc scripta erant? Id enim alijs locis vbi laudatur idem testimonium factum non est:

nec cum alia citantur testimonia factum est vnquam à scriptoribus sacris, nisi cum illa loci notatio iuuauit eorum scopum. Deinde sic Euangelista locum indicasset posterioris testimonij duntaxat, non autem prioris, cum tamen ipse Socinus affirmauerit ad vtrumque verba, *Hæc dixit Esaias cum vidit gloriam eius*, &c. sine dubio debere referri. Deinde, Sic sapientissimus autor lectorum lussisset innuendo duo illa testimonia eodem tempore dicta, eodemque loco scripta fuisse, quæ tamen quadraginta nouem capitum interuallo à se inuicem distant. Postremo id non inutiliter tantum Apostolus obseruasset, sed periculosè etiam, multis inde occasionem accipientibus existimandi, eum, cuius gloriam Esaias vidit eo capite, Iesum fuisse. Non autem tanti esse apud Apostolum non necessaria, nec utilis loci notatio debuit, vt propterea vel minimam errandi occasionem fidelibus præberet.

XXIV. Pergit Socinus, *Quod autem adiungit, & locutus est de eo, idèd pertinet, vt sciamus, verba, quæ ex eo loco recitauerat, ad id confirmandum, quod dixerat, Iudeos credere non potuisse, ad ipsum Deum referenda esse: verba, inquam, illa. Excæcavit oculos eorum, & indurauit cor eorum; quatenus scilicet Dei consilio excæcatio ista, & induratio euentura prædicatur, quod aliqui non facile animaduersum fuisset*. Ita rursus verba illa ad posterius testimonium restringit contradicens sibi affirmanti, vt est à nobis obseruatum §. xx. *verba illa Iohannis ad vtrumque testimonium sine dubio referri debere*, idemque paulò post inculcanti his verbis, *Cum ad vtrumque locum Iohannis verba respiciant, & illa duo, vidisse gloriam eius, & locutum fuisse de eo coniunctim ponantur; verissimile planè est, vel potius necessarium, vt istorum duorum vtrumque similiter ad vtrumque locum spectet*. Hoc primum. Deinde, verba, *indurauit & excæcavit*, ad ipsum Deum referenda esse, neque verbis illis dicit Iohannes disertè, neque per consequentiam. Nam dicit quidem Esaiam, testimonium illud dixisse cum vidit gloriam eius & locutus est de eo, sed non dicit Esaiam, aut vidisse gloriam eius, aut locutum esse de eo in illis ipsis verbis quæ citauit.

XXV. Adde quod istiusmodi obseruatio, verba, *indurauit & excæcavit*, ad Deum esse referenda, nihil facit ad scopum Euangelistæ. Is enim probare instituit Iudeos non potuisse crede-

re in Iesum. In eum finem profert Esaia testimonium, *Excæcavit oculos eorum, & induravit cor eorum: ut non videant oculis, & non intelligant corde, & convertantur & sanem eos.* Egregium argumentum. Qui non possunt videre oculis, intelligere corde, conuerti, illi non possunt credere. Quorum oculi sunt excæcati & cor induratum, illi non possunt videre oculis, intelligere corde, conuerti. Ergo quorum oculi sunt excæcati & cor induratum, illi non possunt credere, tales autem erant Iudæi quibus Christus prædicauit Euangelium Esaia teste: quare non poterant credere. Quis eos excæcauit, ipse Deus; an natia prauitas (sumus enim omnes *natura filij, ut iræ, sic rebellionis,*) an Deus huius seculi, Eph 2. 1. ne irradiet eos illuminatio Euangelij gloriæ Christi, ad vim argumenti nihil interest. Oculi excæcati à quocunque sint excæcati videre non possunt. Cor induratum à quocunque sic induratum, cum sit durum rigidum & lapideum, nec intelligere potest, nec flecti, nec conuerti ad Deum. 2. Cor: 4. 4.

XXVI. Denique non solum inutilis fuisset illa Euangelistæ observatio, sed noxia etiam & periculosa, quippe quæ neque facile sic accipi posset, & sic accepta lectorem perturbaret. Nam seu locum ut est in libro prophetæ inspicias, seu eum quemadmodum extat in editione græca quæ 70. interpretibus tribuitur, & citatus est ab Apostolo Act. 28. spectes, non videtur illa excæcatio & induratio Deo tanquam auctori ascribi: Neque isto loco, quo grauiter, uti par est, Iudæorum cæcitas, durities, incredulitas reprehenditur, conueniebat eam cæcitatem & duritiem ad Deum tanquam ad autorem referre, idque ne præteriret inobseruatum, lectorem monere. Ad hæc posset quis, ipso teste, nec refellente, Socino, *apud Iohannem verba excæcauit, & indurauit, hebraica phrasi ita interpretari, ac si scriptum fuisset excæcati sunt & induratum est.*

XXVII. Ut sit finis, vel verba *Excæcauit & induravit* non referuntur ad Deum, vel sunt plures personæ diuinæ. Non enim possunt ad eandem personam referri, ad quam refertur verbum *Sanem*: sunt enim tertiæ personæ, cum hoc sit primæ. *Excæcauit oculos eorum & induravit cor eorum, &c. ne sanem eos.* Non potuerunt apertius personæ distingui. Affirmat quidem Socinus personarum tertiæ & primæ distinctionem non ob stare, quominus

idem sit omnium illorum verborum nominatiuus: sed affirmat tantum, non probat, imò ne conatur quidem probare. Atqui nominatiuus verbi *Sanem* est ego: verborum verò *excegnuit & indurauit* est ille. Num sit verissimile pronomina, *Ille*, & *Ego*, ad eadem personam loquentem in eadem sententia referri debere? An est quisquam qui de se vno sic loquatur, ille hoc fecit ne illud Ego faciam, semetipsum duobus pronominibus altero tertiæ personæ, altero primæ designans?

XXVII I. Ad superiora argumenta illud septimo loco accedit, quod hoc idem testimonium Eſaiæ ad incredulitatem Iudæorum accommodatur ab ipſo Chriſto Math. xiii. 14. necnon ab Apoſtolo Paulo Act. 28. 25. quibus tamen in locis additum non eſt, hæc dixiſſe Eſaiam cum vidit gloriam eius, & de eo locutus eſt, aut aliud ſimile quidpiam. Quod cum non temerè acciderit vt ſit additum iſto loco, quod duobus illis additum non fuit, huius diſcriminis ſubefſe aliquam rationem oportet: mirabili enim ſapientia vbique Scriptura collucet. Ea verò ratio, ſi ad Ieſum pronomina, *Eius* & *eo* non referuntur, nulla præſus apparet, ſi referuntur, obuia eſt: Ad eam enim accommodationem huius teſtimonij, quæ Math. 13. & Act. 28. facta eſt, ſatis fuit cum vaticinio congruere euentum. Hic verò aliquid amplius deſiderabatur: inſtituit enim probare ſapiens Euangeliſta, non ſimpliciter quod Iudæi non crediderunt id conſentaneum eſſe cum hoc Eſaiæ vaticinio, ſed Iudæos non potuiſſe credere in Chriſtum. Ad id autem probandum accommodatione vaticinij opus fuit, quæ euentum antecederet, atque nominatim ad illos ipſos Iudæos pertineret, quibus ſuam Chriſtus gloriam contemplandam & credendam ob oculos poſuit. Quominus autem ſic accommodaretur obſtare videbatur, quod eo loco nulla ſit Chriſti mentio, tantum gloria Dei quæ Prophetæ apparuit magnificentiffimè deſcribitur. Monet igitur Apoſtolus non eſſe cur lector propterea conturbetur: Ieſum enim eſſe illum Dominum cuius gloriam Eſaias vidit, & de quo tam magnificè locutus eſt eo loco. Quod moniti fideles facile credunt: quippe quos Filij Dei Seruatoris ſui amor, admiratio, imò adoratio totos occupat. Hanc eandem ſidem iuuant multa alia prophetarum & Apoſtolorum teſtimonia: Nec deſunt in ipſo textu prophetæ quibus fulciri poſſit, in extremo huius diſputationis protrahenda in lucem.

XXIX. Addamus & octauum argumentum. Hoc Esaiæ vaticinium, vel relationem habet ad magnificam illam visionem, quæ eo capite VI. describitur: vel non habet. Si non habet, intelligi non potest, quare visio illa nec antè nec post prophetæ exhibitâ nullum alium exitum habuit, nisi quod missus est ad promulgandum hoc vaticinium. Si habet, necesse est, vt visio fuerit gloriæ Christi, quam Iudæi neque oculis visuri erant, neque corde intellecturi. Cum enim vaticinium teste Euangelista de Iudæorum incredulitate intelligi debeat, qui Christum videndo non viderunt oculis, & audiendo non audierunt auribus, nec corde intellexerunt, nec ad eum conuersi sunt vt sanarentur, manifestum est nullam esse inter vaticinium & visionem *χάν*, si Dominus, cuius gloriam Esaias vidit, Christus non fuit.

XXX. Sed ne longior sim in re clara probanda, sic argumentor. Is quæ Iudæi videndo non erant visuri, & audiendo non erant audituri, & ad quem non erant conuertendi vt sanarentur, est ille Dominus qui sese videndū & audiendū ostendebat paratus ad sanandum eos qui ad ipsū conuerterentur. Atqui Iesus est ille quem Iudæi videndo non erant visuri, & audiendo non erant audituri, & ad quæ vt sanarentur non erant conuertendi. Ergo Iesus est ille Dominus qui sese videndum & audiendum ostendebat paratus ad sanandum eos qui ad ipsum conuerterentur. Minor conceditur à Socino: fatetur enim, sic descriptam fuisse ab Esaiâ *cecitatem & indurationem Iudæorum in Christo non agnoscendo & amplectendo*: nec potest negari quin contradicatur Apostolo Iohanni. Major autem vix eget probatione. Primum enim negari nequit, quin is Dominus qui sese videndum & audiendum ostendebat debuerit cordis oculis & auribus videri, audiri, intelligi, cum tamen à Iudæis rebellibus visus, auditus, intellectus non sit. Negari non potest quin ad eum conuerti debuerint, cum tamen ad eum conuersi non sint. Negari igitur non potest maior propositio argumenti nostri. Deinde cur Dominus gloriam suam reuelauit, seseque ostendit videndum & audiendum, vt mandaret dici populo Iudæo *videndo videte & ne intelligatis, audiendo audite & ne cognoscatis*, &c. nisi vt significaret fore vt quum sese populo illi videndum & audiendum præbitorus esset, populus tamen ille eum videndo non esset agnitorus nec audiendo intellecturus. Denique perspicuum est eundem esse autorem sanationis qui est objectum con-

uersionis, visionis, auditus. Sanationis autem sese autorem esse ille ipse Dominus profitebatur, qui Esaïam conspicuus alloquebatur.

X X X I. Denique hoc Esaïæ testimonium laudat Euangelista, ut probet Iudæos, quibus sese Iesus videndum & audiendum multis edictis miraculis exhibuit, credere in eum præ cæcitate & duritie cordis non potuisse, vel igitur de eiusmodi Iudæorum tali incredulitate testimonium illud dictum esse colligi potest ex textu Esaïæ, vel non potest. Si non potest, haud satis prudens fuit Apostolus, qui testimonium ekauit cuius nulla vis esset ad id probandum, quod eo probare instituit. Id quod de tanto Apostolo vel cogitare nefas duco. Si potest, igitur aliquid est vel in illo ipso testimonio, vel in antecedentibus aut consequentibus versibus, vnde id colligi possit. Atqui nihil est prorsus præter magnificam illam visionem: quæ si non est visio gloriæ Christi, contendendo nihil prorsus esse in toto capite vnde possit concludi, quod concludi voluit Apostolus, Iudæos non potuisse credere in Iesum.

Ref. 2.
Resp.

X X X I I. Refutata prima responsione confugit Socinus ad secundam, *Demus*, inquit, *Aduersarijs, omnino pronomina eius & eo Christum referre. Num continuò sequetur, Christum esse illum Dominum ab Esaïa in visione illa conspectum? Nullo modo.* Immo id continuò sequitur: nullius enim gloriam vidit Esaïas eo capite nisi Domini illius & Seraphim. Vidit autem gloriam Christi. Christus igitur erat ille Dominus. Nam eum fuisse Seraphim illos, aut vnum ex illis non dicent, opinor, Aduersarij. Subijcit rationis loco, *Virumque testimonium ad rem futuram respiceret & si ad rem futuram non respicerent, minimè potuisse à Iohanne proferri ad confirmandum id quod voluit.* Estlo. Addit ex eo etiam sequi gloriam istam ab Esaïa visam, futuram gloriam fuisse illi presentiam, &c. nempe specimen fuit gloriæ Christi reuelandæ, quid id facit ad infirmationem argumenti nostri?

X X X I I I. Sed *Nihil cogit*, inquit, *gloriam istam quam vidisse Esaïam Iohannes affirmat, ad illam gloriam referre, cuius visio describitur apud eundem Esaïam cap. vi.* Immo cogunt rationes multæ partim iam propositæ, partim mox proponendæ. Sed fac nihil cogere, Num ita durum est cor aduersariorum cum de redeemptore suo agitur, ut eum, cum se reuelat, agnoscere nolint, nisi cogantur? Nonne sufficit probabilis ratio, cum in contra-

rium vel nulla est, vel minus probabilis? Ego verò putabam admonitos ab Apostolo, Esaiam illa dixisse cum vidit gloriam Christi, dubitare amplius nos non debere, quin gloriam Domini intelligamus, quam Esaias vidisse se proficitur, neque ut id credamus coactione opus esse, sed potius ne id credamus, siquidem credendum non esset. Cui enim legenti, deque Christo, ut par est, accipienti verba Euangelistæ, *hæc dixit Esaias cum vidit gloriam eius*, non veniat in mentem Domini gloria, quam eo loco vidisse Esaias perhibetur, quo illa dixit? Si igitur illa gloria intelligenda non est, obstare rationes oportet graues & ut loquuntur Aduersarij, cogentes. Nihil tamen afferri potest præter hæc duo: vnum; Christum tunc nondum fuisse: alterum, cum diuina essentia prædictum non esse: quorum illud libro præcedente multis argumentis refutauimus; istud toto isto, Domino fauente, refutabimus. Argumenta autem quibus utrumque probare conantur, facile & solidè diluere libro tertio, dabit, uti spero idem misericors Dominus.

XXXIV. Nunc si nolunt Aduersarij verba Euangelistæ de gloria illa Domini intelligere, quam eo loco vidisse Esaias dicitur, ostendant nobis in eodem illo capite gloriam Christi, quam tunc Esaias viderit. Nulla enim totum caput attentè perlegenti mihi alia apparet. Eo capite, inquit Socinus, *Christi gloria prædicitur, eaque non vulgaris, sed maxima & præclarissima. Quandoquidem post mentionem factam futura cecitatis & indurationis Iudæorum in Christo non agnoscendo & amplectendo, prædicitur desolatio, & vastatio illius populi, eiusque reiectio: & v. 12. qui per parenthesis legi debet, Gentium, post Iudæorum reiectionem istam vocatio, & ad Christum conuersio, idque ingente numero, ac statim postea subiungitur eiusdem populi Iudæici in pristinum, atque adeo meliorem statum restitutio; qua nimirum per Christi agnitionem illis est obuentura.* En gloriam Christi quam Esaias scilicet vidit, Iudæorum desolationem vers. XI. Gentium vocationem vers. XII. Iudæorum restitutionem vers. XIII. Egetne refutatione tam aperta Scripturæ contortio, quæ, præterquam quod rationes modo expositas §. 28. 29. 30. 31. non declinat, tota absurda est?

XXXV. Primum ista Esaias vidisse non dicitur, sed audiuisse, & dixi, inquit, *usquequo Domine? & dixit, Donec desolentur ciuitates absque habitatore, & domus sine homine, & terra relinquetur.*

tur deserta. Hoccine est videre? igitur audire est videre, auditus est visus. At *dicuntur propheta videre quæ predicant & futura norunt.* Non certè omnia, sed quæcunque illis in visione vel per somnium videnda objecta sunt. Tota quidem prophetia visio sæpè dicitur à majori vel potiori parte; sed in visione alia prophetis ostenduntur, alia tantummodò dicuntur: Hæc cum ab ostensis & visis seorsum sumuntur, audita ab illis, dicta, prædicta dici possunt, visa nequaquam. Haud enim audita & visa magis in visione quàm extra visionem confundi debent. Non hoc igitur duntaxat affirmare Socinum decebat, sed exemplo aliquo firmare, quo, id quod in visione tantummodò auditum est, nullo modo visum, præcisè sumptum dicatur visum fuisse. Resistit igitur huic Aduersariorum interpretationi videndi verbum quantum potest, quo non est Evangelista visus temerè & præter suam, & omnium sacrorum autorum, atque hominum loquendi consuetudinem.

XXXVI. Deinde, amabo te, desolatio, vastatio, rejectio populi Iudaici est ne gloria Christi? Videre desolationem & vastationem gentis Iudaicæ, est ne videre gloriam Christi? Quid est magis oppositum gloriæ, quam desolatio, vastatio, rejectio? At ista desolatio est *gloriosa punitiō inimicorum Christi.* Primum non commemoratur tanquam punitiō, sed tanquam temporis, quo duratura erat Iudæorum induratio & incredulitas, circumstantia & declaratio. Nihil enim aliud petit prophetæ interrogatio, *usquequo Domine?* Nihil aliud exprimit Domini responsio, *donec desolentur civitates,* &c. Deinde si spectatur ut punitiō, quis autor illius punitionis ex textu Esaïæ colligi potest, nisi ille Dominus qui eam reuelabat? quod peccatum, nisi illius non agnitio, illi non habita fides? Si igitur punitiō ista gloria est, utique gloria est illius Domini qui sese ostendebat prophetæ, non autem alterius, quantum quidem ex verbis Esaïæ intelligi potest. Aut igitur non est gloria Christi, aut Christus est ille Dominus quem Esaïas vidit.

XXXVII. Quod si desolatio ista & vastatio, punitiō est contemptus Christi, ex quibus prophetæ verbis id colligitur? Annon ex eo quod, ut dicit Socinus, *post mentionem factam futura cecitatis & indurationis Iudæorum in Christum non agnoscendo & amplectendo prædicitur ista desolatio?* unde, verò colligitur in verbis

fibus

sibus antecedentibus factam esse mentionem cæcitatæ Iudæorum in Christo non agnoscendo, si Christus non est ille Dominus, qui se tanquam fidei & conuersionis obiectum videndum & agnoscendum præbebat? Quis verborum audiendi, videndi, intelligendi acculatius subaudiri debet in verbis Domini sese magnificè reuelantis, *audiendo audite, & ne intelligatis: & videndo videte, neque cognoscatis?* Profectò nullus ex Prophetæ verbis subintelligi potest, præter illum ipsam Dominum, qui sese audiendum & videndum exhibebat: neque negari potest quin is acculatius subintelligi debeat, & puniti sint Iudæi propterea quod non habuerunt fidem illi Domino qui Esaiæ apparuit. Si in verbis antecedentibus de Christo agitur tanquam de fidei & conuersionis obiecto, cur in illis potius non agnoscunt Christi gloriam, quàm in hac Iudæorum vastatione? non potest enim sic considerari, quin spectetur ut Dominus templi & populi Iudaici, qui non agnosci pertinaciter à subditis sine grandi & inexprabili scelere non potest, alioqui peccati Iudæorum grauitas non ex Christi, sed ex Dei, cuius seruus erat, dignitate æstimanda esset.

XXXVIII. Sit ergo ista vastatio & desolatio punitio Iudæorum ob fidem non habitam Christo, Num propterea dici potest Christi gloria? Num possunt Aduersarij locum proferre in quo per gloriam Dei aut Christi nihil significatum sit, nisi vastatio & desolatio hostium? Quis ferat dicentem in inferis conspectum iri gloriam Christi, & quidem maximè? illic enim maximè punientur increduli & contumaces. Quousque abutentur prolibitu Aduersarij verbis & phrasibus Scripturæ sacræ?

XXXIX. Quid quod ista Iudæorum vastatio conjuncta est cum horribili contemptu Christi, & blasphemijs execrandis, quibus eum, quantum in ipsis est, contumeliosè dilacerant, & summa ignominia afficiunt? videre gloriam Christi, est ne talem vastationem videre? Num prudentissimus Euangelista præter suum & aliorum sacrorum autorum morem sic usus fuisset phrasi *videre gloriam Christi*, quasi ænigmata potius quàm historiam scriberet, & decipere potius lectores suos quam docere studeret? Nonne enim & verba Euangelistæ, *Hec dixit Esaias cum vidit gloriam Iesu*, & Esaiæ cum dicit, se eo loco *vidisse Dominum sedentem super folio excelso*, lectoris animum præiudicijs vacuum statim occupant, nec sinunt ab illa visione gloriæ Domini diuertere ad va-

stationem Iudæorum non visam ab Esaia, sed auditam, ac contumeliis factis in Christum & contemptu eius gloriæ ubique aspectu horrendam & detestandam, ut eam pro gloria Christi, eiusque auditionem pro visione gloriæ Christi, non sine stupenda quadam exultatione, accipiat.

X L. Ad verba Evangelistæ & Prophetæ accedit natura gloriæ Christi per ipsummet Iudæis reuelatæ, quæ posita non fuit in vastatione, desolatione, reiectione, punitione, sed in rebus contrariis, lenitate, mansuetudine, patientia, charitate, misericordia, clementia, liberatione à peccatis & pœnis peccatorum, potentia in fugandis Diabolis, ægris sanandis, mortuis ad vitam reuocandis, &c. quam gloriam & Iudæi non agnouerunt, & qui agnoscunt in desolatione hominum non collocant. Certè, præter Aduersarios, nemo est qui, cum nominari audit gloriam Christi, vastationem & desolationem Iudæorum cogitet. Christus enim non venit ut iudicaret mundum, sed ut mundus seruaretur per eum, non ut perderet Iudæos, sed ut seruaret quod perierat. Itaque Iacobum & Iohannem petentes Samaritanorum, qui cum non receperant, punitionem *obinrgauit dicens, nescitis qualis spiritus vos sitis. Filius enim hominis non venit ut perderet animas hominum, sed ut seruaret*: Idemque Christus super Hierusalem fleuit futuram eius vastationem cogitans.

X L I. Adhuc, vastatio ista & desolatio Iudæorum non dicitur gloria Christi ab Aduersarijs, nisi quatenus est punictio gloriosa Christo. Non potest autem dici gloriosa Christo, nisi quia, aut à Christo inflicta est, aut propter Christum. Priore respectu considerari hoc loco nihil est quod ianuatur. Fac tamen sic considerari, gloriosa est punictio infligenti quatenus eius, aut potentie, aut iustitiæ effectum illustre est. Potentie Christi, (præsertim diuina essentia non prædici, qualem sibi fingunt Aduersarij) documentum illustre non est vastatio & desolatio Iudææ, à Romanis profecta, numero viribus periticia militari potentioribus, quique Iudæos, iam antequam veniret Christus, sibi subiecerant armis. Iustitia quoque Christi in ea reiectione & vastatione, neque celebratur vîpiam ab Apostolis, quod sciam, neque ita aperta est, quin cum reiectionem Iudæorum & vocationem gentium Apostolus attentè considerat, exclamet, *O profunditatem diuitiarum sapientiæ & cognitionis Dei! quam inscrutabilia sunt*

eius iudicia, & imperuestigabiles via eius! Non sunt autem iudicia inscrutabilia in quibus iustitia gloriose conspicua elucet. Posteriore respectu ut gloriosa Christo vastatio illa nobis appareat, primum spectanda est ut punitio, deinde inquirendum est in causam meritoriam illius punitionis, siue non agnitio Christi, quo comperto rursus considerandum est, an Christi non agnitio merita sit tantam pœnam, quia est peccatum aduersus Deum, an quia est peccatum aduersus Christum: si hoc posterius agnoscitur, inde tandem deuenitur in cognitionem gloriæ Christi, ex magnitudine peccati aliquomodo æstimandæ. Sed quis vnquam, quia vidit vnum ex quo per multas ambages & consequentias alterum quoddam deduci potest, hoc alterum vidisse dictus est, præsertim cum hoc in illo non continetur? potest videri desolatio nec tamen videri ut punitio, potest videri punitio, nec tamen videri crimen ob quod punitio irrogatur, potest crimen videri, nec tamen videri gloria eius in quod crimen commissum est. Sed vereor ne ineptus videar, qui tamdiu immoror in refutando tam inepta responsione. Vnum tantum addam videre gloriam Christi singulare Dei beneficium esse: optare ut gloria Christi sit diuturna, immò æterna, officium esse hominis Christiani. Absit tamen ut indurationem & desolationem Iudæorum, vel videre lætemur, vel esse perpetuam optemus.

XLII. Propior est Christi gloriæ vocatio gentium, Sed eam prædici in vers. 12. cumque versum per parenthesis legi debere, vnde habet Socinus? parenthesis certè conjunctio & repugnat, necnon series orationis. In verbis autem prophetæ gentium aut vocationis gentium, neque vola neque vestigium vllum apparet, aut ab interpretibus obseruatur. Nam, neque multiplicari est vocari ad communionem Christi, & *הַגִּוּלִּים* derelicta est gens Iudaica à Deo deserta, de qua sola in verbis præcedentibus & sequentibus agi manifestum est. Quanquam multa vertere malunt *vastitatem, desolationem, derelictionem, &c.* prius multiplicatio, vel secundum durationem, vel secundum numerum, vel secundum magnitudinem prædicitur. Munsterus, *Et Dominus elongabit homines, eritque multo (tempore) derelictio in medio terra.* Vatablus, *longissime autem ablegabit Dominus homines, eritque desolatio multa in terra.* Tremell. & Iun. *& procul amouente Iehoua hominem quemque, maxima sit ipsa derelictio in ista terra.* Alij in-

dem satis multi, quos breuitatis causa omitto.

XLIII. Restitutio populi Iudaici in pristinum, atque adeo meliorem statum, an prædicatur vers. 13. dubitari potest; variè enim ab interpretibus redditur & exponitur. Si prædicatur, id fit ita obscurè, ut qualis futura, & quam ~~magis~~ habitura sit ad Christum ex verbis prophetæ colligi nequeat. *At per agnitionem Christi Iudæis obuentura est.* Id in eo versu non dicitur, neque excuspi potest ex verbis prophetæ, si Dominus qui ei apparuit Christus non est. Deinde, num prædicere restitutionem Iudæorum per Christi agnitionem illis obuenturam, est videre gloriam Christi? Vno verbo cum locutio ista, *gloria Christi*, cum phrasibus, *videre gloriam Christi*, in Scriptura occurrit, nunquam accipi debet de vastatione aut restitutione populi Iudaici. Itaque nouam & inusitatam isti phrasi in Scriptura satis frequenti, significationem pro libitu affingunt Aduersarij: quod fideles & religiosos interpretes minimè decet.

XLIV. Adde quod nullo modo intelligi posset, quorsum testimonijs Esaiæ subjunxisset Euangelista, *Hæc Esaias dixisse cum vidit gloriam Christi*, aut quid ista observatio faceret ad propositum. Nam neque valet ad locum designandum vnde petiturum est testimonium, neque ad firmandum argumentum Apostoli. In istis enim versibus aliquid prædici quod ad gloriam Christi pertinet, non aliunde colligunt Aduersarij, quam ex versibus antecedentibus, in quibus *prædici cecitatem & duritiam cordis Iudæorum in fide Christo adhibenda constat ex Apostolo.* Denique desolati sunt Iudæi propter non agnitam gloriam Christi, & restituentur per agnitionem gloriæ Christi. Itaque aliud est Christi gloria, aliud illa vel desolatio vel restitutio. Itaque veniamus ad tertiam Responsum.

Ref. XLV. *Deus præterea Aduersarijs*, inquit Socinus, *Iohannem locutum fuisse de gloria in visione illa Esaiæ conspecta. Non tamen ex hoc concludere poterunt, Christum esse illum Dominum seu Iehouam, quem Esaias tunc se vidisse ait.* Quam igitur propositionem argumenti nostri negat? Num maiorem, ille cuius gloriam Esaias vidit initio cap. vi. est ille Dominus seu Iehoua quem vidit? alium igitur nobis in visione illa magnifica ostendat, cuius gloriam Esaias viderit. Nullum certè alium animaduerto. Num minorem, Atqui Christus est ille cuius gloriam Esaias vidit ini-

no cap. VI. Eam hac responsione aperte concedit. Quid igitur superest, nisi ut admitat conclusionem?

XLVI. Subjicit tamen aliquid quod ad infirmationem majoris spectare videtur, *præsertim*, addit, *tum aliud sit videre gloriam alicuius, aliud verò aliquem videre, & Iohannes dicat Esaiam non quidem ipsum Christum vidisse, sed gloriam eius.* Id verò non fuit sine aliquo exemplo affirmandum. Nullus enim occurrit locus in quo dicatur videri gloria eius qui non videtur. Est enim gloria vel res, vel rei opinio, vel deprædicatio. Opinio & deprædicatio hoc loco intelligi non possunt. Res autem, quid est, nisi pondus, magnitudo, splendor pulchritudinis aut virtutis alicuius, qui si nullomodo est aut videtur, qui videtur eius magnitudo aut splendor? Erit gloria absque glorioso, hoc est, accidens absque subiecto.

XLVII. Addit rursus, *Iam in illa Dei vnus gloria, quam Esaias vidit, Christi quoque gloria continetur, propter quam causam tunc Christi gloriam vidisse à Iohanne dicitur: non autem propterea quod Christus sit ille Deus.* Atqui primum ea causa nulla est. Quis enim credat Apostolum inductum esse ut hoc diceret, mero sophismate vel paralogismo, Esaias vidit gloriam Dei. Christi gloria continetur in gloria Dei. Ergo Esaias vidit gloriam Christi. Vel, Qui videt continens videt id quod continetur. Gloria Dei continet gloriam Christi. Ergo qui videt gloriam Dei videt gloriam Christi. Prior syllogismus constat ex quatuor terminis, posterioris maior falsa est. Num sit verissimile sic ratiocinatum fuisse Apostolum, ac quia Esaias vidit gloriam Dei, & in gloria Dei continetur gloria Christi, collegisse Esaiam vidisse gloriam Christi?

XLVIII. Deinde ut se habet gloria Christi ad gloriam illius Domini, sic se habet Christus ad illum Dominum. Si igitur gloria Christi continebatur in gloria illius Domini, Christus continebatur in illo Domino, cur igitur non vult Socinus Christum quia continebatur in Domino illo quem vidit Esaias, pariter visum ab Esaiâ fuisse?

XLIX. Tum in Domini illius gloria ita continebatur Christi gloria, ut, aut Domini illius gloria sola Esaiâ appareret, lateret gloria Christi; aut lateret Domini illius gloria, sola Christi conspicua esset; aut appareret simul utraque. Si primum, solam

Domini illius gloriam Esaïas vidit, non vidit gloriam Christi: quod contra Apostolum dicitur. Si secundum, non vidit Domini illius gloriam, sed solam Christi: quod cum visione non congruit. Si tertium, utraque illa gloria in visione apparet distincte, id quod experientiae repugnat. Non potest enim in magnifica illa visione distingui gloria Christi à gloria illius Domini quem Esaïas videbat; ac quàm vane est qui apparet, tam gloria quae apparet, unus videtur esse. Certè nihil vidisse Esaïas memoratur præter Dominum sedentem, solium super quo Dominus sedebat, simbras Domini, Seraphim, templum, altare, fumum, prunas, forcipes. Ostendant nobis in harum rerum una vel pluribus contentam illam gloriam Christi, quam ab Esaïa conspectam fuisse testis est Iohannes.

L. Audiuit etiam (at non vidit: nam vox non videtur) clamantes Seraphim, *Sanctus, Sanctus, Sanctus Dominus exercituum, plena est omnis terra gloria eius*. Num in hoc clamore contineri volunt gloriam Christi, quam vidisse prophetam confitentur? Certè in extrema illius parte eam collocare videtur Socinus, cum eam dicit, *in verbis in visione ipsa ab Esaïa auditis aperte commemorari*. Dicitur enim, inquit, *in illis, plenam esse omnem terram Iehova seu unius illius Dei gloria. Hoc enim tunc evenisse factum est, quando Christus primum Israël populo apparuit, & deinde prædicatus est gentibus per univrsam orbem*. At non proficitur Esaïas se vidisse omnem terram plenam gloria Domini, sed id Seraphim clamasse, quæ duo quantum differant nemo non videt. Deinde Deus Pater non apparuit Israël populo, neque prædicatus est gentibus, nisi quia Filius apparuit, Filius prædicatus est, nec gloria eius replevit omnem terram, nisi quia gloria Filij in omnem terram pervenit. Itaque potius continetur gloria Patris in gloria Filij, quàm contrà, & potius videtur gloria Patris quia videtur gloria Filij, quàm contrà.

L. I. Porro hinc sequitur, Esaïam vidisse gloriam Dei revelandam per Christum. Id quod etiam Socinus discretè affirmat. *Intelligendum enim est, inquit, Esaïæ, in visione illa, non præsensum quidem Dei gloriam, sed futuram representatam fuisse*. Inde sequitur, Deum non apparuisse Esaïæ, nisi, quia apparuit eam Christus, Esaïam non conspexisse gloriam Dei, nisi quia conspexit gloriam Christi. Non enim futurum erat, ut Deus aliter

videretur quàm videndo Christo, aut gloria eius aliter videretur *Ioh. 14:*
quàm videndo gloriam Christi. *Philippe*, inquit ipse Christus, *9.*
qui vidit me vidit Patrem, & quomodo tu dicis ostende nobis Patrem?
Itaque fatetur Socinus, non modò, cognito Christo, cognosci Patrem,
sed non nisi per Christi cognitionem ad Patris cognitionem perveniri.
Resp. ad Arg. 5. class. 3: Vv xxi.

L I I. Adde quod aliud est nosse omnem terram plenam esse
gloria Dei, aliud gloriam illam Dei qua plena est omnis terra vi-
dere. Aliud est prædicere omnem terram fore plenam gloria
Christi, aliud prædicere quæ & qualis gloria futura sit. Prius
in Prophetam cadit, non posterius. Quid quod non sit mentio
illius gloriæ, nisi quatenus est gloria Domini, hoc est, Iehouæ.
Si igitur Christus non est Dominus Iehoua, non sit mentio glo-
riæ Christi. Si contingit gloriam illam, aut eandem Christi glo-
riam esse, aut eam continere, id, si Christus non est Dominus
quem Esaias vidit, non est de visione Esaiæ: Non enim eam glo-
riam Esaias vidit sub eo respectu. Vidit eam ut est gloria Dei,
non autem ut est gloria Christi. Id autem non est gloriam Chri-
sti videre, & de eo loqui.

L I I I. Hic libenter quærerem, quæ sit Christi gloria, quam
contineri in Domini gloria reuelata & posita ob oculos Esaiæ vo-
lunt Aduersarij? Estne potentia, authoritas, maiestas, pulchri-
tudo, dignitas, etiam religiosè, atque in templo, colenda? Ad-
talem gloriam reuelandam nihil potuit esse visione illa Domini
super solio excelsò in ipso templo sedentis accommodatus. Sed
neque illa videri potuit non viso Christo, neque repræsentari non
repræsentato Christo. Itaque Christus aut fuit ille Dominus
qui Esaiæ se videndum præbuit, aut, quod maius est, per eum
fuit repræsentatus. Estne mirabilis illa sanctitas, qua Christus
& in se sanctus est & nos sanctificat? Ea non est Esaiæ represen-
tata, nisi clamore Seraphim, *Sanctus, Sanctus, Sanctus Dominus*
exercituum, in quo de nullius, nisi Domini seu Iehouæ exerci-
tuum, sanctitate agitur. Ostendant nobis Aduersarii, quomodo
in Iehouæ gloria ita contineretur gloria Christi, ut illa visa hæc
visa fuerit, viso verò Iehoua non sit visus Christus, quàm enim
nullus visus est præter illum Dominum & Seraphim, tam nullius
gloria, præter gloriâ Domini illius & Seraphim visa nobis videtur.

L I V. Quæro etiam quomodo gloria Christi in gloria Iehouæ

continebatur? Non continebatur, opinor, tanquam in loco vel vase, aut tempore, aut subiecto inhaesionis, aut genere, aut specie vel indiuiduo, aut parte, aut toto, aut materia, aut effecto, continebaturne igitur tanquam in causa efficiente, aut finali? Eodem modo tam ipse Christus continebatur in Deo, quam eius gloria in Dei gloria, cur igitur pariter visus non creditur ad Aduersariis, ac ipsius gloria? Deinde, quid est quod priusquam fieret, non sic fuerit in Deo, Deiue gloria? Et, an visa causa dici potest id videri, quod ex ea liberè post annos multos proficiscetur? Fortè contineri dicitur ob similitudinem, quia gloria Dei ostensa Eſaia simillima erat gloriae Christi, sed ita etiam Deus visus ab Eſaia simillimus fuisse Christo. Non minus igitur ipse Christus visus fuisset quam ipsius gloria, quod tamen Socinus & Volkelius negant. Deinde, ut propter similitudinem simile dicatur in simili contineri, alienum est ab usu loquendi. Tum si gloria Domini illius ita similis fuit gloriae Christi, ut illa visa hæc conspecta dicatur, necesse fuit ut illa hanc repræsentaret. Nam alioqui absolute & citra comparisonem non potuisset Eſaia dici gloriam Christi vidisse, propterea quod similem gloriam vidit. Iam si constituta ob oculos prophetæ species gloriae Domini repræsentauit gloriam Christi, quid est cur obiecta Domini species non repræsentauerit similiter Christum? Certè si nulla species, nulla imago gloriae Christi posita fuit ob oculos Prophetæ, intelligi non potest, quomodo dicatur ab Apostolo vidisse gloriam Christi. Nulla autem illi ob oculos constituta species legitur, nisi Domini gloriosi. Ea igitur aut repræsentauit Christum, aut quomodo verè & absolute dictus sit ab Apostolo vidisse gloriam Christi intelligi non potest. Itaque posita opinione Aduersariorum magis ad decipiendos lectores, quam ad propositum Apostoli confirmandum valeret observatio, *Hæc dixit Eſaia cum vidit gloriam eius.* Quis enim existimans, & pronomen *eius* ad Christum, & verbum *vidit* ad illustrem illam visionem Eſaia referri, nihilque in ea visionem animaduertens præter gloriosum repræsentamen Domini exercituum, non inducatur ut putet, eundem esse Dominum illum & Christum, præsertim si sit, & præiudicio vacuus, & Christi, ut decet, adorator?

L V Hactenus auctoritate pugnauimus Apostolici testimonii, Nunc, ea seposita, quid ex visione illa Eſaia colligi possit videamus.

deamus. Principiò notanda est temporis circumstantia. In *Anno*, inquit, *quo mortuus est rex Ozias vidi Dominum sedentem super solium excelsum & eleuatum*, &c. Extincto rege Iudæ umbratili verus Rex apparuit, innuens scitum demum proditurum maiestatem suam regiam, cum fuerint de medio reges Iudæ sublaci. Itaque & Ozias, & is qui eo sublato sese ostendit Rex appellatur. Sed cur non potius anno quo mortuus est Iotham hæc tam magnifica visio objecta est prophetæ, quam anno quo mortuus est Ozias? Aut cur non est potius alicui prophetæ indulta anno quo vel Ezechias, vel Iosias mortem obiit? Equidem cur selectus sit Ozias nulla mihi ratio succurrit præter istam quam lectori diiudicandam propono. Fuerunt Reges Iudæ typi Christi veri regis Iudæorum, præsertim illi, qui aliquid non commune nec vulgare habuerunt. In eo numero censendus videtur Rex Ozias pius, bellicosus, turrium & propugnaculorum extructor, puteorum effossor, pecora multa habens in deserto, in montibus, in locis planis, necnon agricolas & vitatores, & exercitum numerosissimum, cui vniuerso arma omnis generis parauit clypeos, hastas, galeas, loricas, arcus, fundas, etiam tormenta & machinas bellicas ad eiandandum sagittas & lapides magnos, quibus rebus nomen sibi maximum comparauit, etiam apud alias gentes: quorum omnium qui non videt spiritualem veritatem in rege Christo reperiri nemo est, opinor, verè Christianus.

LVI. Sed nisi longius progrediamur, nondum videmur assecuti mentem Spiritus Sancti. Solus rex Ozias coniungere sacerdotium voluit cum regio munere, ausus adolere incensum super altare thymiamatis. Quod fecit Ozias malè, id Christus fecit optimè: vtrunq; enim munus regium & sacerdotale in se suscepit vocatione legitima, sed Iudæis ignota. Restitit Ozias summus Sacerdos cū reliquis Sacerdotibus, benè: restitit Christo summus sacerdos cum reliquis sacerdotibus, pessimè. Non potuit à malo illo proposito dimoueri Ozias, Nec à bono illo proposito Christus. Percussus est Ozias lepra, plaga immunditiem legalem secum trahente, Percussus est Christus ea plaga, quam vt immundam horrebant Iudæi cruci suffixus, ac, si vulgatam versionem audis, *nos putamus eum quasi leprosum, & percussum à Deo*. Ozias pro immundo à Sacerdotibus & populo habitus excommunicatus est, & eiectus è Templo, & domo regia, & aliorum Iudæorum consortio. Christus

itidem pro immundo à Sacerdotibus & populo habitus excommu-
nicatus est, ac extra vrbs eiectus à reliquorū Iudæorum cōmercio
separatus. Ita Rex Ozias desinit dominari Iudæis, ac cum eis vllum
amplius habere cōmercium: Similiter Rex Iudæorum Christus in
Iudæos regnare desinit nullum amplius cum eis habens cōmercium.
Interim tamē retinuit Ozias ius regni, quāuis illud non exerceret.
Christus quoq; retinet ius regni, quāuis eo in Iudæos non vtatur.
Hæc omnia manifestum est competere in Christum seruata pro-
portione inter vmbra & corpus, ac dempto peccato, quod vmb-
ra est proprium. Sublata igitur vmbra viua imago veritatis se-
se ostendit Eſaiæ. Apparuit enim illi vt Rex super folio excelsō,
ne non vt summus Sacerdos intra templum, quod sufficit fumo
impleuit: sed augustiore quā caperet templum maiestate, ita
enim simbriz vestis eius amplæ erant, vt eas continere templum
vix posset. Addidit congruens typo vaticinium, fore vt suam
illam regiam & Sacerdotalem dignitatem ad contemplandum &
credendum expositam Iudæi præ nimia cæcitate & duritie, ne-
que oculis videant, neque corde intelligant, neque ad ipsum
conuertantur vt fiant participes sanationis, quam vt rex & Sa-
cerdos ex altari suo emittit, ac ministerio Seraphim applicat: quo
fiet vt reiectus ab illis ipse eos reiciat à se ac deserat, & procul
submoueat, & in manus hostium tradat, nihilque cum illis com-
mercij per multa secula habeat. Sic omnia congruunt inter se, vi-
ſio, vaticinium, notata typi circumſtantia, quæ poſita interpreta-
tione Aduerſariorum quam *non* inter se habeant non intelligo.

LVI. *Vidi*, inquit Eſaias, *Dominum ſedentem*, &c. Is qui
apparuit Eſaiæ, vel fuit perſona Patris ſeparatim à Filio, vel Fi-
lius, vel Angelus creatus. Hoc vltimum dici non poteſt. Nam
nec nomina Domini, Regis, *יהוה צבאות* cadunt in Angelum, nec
tanta maiestas, præſertim in Dei templo. Soli Patri & Filio ere-
ctus eſt in templo Dei thronus excelsus, & quidem non alius Pa-
tri, alius Filio, ſed idem vtrique. Neceſſe eſt igitur vt qui Eſaiæ ap-
paruit, Pater aut Filius fuerit. Non fuit autem Pater, intellige
immediatè, & Filio excluſo. Id quod probo, 1. Qui hoc loco Eſaiæ
apparuit eſt ille idem, qui olim patriarchis & Iſraelitis apparuit,
vocaturque *אלהים אברהם*, *אלהים יצחק*, *אלהים יעקב*. Deus Abrahami, Iſaaci & Iacobi.

Gen 31.

11. 13.

& 32.

Hic autem non fuit Pater ſeparatus à Filio. vocatur enim *etiam*
Angelus, quod nomen tribuitur quidem Filio aliquando, Patri ye-

tō numquam. Hic enim nullo modo, neque naturæ, neque mu-
 neris respectu angelus dici potest. 11. Si Pater immediatē sese re-
 uelauit & videndum exhibuit Patriarchis & Prophetis, quomodo
 verum est, quod dicitur Ioh. 1. 18. *Deum nemo vidit unquam*:
unigenitus Filius qui est in sinu Patris ipse enarrauit? Quominus
 enim hoc ad præsens vel futurum restringatur, obstat aduerbium
unquam. Et Math. 11. 27. *Nemo nouit Patrem nisi Filius, & cui*
voluerit filius reuelare. & Ioh. 14. 16. *Ego sum via veritas & vita*
nemo uenit ad Patrem nisi per me? 111. Cur etiam Philippi peten-
 tis Patrem sibi immediatē ostendi, petitionem Dominus vt absur-
 dam reiecit Ioh. 14. 9. si Pater separatim à Filio & ostendi potuit,
 & ostensus est olun prophetis? Cur enim Apostolis, qui fuerunt
 prophetis maiores, vtrumque illud concedi non potuit, vt, &
 Patrem viderent mediātē in Filio tunc tēporis multiplici infirmitate
 & ignominia circumdato, & eundē etiam viderent extra Filium
 immediatē sūma maiestate adorandum, siquidē hoc posterius Esaię
 inductū est? 14. Cur etiam Dominus eam rationē subiecit, quamo-
 brē absurda videri debeat petitio Philippi, quæ pariter, nec videri
 posse filiū quin videatur Pater innuit, nec Patrē quin videatur Fi-
 lius? *Non credis*, inquit, *me in Patre & Patrem in me esse*? Itaque al-
 terum seorsum ab altero videri non posse. v. Euangelium antepo-
 nitur legi Heb. 2. 1. quod hæc per Angelos, illud per Filium an-
 gelis præstantiorem promulgari cœpit. Ratio sine dubio optima,
 sed quæ ad vocationem Esaiæ & Apostolorum accommodata illum
 his præstare doceret, siquidem Ille patrem immediatē vidisset; Hi
 Patrem non vidissent nisi mediātē: Ille à Patre missus esset imme-
 diatē, Hi tantū mediātē: Ille Patrem audiuiisset loquentem im-
 mediātē, Hi tantum loquentē mediātē. Quis tamen nescit Aposto-
 los singulos non Esaiā solū, sed etiam ipso Mose præstantiores
 fuisse? Nam, si inter natos mulierum nemo surrexerat maior Ioh.
 Baptista, & tamen minor in regno cœlorum maior illo erat, quis
 propheta non concedat Apostolis sedentibus super duodecim
 thronis & iudicantibus duodecim tribus Israelis?

LVIII. Huc accedit quod, cum Pater in Scriptura partes
 Dei perpetuò agat, censetur omni tempore sedere in cœlis in
 throno maiestatis gloriosus, indeq; omnia gubernare. Itaque mit-
 tit semper, nunquam mittitur; Et si quid facit id emissio verbo
 & spiritu facere creditur. Quare qui in terra apparet, is ab eo

missus, cuiusque legatus dici potest; eo magis quod constat ipsam Patris personam immediate non venire cum agitur de negotijs summi momenti. Certè non venit immediate cum redimendum fuit genus humanum à peccato, à Diabolo, à morte, à lege, nec venit immediate cum erunt suscitanda corpora, & vniuersus mundus iudicandus vltimò. Si igitur cum de rebus tantis, de negotijs tam diuinis agitur, Pater tamen non venit, non apparet immediate, quanto minus existimandum est, eum immediate venisse & apparuisse Esaiz isto loco, vt id faceret per sese, quod neque tanti momenti erat; & per legatum fieri optime potuit?

L I X. Adde quod, vt varicinium in quod hæc visio desinit, ad tempus prædicationis Christi & Apostolorum pertinet, testibus hoc nostro Euangelista, & ipso euentu; sic ista reuelatio gloriæ Dei ad idem tempus referenda est. Id quod & Socinus agnoscit, & ipsa visio clamat: quæ cum talis, tam clara, tam gloriosa semel tantum, certo tempore, nec antè, nec post, vel ipsi Esaiz, vel alij prophetæ indulta sit, cum reuelatione maximæ & longissimæ populi Iudaici indurationis & vastationis, sine dubio specimen est reuelationis illius diuinæ omnium illustrissimæ ac clarissimæ, quam sequuta est Iudzorum maxima maximeque diuturna & contumacia, & desolatio. Talis autem est ea, quæ in consummatione seculorum facta est, Dei in carne patefactio quo tempore, vt iam obseruauimus, Pater non apparuit, nisi quia Filius apparuit, non est conspectus, nisi quia Filius est conspectus, non est reiectus à Iudæis, nisi quia Filius est reiectus. Non igitur in hac visione sese Pater immediate conspiciendum dedit, sed in Filio, quo videndo, & non aliter, videri debuit & potuit Pater.

L X. Sed ipsam visionem expendamus. In ea consideranda sunt eius qui apparuit Nomina, Munera, Beneficia, ministri. Vocatur primò יהוה יְהוָה *Dominus*: quod nomen Christi proprium esse docet Apostolus 1. Cor. 8. 6. & 12. 5. & Eph. 4. 5. Deinde *Rex*: quod etiam nomen Christo conuenire מלך *rex*, ac tanquam proprium, & quidem tum cum Dei gloria omnium magnificentissimè reuelatur, & Scriptura docet multis locis, & ipse Christus testatur Math. 25. 34. Tandem *Isabon Sabaoth, Dominus exercituum*: quod nomen ei quoque Regi conuenire, qui est יהוה צבאות *יהוה צבאות*, & יהוה צבאות *יהוה צבאות*, & יהוה צבאות *יהוה צבאות*.

res Dei & nostros hostes vicit, alio loco opportuniore Deo dante probabimus. Nunc satis sit monuisse, qui id neget, huic refutanda esse argumenta illa omnia, quibus cum Esaiz apparuisse probamus.

LXI. Nominibus subiungo Muera. Apparet enim Esaiz hic Dominus, vt Rex & summus Sacerdos simul. De regio munere res clara est : nam & Rex appellatur & sedet in throno sublimi. Sacerdotium colligitur 1. ex eo quod intra templum apparet. Est enim, non regis, populi Dei qua rex est, sed Sacerdotis ingredi in templum, hoc est, in loca sancta & sanctissima. 2. ex fimbrijs eius, quæ dicuntur repleuisse templum. Est enim allusio, non tam ad fimbrias vestis regis, de quibus in Scriptura nulla mentio, quam ad fimbrias vestis summi Sacerdotis, quæ describuntur accuratè Exod. 28. 33. & 39. 23. & erant admodum amplæ : habebant enim in ambitu multa aurea tintinabula malis punicis pretiosissimis ordine dispositis interjecta, cuius umbræ corpus est in Christo, quem certum est, vt regem & summum Sacerdotem, sedere in domo Dei, hoc est, in sua sublimem, camque totam implere aureis tintinabulis & malis punicis, id est, pretiosissimis Sacerdotij sui nuntijs & fructibus. Idem enim ipse qui descenderat, *ascendit supra omnes celos vt impleret omnia*, & est *omnia in omnibus*. Si igitur negari nequit, quin Rex Christus ita sedeat in throno excelsio valdè, vt fimbriæ eius impleant templum, nonne id argumento esse debet, Christum esse illum ipsum regem, quem Esaiz sic sedentem vidit?

Eph. 4.
10.
Col. 3.
11.

LXII. Tertiò id etiam colligitur ex altari super quo erant prunæ, & fumo quo templum replebatur : fumo, inquam, sacrificij, & suffimenti, huius præcipue. Nam victimæ, quæ in Atrio sub dio offerebatur, fumus in columnæ morem sursum ferebatur : suffimenti verò fumus, cum exitum non haberet, per loca sancta & loca sanctissima peruagabatur, eaque odore complebat : Hæc enim præsentiam arguebant Sacerdotis in templo sacra peragentis : neque ei locus fuisset in templo, fumo & fimbrijs Domini pleno : & contra prunæ ex altari sumptæ tollens à Propheta præputium laborum & iniquitatem, diuersum à Leuitico altare arguit : nihil enim tale de prunis altaris legitur in lege. Ergo Sacerdotis Christi, qui cum sit Rex, etiam in templo, religiosè adorandus.

post peractum sacrificium sedens in excelssimo folio thymianum intercessionis offert, & coelesti sanctuario ministrat teste Apostolo Heb. 8. 1. 2. & Rom. 8. 33. Sic enim post oblatum sacrificium decuit eum Sacerdotem ministrare qui Rex est, iuxta illud Zach. 6. 13. *sedebit, & dominabitur super folio suo, & eris Sacerdos super folio suo.* Itaque respondentes viginti quatuor Sacerdotum leuiticorum ordinibus seniores viginti quatuor, quosex omnibus, & lingua, & populo, & natione agnus fecit reges & sacerdotes, coram Dei throno coronati & sedentes in solijs inducuntur Apoc. 4. ac tenentes phialas aureas plenas sufficuum Ap. 5. 8.

Apoc.
5. 10.

LXIII. Muneribus addo Beneficia, & sic argumentor. Is ad quem qui aspicit & conuertitur sanatur, est ille quem Esaias vidit. Christus est is ad quem qui aspicit & conuertitur sanatur. Ergo Christus est ille quem Esaias vidit. Maior probatur 2. argumentis. Primum ducitur à verbis eius quem vidit Esaias, *Ne videant oculis, & intelligant corde, & conuertantur, & sanet eos:* significat enim se paratum sanare quotquot videntes oculis, & corde intelligentes, ad ipsum conuertentur. Aterum à specimine illius sanationis edito in Esaiâ, qui simul ac vidit Dominum, & confessus est immundiciem suam sanatus est vi oblatis sacrificij, adhibito instrumento idoneo, per vnum è Seraphim applicata.

Iohi 1.
14

LXIV. Beneficijs addo ministros, quorum opera deferuntur, annuntiantur, & applicantur. Quandoquidem enim Dominus sese ostendit paratum ad sanandum eos, qui ad ipsum aspiciunt & conuertuntur, isque ad vini illam inexhaustam sanandi, quæ ab eo eiusque sacrificio & intercessione copiosa manat, hominibus monstrandam, ferendam, applicandam, ministris /us est quos secum, & populo Iudaico videndos & audiendos exhibuit, & populus ille præ cæcitate & duricia cordis reiecit, consentaneum rationi fuit, ut vna cum ipso Domino illi eius ministri Esaiæ apparerent. Vnde sic argumentor. Si Seraphim supernè Domino astantes comparati sunt ad repræsentandum Christi ministros, beneficium sanationis à peccato & morte, quod ab eius regio Sacerdotio proficiscitur, deferentes, reuelantes, applicantes, Dominus ille est Christus. Prius autem verum est. Ergo & posterius. Negabitur antecedens. Id autem multis argumentis ex hac ipsa visione petitis probari potest, nullo refelli.

LXV. Primum ducitur à nomine *Seraphim*, quod, si originem

Species, comburentes: si vsum Scripturæ, præsteres, seu serpentes vrentes significat: quales illi fuerunt, quos Deus misit in populum ob viæ tædium & mannæ fastidium murmurantem, morlu, velut admoto igne, homines comburentes & destruentes. Horum moribus vt mederetur Moses iussu Dei fecit *Saraph, præsterem*, eumque perticæ imposuit, vt quicumque à præstere morsus fuisset in illum aspiciens sanaretur. Hic Saraph salutaris Seraphim illis perniciosus & lethiferis figura similis, natura diuersus, effectu contrarius, typus fuit Christi: quem, vt *Moses serpentem extulit in deserto, ita extolli oportuit, vt quisquis credit in eum non pereat, sed habeat vitam æternam.* Ioh. 3: 14: Constat autem hos Seraphim, qui supernè Domino adstabant, perniciosos non fuisse, sed potius salutiferos. Constat etiam eos ipsum Christum non fuisse, Nam & plures erant, & faciem suam ac pedes tegebant, & Dominum non seipsos prædicabant, & prophetam non virtute insita, sed rebus à se diuersis sanabant, &c. Necesse est igitur, vt Domini illius, qui apparebat sedens in excelsso throno, *διακονες & ὑπόκονοι* fuerint, gratiam sanationis & salutis, quæ penes ipsum est, deferrentes, offerrentes, conferrentes ministerio, volatu, voce, mediis conuenientibus. Quoniam igitur comparati sunt ad medendum moribus præsterum seu serpentium vrentium spiritualiter intellectuum, idcirco videntur appellati Seraphim, hoc est, præsteres, allusione ad Saraph illum quem Moses in deserto erexit. Vt enim Christus in crucem primum, deinde in cælum sublatu omnibus locis & temporibus videri posset fidei oculis, ministris volantibus opus fuit, qui ad eius imaginem transformati, Salutem eius deportarent, ostenderent, & applicarent. Alioqui cur sic appellarentur causam non video: nam, qui huius appellationis rationem ab ignis vel motu, vel calore, vel luce petunt, illi, nec Scripturâ nituntur, quæ ea voce constanter præsteres aut noxios, aut his oppositos intelligit: Nec vi vocis, quæ nihil potest significare nisi *ὑμψήσας*, hoc est, incendentes vel comburentes, à verbo *שרף* quod vrere, comburere, incēdere significat, nihil præterea, & dicitur rarò de igne, frequenter de homine adhibito igne aliquid comburente ac destruyente: nec ab eo vox vlla nascitur, quæ splendorem vel illuminationem vel igneum colorem significet. Itaque animalia quæ vidit Ezechiel, *quorum aspectus erat quasi carbonum ignis ardentium, & quasi aspectus lampadum* non

Ezechj
1. 13.

vocantur Seraphim, sed Cherubim.

L X V I. Alterum ducitur à clamore horum Seraphim : clamabat enim *כִּי לֹא מִי* *iste ad ipsum*, hoc est, vnusquisq; ad proximum & quidem in templo. Cur clamabat, nisi vt longe lateque audiretur? cur in templo, nisi vt à tota Ecclesia exaudiretur? Quid autem clamat? duo. Primum prædicat ac reuelat summam illam Domini potentissimi sanctitatem, qua in se sanctus est, & qua autor est sanctificationis nostræ, *Sanctus, Sanctus, Sanctus Dominus exercituum*, vt intelligamus non ipsos, sed Dominum esse eum qui nos sanctificat, nostram sanationem, quæ in sanctificatione sita est, in Domino solo querendam, ab eo solo petendam sperandamque. Deinde addit, *plena est omnis terra gloria eius*, inuens locorum in terra & gentium sublatum discrimen, atque adeo abrogatum fœdus legale. Quinam autem ista Duo, & in Ecclesia, & ad obuium quemque clamauerint, est ne obscurum?

L X V I I. Huius clamoris duo cōmemorantur effecta. Vnum, quod superliminaria & postes templi, tot seculis vno in loco immobiliter fixi, moti sunt loco, atque ita ingressus in loca sancta & sanctissima apertus. Alterum, quod domus repleta est fumo, nempe commotione illa postium ac liminum, atque adeo totius aëris, & fumus victimæ, qui in Atrio ex altari ascendebat, & fumus suffusus, qui in interiore domo offerebatur, ad latera quoquouersum sparsi sunt, omniaque templi loca suo odore compleuerunt. Quinam rursus prædicatione sua duo illa præstiterint satis notum est.


L X V I I I. Tercium ex eo petitur quod simul ac Esaias Dominum agnouit, & suam immundiciem confessus est, *volauit ad eum vnus ex Seraphim habens in manu prunam, quam ab altari forcipibus sumpserat, admonitque ori eius dicens, attingis hoc labium tuum, iam amouetur iniquitas tua, & peccatum tuum expiatur*. Cuius autem quæso munus est, agnoscendi Dominum, & peccata sua confitenti sacrificii Christi uini applicare mediis ad eam rem aptis & destinatis, ac remissionem peccatorum verbis annunciare? Reliqua arg. ab apparitione, loco, vsu altarum, collatione cum animalibus Ap. 4. & 5. studio breuitatis prætereo: nec addo, nisi Dominum cum suis ministris visum & auditum oculis & auribus corporis, nec tamen agnitum & intellectum corde à populo Iudaico eam ob causam reiecto ac dissipato, præter Christum, nullum me nosse.



DISPUTATIO

SECUNDA

De Arg. II. Ex Esaia Cap. VII. v. 14. *Ecce virgo concipiet, & pariet filium, & vocabitur nomen eius Emmanuel, laudato Matth. I. 23.*

I.  P V D eundem Esaia cap. VII. vers. 14. habetur vaticinium, *Ecce virgo concipiet, & pariet filium, & vocabis nomen eius Emmanuel*, quod Matthæus laudat his verbis, *Hoc autem totum factum est, ut impleretur quod dictum est à domino per prophetam dicentem, Ecce virgo in utero habebis, & pariet filium, & vocabis nomen eius Emmanuel, quod est, si quis interpretetur, μεθ' ημῶν ὁ θεὸς nobiscum Deus*: Hinc sic argumentor.

Emmanuel est Deus præditus essentia diuina. Christus est Emmanuel. Ergo Christus est Deus præditus essentia diuina. Minor, cum habeat autorem Apostolum, negari nequit, Major sic probatur, Deus nobiscum, ὁ θεὸς μεθ' ημῶν, est præditus essentia diuina Emmanuel est Deus nobiscum, ὁ θεὸς μεθ' ημῶν. Ergo Emmanuel est præditus essentia diuina. Minor est Apostoli. Major est certa: adiectio enim μεθ' ημῶν nobiscum, non mutat significationem huius nominis ὁ θεός, Deus. Id autem nomen ipsi Aduersarij fatentur Deum significare præditum essentia diuina.

II. Ad hoc argumentum nihil legi à Socino responsum. At Crellius duo obijcit, vnum respondet. Obijcit I. *sic damnari eos omnes, qui id nomen olim hodieque, vel alijs imposuerunt, vel usurparunt ipsi*. Non desunt è nostris qui eos damnent. Ego, quia in impositione & usurpatione illius nominis gratum sonum seu pronuntiationem cogitasse tantum arbitror, non significationem, exefatos cupio, alioqui grauius culpandos.

lib. I.
de vera
relig.
cap. II.
& com.
in
Math.
I. 23.

III. Obijcit II. *Christum, cui id nomen Deus per Esaiam destinavit, eius Propheta aetate suam habuisse imaginem, cui eadem appellatio, istius temporis ratione habita competeret, imperfecta quidem significatione, sed tamen vera.* Resp. I. vllum ætate Prophetæ natum fuisse hoc insignitum nomine nullo sacrarum literarum testimonio doceri posse. II. Vt fuerit aliquis, in eum tamen nullo modo significationem illius nominis, ne imperfectam quidem, competuisse: nullus enim post editum à Propheta istud vaticinium eo vivente natus est, aut qui Deus fuerit, aut per quem Deus cum populo Iudaico fuerit, illiue opem tulerit. III. Fac tamen aliquem eiusmodi fuisse, cui, & nomen illud, & eius significatio conveniret aliquomodo, id de argumenti nostri robore nihil detrahit. Fuit enim ille Emmanuel typicè tantum: Christus est verè. Typus autem non est prædictus illius rei essentia cuius est typus. Itaq; potuit mera creatura typicè Deus dici, verè non item.

I V. Respondet hoc vnum, verbis *nobiscum Deus*, addendum esse est; *integram enim enunciationem in vnum nomen coaluisse.* Itaque sic appellari Christum, non quod sic ille Deus qui nobiscum est, sed *quod per eum & in eo Deus ille summus venera nobiscum sit, hoc est, nobis insigniter faueat, nobis opituletur, nobis ingentia beneficia præstet.* Verùm vnde habet addendum esse verbum *est*, potius quàm participium *existens*, quo addito roboraretur potius quàm infirmaretur argumentum nostrum? Immo vnde habet aliquid esse addendum? Num sibi tale quid addi flagitat nomen Emmanuel? non certè qua nomen, sunt enim innumera nomina quibus verbum est, addi non debet; Nec qua nomen compositum, sunt enim etiam multa nomina composita absque tali additamento completa; Nec denique qua nomen sic compositum: Id quod intelliges, si articulum nomini *Dei* ab Evangelista præfixum, primo loco ponas, *ὁ μὲν ἡμεῖς* *Dei*. Hinc enim liquet non magis id nomen enunciationem esse quàm est hæc oratio, Deus pacis, Deus omnis consolationis, & similes. Nec reponendum est esse in Scriptura nomina quædam quæ sint enunciationes, id enim non nego, tantum nego inde sequi nomen Emmanuel esse enunciationem.

V. Iam autem ut vox Emmanuel de sermone Hebræo in græcū aut latinum vertatur, addendum non esse vocibus, *Nobiscum Deus*, verbum substantivum his argumentis probari potest. Pri-

modo, Nemo melius id nomen interpretari potest quàm Euangelista & Apostolus Matthæus id interpretatus est, atqui is verbum *est* non adiecit; adiecturus sine dubio si opus fuisset. Cur enim id omisisset, si pars cenferi debet illius nominis? An quia sponte subauditur? Non, potest enim, vt dixi, subaudiri participium, potest nihil subaudiri, vt in hac propositione, Deus nobiscum est Deus noster, Deus nobiscum est subiectum, seu nomen completum. An quia nihil interest vtrum sine an cum, est, intelligatur? Ne id quidem respondere possunt Aduersarij adunctionem verbi illius vrgentes, qua sublata quod huic nostro argumento respondeant non habent. Si igitur prudentissimus Apostolus verbum, est, de nominis illius, vt ita loquar, essentia putauit esse, si vidit plurimi interesse Ecclesiæ vt adijciatur ad euitandum errorem momentisum, qui sibi ab eo addendo temperauit, autor nobis exemplo suo ne illud addamus? Quod si id non putauit addendum, sunt ne tanto Apostolo sapientiores Aduersarij? quanquam quid Apostolum nomino, & non potius Christum qui in eo loquebatur?

V I. Deinde, cum neminem fugiat nomen de persona cuius est nomen prædicari in casu recto, quis credat ita stupidum & cæcum fuisse Apostolum, vt non intellexerit, se Christi nomen Emmanuel interpretando *עִמָּנוּאֵל* & *דֵּיּוּס*, Christum appellare & *דֵּיּוּס*, indeque sequi eum esse prædictum natura seu essentia diuina? Hoc igitur si putauit & falsum & Deo patri injuriosum, posse autem in malo occurri necessaria verbi *est* adiectione, cur id non adiecit, vt sic veritati, gloriæ Dei, ædificationi Ecclesiæ consuleret.

V I I. Tertiò, hæc propositio, Christus est Emmanuel, quomodo latinè reddi debet? Num sic, Christus est nobiscum Deus? non concedent Aduersarij: sic enim valeret argumentum nostrum. Num igitur sic, Christus est nobiscum Deus est? ita oportet eos interpretari si sibi constare volunt. Sed quis talem ferat interpretationem? Similiter hæc propositio, Emmanuel est Seruator noster, non erit sic reddenda Nobiscum Deus est seruator noster, sed sic, Nobiscum Deus est est seruator noster. Similiter cum sic loquitur Esaias cap. VII. vers. 8. *Et extensio alarum eius implebit latitudinem terræ* *na O Emmanuel*, quomodo reddendum erit græcè vel latinè illud *O Emmanuel*? certè autore *Matthæo* *ὁ ἐμὲς ἡμεῖς ὁ θεός*, *O nobiscum Deus*. Sic ne puer qui-

dein dubitabit quin nomen $\delta\ \theta\epsilon\ \varsigma$ *Deus* sit vocatiui casus. Crellio-
verò autore sic erit vertendum $\delta\ \mu\epsilon\ \varsigma\ \eta\mu\iota\varsigma\ \delta\ \theta\epsilon\ \varsigma\ \epsilon\sigma\tau$ O nobiscum
Deus est, vtrum autorem sequi tibi magis placet, lector pie, A-
postolum an Crellium? Sic si dixero, Christum esse Emmanue-
lem, quomodo retento verbo infinitiui modi, esse, reddent Em-
manuelem? Num, Christum esse Deum nobiscum? minime, sic
enim nomen Deus, $\delta\ \theta\epsilon\ \varsigma$, prædicaretur de Christo, quod illi
noluit; sed sic, Christum esse Deus est nobiscum.

V I I I. Quartò, Apoc. 21. vers. 3. Audiuit Iohannes vo-
cem magnam de Throno dicentem, *Ecce tabernaculum Dei cum ho-*
minibus, (loquitur de noua Hierusalem) & *habitabit cum eis*, &
ipsi populus eius erunt, & *ipse Deus erit cum ipsis Deus ipsorum* $\epsilon\gamma\omega\ \epsilon\iota\mu\iota\ \mu\epsilon\ \varsigma\ \eta\mu\iota\varsigma\ \delta\ \theta\epsilon\ \varsigma\ \epsilon\sigma\tau\ \alpha\upsilon\tau\omega\ \delta\epsilon\ \theta\epsilon\ \varsigma\ \alpha\upsilon\tau\omega\ \delta\epsilon\ \theta\epsilon\ \varsigma$. His verbis sine dubio vim nomi-
nis Emmanuel expressit, nisi quod pronomen primæ personæ
mutauit in pronomen tertiæ, quia sese qui loquebatur hominibus
non aggregabat; refertur enim pronomen primæ personæ *nobis* ad
homines vocantes filium virginis Emmanuelem, itaque non dici-
tur Deus sic vocaturus eum, sed virgo, vel Ecclesia. Quàm igi-
tur dixit vox illa, *Ipse Deus erit cum ipsis Deus*, tam dicere possumus
nos fideles, Ipse Deus erit nobiscum Deus, id quod est di-
cere, erit Emmanuel. Hinc multa colligo 1. sic argumentor, qui
tunc erit Emmanuel idem nunc est Emmanuel. Sed tunc ipse Deus
erit Emmanuel. Ergo. nunc ipse Deus est Emmanuel. Minus
nititur illo loco. Major est certa: idem enim tunc erit nobiscum
Deus qui nunc est nobiscum Deus, tantum erit nobiscum ratione
perfectiore atque illustriore. Adde quod Filius est hæres Patris,
non contrà. Itaque non fit verisimile Patrem hæredem futurum
nominis Emmanuel, quod proprium esse Filij ipsi Aduersarij
confitentur. II. vt se habet $\mu\epsilon\ \varsigma\ \eta\mu\iota\varsigma\ \delta\ \theta\epsilon\ \varsigma\ \epsilon\sigma\tau$ cum illis Deus, sic se
habet $\mu\epsilon\ \varsigma\ \eta\mu\iota\varsigma\ \delta\ \theta\epsilon\ \varsigma\ \epsilon\sigma\tau$ nobiscum Deus. Seq̃ $\mu\epsilon\ \varsigma\ \eta\mu\iota\varsigma\ \delta\ \theta\epsilon\ \varsigma\ \epsilon\sigma\tau$ est elogium
completum sine additione verbi *est*, vt patet ex illa propositione
ipse Deus erit cum ipsis Deus, ineptus enim esset qui post *Deus* ad-
deret, *est*, ergo etiam *nobiscum Deus* est elogium completum sine
illa additione. III. Quomodo intelligendum est $\mu\epsilon\ \varsigma\ \alpha\upsilon\tau\omega\ \delta\epsilon\ \theta\epsilon\ \varsigma$,
eodem modo intelligendum est $\mu\epsilon\ \varsigma\ \eta\mu\iota\varsigma\ \delta\epsilon\ \theta\epsilon\ \varsigma$ sed $\mu\epsilon\ \varsigma\ \alpha\upsilon\tau\omega\ \delta\epsilon\ \theta\epsilon\ \varsigma$ non
significat eum per quem Deus est cum illis. Ergo etiam $\mu\epsilon\ \varsigma\ \eta\mu\iota\varsigma\ \delta\epsilon\ \theta\epsilon\ \varsigma$
non significat eum per quem Deus est nobiscum.

I X. Quintò, si addatur verbum, est, enunciatio seu nomen,

fiet ambiguum: vel enim totum hoc, *nobiscum Deus est*, erit attributum, persona subjectum, & subaudiatur pronomen iste, vel ille, vel hic, vt fit in nomine Iffachar significante *est merces*: vel erit integra enuntiatio, cuius subjectum erit *Deus*, attributum *est nobiscum*. Si prius eligitur, accessio verbi, Est, nihil obest argumento nostro. Si posterius: oportet Christum esse comparatum ad significandum quod Deus nobiscum sit. Nunquam enim integra enuntiatio imponitur vt nomen alicui vel rei vel personæ, nisi vt res illa vel persona sit veritatis eiusmodi enunciationis momentum vel signum. Itaque quod dicunt Dominum nostrum vocari Emmanuel, hoc est ipsis interpretibus, Deus nobiscum est, quoniam per eum Deus nobiscum est, seu nobis opem fert, in eo destituuntur omni exemplo. Non enim est vocatus filius Esaiæ *accelera, detrahe spoliū, festina pradari*, quoniam per eum detrahendum esset spoliū; Nec mons in quo Abraham filium suum immolare voluit, *Dominus videbit*, quod per eum montem Dominus esset visurus; nec altare *Deus fortis est Deus Israël*, quod per illud Deus esset Deus Israël; nec, vt mea memoria est, quisquam aut quidquam eo sensu enunciationem vice nominis obtinet in Scriptura. Conuenire autem Christo nomen Emmanuel tantum vt signo quod Deus sit nobiscum, non puto Christianum vllum dicturum: potuit enim illius rei signum institui, si Deus voluisset, quæuis alia persona, immò res visibilis.

X. Sextò, Huc accedit quod negari non potest quin Christus vocetur *Deus*, & quidem ab hoc ipso propheta Esaiæ cap. 9. 6. *vocabitur nomen eius Admirabilis, consiliarius, Deus fortis* אל גבור, *Pater seculi, Princeps pacis*, nec id diffictur Crellius. Si igitur vocandus erat *Deus*, cur non cum ista additione, עמנו *nobiscum*? Rursus negari non potest quin sit reuera nobiscum, *Ecce*, inquit, *nobiscum sum omnibus diebus usque ad consummationem seculi*. Si igitur nominis עמנו pars ista עמנו *nobiscum* prædicatur de Christo. verè & propriè, cur non similiter pars altera nimirum *Deus* de eodem Christo verè & propriè prædicabitur, præsertim cum certum sit eum nobiscum esse modo planè diuino? Certè non dicitur nobiscum esse quia per eum aliud est nobiscum; nec dicitur Deus quia per eum aliud est Deus: sed nobiscum est verè & propria, Deus est verè & propriè, non figuratè, non metaphorice.

Math.
28. 28

XI. Septimò, nomina Emmanuel & Iesus idem valent testibus Marthæo & re ipsa: Marthæo quidem, Is enim quod dixerat de virgine Maria, *pariet filium, & vocabis nomen eius Iesum: ipse enim saluum faciet populum suum à peccatis eorum*, confert vt euentum cum hoc Esaïæ vaticinio, *ecce virgo in utero habebit, & pariet filium, & vocabitur nomen eius Emmanuel, quod est interpretatum, Nobiscum Deus*. Itaque vt virgo virgini, partus partui, vocatio nominis vocationi nominis in illa collatione respondet, sic consentaneum est vt nomen nomini respondeat, non quidem literarum & soni ratione, sed rei. Re verò ipsa: Nam quid est nobiscum Deus nisi Iesus, hoc est, Seruator, qui nos à peccatis nostris, atque ad cò ab omni malo seruat? Certè Deus nobiscum est Deus nos seruans, id est, Seruator, Et rursus Seruator est Deus nobiscum, *Ego sum, Ego sum Dominus*, inquit ipse Deus Esaïæ cap. 43. ver. 11. *Et non est absque me* (Heb. בלעדי *præter me, me excepto*, vt patet ex Esaïæ 44. 6. & Pl. 18. 32.) *Seruator*. Si non est præter Deum seruator, quomodo Iesus est seruator si non est Deus? Itaque ipse sibi Deus hoc tanquam proprium tribuit vt seruet populum suum à peccatis ipsorum, Esaï. 43. 25. *Ego sum*, inquit, *Ego sum ipse, qui deleo iniquitates tuas propter me*. Si igitur Christus is est qui delet iniquitates nostras, & nos seruat ab omnibus malis vi sua, quid est cur non credatur esse Emmanuel, hoc est, Deus nobiscum, nobis fauens, nobis opem ferens.

XII. Præterea Si Dominus noster vocatur Emmanuel hanc vnam ob causam, quoniam per eum Deus nobis opitulatur, cum Deus sit hominibus opitulatus per multos iudices, reges, prophetas, Sacerdotes, multi etiam alij potuerunt eo nomine insigniri, qui ergo factum est, vt nemini alij tributum legatur in Scriptura, non Mosi, non Iosue, non iudicum aut regum vlli, &c. Posita expositione Aduersariorum nulla ratio reddi potest, cur hoc nomen soli Christo reſeruatum fuerit, nec sit ulli alij communicatum: posita vero nostra, ratio aperta est, nemo alius Deus fuit: itaque nemo alius Deus nobiscum fuit.

XIII. Denique nullus melior vaticinii interpretis quàm ipse euentus. Constat autem ab omnibus Christianis Christum vocatum esse & vocari Emmanuelem non tam habita ratione syllabarum & soni quàm rei: nempe creditur Deus esse nobiscum, nobis

coniunctissimus, cum igitur prædictioni respondeat congruens nostræ interpretationi euentus apertissimè, non est cur de veritate prædictionis sic acceptæ dubitemus.

XIV. Nunc Apostoli autoritate seposita ex ipso textu Esaia hoc argumentum ducimus. Caput regni Iudaici Achazo superius vnde pendebat illius conseruatio erat Deus. Emmanuel erat caput regni Iudaici Achazo superius, ex quo pendebat illius conseruatio. Ergo Emmanuel erat Deus. propositio, opinor, non negabitur. Quis enim nescit populi illius caput & regem Achazo superiorem ipsum Deum fuisse? Non te (inquit ipse 1. Sam. Deus ad Samuelem quod Israelitæ regem sibi imponi flagitassent grauius ferentem,) *reiecerunt, sed me ne regnem super* 8. 7. Ps. *eos. Tu ipse, clamabat psalter, Rex meus es o Deus.* 44. 6. Minor incumbit mihi probanda: ac illud quidem nequit negari Emmanuel em esse Regem Iudæorum seu regni Iudaici caput, negabitur tantum eum fuisse caput illius regni tempore Prophetæ. At si tunc fuit, cerè tunc fuit caput illius regni. Tunc autem fuit. Id enim & probatum est toto libro superiori, & deducitur ex ipsis verbis Esaia.

XV. Primum enim cum hoc signum fuerit ab ipso Deo prudentissimè electum ac per Prophetam propositum, negari non potest, quin ad id confirmandum accommodatissimum fuerit, quod eo confirmari Deus uoluit, uoluit autem confirmari id quod Esaia ipsius nomine credendum proposuerat Achazo. Proposuerat autem credendam assertionem & assertionis rationem. Assertio erat, consilium Retfin regis Syriæ & filii Romeliæ regis Samariæ de Iudæa capienda, inter se diuidenda, Regeque in ea constituendo filio Tabæ irritum fore. Ratio erat, *quia caput Syriæ Damascus, & caput Damascus Retfin & caput Ephraim Samaria & caput Samaria filius Romeliæ*, hoc est, quia regnorum Syriæ & Ephraim nullum erat caput Retfin & filio Romeliæ superius vnde penderet illorum conseruatio & consiliorum euentus, cum resset Regni Iudaici caput superius Achazo, uidelicet Deus, qui duorum illorum regum tam scelerato consilio non minus quam Achazus petebatur. Quæ ratio, quoniam, & propter eam assentiendum erat assertioni, & eius probè perceptæ ac persuasæ vi omnia alia similis tentatio superari poterat, proposito signo confirmari debuit, Magis enim confirmare uoluit Deus quod magis

credi voluit. Confirmata autem fuit illa ratio, quantum quidem ad seculum illud attinuit, non ipso euentu seu exhibitione reali illius signi, neque etiam sola repetitione promissionis de venturo Messia: ita enim neque ad rationē illam accommodatum fuisset signum, & virginis mentio obfuisse: potuisset enim videri vel vnam virginem ē Davidica stirpe conseruatam ad promissionis de Messia nascituro veritatem tuendam satis esse posse. Sed declaratione solenni, ac veritatis suæ notas quasdam præ se ferente, fore vt tandem aliquando caput regni Iudaici (quod tunc temporis, quoniam sola natura diuina præditum erat, non videbatur) fieret virgineo conceptu & partu visibile, Deusque cum Iudæis esse visibiliter appareret, & à piis agnosceretur: id quod Apostolus Iohannes expressit his verbis, *verbum erat Deus, & caro factum est, & habitauit inter nos plenum gratia & veritate, & spectauimus gloriam eius, &c.* caro enim factum est in utero virginis.

XVI. Hinc perspicui facillè potest, cur Virginis mentio fiat hoc loco, cur nominis Emmanuel, cur educationis eius. Nimirum, neque Deum decebat carnem fieri ex viri concubitu cum muliere; & pertinebat ad scopum Prophetæ vt Deus esse cum Iudæis, caput eorum & rex, agnosceretur; & obuiam eundem erat cogitationi obrepturæ lectori, Emmanuelem futurum fuisse quàm diuinitate & conceptu, & nomine tam naturæ humanæ conditione à reliquis hominibus diuersum, cui vt occurrat subicit Prophetæ cum nasciturum infantem, nondum internoscentem objecta, & cibis consuetis vtentem, hoc est, aliis hominibus peccato excepto per omnia similem, quarum rerum cur hoc vno loco mentio facta sit, quæ alibi non fit in Veteri Testamento admissa opinione Aduersariorum nulla prorsus reddi potest ratio, vt nec cur potissimum nitatur Esaias Emmanuelis nomine, quod bis repetit cap. viii.

XVII. His accedit pronomen *vobis*, non enim dicit Prophetæ simpliciter, *dabit Dominus ipse signum*, sed addit *vobis*, innuens etiam ad eos quos alloquebatur Emmanuelem aliquo modo pertinere, quomodo? si tunc temporis nullus omnino erat, si nulla ab eo protectio, liberatio, salus, vtilitas proficisci poterat? cur etiam eius futura conceptio & natiuitas & reuelatio credenda & speranda ipsis proponebatur, si ab eo nihil erat ipsis sperandum boni?

XVIII. Id ipsum confirmat pronomen *nobis* expressum in voce Emmanuelis: hoc enim etiam ad ipsum Esaiam aliosque illius seculi fideles referri ex eo patet, quod Esaias innuere vult eo nomine Deum esse secum, ac cum populo Iudaico, & domo Davidis, ut eam conseruet. Id quod perspicuum est ex Prophetæ verbis cap. 8. vers. 8. in quibus ipsis, magnum est pondus, *ibi* (nempe Rex Assyriorum) *per Iudam, inundans & transiens usque ad collum veniet, & erit extensio alarum eius implens latitudinem terra tua O Emmanuel.* His enim verbis primum Eminanuelem compellat tanquam iam reuera existentem. Deinde Iudæam vocat eius terram, significans Emmanuelem esse illius terræ dominum. Tum ad eum in summa illa calamitate confugit, eique quanta esset illa miseria futura misericordiæ excitandæ causa exponit. Denique ab Emmanuele sic compellato tantam spem tantamque fiduciam concipit, ut non dubitet hostibus veluti insultare, *congregamini, inquit vers. 9. populi & vincimini, & audite uniuersa procul terra: confortamini & vincimini, accingite vos & vincimini, inite consilium & dissipabitur, loquimini verbum & non fiet, quia (Emmanuel) Nobiscum Deus,* potuitne clarius innuere ita Emmanuelem τὸ χρί σάραζ nasciturum fuisse, ut tamen iam reuera esset τὸ χρί πνῆμα, Iudææ curam gerens tanquam rex & Dominus, ac tutissimum aduersus ingruentes calamitates perfugium.

XI X. Reponit Crellius, in hoc loco, ut in alijs multis, duplicem esse sensum, *literalem nimirum seu historicum, & mysticum*, hunc de Christo, illum de filio prophetisæ qui tunc conceptus & natus fuit esse accipiendum. Sed ipse sese statim refellit: subjicit enim *verba huius loci ita esse comparata, ut non nisi duriter, ac sensu valde tenui ad puerum Esaiæ tempore natum accommodari queant.* Certè tum demum locus est distinctioni isti sensus literalis & mystici, cum literalis Christo non conuenit, sed Christi typo. Hic verò contra res habet: literalis enim Christo conuenit, & quidem propriè, immò magis propriè quam vlli alij, immò nulli alij nisi duriter ac sensu valde tenui ipso confitente Aduersario. Ad literam enim Maria maximè propriè & virgo fuit, & concepit, & peperit filium, & vocauit nomen eius Emmanuel, & is puer mel & butyrum comedit donec sciret reprobare malum & eligere bonum; abundabat enim regio in qua natus & educatus est lacte & melle non solum domestico, sed etiam syluestri, ut patet ex

Math. 3. 4. Luc 24. 42. 1. Sam. 14. 26. Jerem. 17. 4. &c.

XX. Nulla alia virgo concepit vnquam aut peperit. Virginem autem literaliter sensu *nothum* significare notius est quam vt probatione egeat. Nullus alius Emmanuelis nomine insignitus compareret in Scriptura. Aut igitur non fuit vllus, aut is silentio Scripturæ contextus pro nullo habendus est. Taceo nomen Emmanuelis augustius quiddam sonare quam vt conuenire potuerit puero tempore Achazi nato. Taceo cap. 8. Iudæam appellari terram istius Emmanuelis *non vulgari, vt ipse Crellius fatetur, ratione, sed aliqua peculiari*, quæque cadere non potuit in filium prophetissæ.

XXI. Virgo miraculum, *Quis hic*, inquit ipse Crellius, *non videt miraculum valde infigne diuinitus promitti? Quis enim credat, cum data fuisset Achazo facultas petendi signum aliquod maxime illustre atque admirabile, Deum, postea signum, quod Achazus petere noluisse, eligentem & proferentem signum valde vulgare & tale in quo vix quicquam miraculosi existeret, tantummodo præbere voluisse?* Acqui nihil fuit miraculosi si femina iuuenis concepit ex viro & peperit filium. Dices *in eo consistere miraculum quod Esaias iam antea præsciuisset ac prædixisset eam & omnino concepturam & parituram non filiam, sed filium.* Primum aliud est præscientia aut prædictio miraculi, aliud ipsum miraculum. Esaias miraculum in conceptione & partu, & Emmanuele posuit, non in sua ipsius præscientia & prædictione, *Dabit*, inquit, *vobis & se Deus signum*, quodnam? *vtique quod verbis sequentibus exprimitur, Ecce virgo concipiet & pariet filium, &c.* Deinde miraculum intelligitur singulare, non autem eiusmodi quod in omni vero vaticinio contineretur: omnis enim futuri contingentis certa prædictio tale quid miraculi continet. Tum parum illustre fuisset hoc miraculum: Id enim euenturum Propheta prædixisset quod secundum ordinem naturæ sæpenumero euenit, vt quod euentus prædictioni respondisset posset ab Achazo fortunæ vel casui adscribi, & tamen in præsentissâ no discrimine suspensos populi Dei animos expectatione sui tenuisset forè per annum, ad faciendû fidem nutante n parâ potens & præseas adminiculum.

XXII. Virgo etiam prædictionem. Cuius enim prædicta fuisset diuinitus solennitate conceptio, natiuitas, nominis impositio, & educatio, huac oportuisse virum admodum insignem.

ac planè extraordinarium esse, vt patet inductione eorum quorum natiuitas prædicitur in Scriptura, talis tamen aliquis Achazi vel Esaia tempore natus fuisse non legitur, haud tacendus in Scriptura si vllus extitisset.

XXIII. Virgo denique differentiam & analogiam inter vinbram & corpus, typum & *ἡ ἡμετέρα*, quæ hic nullæ apparent. Nam quæ est proportionum similitudo inter signum positum in certitudine præscientiæ, & signum positum in conceptione virginis? Aut sensu literali virginem *ἡ ἡμετέρα* significat, aut mystico: si literali, non igitur mystico: differt enim literalis à mystico. Si mystico, ostendit in Prophetissa virginis Mariæ typum, & quomodo non virgo virginem, concipiens ex viro concipientem absque viri opera, conceptio vacans miraculo conceptionem miraculosam qua talem, hoc est, quomodo affirmatio negationem sibi oppositam, vel contrà negatio affirmationem adumbraverit. Num per filium Prophetissæ Deus Iudæis opem tulit, eosque liberavit ab hostibus quibusdam, vt typus esset Emmanuelis per quem liberamur à peccato morte & Diabolo? Quid etiam in sequentibus Esaia verbis *buryrum & mel comedet vt sciat reprobare malum & eligere bonum*, buryrum mysticè significat? quid mel? quid reprobatio mali? quid electio boni? Quid quæ sequuntur, *quia antequam scias puer reprobare malum & eligere bonum derelinquetur terra quam tu desistas à facie duorum regum suorum, &c.* quem habent mysticum sensum? Nullum equidem rationi consentaneum excogitare valeo: itaque contentus sum literali apprimè congruente.

XXIV. Obiecit Crellius, *talis ibi pueri natiuitatem promitti, in cuius adhuc infantia debeant relinquere terram, nempe Iudæam, duo illi reges.* Id nego, vnde enim id habet? ex versu 16. proxime à me commemorato, *quia antequam scias puer reprobare malum, &c.* Minimè. Intelligitur enim hic versus 16. vel de eodem puero de quo duo proxime antecedentes, vel de alio. Si de alio, nihil ex eo colligi potest quod pertineat ad vaticinium de nascituro ex puella seu virgine filio. Si de eodem, occurrit Propheta cogitationi cuius proximo versu occasionem dederat, fore virginis filium insignem bellatorem, qui postquam adoleuisset, vel infuso robore vt Samson, vel contracto exercitu vt Gedeon Iudæam ab illis regibus atque hostibus liberaret, cui fallæ opina-

tionem ut aditum præcludat subiicit fore ut ante id tempus & duo illi reges abducantur in captivitatem aut etiam interficiantur, & Deus Iudæos per Regem Assyriorum, cuius opem implorare cogitabant, severe admodum castiget: id quod partim Achazi tempore, partim anno filij eius Ezechiæ decimo quarto factum est.

XXV. Instat Crellius, *ex capite*, inquit, 8 *si cum* 7. *conferatur, facile apparet, intelligi nomine huius pueri filium Prophetisse, per quam Eisaia ipsius uxor intelligitur: quandoquidem ita ibi scribitur Propheta, & accessi ad prophetissam (id quod verè cunctis vj. coningalem significare doctiores omnes intelligunt) Et concepit & peperit filium. & dixit Dominus ad me: voca nomen eius, accelera spolia detrahere, festina prædari. Quia antequam sciat puer vocare patrem suum & matrem suam, auferetur fortitudo Damasci (qua nimirum erat sedes regis Syria) & spolia Samariæ coram rege Assyriorum, ubi verba, quia antequam sciat, &c. respondere illis cap. 7. vers. 16. quia antequam sciat reprobare malum, &c. facile est videre. Falsa quadam specie similitudinis delusus Crellius veras dissimilitudines non animaduertit. Nam cap. 7. virgo nominatur, cap. 8. prophetissam amissa virginitate mater. Illic conceptio miraculosa prædicitur, hic miraculo vacans narratur. Illic puer vocatur Emmanuel nobiscum Deus, hic vocatur Maher Schalal Has Bas, quod vetus interpretes reddidit, *Accelera spolia detrahere, festina prædari*: quæ nomina quantum inter se distent nemo non videt. Illic dicitur *Antequam puer sciat reprobare malum & eligere bonum, &c.* Hic *Antequam sciat vocare patrem suum & matrem suam*, quæ duo differunt, potest enim puer sonare Abi & Imi, hoc est, Tatam & Mammam satis diu antequam sciat reprobare malum & eligere bonum.*

XXVI. Opponent etiam huic secundo nostro argumento Aduersarij similia nomina composita, vrbis Hierosolymæ voluntas mea in ea Eisaia 62. 4. Dominus illic Ezechielis vers. ult. Dominus iustitia nostra Ierem. 33. 16. Altaris Dominus exaltatio mea, vel Dominus vexillum meum Exod. 17. 15. Dominus pax Iud. 6. 24. quorundam virorum, Elnathan Deus dedit, Eliana Deus Zolotes, Elimelec Deus meus rex, &c. Ex quibus concludi non potest Hierosolymam, Altare, viros illos ipsum Deum fuisse. Respondeo illorum nominum & Emmanuelis rationem esse valde disparem: est enim Emmanuelis nomen personæ adorabili diuini-

nitus impositum, cum illa nomina memorata, vel non personæ, vel non diuinitus imposita sint. Adde quod in nominibus *voluntas mea in ea*, & *Dominus illuc*, ea, & illic, ipsam Hierusalem cuius sunt nomina designant, impediuntque quominus voluntas Dei, vel Dominus dici putetur. Nomen autem *Dominus iustitia nostræ*, vel non tribuitur Hierosolymæ eo loco, vel si tribuitur, ei tribuitur quatenus Hierosolyma, id est, Ecclesia Christus dici potest teste Apostolo. 1. Cor. 12. 12. Sed de eo nomine disputandum erit copiosius alio loco. Ad altare quod spectat, id typus fuit veri altaris, verum autem altare est ipse Christus: Idem enim sacerdos victimæ, altare, & quodam respectu tabernaculum fuit. Itaque nomina illa Altaribus tributa typicè, Christo conueniunt verè. Ad viros quod attinet, humanitus sic appellati sunt, ac proinde eorum nominum nulla ratio haberi debet, aut si qua haberi debet, ea ad Christum tanquam ad veritatem, ad viros autem illos tanquam ad umbras & typos Christi referenda est, causæque quam agimus fauet.



DISPUTATIO

TERTIA

De Arg. III. Ex Esaiæ Cap VIII. V. 13. *Dominum exercituum ipsum sanctificate. Ipse pauper vester & ipse terror vester: & erit vobis in sanctificationem, in lapidem autem offensionis & in petram scandali duabus domibus Israël, &c.* Collato cum Rom. 9. 30. & 1. petr. 2. 3.

I. **P**ERGAT, ut cepit, Esaias, iudice Hieronymo non solum Propheta sed Euangelista & Apostolus, testimonium de diuina Christi essentia dicere. Apud eum cap. VII. vers. 13.

Dominus sic loquitur, *Dominum exercituum* אֱלֹהֵי צְבָאוֹת *ipse pavor vester, & ipse terror vester: & eris vobis in sanctificationem, in lapidem autem offensionis, & in Petram scandali duabus domibus Israël, in laqueum & in ruinam habitantibus Ierusalem, &c.* Ex illis verbis sic argumitor

Ille qui Esai. viii. vers. 13. dicitur futurus in lapidem offensionis & petram scandali est Deus præditus essentia divina.

Christus est ille qui Esai. viii. 13. dicitur futurus in lapidem offensionis & in petram scandali.

Ergo Christus est Deus præditus essentia divina

Major nec negatur ab Adversarijs nec potest negari. Minor probatur testimonio Apostoli Rom. ix. 30. *Offenderunt enim in lapidem offensionis, sicut scriptum est, Ecce pono in Sion lapidem offensionis & petram scandali.* Quærit enim lapidem offensionis intelligit nisi Christum? Quæm dicendo lapidem offensionis & petram scandali locum Veteris Testamenti citat; nisi istum Esaiæ viii. 13. Docet igitur Christum esse illum lapidem offensionis & petram scandali, cuius mentio fit Esai. viii. 13.

II. Quid respondet Socinus? Negat locum Esai. 8. 13. citari ab Apostolo, *Ipsa prima verba*, inquit, *recitati ab ipso loci aperte docent, Paulum non istum* (Esai. 8. 13.) *sed illum alterum cap. 28. reuera citare.* Docent quidem cetera prima verba Paulum citare locum Esai. 28. 16. At eum simul non citare locum Esai. 8. 13. quomodo docent? disertis verbis? An per consequentiam? nullo modo. Quid enim prohibuit duo loca Esaiæ citari ab Apostolo conjunctim? Annón idem Apostolus ad Rom. 3. vers. 10. & seqq. deprompta ex varijs Psalmis aliquot loca in vnum quasi testimonij corpus compegit? Non citari igitur illum locum nihil docet, citari multa evincunt.

III. Ac primò quidem verba, *lapidem offensionis & petram scandali.* Nam si primà verba, *Ecce pono in Sion*, docent Paulum citare locum Esai. 28. 16. nonne similiter verba sequentià *lapidem offensionis & petram scandali* docent Paulum citare locum Esai. 8. 13? par enim est ratio, Quàm enim prima illa non leguntur Esai. 8. sed Esai. 8. 28. tam sequentià ista non leguntur Esai. 28. sed Esai. 8.

IV. Id quoque evincunt verba, *Sicut scriptum est*: notant enim convenientiam citati vaticinij cum eventu memorato verbis

immediate præcedentibus, *Offenderunt in lapidem offensionis*. Cum illo autem euentu congruit vaticinium Esai. 8. 13. non verò vaticinium Esai. 28. 16. ut cuius pater. Citatur igitur vaticinium Esai. 8. 13. vel solum, vel saltem præcipue.

V. Idem etiam docet scopus Apostoli, qui sine dubio fuit scandalum, quod ex Iudæorum incredulitate & reiectione nasci poterat, tollere: poterat enim offendi lector cogitans illum populum, cui promissus fuerat Christus & soli, & toties, tot subinde repetitis oraculis, Christum non agnouisse. Tollit autem hoc scandalum prolixo Esaiæ vaticinio. Quis enim pius offendi possit eo euentu, quem tot antè seculis prædictum legit in Scriptura? Ad hunc scopum conducit per se locus Esai. 8. 13. non autem locus Esai. 28. Is igitur locus vel solus vel præcipue citatus fuisse putandus est. Hoc etiam innuunt verba proximè antecedentia, *offenderunt enim in lapide offensionis*, quis enim non videt per lapidem offensionis sic anonomastice seu *τὸ ἔσχατον* appellatum cum potius intelligi debere, qui sic in Veteri Testamento appellatur, quàm eum qui sic nunquam vocatur? Nunquam autem sic Christus vocatur, si de eo locus Esaiæ cap. 8. intelligi non debet.

VI. Adde quod prima illa verba petita ex Esai. 28. *Ecco ego pono in Sion*, per se citari non potuerunt cum per se sola sensum perfectum non habeant. Cum igitur negari non possit quin citetur enunciatio, non autem duntaxat enunciationis pars lectoris animum suspensum tenens alterius partis expectatione, fatendum est non minus citari verba, *lapidem offensionis & petram scandalis*, quàm antecedentia, *Ecco pono in Sion*, eandem enim componunt enunciationem citatam, cuius neutra pars citari per se seu separatim potuit.

VII. Prætermittenda non videtur hoc loco Apostoli prudentia. Non enim potuit apertius innuere eandem petram intelligi Esai. 8. & Esai. 28. quàm duo illa loca in vnum testimonium, imò in unam enunciationem compingendo, ac verba quæ desumptæ ex Esai. 8. media intercedo inter illa quæ ex cap. 28. transcripsit, ut nihil dubitemus de quo lapide agitur in vno loco, de eodem agi in altero. *Certum est autem in cap. 28. 16. agi de Christo ipso teste Socino*. Agitur ergo etiam in cap. 8. de Christo.

VIII. Denique quid ifack Apostolu cum verbis cap. 8. transcribit, ac cum antecedentibus connectit per illud, *sicut scrip-*

rum est, si ea non citat? *Ostendit tantum*, inquit Socinus, *verba, quæ Esaia cap. 8. de illo vno Deo dicuntur, ad Christum accommodari posse, dum ea tanquam si de Christo dicta fuissent, adiungit verbis eiusdem propheta cap. 28. quem locum reuera citat, & merito de Christo exponit.* At quomodo ad Christum accommodari possunt, si de Christo nec dicta sunt, nec intelligi debent? Aut, cur ea tanquam si de Christo dicta fuissent, adiungit verbis eiusdem propheta de Christo intelligendis, si non vult ea à nobis accipi tanquam si de Christo dicta fuissent? Certè talis accommodatio menti prophetae magis repugnans quàm congruens nihil probaret, nihil faceret ad tollendum vel minuendum scandalum, nihil ad firmandam lectoris fidem, aut scopum Apostoli iuandum: prateriret tantum cum ad præbendam Iudæis occasionem querendi de Apostolo ad meram creaturam transferente præter mentem Veteris Testamenti, ea quæ de creatore, vno illo vero Deo, dicta sunt à Propheta, tum ad fallendos Christianos, qui videntes ea quæ dicta sunt ab Esaia de Domino exercituum ad Christum, tanquam si de eo à Propheta dicta fuissent, aptari, inducuntur autoritate Apostoli & Christi admiratione, ut credant Christum esse Dominum exercituum.

I X. Paulo suffragatur Petrus, qui prioris Epist. suæ cap. 2. vers. 6. 7. 8. tres Scripturæ locos si nulliunxit, primum ex Esaia cap. 28. alterum ex Psal. 118. tertium ex hoc Esaia 8. 13. *Propter quod*, inquit, *continet Scriptura, Ecce pono in Sion lapidem summum angularem, probatum, electum, preciosum, & qui credit in eum non confundetur. vobis igitur honor creditibus: non creditibus autem lapis quem reprobauerunt edificantes, hic factus est in caput anguli, & lapis offensionis & petra scandali, his qui offendunt verbo.* Horum trium locorum constat primum & secundum cum citari ab Apostolo tum de Christo debere intelligi, cur non igitur idem sentiamus de tertio, eoque magis quod Apostolus tertium diuisit, ac inter eius partes secundum locauit, & cum illis ita copulauit, ut videri possint in vnum testimonium coaluisse? Nam verba, *vobis igitur honor creditibus*, respondent verbis Esaia cap. 8. *& erit vobis in sanctificationem*, seu potius in *sanctuarium*: vñpp enim propriè sanctuarium, non autem sanctificationem significat, posuit autem Apostolus honorem pro sanctuario, hoc est, consequens pro antecedente: erat enim sanctuarium honor & gloria
Israëlis:

Israëlis : & quibus hic lapis est honori illis est in sanctuarium, & vice versa. Mirum certè est Apostolos verba Esaia cap. 8. 13. si de Patre non de Christo dicta fuerunt, de Patre nunquam, de Christo perpetuò exponere, ac verba Esaia cap. 8. alijs locis, in quibus de Christo agi certum est, constanter admiscere & implicare, & cum eis in eandem enunciationem compingere.

X. Præterea consitentur Aduersarij in locis Esaia c. 28. & Ps. 118. certum esse agi de Christo. Peto vnde id eis constet? Num ex eo quod Apostoli locos illos ad Christum accommodarunt? At illi etiam locum Esaia cap. 8. ad eundem Christum accommodarunt: nec est in eorum verbis quicquam vnde possis colligere locum illum Esaia 8. 13. duobus alijs esse disparem. Cur igitur parirationi pariter non assentiuntur? Num ex locorum illorum circumstantijs? An igitur deprehenderunt aliquid in locis Esaia cap. 28. 16. & Ps. 118. 21. quod dici nequeat de eo de quo agitur Esaia 8. vel contrà in Esaia 8. quod non conueniat ei de quo agitur Esaia 28. & Ps. 118? Nihil prorsus. Quicquid enim de lapide seu petra dicitur Esaia 28. 16. & Ps. 118. 21. id etiam de petra memorata Esaia 8. 13. dici posse manifestum est. Nam quæ potuit Lapis descriptus Esaia 8. esse lapis offensionis & petra scandali duabus domibus Israëlis, si positus in Sion (poni autem nisi à Deo non potuit) & à duabus illis domibus, hoc est, ab ædificantibus reiectus non fuit? Quis lapis eo magis prebatus, pretiosus, angularis, solidus, caput anguli? Quis magis cauet ne confundatur quisquis credit in eum? Conueniunt igitur illi quæcunque de lapide dicta leguntur Esaia 28. 16. & Psal. 118. 21.

XI. Rursus quid dicitur de lapide Esaia 8. quod negari possit de lapide descripto alijs illis duobus locis? Hoc vnum, inquires quod vocatur Dominus exercituum. Vnde verò habes id nomen non conuenire lapidi descripto Esaia 28. & psal. 118? Lapis ille est Christus. Christus autem non est Dominus exercituum. Præter hanc *τὸ ἐν ἀρχῇ* petitionem causari nihil possunt Aduersarij, Nihil enim est in locis Esaia 28. & Psal. 118. quod lapidem quem describunt vocari Dominum exercituum prohibeat, est potius quod iubeat: cum enim constet lapidem de quo agitur in duobus illis locis esse lapidem offensionis & petram scandali, lapidem autem offensionis & petram scandali esse dominum exercituum, patet lapidem de quo agitur in duobus illis locis esse Dominum

exercituum. Id quod etiam non obscure innuunt verba illa Esaiæ 28. *Qui credit in eum non confundetur.* sic enim commendari solet in Veteri Testamento fides in Deum, non vero fides in meram creaturam.

XII. Responſionem ſuam Socinus tot telis conſoſſam recreare conatur vnica ratione, *ceſſum eſt,* inquit, *iſta qua de illo vno Deo apud Eſaiam prædicantur, multò antè Chriſti aduentum & eius tempora impleta fuiſſe.* Hoc qua facilitate ab ipſo affirmatur, eadem à me negatur. At ſubiicit rationem, *Eſt enim,* inquit, *ibi prædictio de vtriuſque domus Iſraelis captiuitate, quarum altera, id eſt, decem tribuum, iam inſtabat. & propterea pluribus verbis paulo ante eodem cap. aperte prædicta fuerat, altera verò, id eſt, tribus Iuda & Benjamin captiuitas, ut pote, qua plurimis annis poſt futura erat breuius & obſcurius (vrbe ipſa tamen Hieruſalem nominata) in iſtiſ iſtiſ verbis qua de illo vno Deo dicuntur, prænunciata fuit.* Hoc quoque nego: captiuitatis enim Babylonice nullum animaduertu veſtigium in toto hoc cap. 8. vti nec nominatam urbem Hieruſalem. Addit, *Nec quiſquam affirmare poteſt, iſtam prædictionem figuratè ad Chriſti quoque tempora pertinere.* Ego verò affirmo iſtam prædictionem non iam figuratè, ſed propriè ad Chriſti tempora pertinere. Cum enim vaticinium iſtud tria contineat, Mandatum, *Timorem eius populi ne timeatis, neque paveatis.* Dominum exercituum ipſum ſanctificate, &c. Promiſſionem, *& erit vobis in ſanctuarium:* comminationem, *in lapidem autem offenſionis & in petram ſcandali duabus domibus Iſrael,* Mandatum ad Chriſti tempora pertinere teſtis eſt omni exceptione maior Petrus 1. Ep. 3. 14. *Timorem,* inquit, *eorum ne timeate, neque turbamini.* Dominum Deum ſanctificate in cordibus veſtris. Si Mandatum ad Chriſti tempora pertinet, quis non videt ad eadem Chriſti tempora etiam promiſſionem & comminationem pertinere? Poteſt ne etiam quiſquam negare Deum temporibus Chriſti fuiſſe tum in ſanctuarium fidelibus ipſum ſanctificantibus, tum in lapidem offenſionis & petram ſcandali duabus domibus Iſraelis? Hoc vtrumque proſectò aut antè impletum non fuit, aut ſaltem tunc quoque, & quidem maximè, impletum fuit. Qnod ſi antecedentia ſpectes, præceſſerat cap. 7. prædictio de natiſturo ex virgine Emmanuele, & hoc ipſo cap. bis iniecta Emmanuelis mentio. Emmanuel autem eſt Chriſtus. Si ſequentia, ſe-

quuntur verba illa, *Ecce ego & pueri quos dedit mihi Dominus de Christo* exposita Heb. 2. 13.

XIII. Sed vt clarius perspicui possit nec agi de captiuitate Iudeorum in hoc. *Esaia loco*, & Spiritum Sanctum potissimum respexisse ad tempora Christi, eius mens pro mensura indultæ nobis gratiæ aperienda est. Habemus in hoc cap. 8. & superiore specimen ex vna parte hostium Christi & Ecclesiæ in Filio Romæliæ rege Samaritæ atque Ephraim, & Retfin rege Damasci & Syriæ, Ex altera vero parte Ecclesiæ quatenus in eâ sunt *megaxu egi* & hypocritæ in Achazo rege Iudæ populoque eius. Pekah enim & Retfin, Ephraimitæ & Syri, hostes inter se acerrimi, religione & animis discordes, alteri Iudeorum fratres, alteri à Dei fœdere alieni postis inimicitijs, communi consilio contra domum David, & Iudæam conjurantes, vt illa destructa hanc partiantur inter se, & filio Tabeel subjiçiant, specimen sunt illustre talium Christi eiusque Ecclesiæ hostium, quales fuerunt Herodes & Pontius Pilatus, populi Israël & gentes, vt cuius conferenti illos inter se manifestum est. Achazus vero & populus eius, audita illa coniuratione, agnita sua imbecillitate & hostium potentia, metu vehementissimo perturbati, opem regis Assyriorum contempto Dei verbo implorantes, eorum nobis in sese specimen exhibent, qui ingruente persecutione Deo diffidentes metu velut vento agitantur, & ad fallacia perfugia verbo Dei neglecto confugiunt. Propheta quoque *Esaia* partibus ministri Christi apud eum strenuè fungitur. Hortatur metum deponat: pollicetur irritum fore hostium conatum: rationem addit, disparem esse rationem regni Iudæ & regnorum Samaritæ & Syriæ, illius caput esse Deum horum non item: necessitatem hoc credendi aperit: offert media ad fidem firmandam apta: ea respuentes inerepat: Ac illud nihilominus proponit quod est fidei objectum & pabulum, capitis Iudææ incarnatione, Dei nobiscum patefactione in vera carne humana, signum salutis credentibus exitij incredulis, cuius intuitu tunc promissi nunc exhibiti fides roboratur, omnisque tentationis victrix euadit. Denique vanitatem ostendit carnalis prudentiæ & perfugij. In rege Assyriorum cernitur specimen primò carnalis præsidij, quod perpetuò fallit & nocet, Deo per illum ipsum Ecclesiam castigante, ad quod ipso spreto confugit: Deinde hostis impudentis & blasphemij, qualem sese prodidit tempore Eze-

chiæ, speciminis eorum qui Deo reuera fidunt : quò respectu regem Assyriorum Propheta describens cap. vii. ad Emmanuelem confugit, eiusque ope implorata hostium destructionem, quantacunque eorum multitudo & potentia sit, exultabundas prædicit, quàm præstet carnali spirituale perfugium non obscure significans.

XI V. Quoniam autem præter hostes externos latent in Ecclesia *αυτοκρατορ* & hypocritæ veris fidelibus permixti, eosque nonnunquam auctoritate & numero superantes, qui ingruente persecutione cum trepidant ipsi, tum exemplo & sermonibus fideles ad similem trepidationem vitandæque persecutionis carnalem rationem impellunt : quod genus tentationis eo nocentius est quo occultius : horum specimen Propheta nobis exhibet in populo Iudaico, cui ex aduerso fidelium specimen opponit in se ipso & filijs suis contèplandum, edoctis à Domino manu forti non eadem via cum populo illo incedere, non iisdem sermonibus uti, non iisdem rebus terreri : quæ ab illo populo diuinitus & forti manu præcepta secessio Christi & Apostolorum tempore demum perfecta est. Sic antecedentia citatum ab Apostolis testimonium percurrentibus nobis neque captiuitas Babylonica occurrit, neque quicquam quod ad Christi tempora, saltem ut umbra aut typus non pertineat.

XV. Ad citatum testimonium quod attinet, teneri nos Christianos mandato illo, *Sanctificate Dominum exercituum ipse pauper vester, & ipse terror vester* iam probaui § 12. Addo, Emmanuelem esse huius sanctificationis & pauperis objectum : quippe, habet omnem potestatem in cælo & in terra, iudex est supremus totius mundi, potest animam & corpus mittere in gehennam ignis, *Ne timeate ab ijs qui occidunt corpus, animam autem non possunt occidere : sed potius timeate eum, qui potest & animam & corpus perdere in gehenna*, Math. 10. 20.

XVI. Promissio, *Et erit vobis in sanctuarium*, nobis argumentum suppeditat. Est enim credentibus ac timentibus Deum Christus in Sanctuarium propriè, non Pater præcisè, & seorsum, Quod ut manifestum fiat ratio obseruandæ est, cur sic promissionem Dominus conceperit. Iusserat suos fideles à populi Iudaici vijs, sermonibus, &c. secedere : quod fieri vix poterat quin synagoga mouerentur, ijsque templo interdiceretur cui Deus præ-

ntiam suam salutarem & cultum affixerat. Id quoniam vnum
 oterat eos admodum perturbare, pollicetur, vt vt destituantur
 anctuario terreno, non tamen defuturum illis sanctuarium, in dō
 abitusos Sanctuarium infinities perfectius: ipsum enim Domi-
 um illis fore ip Sanctuarium. patiantur igitur æquo animo se vñ-
 ra priuari, ab incredulis Iudæis retenta, gaudentes corpore &
 eritate. Itaque tacita sic oppositio inter Sanctuarium typicum
 & verum, carnale & spirituale, terrenum & cœleste, legale &
 euangelicum, illudque cum adhærente illi populo deferendum
 andem fuit fidelibus vt hoc fruerentur.

XVII. Ostendimus autem alibi Sanctuarium terrenum pro-
 diuerso respectu tria adumbrasse, cœlum, Ecclesiam, Christum.
 De Cœlo & Ecclesia nunc quidem dicere nihil opus est. Chri-
 stum fuisse Sanctuario seu tabernaculo vel templo adumbratum,
 & ipse innuit, cum corpus suum vocat templum, & Apostolus,
 cum carnem eius velum appellat (non enim seruabuntur propor-
 tionibus inter velum & sanctuarium, si caro Christi dicatur velum
 esse tabernaculi, quod locum seu cœlum significat) & ipsa res
 id clamat: videmus enim in Christo tabernaculi terreni foris vilis
 intus magnifici cœlestem veritatem. In eo enim, non iam vñbra-
 tiliter, vt in sanctuario typico, sed *σωματικῶς corporaliter habitat*
omnis plenitudo deitatis. In eo est vera arca fœderis, verum pro-
 pitatorium, verum altare, verum sacrificium, verus intercessio-
 nis sufficiens, verus panis propositionis, vera lux aurēi candel-
 labri, omnia denique quæcunque sunt nobis ad salutem & cul-
 tum diuinum necessaria. Ab eo vno manat omnis peccati ex-
 piatio, omnis sanctificatio & perfectio, omnis benedictio spiri-
 tualis, orationes nostræ, gratiarum actiones, sacrificia spiritualia
 in eo & per eum offerri debent. In eo præsentissimum numen
 habemus, ac tutissimum perfugium omni tempore, &c. In Patre
 si separetur à Christo illa non habemus, nec vllus nobis patet ad
 eum aditus teste ipso Christo, *Ego sum via, veritas, & vita, ne-
 mo venit ad Patrem nisi per me.*

XVIII. Comminatio, & in lapidem offensionis & petram scandali
 duabus domibus Israël, ipsa per se aliquot argumenta nobis suppe-
 ditat. Primū ducitur à Petra; & sic habet. Petra est Deus. Christus
 est Petra. E. Christus est Deus. Deum intelligo Israël prædictum
 essentia diuina. Major non videtur negari posse, est enim petra vñ-

Ioh. 2.

19.

Heb. 10.

20

Col. 2.

2.

ex nominibus Dei non infrequens in Scriptura. Id quod ita clarum est, ut non dubitauerint 70. Interpretes viginti fere locis pro *πέτρα* *δεδν* usurpare, vnum exempli causa citasse sufficit ad firmandam maiorem nostram aptissimum Pl. 18. 34. *Quis est Deus præter Dominum? & quis est* *πῶς* *petra præter Deum nostrum?* *γερσὶο* *græca & vulgata latina habent, Et quis est Deus præter Deum nostrum?* Hæc interrogatio negandi vim habet, idemque valet ac propositio negatiua, *nullus est petra nisi Deus Israelis*. Respondent etiam sibi inuicem duæ illæ interrogationes, ac vocibus mutatis idem sonant: ut igitur Dominus *Iehouah*, & Deus noster, sic Deus & Petra æquivalent. Christum autem esse petram, quæ minor est argumenti, quis possit inficiari?

Math
16.

XIX. Nobis sine dubio Petrum Apostolum Aduersarij opponent petram appellatum ab ipso Christo super qua ædificetur Ecclesia: ita enim sentit V Volkelius. Sed quominus existimemus per petram eo loco Petrum esse intelligendum obstant, ut cæteras nunc omittam, tres hæ rationes. Prima ducitur ab autoritate Euangelistæ mentis Christi optimi interpretis, qui non temerè sed prudenter inter Petram & Petrum distinxit, quæ autem ille distinxit actus à Spiritu Sancto nostrum non est confundere. Cur enim *πέτρα* dixit non *πέτρον*, si Petrum intelligi voluit? Christus, inquires, non distinxit, non mutauit genus, eadem vocis forma Petrum & Petram designauit. Vnde id habetur, nisi quia creditur Syriacè locutus, quæ lingua distinctionem illam non admittit? Cur ergo id linguæ illius inopiæ non adscribis potius quàm menti Christi per interpretem suum, cum id lingua tulit, Petram à Petro distinguentis? Dices, Matthæum non dixisse *ἐπὶ τῇ τῇ πέτρῳ* quoniam vox *πέτρος*, nisi apud autores Attica dialecto vten-tes, est insolens. At quid erat causæ cur ab illa voce attica Apostolus magis abhorreret quàm autor libri 2. Maccab. qui ea voce usus est, semel cap. 1. 16. & iterum cap. 4. 41. ? Sit tamen ita. Cur igitur ut dialectum atticum vitaret & seruaret genus vocis non dixit *οὗ ἐστὶν πέτρα, καὶ ἐπὶ ταυτῇ τῇ πέτρῳ*, vel *οὗ ἐστὶν λίθος, καὶ ἐπὶ τῇ τῇ λίθῳ*? Non patiebantur leges græcæ linguæ, ut rei nomen abiq; aliqua inflexione personæ imponeretur. At id aliæ linguæ, Hebræa, Syriaca, &c. patiebantur quarum idiotismos non refugiunt Apostoli græcè scribentes. Itaque neglectis illis linguæ græcæ legibus occurrunt in Novo Testamento græcis nominibus appellatiuis sine

ulla mutatione insigniti Viri quidam, vt *σέφαν* corona Aët. 6. 8. *σάχης spica* Rom. 16. 9. *νάρκισσος narcissus* flos Rom. 16. 11. *κρπ* fructus 2. Tim. 4. 13. *βλάστος* germen Aët. 12. 20. Nec non mulieres, vt *δορὰς capra sylvestris* Aët. 9. 39. *ῥόδον rosa* Aët. 12. 13. *χλὴν herba virens*, 1. Cor. 1. 11. *ἐὺδία bonus odor* Phil. 4. 2. *ἐννεῖον bona victoria* 2. Tim. 1. 5. &c. Sed tamen vt valeat illa ratio, cur igitur saltem non dixit Apostolus ἐν οἷ τῆς πίστεως? cur pronomen secundæ personæ mutauit in pronomen demonstratiuum tertiz? imò cur non dixit simpliciter καὶ ἐν οἷ? quid opus fuit addere τῆς πίστεως? stat igitur firma hæc prima ratio.

XX. Secunda ratio petitur ab ipsa veritate sententiæ Christi, quæ non patitur Petrum per Petram intelligi. Non enim super Petrum Christus ædificauit Ecclesiam suam, ædificatus fuit ipse Petrus, ædificati sunt alij Apostoli & discipuli à Christo, nec tamen super Petrum: Ipse Petrus tanquam minister Christi ædificauit, non tamen super semetipsum, ædificauit Paulus, ædificauerunt alij Apostoli, ædificant hodie pastores fideles sed super Christum, non super Petrum. Christus quatenus ædificat petra non dicitur, sed quatenus super eo ædificatur, quis enim vnquam architectum aut constructorem lapidem vel petram vel domus alicuius fundamentum appellauit, propterea quod is fundamentum illius domus jecit, aut lapides posuit vt eam ædificaret? separanda est relatio Architecti vel ædificantis quatenus est talis à relatione petræ, fundamenti, lapidis. Lapis non ædificat sed ædificatur Petra super quam ædificatur qua talis non ædificat, sed lapides qui ædificantur suscipit, sustinet, eorumque ædificationem passiuam & vniõnem terminat. Cum igitur Petrus spectari possit duobus modis, vt ædificans & vt ædificatus, lapidis autem sit ædificari non verò ædificare, satius est existimare lapidis seu petri nomen illi quatenus ædificatus est potius tributum fuisse à Christo, quàm quatenus ædificauit: ædificatus est autem vt electus aut fidelis, ædificauit verò vt pastor & Apostolus; Itaque fideles quatenus ædificantur omnes lapidum elogio ornantur & quidem ab ipso Petro. Pastores verò aut Apostoli qua tales nunquam. Et sunt multi architecti multi ædificantes partim coordinati partim subordinati inter se, sed vnica est Petra, vnicum fundamentum totius ædifici, quod, si Paulum audis, Petrus non est sed Christus.

Fundamentum, inquit, aliud nemo potest ponere, præter id quod po-

1. Petri
2. 5.

1. Cor.
3. 11.

*sicum est, quod est Iesus Christus. Id de primario edificij istius fundamento intelligendum est, inquit V Volkæhus. Sed si duo ponuntur fundamenta vnum primarium alterum secundarium, cur non addetur & tertium & quartum & sic deinceps. Id enim mihi deum fundamentum appellandum videtur, quod in edificio inuim ac primum est, cuique ædificium quamdiu itat innititur. At dicuntur fideles edificati super fundamento prophetarum & Apostolorum Eph. 2. 19. Fundamentum intelligitur, non quod ipsi Prophetæ & Apostoli fuerunt, sed quod illi posuerunt, & super quo semetiplos & alios fideles ædificauerunt. At Apoc. 21. 14. *Murus urbis* dicitur, *habere fundamenta duodecim, iisque inscripta nomina duodecim Apostolorum Agni. Certè, & duodecim etiam portas, eisque inscripta nomina duodecim tribuum Israël.* Vt igitur duodecim tribus Israël non sunt duodecim illæ portæ, sic nec duodecim Apostoli sunt duodecim illa fundamenta, vnica est porta Christus Ioh. 10. 7. 9. & 14. 6. sed per quam vndique patet commodissimus ad vitam & ad Patrem accessus. Vnicum etiam est fundamentum idem Christus, sed à duodecim Apostolis separatim diuersis in locis ædificantibus positum ita, vt cuiusque Apostoli opus proprium & laus operi consentanea in eo jaciendo diluceat. Enimuerò fundamento nomen fundamenti non solet inscribi, sed eius potius qui fundamentum iacit: hic autem quæ talis vt fundamentum dicatur, nisi me animus fallit, alienum est à consuetudine Scripturæ, & omnium hominum. Ipse Christus dicendo *super hanc petram edificabo Ecclesiam meam* ædificantem, ædificium, & petram per oppositas relationes distinguit, ac proinde ædificans quæ talis nec est ædificium quod ædificat, nec petra super quam ædificat.*

XXI. Tertia ratio inde oritur, quod totius Ecclesiæ & singularum eius partium firmitas & soliditas pendet à Petra, cui inædificata est. Non pendet autem à Petro sed à Christo. Non igitur Petrus sed Christus est petra cui inædificata est. Pendere firmitatem & constantiam edificij ex petra, super qua extructum est, ipse Christus docet Math. 7. 25. *Decidit, inquit, nimbus, & uenerunt flumina, & flauerunt venti, & irruerunt in domum illam, & non cecidit: fundata enim erat super petram: nec non hoc loco cum addit, Et porta inferorum non preualebunt aduersus eam.* Vnde enim ista firmitas, nisi à fundamento, quia non super arenam, sed

sed super Petram ædificata est : quale enim est fundamentum tale est ædificium prudenter ædificatum. Hæc autem firmitas, & toti Ecclesiæ, & singulis eius membris conuenit, id est, omnibus verè fidelibus, propterea quod omnes super Petram ædificati per fidem viuam ei immutabili, mundi, Satanæ, mortis, sepulchri victrici immediatè adhærent. Vt igitur promissa hæc firmitas ad omnes verè fideles pertinet, ne Petro quidem excepto, & Ecclesia, quam erat Christus ædificaturus, omnes fideles complectitur, etiam Petrum ipsum, qui ipse quoque à Petra super quam ædificatus fuit suam soliditatem & à morte resurrectionem accepit. Iam verò firmitatem illam fidelium, quos neque mors, neque sepulchrum, neque Diabolus vincere potest, non à Petro, sed à Christo, cui inniuntur, proficisci, non putopos esse vt probem.

XXII. Quid igitur, inquires, Christus reponit Petro hoc loco? & cur Petram dicendo ad Petri nomen alludit? Petrus ex interrogatis discipulis dignitatem personæ & muneris Christi, quam omnes fideles confiteri tenentur, prius erat confessus: Christus vicissim dignitatem personæ & muneris, alijs etiam Apostolis prædestinatis communem, Petro primo pollicetur, & veluti applicat: Et dignitatem quidem personæ prius vers. 18. Deinde muneris vers. 19. Tu dixisti mihi me esse Filium Dei, Et ego dico tibi quod tu es beneficio meo Petrus, lapis viuus, & quod super me, qui sum Petra solidissima, ædificabo Ecclesiam meam vsque adeo firmiter, vt ne portæ quidem inferorum ei præualere possint, quo non obscurè innuit Petrum vnum fore ex lapidibus, ex quibus indissolubile illud & magnificentissimum templum erat ædificandum. Quod beneficium omnium maximum auditoribus Euangelij promittitur quidem, sed promissione generali & sub conditione fidei & perseuerantiæ, Petro verò primo & soli singulariter à Christo promittitur absolute hoc loco: quæ prærogatiua nulla potuit esse optabilior. Eius autem veluti tessera Petri nomen fuit illi à Christo impositum, aduersus ipsius naturalem inconstantiam, ob quam paulo post audiit à Christo Satan, & qua factum est, vt ter Christum, & quidem se deuouendo & iurando, abnegauerit, magnum solamen. In se igitur Christus dicendo *hanc Petram*, vt dicendo *hoc templum* Ioh. 2. 19. digitum intendebat: Erat enim tam visibilis quam Petrus, quamuis.

non qua *Petra*, aut templum, vt nec iste qua *Petrus*, hoc est, lapis. 7

XXIII. Hanc expositionem ipse *Petrus* tradidisse videtur prioris Ep. suæ cap. 2. vers. 3. *Si tamen gustastis quam dulcis est Dominus, ad quem accedentes lapidem viuum, ab hominibus quidem reprobatum, à Deo autem electum & honorificatum: & ipsi tanquam lapides vini superadificamini, domus spiritualis, &c.* docet enim fideles esse lapides viuos: docet eos, non super se *Petrum*, sed super *Christum* lapidem viuum ædificari. Qui locus ad rem quam agimus non parum facit: verba enim, *Si tamen gustastis quoniam suavis est Dominus*, transcripsit Apostolus è Ps. 34. vers. 8. vbi *Dominus* hebraicè est *Iehonah*. Docet igitur *Petrus* *Christum* esse *Iehouah*. Merito autem locum illum de *Christo* exponit: Is enim semetipsum gustandum & videndum quàm sit suavis præbet immediatè. Edimus eius carnem, bibimus eius sanguinem: Eoque cibo & potu nihil est suauius. Si Patrem gustamus, non extra *Christum* separatim, sed gustando *Christum* cum gustamus, videndo *Christum* cum videmus.

XXIV. Adde quod si Pater est vna *Petra* & *Christus* altera, duæ sunt *Petræ* fundamentales, duo fundamenta Ecclesiæ, quomodo igitur Paulus clamat, *poni non posse aliud fundamentum præter id quod positum est, quod est Iesus Christus*? Non potest *Volkellius* confugere ad distinctionem fundamenti primarij & secundarij. Falsus enim est Paulum loqui de fundamento primario. Et, si potest aliud poni, siue dicatur esse secundarium, siue primum, verum non est quod dicit Apostolus, aliud non posse poni. Quid quod *Christus*, non modò spectatur vt Ecclesiæ fundamentum vnicum, sed etiam vt tenens in fundamento locum imum & primum? dicitur enim lapis *anagynasis*, & caput anguli. Quis locus relinquatur Deo Patri, si is quoque *Petra* est à *Christo* diuersa? Aut igitur is *Petra* non est, aut saltem *Petra* non est à *Christo* diuersa.

XXV. Hic notandum est petram super quam ædificatur Ecclesia duobus modis accipi posse, vno propriè, pro rupe immobili: altero minus propriè, pro lapide illo qui primus ab ædificante ponitur, quique est pars prima & ima totius ædificij. Vtroque modo *Christus* dicitur *Petra*: posteriore quidem *Matth.* 21. 42. & *Eph.* 2. 20. priore verò, ne longè abeam, loco citato *Matth.* 16. 18. & *super hanc petram ædificabo Ecclesiam meam. In eo enim*

petra consideratur non vt pars ædificij, sed vt distinguitur a toto ædificio, non tanquam ab ædificante ponenda, atque aliquo modo ædificanda, sed tanquam toti ædificationi substrata, non tanquam firmitatem aliunde accipiens, sed tanquam eam toti ædificio impertiens. Pendet autem ædificij firmitas, non tam a primo & imo eius lapide quàm a rupe seu petra, cui primus ille lapis adhæret. Vt vt enim solidus sit in se primus lapis, tamen si super arenam ædificatur, non est stabile ædificium. Itaque tacita sit hoc loco oppositio inter petram & arenam: opponitur autem petra arenæ, quatenus rupem propriè significat, non autem quatenus impropriè pro lapide vsurpatur: quemadmodum rursus hæc petra alij omni petræ vel rupi tacitè opponitur, tanquam quæ sola possit tribuere ædificio eiusmodi firmitatem, cui ne portæ quidem inferorum possint præualere. Id vidit Cardinalis Perronius. Itaque petram vertit gallicè *Roc, Rocher*, quod nomen spiritualiter intellectum, et Scriptura, vt dixi, soli Deo vendicat, & quomodo Petro tribui possit ab ipso Christo ædificato equidem non intelligo. Petra enim eo sensu accepta super quam extruitur ædificium, etiam ipsum lapidem *ἀποκρυσσιν* sustinet. Itaque Christus non esset lapis ille qui est prima pars Ecclesiæ, si homo non esset; nec rupes seu petra super quam ædificatur Ecclesia, si Deus non esset. Ea in re, vt in alijs omnibus, verum esse deprehenditur quod ait Apostolus, Christum *omnia esse in omnibus*.

XXV I. Aliud argumentum nobis dant voces *offensionis & scandalis duabus domibus Israël*. Significant enim corporis populi illius, vt loquitur Apostolus Rom. 11. *τῆς σκληρῆς & ἀμείνου*, atque adeò *ἀποστόλου & ἐκκλῆσιᾶς*, quæ tum accidit cum, (vt idem Apostolus testatur loco laudato Rom. 9. 32.) *offenderunt in lapidem* *offensionis*, hoc est, in Christum. Id negabunt Aduersarij: probandum est igitur, non auctoritate Apostoli, (Hoc enim jam præstitimus octo primis thesibus huius disputationis) sed argumentis ductis ab ipso textu Esaiæ. Primum non significatur illis verbis ruina temporalis seu abductio tribus Iudæ & Benjamin in captiuitatem Babylonicam, vti velle videtur Socinus. Nam, & nihil est in antecedentibus & sequentibus versibus quod eò spectet: Et in ea captiuitate domus Iudæ perseuerauit populus Dei esse, ac stetit in diuino fovere. Hæc autem intelligitur lapsus &

ruina spiritualis. Opponuntur enim duæ domus Israël illis qui sanctificant Dominum, hoc est, fidelibus: sanctificatur enim per fidem, ut patet ex Num. 20. 12. Innuitur igitur populi Israëlitiçi incredulitas & rebellio. Deinde opponitur prædictio, *erit in lapidem offensionis & Petram scandali*, promissioni, *erit in Sanctuarium*. Quàm igitur ista de bono spirituali, tam illa de malo spirituali intelligenda videtur. Præterea captiuitas temporalis communis fuit pijs & impijs, sanctificantibus Dominum & eis qui Dominum non sanctificabant, cum tamen Dominus non fuerit in lapidem offensionis & Petram scandali nisi illis qui ipsum non sanctificarunt. Captiuitas etiam illa temporalis Iudæos omnes nullo excepto complexa est: si qui relictæ sunt in Iudæa, illi in Ægyptum descenderunt, inque captiuitatem deteriorem inciderunt: lapsione verò & ruina quæ hoc loco describitur, ita populus Iudaicus & nominatum incola Hierusalem implicandi erant, ut ea ad discipulos Domini non pertineret, ut patet ex versibus sequentibus.

XXVII. Denique infidelitas & rebellio populi Iudaici intelligitur quam sequuta est reiectio a fœdere separatioque Ecclesiæ ab illius populi corpore: sequuntur enim hæc verba *Ÿ. 16. liga testimonium & signa legem in discipulis meis*, quibus innuitur testimonium seu legem atque adeo fœdus diuinum non amplius ad populum illum pertinere, sed proprium esse eorum, qui a populo illo secessionem fecerunt, Domini discipulorum, hoc est, Christianorum. Itaque continuo Christus sub alia relatione cum filijs ac discipulis suis Ecclesiam a Synagoga diuersam constituentibus inducitur fidem suam profitens his verbis, *Et expectabo Dominum qui abscondit faciem suam à Domo Iacob*, (quibus verbis rursus populi execratio & reiectio innuitur) seseq; cum filijs & discipulis suis, seorsum ab illo populo in vnâ societatem religiosam coactis, cognoscendû ostendens ac dicens, *Ecce ego & pueri quos dedit mihi Dominus* &c. Dixi *sub alia relatione*. Fuit enim lapis offensionis, & petra scandali, & in laqueum et tendiculum incolis Hierusalem potissimum ratione diuinitatis suæ, quam cum profiteretur, pro blasphemo habitus est, & condemnatus in illa vrbe. Rursus ratione humanitatis docuit verbo & exemplo, fuitque instar doctoris ac patris familias discipulos suos ac filios ad se in vnum congregantis. Id quod certo, eoque breui, temporis spatio ab eo ita

factum est in diebus carnis eius, vt tamen pertineat ad fideles omnes vsque ad consummationem seculi. Vtrumque illud, quoniam eodem tempore factum est, consentaneum fuit vt eadem contextus serie prædiceretur, atque ea ratione Emmanuel describeretur. Ne tamen qui dicit *Expectabo Dominum* &c. alius videretur a Domino qui dicebat *liga testimonium* &c., duas illas sententias Propheta copulauit interposita coniunctione, &, continuatum ab eodem loquente sermonem, non autem ab alio inchoatum, non obscure significante, quem ipsum sermonem Christi hominis verbis 17. & 18. comprehensum copulat etiam per eandem coniunctionem cum verbis sequentis versiculi, *Et cum dixerint vobis* &c., quæ sunt manifesta continuatio inchoatæ V. 11. concionis Domini suos discipulos docentis. Ex quo intelligitur eundem esse Deum & hominem, et modo vt Deum; modo vt hominem decet, loqui.

XXVIII. Ex his omnibus perspicuum est Lapidem offensionis & Petram scandali esse non propriè Patrem, sed eius Filium Dominum nostrum. Offendit enim in lapidem seu petram, non qui petram videt & agnoscit, sed qui eam non videt, aut si aliquomodo videt, pro petra non habet. Cum igitur Christus profiteretur se esse Petram, id est, Deum, Dei filium, Iudæi præ cæcitate & duritie cordis eum non agnoscentes, ac temerario quodam zelo Dei, qui pater est Christi, abrepti totis viribus in eum irruerunt & contracti corruerunt. Incurrerunt etiam iidem in Christi Apostolos & discipulos, qui tamen propterea lapides offensionis vel petræ scandali nunquam dicuntur. Causa enim per accidens offensionis non erat in personis Apostolorum & discipulorum Christi, sed in solo Christo, quem per Apostolos prædicatum & oblatum volebant agnoscere. Deum etiam ante aduentum Christi peccatis suis ad iram prouocarunt, frequenter, Is tamen propterea petra scandali & lapis offensionis dici non potuit. Non enim in persona dei Patris hæsit causa per accidens scandali. Etenim de se nihil dixit, quod populo illi absurdum videretur vsque adeò, vt eum non haberet pro Deo: tantum eius seruos & prophetas, pro veris Dei prophetis, cum ingrata docuerunt, habere noluit. In ipsam personam Dei Patris nunquam ausu nefando incurrit. In solam Filij personam fecit impetum, eamque agnoscere holuit, & persecutus est aperte, atque ita ad eum solum tanquam ad lapi-

dem seu petram scandali offendit.

XXIX. His omnibus addi potest typus illustris. Constat Petram ex qua percussa aquæ manarunt ad restinguendam sitim populi sitientis in deserto typum Christi fuisse. Id enim & Paulus disertis verbis docet 1. Cor. 10. 4. & ipse Christus innuit Ioh. 7. 37. & res ipsa abundè testatur. Peto igitur quorsum Dominus non dixit simpliciter Exod. 17. 6. *percuties Petram, & exibit ex ea aqua, ut bibat populus*, sed præmisit hæc verba, *Ecce ego sto ante te, ibi, super Petra, in Horeb, & percuties Petram*, &c. Id enim non est nullo consilio dictum & factum: potuit enim hoc totum omitti, potuit dixisse tantum, Ego ibi ero, sed his non contentus verba accumulat singula per se digna attentione, Ecce, ego sto, vel potius, sto, coram te, ibi, super Petra, in Horeb. Ut videri possit Moses percutiendo Petram, ipsum Dominum quodammodo percussisse stantem coram ipso percutiente, ibi super Petra quam percutiebat, an esset in medio ipsorum Dominus populo ignorante. Sic quoad eius fieri potuit adumbratum est veram Petram, ex qua in consummatione seculorum percussa aquæ manarunt salientes in vitam æternam, ipsum Dominum seu Iehouah esse, quamvis nihil nisi vilis quidam lapis Iudeis percutientibus visus fuerit.

XXXI. Vnum adhuc addam, *maledicet* inquit Propheta hoc capite X. 21. *Regi suo & Deo suo*. Cui Deo suo? Idolo? dixisset igitur potius idolo suo: nunquam enim Deus populi Iudaici eum dicitur, idolum intelligitur. Adde quod sic describitur summa populi illius impietas, non autem resipiscencia (qua nemo inducitur ut maledicat regi suo: hoc enim lege prohibitum est) nam antè & post quæ commemorantur mala sunt. Si non intelligitur idolum, intelligitur Iehouah. Hoc enim nomen est Dei Israelis. Atqui intelligitur Christus. Is igitur est Deus Israelis, est Iehouah. Probo Christum intelligi. Intelligitur aut Pater aut Filius. Non Pater præcisè, nunquam enim legitur populus ille ei maledixisse. Etiam prolapsis in Idololatriam, etiam vicinis gentibus, etiam reiecto vsque a tot seculis populo illi nomen Iehouah fuit estque sacrosanctum. Sed maledixit horribiliter, atque etiamnum maledixit Deo suo Dei sui Filio. Id etiam colligitur ex regis nomine: nam cui regi suo populus ille post editum istud vaticinium maledixisse legitur? Præter vnum Christum nullus comparet in

Scriptura, Nullus etiam præter eum idem simul propriè rex est & Deus Iudæorum. Nisi autem idem utroque illo Regis & Dei nomine intelligeretur, postpositum fuisset pro more Scripturæ Regis nomen nomini Dei.

XXXII. Accedit quod describitur illis verbis vel Rex Assyriorum, cuius mentio facta est N. 7. & 8. vel populus Iudaicus de quo agebatur in versibus proximis, suadet proximitas ut hic potius intelligatur: suadet hoc ipsum connexio huius descriptionis cum versibus immediatè præcedentibus & sequentibus: necnon hæc ipsa verba, *Regi suo, Deo suo*: Nam maledixit quidem Deo Israelis Rex Assyriorum: sed abhorret a stilo Scripturæ Veteris Testamenti, ut Deus Israelis dicatur Rex & Deus gentis aut regis a republica Israelis origine & religione prorsus alieni. Describitur ergo populus Iudaicus incredulus, qualis fuit tempore aduentus Christi. Describitur enim populus *cui non fuit matutina lux* N. 20. Intelligitur autem sine dubio lux Christi, solis iustitiæ, lucis mundi: quis enim alius oriens diem mundo intulit? Sic autem lux venit in mundum, seseque omnibus promiscuè ostendit, ut tamen Iudæis diligentibus magis tenebras quàm lucem non fuerit aurora: lucem enim orientem non receperunt. *Transibit*, inquit Propheta, *per eam*, Si terram intelligit, notat irrequietum animum mare terramque circumuehientium, ut faciant vnum profelytum, & ut lucem, quominus ad alios perueniat, impediunt. Si legem in proximo antecedente versu nominatam, significat populum illum legem vel transgressurum, vel lecturum & auditurum transeundo per eam, non immorando &, ut ita dicam, habitando in ea, quemadmodum is facit, qui reiectis humanis traditionibus eam habet pro fundo suo hæreditario, ac in ea cum maximo gaudio meditatur die & nocte. Addit *induratus*, id quod Euangelium passim testatur, & *famelicus*, non fame iustitiæ quæ est ex fide, sed, iustitiæ ex operibus, *Et cum Esurierit irascetur, & maledicet regi suo & Deo suo*, quo fuerit vehementior ista fames, eo magis intumescet atque effervescet irâ aduersus Euangelium, usque adeo ut regem suum & deum suum, sese ei tam familiariter ostendentem, æ vitam æternam offerentem maledictis & conuicijs persequatur: & tamen *sursum aspiciet*, quasi culturus deum, ab eoque salutem expectaturus, sed *terram intuebitur*, terrena quæret, terrena sapiet. vbicunque autem erit, quocunque se verret, quacunque

Math.
23. 15.

Pf. 119.
111.
Pf. 1. 2.
Rom.
9. 31. &
11. 7.

spe se lactabit, *Ecce afflictio, tenebra, obscuritas, angustia, caligo, inquietudo.* Non potuit conuenientius describi interna constitutio animi Iudæorum rebellium, præsertim scribarum, pharisæorum, & ut loquitur Apostolus, *ὅς ἀρχόντων τῷ αἰῶνι τέτυκται, qui crucifixerunt Dominum glorie.* Sed, addit, *non erit obscuritas ei cui fuit afflictio:* orietur enim Euangelium pauperibus, contemptis, paruulis, contractis corde peccatoribus, *Quemadmodum primo tempore contemptibilis fuit terra Zabulon, & terra Nephtali, sic ultimo tempore eam glorificabit. via maris, trans Iordanem, Galilea gentium, populus qui ambulabat in tenebris vidit lucem magnam: habitantibus in regione umbra mortis lux orta est eis.* Sic enim Prophetæ verba reddi posse nemo, opinor, inficiabitur, debere autem cum Matthæus innuere, tum oppositio inter tempus primum & ultimum & verba חקל & הכביר suadere videtur, euentu apertè consentiente. Ex quibus omnibus apparet Prophetam loqui de tempore aduentus Christi, & inchoatæ prædicationis Euangelij.

Math.
11 23.
Matth.
4 15.



DISPUTATIO

QUARTA

De Arg. IV. Ex Esaia Cap. xxxv. v. 23. *Per memetipsum iuravi, &c. quod mihi curuabitur omne genu, citato Rom. 14. 10.*

I. **I**N DOM Esaia Dominum inducit sic loquentem & iurantem cap. 45. vers. 22. *Respicite ad me, & salvi eritis omnes fines terra: quia ego Deus, & non est alius. Per memetipsum iuravi, Egressum est ex ore meo iustitiae verbum, & non reuertetur, quod mihi curuabitur omne genu, & iurabit omnis lingua.* Eum, qui sic loquitur & iurat, Deum Israelis esse divina essentia praeditum ambigit nemo. Eundem autem esse Christum non obscurè significat Apostolus Rom. 14. 10. his verbis, *Omnes enim sistemur tribunali Christi, Scriptum est enim, vino ego, dicit Dominus, quod mihi sese flectet omne genu, & omnis lingua confitebitur Deo. Itaque unusquisque nostrum de se rationem reddet Deo.*

II. Respondet Socinus, *Hoc argumentum constare ex quatuor terminis.* Nam inquit, in propositione medius terminus reuera Refut. Resp. I. est, *Omne genu alicui curuari, in assumptione verò, Omnes stare ante tribunal alicuius.* Atqui aliud est curuare genua alicui, aliud verò, ante tribunal eius stare, & potest quis uno & eodem tempore vni curuare genua, & ante tribunal alterius stare, veluti si Rex aliquis, cui praesenti genua omnes flectere semper debeant, praesens esse velit, cum coram tribunali Iudicis à se delegati causa indicantur; annon qui venient, ut ab isto delegato iudice causa sua indicantur uno & eodem tempore & ante iudicis istius tribunal stabunt, id est, apparebunt, seseque tribunali illius subijcient, & Regi praesenti genua curuabunt? Nonne ex eo, quod stant ante tribunal iudicis istius,

consequetur necessario, quia Rex perpetuò sit præsens, ut Regi genua flectant? Nec tamen ulla prorsus ratione inde sequetur, iudicem istum esse unum & eundem cum ipso Rege.

I II. Primum hac responsione Socinus per latus nostrum ipsum Apostolum ferit. Is enim ex propositione Domini, *vino ego, quod mihi curuabitur omne genu*, infert hanc conclusionem, Ergo *Stabimus* (vel potius, *Sistemur*) *omnes ante tribunal Christi*. Itaque in enthymemate Apostoli, Socini iudicio, sunt quatuor termini: curuare genua Domino in propositione; sisti tribunali Christi in conclusione, nullusque terminus est in conclusione, qui fuerit in præmissa expressa. Sed recidit hic ictus in Socinum illæsis Apostolo & nobis. Quamvis enim in genere curuare genua alicui, & sisti ad tribunal alicuius admodum differant, tamen cum de supremo totius mundi Iudice & Domino agitur, omne genu illi curuari, & omnem personam creatam illius tribunali sisti, phrasæ sunt reciproæ, atque æquipollentes. Christum autem esse totius mundi Iudicem & Dominum omnis Christianus confiteretur, alioqui non dignus Christiani nomine. Supremum autem esse Iudicem & Dominum credit quisquis apud se perpendit, nullam ab eo prouocationem dari, eum habere omnem potestatem in cælo & in terra, (qui autem dicit omnem, nullum excludit) Eum esse hæredem omnium. Tantum autem est ius Hæredis quantum fuit illius cuius est hæres. Nos quidem etiam hæredes sumus, sed Christi beneficio, cuius membra suo modo participant id quod est capitis.

IV. Deinde Socinus sua ista responsione Christo facit iniuriam. Perinde enim loquitur, ac si ipsi Christo curuandum non esset omne genu, cum tamen Apostolus claret, *in nomine Iesu flectendum esse omne genu celestium, & terrestrium, & infernorum*. Itaque claudicat omni ex parte Regis & delegati à Rege iudicis quam subijcit, similitudo. Primum iudex à Rege delegatus non est Rex, non est Regi æqualis, datur ab eo prouocatio ad Regem, non debetur ei adoratio. Contra hæc res habet. Christus enim Rex est, Deus est, Deo æqualis, Iudex supremus, cui tanquam suo Domino, Regi, Deo, debent genua flectere omnes Angeli & homines, atque data opera Pater nolit per suam ipsius personam iudicem agere: sed *dedit omne iudicium Filio, ut omnes honorarent Filium, sicut honorant Patrem, qui non honorat Filium, non ho-*

Phil. 2.
19.

Heb. 1.

6.

Ioh. 3.

22.

norat Patrem. Secundò Iudici delegato non flectit genūa quisquis se illius tribunali sistit, in quo valdè distat à Christo, cui, si vnquā omne genu flectetur, (flectetur autem certè tandem aliquando) flectetur profectò ei sedenti Iudici in throno gloriæ suæ. Tertiò, Rex non est in iudice delegato, nec iudex in Rege: sed Rex est persona separata à Iudice, & iudex à Rege: præsens est Rex in propria persona, neque idem est Regis thronus & Iudicis, eadem gloria, iidem ministri, idem regnum, iidem subditi, &c. vt hâc certitur. Nam Pater est in Filio & Filius in Patre: Pater non ostenditur, non videtur, nisi quatenus ostenditur & videtur Filius: *Ioh. 14. Idemque vtriusque est thronus, idem regnum, iidem subditi, 9. 10. iidem ministri, eadem gloria, idem honor, vno verbo omnia quæcunque sunt Patris sunt etiam Filij, & vice versa. Itaque non Ioh. 16. 15. & apparebit in Iudicio Pater in propria, vt loquuntur, persona 17. 10. nec videbitur nisi quia videbitur Filius.*

V. *Applicat hoc exemplum Socinus ad rem nostram. Certum est, inquit, Christum in munere mundi iudicandi esse iudicem à Deo delegatum: per quem videlicet, Deus mundum iudicare constituerit. Id enim expresse affirmat Paulus Act. 17. 31. Quantum interfit inter iudicem delegatum & Christum iam ostendimus. Nec nobis obest locus Act. 17. 31. Decevit enim Deus omnia quæcunque facit, & quomodo ea facit. Cum igitur tres sint, secundum Scripturam & fidem nostram, personæ diuinæ, Pater, Filius, & Spiritus Sanctus, quæ potuerunt mundum iudicare, quod ex partes potius personæ Filij quàm personæ Patris aut Spiritus Sancti sint attributæ à diuino consilio & beneplacito proficisci oportuit. Pergit Socinus. Hinc sequitur, quod cum Christus in tribunali suo sedebit, mundum indicaturus, ibi Dei maiestas vehemèntissime & clarissime, immò magis quàm vnquam antea, elucebit: & consequenter ab ijs, qui ante istud tribunal stabunt, agnosceatur & approbabitur. Itaque istis Deus, vt mortalibus esse potest, planè erit præsens. Sunt quidem ista vera, sed nihil obsunt argumento nostro. Illa enim Dei maiestas quæ tunc elucebit, erit eadem maiestas Christi, & elucebit non extra Christum in persona Patris, sed in persona Christi; & videbitur agnosceaturq; non extra Christum, sed in Christo; & Deus erit præsens, non diuersus aut separatus à Christo, sed quia Christus erit præsens. Eadem erit Dei & Christi præsentia. Videre Deum & videre Christum idem erunt.*

Itaque venturū & appariturum Filium Scriptūra Noui Testa-
menti sæpè docet & inculcat: venturum & appariturum Patrem,
nunquam. Et, si Philippo dicenti *Domine, ostende nobis Patrem,*
Christus respondit *tanto tempore vobiscum sum, & non cognovisti*
me? Philippe, qui vidit me vidit & Patrem. Et quomodo tu dicis
ostende nobis Patrem? Et tamen Christus tunc apparebat in carne
mortali nostræ per omnia, si peccatum excipias, simili, quid ei
diceret, qui cum ipsum gloria & Majestate coronatum vidisset,
sibi tamen Patrem ostendi postularet? Nihil profectò est, quo
se Pater hominibus ostendat excellentius, clarius, magnificen-
tius, quàm Filius, qui est *αὐτῶν αὐτῶν τῆς δόξης, ὃς ἡγαγὼν τῆς*
δοξασίας αὐτοῦ.

H.b.r.
3.

V I. Addit Socinus, *Præsentem autem Deo, genua ipsi flectenda*
esse, nemo est qui neget. Ergo qui ante Christi tribunal stabunt, ge-
nua Deo flectent. Stabant autem omnes. Omne igitur genu se Deo
flectet tunc, cum ante Christi tribunal stabitur: atque hoc passio
verba illa ipsius Dei apud Esaiam, de curuando sibi omni genu, ad
effectum perducuntur. Vides, conclusum esse id ipsum quod Paulus
concludere voluit, idque ea ratione, quæ in verbis ipsius expressa est:
nec tamen necesse fuisse statuere, quod Christus sit ipse Deus. Ludit
hoc loco lectorem suum Socinus. Sic enim ratiocinando neque
concludit id ipsum quod Paulus concludere voluit, neque ea ra-
tione quæ in verbis ipsius expressa est, Sed opposita planè. In-
uertit enim argumentationem Apostoli, atque vertitur conclusio-
ne Apostoli tanquam medio ad id concludendum, quod in ar-
gumento Apostoli tenet mediij locum. Quod Apostolus vult con-
cludere habetur vers. 10. his verbis, *Omnes enim stabimus ante*
tribunal Christi. Medium cuius vi id vult concludere habetur
vers. 11. *Scriptum est enim, vivo ego, dicit Dominus, quod mihi cur-*
uabitur omne genu. Concludit nos omnes sistendos esse tribuna-
li Christi, quia omne genu Domino curuabitur. Contrà Socinus
concludit omne genu Deo curuandum esse, quia omnes sistuntur
tribunali Christi. Hoc non est exponere argumentationem A-
postoli, sed conuertere faciendo ex præmissa conclusionem & ex
conclusionem præmissam. Ita Socinus inducit Apostolum sumen-
tem, aut, ut vulgò loquuntur, præsupponentem id quod probare
instituit, & contra probantem id quod sumit, tanquam argumen-
tum seu medium, ex Propheta Esaiæ: quæ stupenda est Socini

ἀβυσσος, ad quam tamen altera accessit. Inducit enim Apostolum præmissa angustiore utentem ad probandam conclusionem multò latius parentem. Id quod fieri vetant Logici. Nam in illa propositione Apostoli, *Omnes enim stabimus ante tribunal Christi*, nota quantitatis, *omnes*, de Christianorum vniuersitate intelligitur, ut patet ex antecedentibus & scopo Apostoli, & vers. 12. In propositione verò Domini, *mibi curuabitur omne genu*, vox, *omne*, de omni persona creata angelica & humana, nulla excepta, intelligitur. Itaque ex nostra omnium coram tribunali Christi apparitione non probat Apostolus, omne genu curuatum iri Deo, (victiosa enim esset argumentatio) sed ex eo quod curuabitur omne genu Domino probat omnes nos, hoc est, Christianos staturos ante tribunal Christi, quæ optima est argumentatio, quod dictum est de genere ad speciem applicans.

V I I. His igitur duobus fœdis vitij laborat expositio Sociniana argumenti Apostolici, & tamen vix aliud concludere potest, quàm quod conclusum volumus. Sic enim habet, cum Christus in tribunali suo sedebit mundum Iudicaturus, Deus illis qui ante eius tribunal stabunt planè erit præsens. Præsentem autem Deo genua ipsi flectenda esse, nemo est qui neget. Ergo qui ante Christi tribunal stabunt genua Deo flectent, stabunt autem omnes. Omne igitur genu se Deo flectet. Propositio, præsentem Deo genua ipsi flectenda esse, eget distinctione. Est enim Deus præsens inuisibiliter cum non apparet, & est præsens visibiliter cum apparet creaturæ. Verba etiam, genua Deo flectenda esse, ambigua sunt: nam, vel officium creaturæ, siue ab ea omitti possit, siue non possit, significant, vel necessarium atque inuitabilem euentum. Priore significato Deo, seu visibiliter seu inuisibiliter præsens sit, genua flectenda esse nemo negat, sed ea significatio non est huius loci. Verbis enim illis, *Viso ego, dicit Dominus, quod mibi curuabitur omne genu*, non tam officium creaturæ significatur, quàm euentus prorsus necessarius & inuitabilis. Intelligitur enim omne genu, etiam impiorum, etiam diabolorum, nullo excepto, ut manifestum est. Posteriore significatione Deo præsentem curuandum est ipsi omne genu, non quoquo modo præsentem, sed quemadmodum decet summum mundi Iudicem, cum eius tribunali omnis creatura sistitur. Quis autem tum præsens erit eo modo? quis visibiliter aderit? quis sedebit pro tribu-

nali? Quis? nisi is qui cum venerit in maiestate sua, & omnes sancti Angeli cum eo, sedebit in solio maiestatis suæ, & congregabuntur ante eum omnes gentes? Hic enim est ille Dominus à cuius facie, & à gloria virtutis eius luent pœnas æterni supplicij omnes increduli & rebelles, cum venerit ut glorificetur in sanctis suis, & admirandus fiat in omnibus credentibus. Ex eo igitur quod omnes cogentur se sistere coram tribunali supremo magni illius Dei, qui est Rex regum & Dominus dominantium, sequitur necessario omnes illigenue flexuros. Si Iosepho, insigni Christi typo, in secundo curru Pharaonis sedente, *præco clamabat, ut omnes genua coram eo flecterent*, (sic enim habet vetus versio) quanto verissimilius est, Christo sedente in throno maiestatis suæ ad iudicandum viuos & mortuos, proclamatum iri, *Incuruate vos ei omnes dij*, hoc est, *Angeli*, omnesque homines?

VIII. Socinus deprauata argumentatione Apostoli eo modo, quem commemoravi, concludit, *Ex hoc loco Pauli nullo modo posse colligi, Christum esse illam unum Deum Israël: quippe, quod ibi non dicatur id, quod assumendum in argumentatione ista fuisset, videlicet, Christo curuatum iri omne genu: sed tantum omnes staturos ante tribunal Christi*. Atqui istæ phrasæ Apostolo æquipollent, sese enim mutuo ponunt & tollunt. Nam si curuabitur omne genu Domino, sistentur omnes tribunali Domini, alioqui falsa esset argumentatio Apostoli; & si omnes sistentur tribunali Domini, omne genu curuabitur Domino. Cogentur enim sine dubio omnes, cum sistentur tribunali Domini, eius auctoritatem & maiestatem summam agnoscere, ei se subicere, cum ea reuerentia & demissione, quæ tanto Iudici, Regi, immò Deo debetur: debetur autem illi adoratio seu genu flexio. Flectent igitur illi genua. Et quando quæso in nomine Iesu flectetur omne genu, si non flectetur tunc cum ad eius tribunal omnes sistentur?

I X. Progreditur longius Socinus, *Finge inquit, Paulum dixisse, Christo omne genu curuatum iri. Nunquid hinc necessario sequetur, Christum esse illum ipsum Dominum, qui apud Esaia dixit, Mihi curuabitur omne genu, quia videlicet Paulus ex hoc Esaia loco, istud de Christo concludat? Nullo pacto. Non videtur Socinus percepisse vim argumenti quod ex hoc loco ducimus. Id quale sit, Deo dante, statim proferemus. Interim dico, non esse*

figendum id quod reuera est. Non dixit quidem Paulus totidem verbis, Christo omne genu curuatum iri, sed dixit quod idem valeret. Nam, & necesse erit omnes flectere genua Christo, quotquot stabunt ante eius tribunal iudicandi, (stabunt autem omnes:) is enim honor Christo debetur, etiam ab ipsis Angelis, teste Apostolo Heb. 1. 6. & tacite sumit Apostolus, Dominum qui iurat apud Esaiam, sibi curuatum iri omne genu, eundem esse Christum. Id enim cum ad eius argumentationem est necessarium, tum ex verbis ipsis Domini colligi potest. Quod utrumque ipso Domino dante faciam, ut spero, manifestum.

X. Dico etiam id necessariò sequi, quod sequi negat Socinus. Nam quo pacto ex verbis Domini, *mihi curuabitur omne genu*, concluderet Apostolus curuatum iri omne genu alij, quam Domino, qui hoc dixit? Qui dicit *mihi curuabitur*, per pronomen *mihi* semetipsum significat, non alium, præsertim à se tota essentia, immò toto genere diuersum, ac nondum existentem.

XI. Conatur tamen Socinus quomodo id non sequatur docere, Nam, inquit, cum ex eiusdem Pauli clarissimis verbis, quæ alibi id est Philip. 2. scripsit, apertissimè constet, hoc, quod Christo omne genu curuari aliquando debeat, ex illius unius Dei dono profectum esse: & sic, Christum, hac in re, ut in alijs omnibus, totum ab illo uno Deo pendere. & huius ipsius rei ratione, ab uno illo Deo distinguere; necesse est, Christum, etiam quatenus omne genu illi curuari debet, illi uni Deo subordinatum esse; ita ut quicumque Christo genua flectit, illi uni Deo genua flectat. Ex quo consequitur, iure potuisse Paulum affirmare, impletum iri vaticinationem illam apud Esaiam de curuando uni illi Deo omni genu. hac ratione, quod Christo omne genu curuabitur, etiamsi Christus non sit ille unus Deus. His verbis tria peccat Socinus. Primò, ait Christum, etiam quatenus illi omne genu curuari debet, illi uni Deo subordinatum esse. Idque effici putat ex Phil. 2. 10. Ex quo tamen contrarium sequitur. Subordinatio enim inæqualitatem significat, cum tamen ex loco illo summa æqualitas concludi possit. Nam eo loco Christus dicitur cum sese exinaniuit fuisse in forma Dei: Non autem forma Dei falsa intelligitur, sed vera. Vera autem non est forma Dei, cum abest essentia diuina. Deinde additur, cum non duxisset rapinam esse se æqualem Deo. Erat igitur æqualis Deo, & quidem, iure. Id quod veram Dei formam arguit. Plurimum enim inter-

est inter similitudinem aliquam & æqualitatem. Tum subiungitur, Deum habita ratione tantæ eius cum dignitatis naturalis, tum voluntariæ humiliationis, cum *superexaltasse*, hoc est, ut Vatablus, & Beza vertunt, *in summam extulisse sublimitatem*, summa autem sublimitas diuinæ æqualis est: alioqui non esset summa, sic responderet dignitati personæ, (nulla enim dignior forma concipi potest quàm Dei, nulla maior dignitas quàm ea quæ diuinæ est æqualis.) & voluntariæ humiliationi, qua, spectatis terminis à quo & ad quem, nulla maior esse potuit. Denique subiungitur, Deum illi *nomen dedisse, quod est supra omne nomen*, hoc est, nomen supremum. Quod est autem nomen supremum nisi nomen proprium Dei? Illud enim nomen non est supra omne nomen, quod est nomen aliquod superius. Atque hæc fortè causa est cur Apostolus subiiciens, *ut in nomine Iesu flectat se omne genu cælestium & terrestrium & subterraneorum, & omnis lingua confiteatur, quod Dominus est Iesus Christus ad gloriam Dei Patris*, non dixit cum articulo *ὃν ὁ Κύριος*, sed absque articulo *ὃν Κύριος* *Ἰησοῦς Χριστός*: constat enim, nomen *Κύριος* absque articulo præfixo id esse, quo 70. interpretes, omnesque Novi Testamenti autores nomen Dei Israël proprium, quod est supra omne nomen, exprimunt. Itaque non potuit clarius nuñcere supremum illud nomen Christo conuenire. Taceo nullam dari prouocationem à Christo, quæ tamen dari solet à subordinato Iudice ad eum cui subordinatus est. Taceo Christum habere omnem potestatem in cælo & in terra: non autem habere omnem potestatem cum, qui summam non habet. Taceo omnia quæcunque sunt Patris esse etiam Filii: id quod æqualitatem summam arguit, cui cum subordinatione non benè conuenire palam est. Hæc enim iam attigi thes. 3. & 4.

X I. Addo verba Apostoli, 1. Cor. 15. 28. *Cum verò subiecta fuerint illi omnia, tunc & ipse Filius subicietur ei, qui subiecit ei omnia, ut Deus sit omnia in omnibus*. Innuunt enim Christum, quandiu regnat & iudicat, Patri subiectum non esse. Regnat enim cum Patre ut æqualis cum æquali, summa cum autoritate & Maiestate. Iudicabit eos qui flexis genibus ante ipsius tribunal erunt, non tanquam alienos seruos aut subditos, sed tanquam suos, ac prout sui vnus Domini ipsorum rationem habuerint, vel non habuerint in hac vita, absoluet, vel damnabit. Quibus om-

Math.
25. 35.

nibus peractis, tum demum, quatenus homo est, quiescet ab imperando & iudicando. Non quiescet tamen Pater atque diuinitas à Sanctis suis omni gaudio & felicitàte perpetuò beandis. Ita Patri regnum tradet & subicietur Filius. Ad regendos enim atque in beatitudine & gloria conseruandos glorificatos sola diuinitatis efficacia abundè sufficiet, nec erit opus vt Filius, quatenus à Patre distinguitur, aut quatenus homo est munere aliquo fungatur.

XII. Alterum Socini peccatum in illis verbis est illa ipsa argumentationis Apostolicæ inuersio, quam in eo iam reprehendi. Conatur enim explicare, quomodo quicunque genua flectet Christo, ea flectet etiam Deo, id quod ad exponendam argumentationem Apostoli nihil prorsus facit. Non enim Apostolus ex eo quod omne genu flectetur Christo concludit omne genu flexum iri Deo, sed contrà ex eo quod flectetur Deo concludit flexum iri Christo. Itaque frustrà laborat Socinus in deducenda consequentia à Christo ad Deum: aberrat enim ab Apostoli scopo & verbis.

XIII. Tertium Socini peccatum est in illis verbis, *Ex quo consequitur, iure potuisse Paulum affirmare impletum iri vaticinationem illam apud Esaiam de curuando illi vni Deo omni genu, hac ratione, quod Christo omne genu curuabitur.* Perinde enim accipit verba Apostoli, ac si dixisset, *Omnes enim stabimus ante tribunal Christi, vt impleatur quod scriptum est, vni ego, dicit Dominus, quod mihi flectet se omne genu;* Cum tamen Apostolus longè aliter sit locutus, *Omnes enim stabimus ante tribunal Christi: Scriptum est enim, ego vni, dicit Dominus, quod mihi curuabitur omne genu.* Illud, enim, clamat Apostolum argumentari? Nonne manifestum est, Apostolum necessitatem apparitionis omnium coram tribunali Christi probare, ducto ab illo Domini iureiurando argumento? Nonne Apostolus, prolato illo iureiurando, rursus ex eo eandem diuersis verbis necessitatem deducit atque repetit? *Itaque, inquit, vnusquisque nostrum de seipso rationem reddet Deo?* Certè nullum locum dubitandi relinquit, quin ex verbis illis Domini apud Esaiam necessitatem illam certissimè concludat. Et tamen Socinus, quasi putaret se posse lectorem ludificare ac fallere nuda affirmatione, paulò post subiicit hæc verba, *Est præterea animaduertendum, Paulum non dixisse, scriptum esse, id tri-*

*buendum esse Christo, quod ipse commemorat: sed tantummodo, se propterea id commemorare quia scriptum sit, vivo ego, &c. Ad hoc refellendum sola lectione verborum Apostoli opus est. Quod enim iste negat Paulum dixisse, Paulus dixit; & quod affirmat Paulum dixisse, Paulus non dixit. Negat Paulum dixisse, scriptum esse, omnes staturos ante tribunal Christi. Non dicit quidem Paulus id scriptum esse in eo Esaia loco totidem verbis, at dicit quod idem valet, cum id ex eo quod ibi scriptum est, colligit, & deducit necessaria consequentia. Quomodo enim ex verbis Domini scriptis ab Esaia id eliciuisset atque expressisset, si in illis non continebatur? Affirmat Paulum dixisse *Tantummodo, se propterea id commemorare, quia scriptum sit, vivo ego, &c.* Id nullo modo Paulus dixit, nec ex ipsius verbis colligi potest, sed contrarium potius. Non enim quia scriptum sit *vivo ego, &c.* idcirco commemorat nos staturos omnes ante tribunal Christi: sed contra illud propter istud commemorat & citat. Absterret enim nos à iudicandis & spernendis fratribus nostris argumento ducto à necessitate nos omnes sistendi ad tribunal Christi. Hanc verò necessitatem probat iureiurando isto Domini apud Esaia, *vivo ego, &c.**

X I V. Sic refutatis responsionibus Socini, qui argumenti nostri neruum non tetigit, (suane an eorum quibus respondebat culpa, alij viderint) id nunc, quale esse debet, paucis exponamus. Id ita concipi potest.

Ille qui Esaia 45. 23. iurat, *Vivo ego, &c. quod mihi curuabitur omne genu*, est Deus Israël prædictus essentia diuina.

Christus est ille qui Esaia 45. 23. iurat, *vivo ego, &c. quod mihi curuabitur omne genu.*

Christus igitur est Deus Israël prædictus essentia diuina.

De maiore nulla potest esse controuersia. Immediatè enim præcedunt apud Esaia hæc verba, *Ego sum Deus, & non est alius.* Minor probatur primùm auctoritate Apostoli, Deinde argumentis ex illo ipso loco Esaia petitis. Apostolus probat omnes staturos ante tribunal Christi, quia omne genu se flectet Domino, argumentatur autem sine dubio bene & prudenter, sequitur ergo id quod concludit necessaria consequentia ex eo vnde id concludit. Ostendant igitur nobis, si possunt, Aduersarij, quomodo posita ipforum sententia ex hoc antecedente, *Omne genu se fle-*

Etet Domino sequatur hoc consequens, Ergo omnes stabimus ante tribunal Christi. Nam aliud Socino est flecti omne genu alicui, aliud stare ante tribunal alicuius, alius etiam est Dominus alius Christus. Doceant igitur quomodo ex flexione omnis genu Domino, sequatur apparitio omnium coram tribunali Christi. Certè si Dominus idem non est Christus, quomodo id doceri possit non video. Nam à Christi cultu ad cultum Dei valet secundum eorum doctrinam argumentatio, à cultu verò Dei ad cultum Christi non item. Nam & olim colebatur Deus & hodie coli potest ac colitur nonnunquam non culto Christo. Itaque, si illis creditur, possumus genua curuare Domino iuranti apud Esaiam sibi omne genu curuatum iri, nec tamen ea curuare Christo. Si dixerint non curuatum iri omne genu Deo in hoc seculo, nec post latam sententiam ab iis qui erunt in inferno, quare id impletum iri in die iudicii. Non repugnabimus. verum id nondum satis erit ad eliciendam hanc conclusionem, ergo stabimus omnes ante tribunal Christi. Relinquitur enim ostendendum, quomodo ex eo, quod in die iudicii curuabitur omne genu Domino, deduci possit bona consequentia, ergo stabimus omnes ante tribunal Christi, siquidem Dominus non est Christus. Si addiderint, omnes esse per Christum iudicandos: quippe cui omne iudicium sit à Patre datum, ex eo quidem sequetur, omnes staturos ante tribunal Christi. Sed sequetur vi assumptæ propositionis, non vi citati loci. Aut igitur non benè argumentatus est Apostolus, aut falluntur Aduersarii. Absit vt prius dicamus: id enim non Apostolo modò, sed Domino etiam, qui in Apostolo loquebatur, iniuriosum foret. Posterius igitur verum est.

X V. Adde quod hæc duæ locutiones, curuari omne genu Domino, & sisti tribunali Domini, idem Apostolo valent, vel non. Si non idem valent, fieri poterit vt Domino qui sic iurauit curuetur omne genu, nec tamen omnes sistantur eius tribunali, & rursus vt omnes sistantur tribunali Christi, nec tamen illi curuetur omne genu: Attamen constat quàm omnes sistantur tribunali Christi, tam omne genu illi curuatum iri. Et quàm omne genu curuabitur Domino apud Esaiam iuranti, tam omnes eius tribunali sistendos esse. Hoc si negant Aduersarii, dicant igitur nobis, quomodo ex eo quod Domino flectetur omne genu sequitur, omnes staturos ante tribunal Christi; & tamen non sequitur

omnes staturos ante tribunal Domini. Si igitur phrascs illæ reip-
sa idem valent, seseque mutuo ponunt & tollunt, idem etiam
dicendum est de duobus istis nominibus, Dominus & Christus,
vt quemadmodum se habent omnes ad omne genu, & sisti om-
nes tribunali, ad, curuari omne genu; sic se habeat etiam Chri-
stus ad Dominum, atque adeò tota conclusio ad totam præmis-
sam vnde deducitur. Idem igitur valent Apostolo Dominus &
Christus, quod vt facilius insinuaret in mentem lectoris, quinque
proximis versibus antecedentibus Domini nomen septies vsurpa-
uit pro Christi nomine: ac ne nos à Christo intelligendo absentia
articuli in verbis, *dicit Dominus*, abstergeret, quater eo nomine
absque præfixo articulo Christum designauit. Ac vt res esset te-
stator, subiunxit alteram æquipollentem conclusionem vers. 12.
Itaque vnusquisque nostrum rationem de se reddet Deo. Cui Deo,
nisi ei cuius ante tribunal omnes stabimus, hoc est, Christo? vt
enim in hac conclusione consequente, *vnusquisque nostrum* idem
valet quod *nos omnes* in conclusione antecedente, & *rationem red-
dere de se* quod *sisti tribunali*; sic *Deus* idem valet quod *Christus*
quem igitur Christum appellauerat in antecedente conclusione,
eundem appellat in consequente, Deum, & *Deo*. Id quod etiam
hoc argumento potest firmari. Ille cui vnusquisque nostrum ra-
tionem de seipso reddet, est Deus, Apostolo teste. Christus est il-
le cui vnusquisque nostrum de seipso rationem reddet. Ergo
Christus est Deus. Quam propositionem possint Aduersarij ne-
gare non video, reddemus enim rationem vnusquisque nostrum
pro se ei, qui nos iudicaturus est. Hic autem est Christus, non Pater
quatenus à Filio distinguitur, teste ipso Filio, Ioh. 5. 22. Cui enim
serui potius reddant rationem de seipsis quàm Domino suo, cui
viuunt, cui moriuntur, cuius, siue viuunt siue moriuntur, sunt,
cui faciunt quicquid faciunt, & cui non faciunt quicquid non fa-
ciunt? Talem autem omnium nostrum Dominum esse Christum,
ipse Paulus totis ferè septem proximis versibus inculcauit.

XV I. Sed age, missio Apostolo, videamus quid ex ipsis
Domini verbis colligi possit. Si Domino se flectet omne genu,
& omnis lingua iurabit, vel, confitebitur, Dominus sese tam-
clarè tamque potenter reuelabit atque ostendet, vt non possit
non agnosci ab omnibus, etiam ab illis qui omnium maximè in-
creduli, rebelles, contumaces fuerint: nec id modò, sed hi etiam

non poterunt sese occultare, aut ab eo fugere, aut maiestatem eius effugere, sed cogentur coram eo apparere, ac genua flectere, ei iurare vel confiteri. Nam contumacissimi vel homines vel diaboli, si Dominum possent non agnoscere, ei nunquam se honoris causa incuruarent, aut si possent eius præsentiam vitare, atque aliquò fugere aut latere, id sine dubio eligerent potius, quàm ei sese maxima cum demissione subijcere. Itaque cogentur, velint nolint, Dominum agnoscere, atque ei præsentium debita tantæ maiestati reuerentia sese sistere, alioqui nunquam sua illi genua flecterent. Quis autem ita clarè, ita apertè, cum tanta gloria maiestatem potentia omnibus apparebit, ut ab omnibus nullo excepto agnoscat? quis mittet Angelos suos ut omnes è latibulis ipsorum pertrahat atque congreget, & sistat ante se, cogatque sibi debitam exhibere reuerentiam, atque, quod solet exigi à reis, sibi iurare & confiteri? Quis? nisi iudex viuorum & mortuorum, Dominus Iesus, *qui venit cum nubibus, quem omnis videbit oculus, etiam illi qui eum compunxerunt?* Nullius aduentus, nullius reuelatio, nullius præsentia promittitur, prædicatur, creditur, expectatur in Ecclesia, *Nisi gloriæ magni Dei, & Seruatoris Iesu Christi.* Ipsius Patris, quatenus à Christo distinguitur, aduentus futurus neque promissus est, neque speratur.

Apoc.
1. 7.

Tit. 2.
13.

XV I I. Hoc ipsum confirmant versus qui apud Esaiam antecedunt & sequuntur. Qui proximè antecedit sic habet, *Respicite ad me & salui eritis omnes fines terræ, quia ego sum Deus, & non est alius.* Primum compellat non gentem Iudaicam, sed omnes fines terræ, id est, omnes gentes, etiam procul à Iudæa distantes. Itaque non proponit legem sed Euangelium, & pertinet hæc Domini concio, non ad tempus legis, sed ad tempus Euangelij. Deinde pollicetur, non simpliciter vitam ut fit in lege, sed salutem ut in Euangelio. Denique conditionem ab iis exigit, non obedientiam ut in fœdere legali, sed fidem ut in fœdere Evangelico, *Aspicite, inquit, ad me & salui eritis.* Atque sub ea conditione salutem omnibus gentibus absque discrimine offert. Est igitur concio Evangelica, non ad tempus Esaiæ, sed ad tempus Christi reuelati spectans. Stigitur quæritur cuius sit concio, si Esaiam audis, Deus est, si Euangelium, est Christus. Dic eundem esse Deum & Christum, & utrumque conciliasti. Non enim

Deus qua Pater sub Euangelio concionatur, non promulgat Euangelium, non compellat & vocat ad se gentes vt seruentur. Hæ sunt partes Filij.

XVI I I. Sed expendamus verba, *Respicite*, inquit, *ad me*, אלהים פניו *omnes fines terræ*. Primum qui sic loquitur sese ostendit & reuelat & offert conspiciendum omnibus finibus terræ, omnibus gentibus. Id proprium est Dei patefacti in carne. Pater enim non præbet se videndum, nisi quatenus, cum sit in Filio & Filius in ipso, qui videt Filium videt Patrem, qui contemplatur Filium contemplatur Patrem. Itaque toto Euangelio describitur, prædicatur, aspiciendus proponitur omnibus Christus. Deinde qui sic loquitur, iubet ad se aspici, atque ad se respiciendum omnes obligat. Et Christus etiam omnes gentes, quibus sese Euangelii sui prædicatione contemplandum offert, iubet ad ad se vnum oculos fidei conuertere.

Ioh. 12.
45. &
14. 6.

XIX. Huic mandato subnectit promissionem, & *salui eritis*, id quod de salute spiritali accipiendum esse nemo, opinor, ambigit. Promittit igitur salutem omnibus illis qui ipsum aspexerint, quæ promissio facta est ab ipso Christo iis qui ipsum aspexerint Ioh. vi. 40. *Hæc est autem voluntas eius qui misit me, ut omnis qui conspicit Filium, & credit in eum habeat vitam æternam, & suscitabo eum ego in ultimo die*. Certè Pater qua distinguitur à Filio, neque se ostendit nobis, neque ad se videndum nos obligat, neque potest videri à nobis, neque vlla occurrit promissio in Euangelio, qua Patrem aspicienti salus promittatur.

Ioh. 3.
18. 36.

XX. Rationem addit, *quia*, inquit, *Ego sum Deus & non est alius*, innuens frustrà eos ad alium respecturos, frustrà in alio quæsituros salutem. Hoc Euangelium inculcat, credentem in Christum seruari, non credentem damnari. *Non est*, inquit Petrus Act. 4. 12. *in alio quoquam salus. Nec enim aliud nomen est sub cælo datum hominibus, in quo oporteat nos saluos fieri*. Cum igitur qui sic loquitur significet in se vno salutem esse, & non in alio, & constet in vno Christo salutem esse, & non in alio, facendum est qui sic loquitur Christum esse.

XXI. Aliud argumentum nobis hæc verba suppeditant. Negat enim qui sic loquitur alium Deum esse præter se: idque proximo versu inculcauerat, *Nunquid non ego Dominus*, inquit, & *non est ultra Deus absque me? Deus iustus & seruans non est præter*

ter me. Quod quomodo congruat cum opinione Aduersariorum duos Deos esse existimantium, verè inquam & propriè dictos Deos, non metaphoricè aut figuratè, totis essentijs diuersos ac separatos, equidem non intelligo. Non enim possunt cò confugere vt dicant, Deum sic loqui habita ratione temporis Veteris Testamenti, cum nondum esset alter ille Deus, videlicet, Christus. Inducitur enim hoc loco omnibus finibus terræ salutem euangelisans, ac propterea hæc eius concio ad tempora Euangelij pertinet. Quod etiam iurat versu sequente refertur ad tempus iudicij vltimi docente Apostolo, & agnoscente Socino. Et quorsum gentes alloquens clamaret & inculcaret se Deum esse, & præter se non esse amplius Deum, nisi quia vult hoc credi ab omnibus gentibus? vultne igitur ab omnibus gentibus credi Christum non esse Deum, non esse adorandum, non esse ad eum, vt in eo vno salus quæratur, aspiciendum? Hoc esset Euangelium non prædicare sed abolere. Non possunt etiam confugere ad solennem illam suam distinctionem Dei summi, & Dei subordinati. Nam dicendo, *Ego sum Deus, & non est* *אני אלהים, & non est* *אליהם* *amplius, Ego sum Iehouah, & non est amplius Deus, אלהים, præter me*, si non prorsus tollit omnem alium Deum propriè dictum, siue ponatur summus siue non summus, quomodo prorsus tolli possit non intelligo. Certè negari non potest quin illis verbis vniuersæ multitudini deorum, quos gentes colebant, diuinitatem omnem detraxat: colebant tamen illæ vnum duntaxat summum Deum.

X X. I I. Sequitur autem iusiurandum Domini hic versus, *Certè vel Tantùm* (*אין* enim vtrumque significat) *in Domino mihi, dicet, iustitia & robur, &c.* nempe ad salutem nostram duabus rebus opus est, iustitia nos iustificante vt de iure; & robore vt de facto à peccatis nostris & hostibus liberemur. Ambæ sunt in vno Christo, vt patet ex toto Euangelio. Quid ergo cunctamur affirmare Christum esse vnum illum Dominum, præter quem nullus est Deus?

X X I I I. Hunc versum excipit vltimus capituli, *In Domino iustificabuntur, & gloriabuntur omne semen Israël.* Atqui iustificabuntur in Christo, in quo vno habemus redemptionem per sanguinem ipsius, remissionem peccatorum, propitiationem pro peccatis, iustificationem, atque omnia: est enim omnia in omnibus. In eo solo habitat corporaliter plenitudo diuinitatis.

Qui cum habet habet vitam, qui cum non habet non habet vitam. In eo est Pater, in eo est Spiritus Sanctus: Qui cum habet habet etiam Patrem, qui non habet non habet Patrem. Qui cum honorat honorat Patrem, qui cum non honorat non honorat Patrem. Concludimus igitur eum esse eundem cum Patre, necnon cum Spiritu Sancto, Deum, Deum, inquam, illum unum præter quem nullus est alius Deus, ei sit gloria in secula seculorum, Amen.



DISPV TATIO

Q V I N T A


De Arg. V. Ex verbis Domini apud Eſaiam

Cap. 41. 4. & Cap. 44. v. 6. & Cap. 48. v. 12.

Ego primus, & ego nouiſſimus, collatis cum verbis Chriſti apud Iohannem in Apocalypſi

Cap. 1. v. 11. 17. & Cap. 2. v. 8. & Cap. 22. v.

13. *Ego ſum primus & nouiſſimus.*

I.  D E M Dominus apud eundem Eſaiam clamat ſe eſſe primum & vltimum. Chriſtus ſimiliter apud Iohannem in Apocalypſi clamat ſe eſſe primum & vltimum, quo aperte innuit ſe illum ipſum Dominum eſſe, qui ſeſe ſic deſcripſit apud

Eſaiam. Hinc oritur Arg. V.

Ille qui eſt primus & vltimus eſt Deus Iſraëlis præditus eſſentia diuina.

Chriſtus eſt ille qui eſt primus & vltimus.

E. Chriſtus eſt Deus Iſraëlis præditus eſſentia diuina.

Maior nititur locis Eſaiæ 41. 4: 44. 6: 48. 12. Minor locis

Apoc.

Apoc. I. II. 17: 2. 8: 22. 13. conclusio igitur vera est.

I I. *Respondeo*, inquit Socinus, *Aut istud, quod Christus in Apocalypsi de seipso dicit, habet per seipsum hanc vim, ut ostendat, eum esse unum illum verum Deum, aut non habet. Si habet, nihil attinuit, aut certè nihil necesse fuit ad argumentum formandum, asserre loca illa Esaiæ, ubi hoc idem de Deo Israëlis dicitur. Quod si non habet, iam non satis est, ad argumentum concludendum, docere, hoc idem de Israël Deo dici.* Huius dilemmatis neutrum cornu ferit argumentum nostrum. Non prius. Habet enim id quod Christus de se dicit illam vim, & per seipsum, & quatenus de se ipso idem Dominus dixit apud Esaiam. Nec posterius. Non enim sic argumentamur, Deus est primus & ultimus. Christus est primus & ultimus. Ergo Christus est Deus. Argumenti enim forma nihil valeret. Nec item sic, Christus aliquid de se dicit in Nouo Testamento, quod Deus Israël de se dixit in Veteri T. Ergo Christus est Deus Israël. Argumentum aliter formauimus, nec id tangit responsio.

I I I. Si respondere volunt Aduersarii, necesse est, ut, aut alteram præmissarum negent, aut medium terminum distinguât. Negare minorem non possunt. Contradicerent enim disertis verbis Christi. Maiorem si negauerint, reuincuntur ipsius Dei testimonio, qui de se id dicit, cum se describit per propria, & ostendit quantum ab omnibus falsis numinibus, & creaturis distet. Esai 41. 4. *Quis operatus est & fecit? Ille qui vocat generationes ab exordio. Ego Dominus, primus & cum ultimis, ego ipse.* An est alius quàm Deus, qui vocet generationes ab exordio? qui sit Dominus, Iehouah? qui sit *אני ipse*? Nonne illa elogia recipiuntur cum Deo? Cur idem non censetur de elogio primi & ultimi?

I V. Clarius est locus Esai. 44. 6. *Hac dicit Dominus, Rex Israël, & redemptor eius, Dominus exercituum, ego primus, & ego ultimus, & præter me non est Deus, & quis similis mei?* Nonne enim his verbis, quàm negat vllum esse similem sui, vllum esse Deum præter se, tam negat vllum alium esse primum, vllum alium esse ultimum? Cum audio Dominum dicentem *Ego primus*, concludo, ergo ante ipsum nullus alius Deus fuit. Cum audio dicentem, *Ego ultimus*, concludo, ergo post eum nullus alius Deus erit. Si bona est illatio, conuertuntur illa elogia cum

Deo. Sume enim quicumque alium; non est primus: Nam ante ipsum Deus fuit. Si bona non est, dicant quid in ea desiderent Aduersarij, & quorsum Deus hoc de se dicat tam solenni ratione, præmissis mandato *Audi Israël*, & descriptione sui ad conciliandam attentionem quandam non vulgarem apertissima? Ipse mihi in ea deducenda consequentia Dominus aliquomodo præiuit, Esai. 43. 10. cum ait, *Ego ipse sum. Ante me non est formatus Deus, & post me non erit.* Id quod si negetur proprium esse Dei, nihil ei relinqueretur proprium, quo possit describi, & ab alijs omnibus rebus distingui.

V. His duobus locis tertius accedit Esai. 48. 12. *Audite Iacob, & Israël quem ego voco, ego ipse, ego primus, etiam ego ultimus, manus quoque mea fundauit terram*, &c. vides Dominum in hoc loco, vt in præcedente, sibi populi sui attentionem conciliare antequam pronunciet verba illa, Ego primus, ego ultimus, quorsum, si sunt elogia communia, quæ tribui possint alicui creaturæ, quæque non conuertantur cum Deo? vides eum attributa illa non connectere cum alijs ac compingere in vnâ descriptionem, sed diuidere, interjecto ac repetito pronomine primæ personæ, tanquam totidem descriptiones sui. Descriptionis autem vitium est, cum latius patet descripto. Vides denique nulla attributa adiungi, quæ non sint vnus Dei propria. Cur ergo non vis elogia illa primi & ultimi vnus Dei esse propria? Nosti ne aliquem vno illo Deo Israël priorē aut posteriorem, aut ei coæuum seu cœternum? Nullum profecto noui, nullum in Scriptura, nullum in Mundo deprehendi, mihiq̃ implicari contradicōtio videretur, si præter vnum illum Deum aliquis alius eodem sensu primus & ultimus esse affirmaretur. Maneat igitur fixum, Elogium primi & ultimi, vnus illius Dei præter quem non est Deus, proprium esse; ac proinde veram esse propositionem argumenti nostri, *Quicumque est primus & ultimus, ille est prædictus essentia diuina.*

VI. Restat altera solutio per distinctionem medijs termini, qua etiam Socinus vtitur. *Istius argumenti*, inquit, *propterea nulla vis esse potest, quia nihil impedit, quominus alio sensu dictum fuerit de Deo, quod sit primus & nouissimus, & alio, de Christo.* Sed alius ille sensus, vel est de mente Christi, vel non. Si non est de mente Christi, nullus est, Si est de mente Christi, aliquid esse in

verbis Christi oportet, vnde colligi possit. Alioqui nihil erit certi, si cum verba sunt omnino eadem, licet pro libitu sensus illis affingere diuersos. Cum eadem sunt verba, putandi sunt iidem esse conceptus: quippe qui nobis, nisi per verba, non innotescunt. Sed isti homines Christi mentem & sensum fortè aliundè quàm ex eius verbis tenent. Doceant igitur, quo sensu Deus dicitur apud Esaïam primus & nouissimus, & quo sensu Christus in Apocalypsi dicitur primus & nouissimus, & vnde istam sensus diuersitatemprehenderint. Non enim à nobis peti debet ratio, cur iisdem verbis eundem sensum aptemus: ipsa enim, vt ita loquar, identitas verborum impedit nos quominus sensum putemus esse diuersum, sed eorum potius est docere, quare, cum verba sint eadem, nolint tamen sensum esse eundem. Rationem petant à suo dogmate vel potius errore necesse est: Nam à verbis Dei vel Christi peti non potest. Clamat Deus apud Esaïam, Ego primus ego nouissimus, & quidem ter, audiente vniuersa Ecclesia: Clamat Similiter Christus apud Iohannem, Ego sum primus & nouissimus, & quidem sine controuersia quater, audiente itidem vniuersa Ecclesia, nulla addita limitatione, nulla restrictione, immò aucta emphasi per articulum præfixum, ὁ πρῶτος, ὁ ἔσχατος, qui articulus illis vocibus apud Esaïam in græca versione præfixus non est. Augent etiam emphasim additæ voces, τὸ Α καὶ τὸ Ω, ἀρχὴ καὶ τέλος. Itaque si verba Dei apud Esaïam & verba Christi apud Iohannem inter se conseras, illustriora ista, quàm illa magisque absolutè & emphaticè dicta videri possint.

VII. Quis igitur credat Christum, si nihil nisi creatura fuisset, toties, tam solenni ratione, tam ἡμετέρας, sibi nec ipsi hunc titulum assumpturum, eoque se ipsum descripturum, quem sibi Deus tam disertè tribuerat in Veteri Testamento, quo se describerat, quem Scriptura ipsi reseruauerat, quemque proprium esse Dei res ipsa clamabat? Non possem id conciliare cum Christi, si nihil nisi creatura esset, perfectà erga Deum reuerentia, pietate, gratitudine. Sed neque id possem conciliare cum eius erga Ecclesiam perfectà charitate. Quotus enim quisque est, qui sese sic describentem Christum audiens, non intelligat ipsum sibi æternitatem ac diuinam essentiam attribuere? vt nihil isto sibi tribuendo elogio voluisse videri posset, nisi Ecclesiam suam in errorem conijcere. Id quod vel cogitare præmens horret.

VIII. Huc accedit, quod intelligi non potest, quo sensu Christus, si Deus non est, dicatur, *ὁ πρῶτος καὶ ὁ ἔσχατος*, *primus & ultimus*. Cum enim primus dici quis possit, teste Aristotele, quinque modis. Non potest aliquis esse simul primus & ultimus dignitate, nec existendi consequentia, nec natura seu, ut loquuntur, causalitate: (implicaretur enim contradictio) sed tantum ordine, cum quidam sit quasi circulus; & tempore, cum qui ante alios fuit, esse perseverat post alios. Ordine, quomodo primus idemque ultimus dici possit Christus, assequi nequeo, nisi fortè hoc sensu, quia ab eo Evangelij prædicatio, fides nostra, gratiarum actio, &c. incipit atque in eo definit. Sed si nihil nisi creatura esset, is honos Deo, non ipsi, conveniret. Tempore, quomodo primus esset is, ante quem, non solum Deus, sed Angeli omnes, sed homines innumeri tamdiu fuissent?

I X. Si dixeris, primum dici, non absolute, sed respectu novarum creaturarum, quia primus fuit nova creatura, quæram ex quibus Christi verbis ista limitatio petatur, & cur Abraham pater credentium, David vir secundum cor Dei, Prophetæ, Martyres Veteris testamenti, necnon Iob, Daniel, Noe, Zacharias, Simeon, Iohannes Baptista Spiritu Sancto repletus iam inde ab utero matris suæ, ipsa denique beata virgo è numero novarum creaturarum ab istis hominibus remoueantur? Quæram etiam quo sensu dici possit Christus novarum creaturarum ultimus? Nam, si primus dicitur quia primus factus est nova creatura, ultimus dicitur quia ultimus fiet nova creatura: quod falsum esse nemo non videt.

X. Si dixerint, eum dici primum & ultimum, quia ante eum nullus fuit servator, & post eum nullus erit, imprudentes dixerint, id quod res est, Christum esse unum illum Deum. Sic enim Christus, dicendo se esse primum & ultimum, dixerit, præter se non esse servatorem. Ex quo fluit hæc argumentatio. Ille præter quem non est servator est Deus Israël, ipsomet Deo teste Esaia 43. 11. *Ego Ego Dominus, & præter me non est servator*. Christus est ille præter quem non est servator. Christus igitur est Deus Israël. Et quomodo quæso Christus, si nihil nisi creatura esset, dici posset primus Servator? Nonne Deus ipse quoque Servator est & dicitur, tam in nouo, quam in antiquo testamento? Nonne is prior est Christo tantum homine? Reliquisset igitur

Deo Seruatori primas partes Christus, si tantum homo fuisset, contentus sibi sumptissecundas. Quid quod multi, antequam nasceretur τοῦτο σῶμα, sunt à peccatis suis seruati? tot certe quod sunt per fidem iustificati, ac sanctificati. In quo enim sita est salus seu liberatio à peccatis, si non consistit in remissione peccatorum, & sanctificatione, & Spiritu Sancto perfundente corda gaudio? Quæ omnia fideles ante Christi aduentum in carne fuisse assecutos, vel soli Dauidis psalmi, testes sunt luculenti.

XI. Peto etiam quorsum sese Dominus sic describit, *Ego sum primus & ultimus*? Annon ut ex hac descriptione quis quantusque sit intelligatur? Certè. Hic enim est finis descriptionis, ut per eam quod describitur cognoscat. Itaque clarius esse debet descriptio quàm descripti nomen. Contrà tamen hic res habebit, si Socinum audiamus, Describet enim sese Christus per obscuriora, atque multa ratiocinatione opus erit, ut sensus huius descriptionis eruatur descripto conueniens, si tamen ullus eiusmodi poterit reperiri: Ac quod minus rationi consentaneum est, per descriptum cognoscenda erit descriptio: contrà quàm fieri oportuit. Metiuntur enim Aduersarij descriptionis istius sensum, non ex ipsis verbis quibus concepta est, nec ex collatione locorum. Scripturæ inter se, in quibus habetur eadem descriptio, sed ex præconcep- ta & præiudicata opinione de persona & dignitate Christi: quam quia perspectam habent & accuratè cognitam, frustra Christus, ut quis quantusque sit se prodatur, descriptionem Dei Israël sibi aptabit, ut ut verba sint eadem, nunquam tamen, dabunt eundem esse sensum: Decretum enim illis est thesim διατυλάττειν.

XII. Sed pergamus. Aut fortuitò & ἀρχαίᾳ quadam accidit, ut iisdem verbis sese Deus apud Esaiam, Christus apud Iohannem describeret, aut data opera certoque consilio. Prius dici non potest. Nam & Deus cum sese sic describeret, sciebat Christum sese olim sic descripturum, & Christus itidem non ignorabat sic se Deum descripsisse, & suppetebant ipsi aliæ voces quibus mentem suam æquè bene exprimeret. Si igitur id factum est destinato consilio, factum est in gratiam fidelium, quorsum, nisi ut intelligeremus descriptionem Dei apud Esaiam pertinere ad Christum? quo sic monente & oculos mentis aperiante, rem ita se habere deprehendimus.

XIII. Primum enim in loco tertio Esai. 48. 12. verba citata proximè antecedit Dei protestatio alibi repetita, *Gloriam meam alteri non dabo*. Ex qua sic argumentor. Deus non erat daturus gloriam suam alteri. Atqui eam erat daturus Christo. Christus igitur non est alter, sed idem cum Deo.

XIV. In secundo loco citato Esai. 44. 6. sequuntur proximè verba, *Et absque me* Heb. *ומלכדי* *præter me non est Deus*. Ex quibus sic colligo. Aut Christus non est Deus, aut Christus non est Deus præter eum qui se sic describit apud Esaiam. Illud falsum est. Non enim possunt Aduersarii negare Christum esse Deum, nisi contradicendo sibi & disertis locis Scripturæ. Hoc igitur est verum. Non est autem verum, si Christus est Deus tota essentia diuersus, ac separatus ab eo qui verba illa pronunciauit apud Esaiam. Non est igitur Christus Deus tota essentia diuersus ac separatus ab eo, sed vnus idemque cum eo Deus, ac proinde eiusdem cum eo essentia seu deitatis.

XV. In utroque loco Deus antequam verba illa proferat, *Ego sum primus, Ego sum vltimus*, conciliat sibi attentionem populi sui non vulgar ratione, his verbis Esai. 44. 6. *Hec dicit Dominus Rex Israël, & redemptor eius, Dominus exercituum*. Istis verò Esai. 48. 12. *Audite Iacob, & Israel quem ego voco*. Non autem id facit sine graui ratione. Cum enim ipse idem versibus proximè antecedentibus loqueretur, poterat sermonem suum continuare, ac præcedente populi sui attentione contentus esse. Quod igitur verba ista pronunciare noluit duobus illis locis, nisi præfatione aliqua præmissa, atque noua conciliata populi sui attentione, in eo latet aliquid mysterij. Subesse enim oportet rationem aliquam memorabilem, quam obrem Deus id duobus illis locis fecerit. Sic enim loca illa duo insigniuit, ac singularem in modum commendauit populo suo, & curauit ne pius lector ea præteriret festinanter, sed gradum paulisper sisteret, suamque attentionem excitaret & acueret ad sequentia verba, *Ego primus, & vltimus*, quod fieri non potuit, quin ea loca ita memoriz eius infigerentur, vt auditis verbis illis Christi ter quaterque repetitis, *Ego sum primus & vltimus*, non possent non statim ei in mentem venire, vt ex descriptionis, vt ita loquar, identitate descripti identitatem intelligeret. Quò enim aliò id pertinere posset?

XVI. Hinc mihi alia ratio surgit. Cum enim Deus nihil nisi sapientissimè prudentissimèque faciat, habesse causam oportuit grauem, cur sese ita describeret apud Israëlitem, populum suum; conciliata prius atque excitata eius attentione. Cur autem sese ita describeret Deus Pater præcisè ac scorsim à Filio, causa nulla apparet. Quæ enim afferri posset? Dubitabat-ne Israël de æternitate Iehouah Dei Israëlitis? Ne nunc quidem eam Israël excæcatus atque induratus vocat in dubium. Estne æternitas Dei Israëlitis dogma tam paradoxum, tam mirabile, tam difficile creditu, ut proponi non debuerit, nisi prius non vulgarem in modum conciliata fidelium beneuolentia, attentione, fide? tantum abest ut sit paradoxum, nullum vnquam fuit dogma in Israël, in Ecclesia, notius, certius, testatius. Nihil enim vnquam in Patris persona apparuit, quod vel leuissimam dubitationem, num esset Deus æternus necne, afferret. Cur verò sese sic describeret Filius causa est obuia. Quoniam enim is sese vtrò exinaniuit sumpta serui forma, nihil difficilius fuit, quàm persuadere hominibus, præsertim Israelitis, eum esse reuera Deum principio & fine durationis carentem. Itaque in diebus carnis suæ, quoties suam æternitatem aut deitatem verbis reuelare aliquomodo voluit, toties Iudæi eum blasphemix accusarunt & lapidibus obruere voluerunt. Notum etiam est, quantæ olim, ac postremis hisce seculis, excitatæ sint in Ecclesia de eius diuinitate controuersiæ.

XVI 1. Præterea notandum est in loco Esaï. 48. 12. præter mandatum audiendi cum blanda Israelis appellatione, verbis, *Ego sum primus, ego sum ultimus*, præmitti ista אֲנִי הוּא: In loco verò Esaïæ 41. 4. postponi: quæ verba 70. Interp. reddere solent *ego sum, ego sum*. Quæ Dei descriptio ipsa quoque est descriptio Christi, ei nãgis propriè conueniens quàm Patri, Ioh. 8. 24. *Si enim non credideritis quod ego sum, moriemini in peccatis vestris*, Ioh. 8. 28. *Cum exaltaueritis Filium hominis, tunc cognoscetis quod ego sum*, Ioh. 13. 19. *Nunc dico vobis priusquam fiat: ut cum factum fuerit, credatis, quod ego sum*. ita &c. *μετέωρον ἐστὶν ἐγὼ εἰμι*, quæ sunt ipsissima Dei verba Esaïæ 43. 10. Nomen autem istud הוּא magis proprium esse Filij quàm Patris suadet eius significatio. Est enim pronomen demonstratiuum, Ille, ipse; Itaque melius ei conuenit qui potest demonstrari, quàm ei qui nullo modo demonstrari potest. Adde quod aduentus Patris, quatenus à

Christo distinguitur, non est promissus, nec expectatus in Ecclesia. Christus verò ab initio Mundi toties promissus, prædictus, præfiguratus est, vt detuerit omnes Angelos & homines in illius vnus expectationem intentos esse, Itaque is vnus fuit qui maximè digito monstrari & dicier, Hic est, Ille est, Ipse est, debuit. Quæ causa videtur esse, cur hoc pronomem in duobus locis citatis; & in alijs nonnullis, junctum pronomini primæ personæ, descriptionem Dei perfectam efficiat. Hic fortasse non erit abs re obseruare Iudæos in id imprudentes incidere, quod vitare volunt. Negantes enim Dominum nostrum Iesum Christum esse Seruatorem, non vocant eum ישוע , sed ישיע dempto יש . Quid autem esse possit יש , nisi contractum ישוע est ipse? Nam & א abest nonnunquam ab illo pronomine, & aspiratio facilè inter pronunciandum excidit. ישוע autem significat eum esse Messiam tamdiu expectatum & exoptatum, Seruatorem mundi promissum, nihilque differt à nomine tetragrammato, nisi inserta pronunciandi causâ licera ש & mutato א in י , quod fit interdum.

XVIII. Possem addere elogium Regis Israël & redemptoris Israël, quibus sese Dominus insignit Esaiæ 44. 6. conuenire Christo, & quidem petulari ratione. Itaque χρῖς ἐξοχλῦ Christus appellatur, hoc est, Rex, & nos redemit soluto pretio, non auro aut argento, caducis rebus, sed pretioso sanguine suo. Possem quærere ab Aduersariis quo sensu Pater vltimus dicitur, qui conuenire Christo non possit? Cum enim primus oponatur relatiuè vltimo, si Filius eodem, quo Pater, sensu vltimus dicitur, consentaneum rationi videretur, vt eodem etiam sensu primus esse dicatur. Sed nolo hanc disputationem facere longiorem. Nam, & alia satis multa Dei beneficio argumenta suppetunt, & de locis Apocalypsis, in quibus sese ipse Dominus Alpha & Omega, primum & vltimum vocat, actum est vltima libri superioris disputatione.

DISPUTATIO

SEXTA

De Arg. VI. Ex loco Zachar. xi. 13. *Et dixit Dominus ad me, projice illud ad figulum, magnificum pretium quo appretiatum sum ab eis, &c, collato cum Matth. xxvii. 9.*

I. **E**XPENDIMVS loca Esaie citata in Nouo Testamento, Nunc pergamus in alijs prophetis. Apud Zachariam cap. xi. v. 12. & 13. leguntur hæc verba. *Appenderunt mercedem meam triginta argenteos. Et dixit Dominus ad me, projice illam ad figulum, magnificum pretium quo appretiatum sum ab eis. Et tulisti triginta argenteos, & proieci illos in domum Domini ad figulum.* Hunc locum Matthæus citat his verbis, *Tunc impletum est quod dictum est per Ieremiam prophetam dicentem, & acceperunt triginta argenteos pretium appretiati, quem appretiauerunt à filijs Israël, & dederunt eos in agrum figuli, sicut constituit mihi Dominus.* Ex duobus illis locis sic argumentor.

Ille qui apud Zachariam æstimatus dicitur à filijs Israël triginta argenteis est Dominus (Iehouah) Deus Israël.

Christus est ille qui apud Zachariam æstimatus dicitur à filijs Israël triginta argenteis.

Christus igitur est Dominus Deus Israël.

Major nititur testimonio ipsius Dei loco Zachariæ citato. Minor testimonio Apostoli Matthæi.

II. Responsum apud Aduersarios nullum legi, fortè, quia hi loci non sunt eis objecti. Quid autem possint respondere, nisi Aut non citari locum Zachariæ à Matthæo; Aut si citatur, alio modo posse exponi, quàm à nobis fit?

III. Non citari locum Zachariæ duo suadent; nomen Ieremias, & verborum aliqua discrepantia, sed non persuadent. Nil enim extat ejusmodi in libro Ieremias. Fit quidem mentio cap. 9. figuli, & cap. 32. agri empti, sed reliqua sunt omnino diuersa. Legisse quidem se eadem verba, quæ Matthæus citauit, dicit Hieronymus in libro quodam apocrypho Nazoreorum, sed ex eo citatum esse hoc testimonium non credit, & rectè sane. Quis enim credat Matthæum commendare voluisse, tanquam scriptum à Ieremia propheta, librum ejusmodi apocryphum? Nonne eo significasset, cum autorem illius libri esse Ieremiam prophetam, tum oportere impleri quæ in eo libro scripta fuissent? Non dicent Aduersarij, citatum esse testimonium ex traditione non scripta. Agnoscunt enim nobiscum perfectionem Scripturæ sacræ. Nunquam sacri autores probant Iesum esse Christum per traditiones non scriptas, aut libros apocryphos. Nunquam aliundè petunt testimonia, quibus fidem nostram de Christo fultant, quàm à Scripturis canonicis. Parum etiam ad eam rem valeret ejusmodi traditio, cuius fides penes suum laudatorem esset. Hinc ita argumentor. Citatum est hoc testimonium, aut ex Ieremia, aut ex Zacharia: Non ex Ieremia, vt ex dictis patet. Ergo ex Zacharia. Tertius enim autor, qui id sibi vindicat, nullus est.

IV. Ad hoc argumentum accedit alterum ex collatione laudati à Matthæo testimonij cum loco Zachariæ memorato. Congruunt enim omnia, pretium, triginta argentei: æstimatores, filij Israël: æstimatus, Christus: is cui aliquid emendi causa data sunt illi triginta argentei, figulus: Denique prouidentia Dei cuius ex decreto id factum est. Verba etiam erunt ferè eadem, si apud Matthæum *ἄ. 9.* ἐλαβον sit primæ personæ, & *ἄ. 10.* legatur ἐδωκεν detrahitur. Sed nos mouere non debet verborum aliqua dissimilitudo, cum sensus quadrat. Retinent enim perpetuò sensum locorum quæ laudant Apostoli, verba non raro paululum immutant, atque ita citando exponunt.

V. At Matthæus hoc vaticinium Ieremias tribuit; Ergo non est Zachariæ, non sequitur. Sic potius colligendum est. Hoc dixit Ieremias teste Matthæo. Hoc dixit Zacharias teste ipsa re. Ergo Zacharias idem est Ieremias. Cur enim binominis esse non potuit, vt alij penè innumeri, siue id pluribus impositionibus

factum sit, siue vna duntaxat? Cum enim in imponendo nomine habetur tantum significationis ratio, quodcunque nomen eandem habet significationem, id quodammodo impositum censetur. Sic Ionathan, Elnathan & Nathaneel, Huzija & Hazaria, Iudas & Thadeus, Cephas, & Petrus, &c. pro eodem nomine habentur. Eandem autem vim habent Zacharias & Ieremias: illud exponitur, qui recordatur Dei, qui commemorat Deum; hoc, qui exaltat Deum. Exaltat autem Deum quicumque eius recordatur vel eum commemorat, & vice versa, recordatur Dei qui eum exaltat. Maluit autem Matthæus scribere Ieremiam quam Zachariam, vt studium lectoris excitaret & acueret ad libros Prophetarum diligenter euoluendos, vt memorabilem istam circumstantiam passionis Domini altius animis nostris infigeret, ob eius insignes vtilitates; vt doceret nominum quibus Prophetæ appellantur vim atque significationem non esse negligendam; vt innueret Zachariam illis verbis, quæ ex eo laudauit, alienam sustinere personam & quidem illius, cuius nomen quidem significatione affine esset nomini Ieremiæ, persona verò nomini non responderet. Non timuit autem ne propterea Euangelij sui autoritas in dubium vocaretur, conscientia diuinitatis eius fretus.

V I. Sed finge Matthæum non citasse uaticinium Zachariæ. Id tamen impleri debuit. Non potuit autem accuratius adimpleri quam factum legimus in illa Matthæi historia. Euentus prophetiæ omni ex parte responderet. Etiam si igitur id tacuisset Matthæus, tamen fateri necesse esset, hanc Zachariæ prophetiam tunc fuisse impletam. Siue igitur laudetur hæc prophetia à Matthæo, vti reuera laudatur, siue non laudetur, stat firmum, pretium illud triginta argenteorum esse accipendum de pretio, quo Dominus noster à filiis Israël æstimatus fuit & emptus à Iuda proditore.

VII. Restat altera responsio, ad quam quomodo confugere possint Aduersarij non video, verba enim Prophetæ aliter exponi non possunt, quam quemadmodum à nobis exponuntur. *Et ait*, inquit Prophetæ, *Dominus ad me*, negare nequeunt, quin hoc loco Dominus (Ichouah) sit Deus Israël præditus essentia diuina. Quid ergo ait? *proiice*, inquit, *eam* (mercedem tuam) *ad signum*, quo mandato significatur efficacia diuinæ prouidentia, qua factum est, vt Iudas tactus poenitentia triginta argenteos

proiecerit in templum, iique à Sacerdotibus figulo dati sint. Addit Dominus, *Magnificum pretium quo appretiatum sum ab eis.* Potuit ne disertius dicere se fuisse à filiis Israël æstimatum triginta illis argenteis? æstimatus autem siue appretiatum non est Deus Pater, sed Christus. Christus igitur est Dominus (Iehouah) qui sic loquitur.

VIII. Reponent sine dubio, ipsum Deum dici eo pretio æstimatum, quia eo pretio æstimatus est eius seruus & filius Iesus Christus: ignominiam enim qua Christus affectus est, in ipsum Deum redundare. Quominus verò sic respondere possint obstat primò verbum *appretiatum sum.* Alia enim est appretiatio seu æstimatio serui, alia domini, alia filii, alia patris, terminatur enim æstimatio in persona æstimata. Dicitur quidem potest vñs ignominia affici quia alter afficitur, sed non dicitur appretiarum quia alter appretiatum, & quidem illo ipso pretio eodem numero quo alter appretiatum, est enim sua cuiusque personæ, vt propria vita, sic propria æstimatio, proprium pretium quo æstimatur.

IX. Alioquin nihil erit proprium Christi quod Deo Patri eodem modo tribui non possit. Nam, si triginta argenteis æstimatus fuit à Iudæis Deus Pater, certè etiam proditus est à Iuda, atque adeo victus deductus est ad pontificem primùm, deinde ad Pilatum, damnatus est, cruci affixus est, mortuus est, sepultus est, resurrexit, &c. Hoc si non placet Aduersariis, reddant rationem, cur Deus Pater appretiatum dici possit à Iudæis triginta argenteis, proditus verò, victus, damnatus, &c. dici non possit. Nulla enim mihi apparet.

X. Hoc idem confirmat oppositio quam Dominus instituit inter vilitatē pretii æstimationis & dignitatem personæ æstimatæ. *Magnificum, inquit, pretium quo appretiatum sum à filiis Israël.* Quibus verbis ironice, & non sine aliqua significatione indignationis, exiguitatem & vilitatem illius pretii exaggerat ducto à sua ipsius appretiati summa dignitate argumento. Triginta argentei erant pretium quo æstimabatur seruus, vel ancilla, à boue cornupeta occisus, persona omnium vilissima; Exod. 21. 32. Qui hoc pretio æstimatus est à filiis Israël est Dominus, Iehouah, persona omnium dignissima. Hinc æstimationis illius summa iniquitas atque indignitas. Perinde enim Deus loquitur ac si diceret, si me

voluerunt appreciare, (liceat enim nobis eo verbo uti cum antiquo interprete latino,) debuit saltem pretium esse magnificum, & valore atque magnificentia meæ dignitati aliquo modo respondere. Contrà verò illi me non pluris æstimauerunt quàm vilem aliquem seruulum, aut ancillulam. Hanc tantam oppositionem & exaggerationem quis non videt perire, si contra diserta ipsius Dei verba appreciatus dicitur non ipse Dominus, sed alius ab eo separatus, toto genere diuersus, ac longè inferior dignitate: quippe qui, docentibus Aduersariis, nihil nisi creatura, nihil nisi homo sanctus erat, deposita aduenticia quadam Dei forma, tunc existens tantùm in forma serui? Adde quod ex duabus istis rebus inter se oppositis, vilitate pretii, & dignitate personæ eo pretio æstimatæ, alteram constat qualis hic dicitur, talem, immò eandem, reuera fuisse, absque ulla mutatione additione aut detractiōe: triginta enim argenteis, ut est apud Zachariam, non pluris nec minoris, æstimatus est Dominus noster; cur igitur non credamus similiter alteram, nempe dignitatem personæ æstimatæ, eandem quoque fuisse, non autem multò minorem? Si pretium est idem, si æstimatores sunt iidem nempe *ἐκ τῶν ἱσραηλ* Ἰσραηλ, annon consentaneum est, ut etiam æstimatus sit idem?

XI. Si quis nobis obijciat, eundem esse non posse. Qui enim apud Zachariam eo pretio æstimatum se dicit, Deum Patrem esse. Respondebimus primò, hoc nihil obesse sententiæ nostræ. Credimus enim Patrem & Filium vnum esse essentia, atque adèd dignitate essentiali & naturali: ex quo sequitur, eatenus eandem esse vtriusque æstimationem, idem pretium. Respondebimus secundò, cum qui se triginta argenteis æstimatum ab Israëlitis dicit, ipsum Dei Filium esse. At alloquitur Filium, itaque Filius non est, sed Pater. Alloquitur Prophetam per *μεταφωτισμὸν*, referentem modò Filium Dei pascentem oues suas, modò Iudam paciscentem cum Iudæis de proditiōis mercede, ac deinde acceptam mercedem proiicientem in Templum dandam figulo, non vasa testacea, quorum nullus erat vsus in templo, sed agrum emendi causa. Id enim cum ipsa res loquitur, cum Dominus innuit, cum *X. 15.* iubet Prophetam *adhuc sumere sibi vasa pastoris stulti*: significat enim cum iam antea sibi stulti pastoris vasa sumpsisse, cuius stulti pastoris? ytique proditoris Iudæ.




DISPUTATIO

SEPTIMA

De Arg. VII. Ex loco Zach. Cap. x i. v. 10.

Aspicient ad me quem transfixerunt, laudato

Ioh. xix. 37. & Apoc. i. 7.

I.  L I V S apud eundem Zachariam Cap. 12. v. 10. extat admodum illustris locus, in quo Dominus (Iehouah) sic loquitur, *Effundam super Domum David & super habitatores Hierusalem spiritum gratia & miserationum, & aspicient ad me quem transfixerunt, &c.* quem locum laudat, & de Christo exponit Apostolus & Euangelista Iohannes Euang. cap. 19. v. 37. *Et rursus alia Scriptura dicit, videbunt quem transfixerunt.* Et Apoc. 1. 7. *Ecce venit cum nubibus, & videbit eum omnis oculus, etiam qui eum compunxerunt.* Ex quibus locis sic argumentor.

Ille, quem domus David & habitatores Hierusalem dicuntur aspecturi & transfixisse Zach. 12. 10. est præditus essentia diuina.

Christus est ille, quem domus David & habitatores Hierusalem dicuntur aspecturi & transfixisse Zach. 12. 10.

Ergo, Christus est præditus essentia diuina.

Major nititur disertis apud Zachariam ipsius Domini (Iehouah) spiritum gratia & miserationum, vel, vt habet vetus versio, præcum in domum Davidis & incolas Hierusalem effusuri, verbis. Minor nititur deserto Apostoli Iohannis testimonio. Neutra igitur negari potest.

II. Quid potuit responderi, nisi, aut textum Hebræicum Zachariæ corruptum esse, aut, si non est corruptus, malè versum esse, aut si benè sit versus, tamen non eam esse sententiam quam verba præ se ferunt? Hæc igitur tria responderunt Aduersarij,

sed tertium primò excogitasse videntur, deinde primum, tandem secundum illis subministravit Marcus Marinus Brixianus Can. reg. D. Saluatoris. Quem eorum ordinem, ne ab eorum vestigiis recedamus, sequemur in tribus illis refellendis.

III. Primum ait Socinus illa Zachariæ & Iohannis testimonia, non probare, Christum esse illum unum Deum Israelis, non magis, quam apud eundem Zachariam probent, Dei oculi pupillam esse populum Iudaicum, illa Dei verba, Qui tangit vos (id est, populum Iudaicum) tangit pupillam oculi eius; aut quam apud Lucam in Actis Apostolorum probent, Iesu Nazareni cultores, esse ipsum Iesum Nazarenum, verba illa ipsius Iesu ad Paulum adhuc Saulum, Saule Saule quid me persequeris? & rursus Ego sum Iesus Nazarenus quem tu persequeris; aut denique non magis quam similiter probent, Christi minimos, esse ipsum Christum, verba illa, quæ se in die iudicii dicturum, ipse Christus testatur, is quos in possessionem cœlestis regni est introducturus, Esuriui & deditis mihi manducare; sitiui & deditis mihi bibere, &c. Quis tam stupidus est, quin videat, his loquendi modis, non quidem eandem essentiam sed summam coniunctionem & amorem significari? Iam quis Deo coniunctior quam Christus homo, quis carior, aut fuit unquam, aut esse potest, quamvis utriusque essentia sit admodum diversa?

IV. Vocemus ad examen hanc Socini responsionem. Exemplum è Zach. 2. 8. peticum, quod tanquam omnium maximè idoneum Socinus paulò post repetit & valdè exaggerat, ad rem non est, Instituitur enim comparatio inter tangentem populum Dei & tangentem pupillam oculi Dei. Itaque pupilla oculi Dei apertè distinguitur à populo Dei, neque vlla arte potest inde legitimo syllogismo concludi, populum Dei esse pupillam oculi Dei, non magis quam ex his Christi verbis, Qui vos audit me audit, & quodcumque ligaueritis in terra ligatum erit in cœlo, concludi potest Apostolos esse ipsum Christum, terram esse cœlum. Hic verb nulla instituitur comparatio inter Deum & alium, inter confixionem alius, & confixionem Dei, sed simpliciter absque vlla eiusmodi comparatione Deus dicit, adspicient ad me quem confixerunt. Itaque nullus alius intelligi potest aspiciendus & confixus quam Deus, itaque firma argumenti nostri propositio, Ille qui dicitur Zach. 12. 10. ab incolis Hierusalem aspiciendus & confixus est Deus, cui similis ex verbis, qui vos tan-

Ref. 1.

Resp.

Zach.

2. 8.

Act. 9.

4. 1.

Matth.

23. 35.

42.

Luc.

10. 16.

Matth.

18. 19.

git, tangit pupillam oculi eius, confici non potest. Adde quod nunquam creditum est, populum Iudaicum esse pupillam oculi Dei, nec est quicquam in sacris literis quo id probari possit: quocirca absque vilo periculo talis locutio usurpari potuit. At Christum esse Deum diuina essentia præditum, & plerique omnes Christiani crediderunt, ac credunt summo consensu, & scaturiunt e sacris literis quæ id probent argumenta plurima, ut, si id error est, non potuerit non periculosa esse sic concepta Dei prædictio, *aspicient ad me quem transfixerunt*.

V. Quare inepta est Socini interrogatio, *Cur*, inquit, *si per suum Angelum Deus olim monuit, quod qui tangeret populum Iudaicum, is tangeret pupillam oculi sui; non potuit etiam dicere se configi ab illis qui Christum configebant, quamuis Christus non sit vnus & idem essentia cum ipso?* Nam si Deus dixisset, qui Christum configit me configit, distinxisset se a Christo, & significasset duntaxat affectum suum & amorem erga Christum. At Deus apud Zachariam eo loco non nominat Christum, non distinguit se a Christo, non comparat transfixionem Christi cum sua, non significat qua mente, quo animo sit erga Christum. Tantum dicit incolas Hierusalem ad se quem confixerunt aspecturos Potuit ne disertius dici aspiciendus & transfigendus? cum dicit *aspicient ad me*, significatne quam sibi charus esset futurus Christus, quanto Christum amore esset persecuturus? tamen quam dicit adspicient ad me, tam dicit me confixerunt. Idem aspectus & confixionis est in Dei verbis objectum.

VI. Haud melius quadrat secundum exemplum: Primum quia quos persequabatur Paulus Lucas disertè nominauerat X. 1. & 2. discipulos nimirum Domini. Apud Zachariam verò quem transfixerint Iudæi, præter vnum Deum, nemo occurrit. Deinde quia Paulus, tunc Saulus, reuera persequabatur Christum, hoc est, Christi nomen, famam, doctrinam, religionem, discipulos, membra: scopus enim eius erat doctrinam religionem famam Ecclesiam, regnum denique Christi funditus abolere. Hoc si ipsum Christum persequi non est, quid sit persequi non intelligo.

VII. Tertium exemplum, *Esuriui & dedistis mihi manducare*, &c, quominus obstat argumento nostro impediunt quædam, primò explicatio quam ipse dominus statim subiicit, *Amen dico vobis, quatenus fecistis vni de his fratribus meis minimis, mihi fecistis*, significans

sed tertium primò excogitasse videntur, deinde primùm, tandem secundum illis subministravit Marcus Marinus Brixianus Can. reg. D. Saluatoris. Quem eorum ordinem, ne ab eorum vestigijs recedamus, sequemur in tribus illis refellendis.

I II. Primùm ait Socinus illa Zachariæ & Iohannis testimonia, non probare, Christum esse illum unum Deum Israël, non magis, quàm apud eundem Zachariam probent, Dei oculi pupillam esse populum Iudaicum, illa Dei verba, Qui tangit vos (id est, populum Iudaicum) tangit pupillam oculi eius; aut quàm apud Lucam in Actis Apostolorum probent, Iesum Nazarenum cultiores, esse ipsum Iesum Nazarenum, verba illa ipsius Iesu ad Paulum adhuc Saulum, Saule Saule quid me persequeris? & rursus Ego sum Iesus Nazarenus quem tu persequeris; aut denique non magis quam similiter probent, Christi minimos, esse ipsum Christum, verba illa, qua se in die iudicii dicturum, ipse Christus testatur, ijs quos in possessionem cœlestis regni est introducturus, Esuriui & dedistis mihi manducare; sitiui & dedistis mihi bibere, &c. Quis tam stupidus est, quin videat, his loquendi modis, non quidem eandem essentiam sed summam coniunctionem & amorem significari? Iam quis Deo coniunctior quàm Christus homo, quis carior, aut fuit unquam, aut esse potest, quamvis utriusque essentia sit admodum diversa?

I V. Vocemus ad examen hanc Socini responsionem. Exemplum è Zach. 2. 8. petiit, quod, tanquam omnium maximè idoneum, Socinus paulò post repetit & valdè exaggerat, ad rem non est. Instituitur enim comparatio inter tangentem populum Dei & tangentem pupillam oculi Dei. Itaque pupilla oculi Dei apertè distinguitur à populo Dei, neque vlla arte potest inde legitimo syllogismo concludi, populum Dei esse pupillam oculi Dei, non magis quàm ex his Christi verbis, Qui vos audit me audit, & quodcunque ligaueritis in terra ligatum erit in cœlo, concludi potest Apostolos esse ipsum Christum, terram esse cœlum. Hic verò nulla instituitur comparatio inter Deum & alium, inter confixionem alius, & confixionem Dei, sed simpliciter absque vlla eiusmodi comparatione Deus dicit, adspicient ad me quem confixerunt. Itaque nullus alius intelligi potest aspiciendus & confixus quàm Deus, statque firma argumenti nostri propositio, Ille qui dicitur Zach. 12. 10. ab incolis Hierusalem aspiciendus & confixus est Deus, cui similis ex verbis, qui vos tangit tangit pupillam

Ref. 1.
Resp.
Zach.
2. 8.

Act. 9.
4. 5.

Matth.
25. 35.
42.

Luc.
10. 16.
Matth.
18. 19.

lam oculi eius, confici non potest. Adde quod nunquam creditum est, populum Iudaicum esse pupillam oculi Dei, nec est quicquam in sacris literis quo id probari possit: quocirca absque ullo periculo talis locutio usurpari potuit. At Christum esse Deum diuina essentia prædictum, & plerique omnes Christiani crediderunt, ac credunt summo consensu, & scaturiunt e sacris literis quæ id probent argumenta plurima, ut, si id error est, non potuerit non periculosa esse sic concepta Dei prædictio, *aspicient ad me quem transfixerunt*.

V. Quis etiam est tam stupidus, (ut sua Socino verba repetam) quin videat, hoc loquendi modo; *Qui vos tangit, tangit pupillam oculi Dei*, summam conjunctionem & amorem, quo Deus populum suum prosequabatur, significari? sensus enim est apertus, qui vos tangit, grauissimè Deum offendit, Deo non minus vos chari estis, nec minus graue est vos lædi quàm vobis metipsis chara est pupilla oculorum vestrorum, quàmque grauius fertis, si quis eam tangat. At quis est, præter Aduersarios, tam oculatus, tamque perspicax, ut in hac propositione, *Aspicient ad me quem confixerunt*, talem conjunctionem & amorem erga populum, vel personam à Deo diuersam, significari perspiciat? Agnoscant igitur Aduersarii discrimen inter compositam illam enunciationem, *qui vos tangit tangit pupillam oculi eius*, & simplicem istam, *me confixerunt*. At configi Deus non potest. Distinguo: ratione naturæ diuinæ, concedo: ratione carnis in qua apparuit hominibus, nego. Quid enim prohibuit, quominus Deus patefieret, seu, appareret in carne, ut ita loquar, configibili, qua ab hominibus per summum scelus confixa Deus diceretur confixus? Certè *verbum*, quod erat *Dens & caro factum est*, confixum est, non qua Deus, sed qua caro.

VI. Quare inepta est Socini interrogatio, *Cur, inquit, si per suum Angelum Deus olim monuit, quod qui tangeret populum Iudaicum, is tangeret pupillam oculi sui; non potuit etiam dicere se configi ab illis qui Christum configebant, quamuis Christus non sit vnus & idem essentia cum ipso?* Nam si Deus dixisset, qui Christum configit me configit, distinxisset se apertè à Christo, & significasset duntaxat affectum suum & amorem erga Christum. At Deus apud Zachariam eo loco non nominat Christum, non distinguit se à Christo, non comparat transfixionem Christi cum

sua, non significat qua mente, quo animo sit erga Christum. Tantum dicit incolas Hierusalem ad se quem confixerunt aspecturos. potuit ne disertius dici aspiciendus & transfigendus? cum dicit *aspicient ad me*, significatne quam sibi charus esset futurus Christus, quanto Christum amore esset profecuturus? tamen quam dicit adspicient ad me, tam dicit me confixerunt. Idem aspectus & confixionis est in Dei verbis objectum. Quid? An, quia scriptum est, qui tangit populum Iudaeum tangit pupillam oculi Dei, potuit Deus dici occidi ab illis qui occidebant Iudaeos, abduci in captiuitatem ab illis qui abducebant in captiuitatem Iudaeos? Iudaei quidam Deo admodum chari & conjuncti, lapidati fuerunt, dissecti, gladio caesi, interfecti. Num igitur propterea dici potuit Deus absolute lapidatus, dissectus, gladio caesus, interfectus? Non arbitror. Non sic loquitur Scriptura, Non sic loquuntur Theologi, Nec sic loquentem facile ferrent aures Christianae.

Heb.
II. 37.

VII. Haud melius quadrat secundum exemplum: Primum quia quos persequabatur Paulus Lucas disertè nominauerat V. 1. & 2. discipulos nimirum Domini. Apud Zachariam verò quem transfixerint Iudaei, præter vnum Deum, nemo occurrit. Deinde quia Paulus, tunc Saulus, reuera persequabatur Christum, hoc est, Christi nomen, famam, doctrinam, religionem, discipulos, membra: scopus enim eius erat doctrinam religionem famam Ecclesiam, regnum denique Christi funditus abolere. Hoc si ipsum Christum persequi non est, quid sit persequi non intelligo. Denique apud Zachariam non dicit Deus, *aspicient ad me* quem persecuti sunt, sed, *quem confixerunt*: quod verbum non simpliciter persecutionem, sed certam quandam speciem persecutionis, immò certam quandam passionem à Iudaeis illatam & à Deo receptam significat. Qui discipulos Christi securi percusserunt, igni combusserunt, vel eorum ossa confregerunt, illi sine dubio persecuti sunt Christum. Nemo tamen propterea absolute dixerit, Christum fuisse decollatum, combustum, eiusque ossa confRACTA.

VIII. Tertium exemplum, *Esurini & dedistis mihi manducare*, &c, quominus obsit argumento nostro impediunt quædam. Primum explicatio quam ipse Dominus statim subijcit, *Amen dico vobis, quatenus fecistis uni de his fratribus meis minimis, mihi fecistis*,

câ enim, & quis propriè esurierit declarat, & omnem errandî ansam à verbis suis remouet. Hîc verò apud Zachariam nulla vel præmittitur vel subiicitur explicatio. Nullus memoratur confixus præter Deum. Nihil est quod doceat, non ipsum Deum, in forma quæ configi posset apparentem, confixum fuisse, sed alium quendam Deo valdè charum. Deinde, actio in qua Christus versatur cum sic loquitur. Id enim agit, vt hominum opera æstimeret, & quo loco & numero habeat, exponat. Quare mirum videri non debet, si phrasibus ad eam rem efficacissimis, ac officia charitatis nobis, quàm maximè fieri potuit, commendantibus vtatur. Apud Zachariam verò aliud agit. Docet enim quantam mutationem effectura sit in incolis Hierusalem effusio Spiritus gratiæ & precum. Nempe, inquit, *aspicient ad me quem confixerunt*. Cum antea me contumeliosissimè ac crudelissimè, tanquam blasphemum, impostorem, sceleratum, reiecissent, affixissent cruci, confixissent, ac confixum auersati essent, tunc aspicient ad me, conuertentur ad me, me Deum suum & Seruatorem suum agnoscent, quodque me ita tractarint ac confixerint cum plangore multo acerrimè dolebunt.

I X. Denique natura coniunctionis fidelium cum Christo. Sunt enim fratres & membra Christi, ac proinde eiusdem cum eo homine naturæ humanæ, nec-non eiusdem Spiritus sanctitatis & vitæ participes. Est autem mutua quædam inter membra eiusdem corporis *συνπαθήειν*, & quicquid vnum membrum patitur, id ei cuius est membrum tribui solet. Dei verò & Christi, si tantum homo fuit, dispar est ratio. Nam, si Scripturam consulis, nunquam Christus membrum Dei dicitur: aliena est hæc locutio à Scripturæ & theologorum stilo. Si rem ipsam. Christus tantum homo plusquam specie, immò genere à Deo distat. Itaque non si membrorum Christi passiones prædicantur de Christo, consequitur, passiones Christi (si tantum homo fuit, vt volunt Aduersarij) prædicari possede Deo. Quanquam ne illa quidem Christi cum fidelibus conjunctio facit, vt Christus dici possit absolute & sine explicatione, lapidatus, crematus, viuus sepultus, securi percussus, sæpius occisus, in puluerem aut cineres redactus, &c, quemadmodum Deus hoc loco dicitur à Iudæis confixus.

X. Ad tria illa exempla Smalcus alia duo adiecit. Vnum ex Apoc. 1. 7. Alterum ex Malach. 3. 8. In priore loco affirmatur,

inquit, *Quod Christum sit visurus omnis oculus, & quicumque* (sic enim est in græco) *eum pupugerunt. Ibi de solo Christo absolute, absque ulla comparatione sermo est: & tamen certum est, id non de Christo, sed de eius populo intelligendum esse. De Christo enim solo dici non potest, quicumque eum transfixerunt, cum tantum unus id fecerit, vel saltem semel tantum id factum sit. Vox autem, quicumque, & multos fuisse, qui illum transfixerunt, & sæpius id accidisse, indicat.* Mileret me Smalcij tam malè ratiocinantis. Primum n. nititur voce, *quicumque*, quæ non est in textu. Nam in versionibus est simplex *qui*, in græco *ὁστις*. *ὁστις* autem propriè significat *qui*, ac interdum *quisquis*, *quicumque*, sed rarò in plurali, ut patet ex Eph. 3. 13. Heb. 10. 11. Col. 3. 23. &c. Sed fac vocem illam extare in ipso textu, quid inde sequitur? *Tantum unus*, inquit, *transfixit Christum.* Non dicam eum non fuisse vnioculum, non dicam esse enallagen numeri, dicam, tantum vnum manu sua, sed multos iussu, consensu, approbatione Christum transfixisse, hos autem etiam ipsos transfixionis illius reos esse. Sic soli milites romani manibus proprijs Christum crucifixerunt, & tamen Iudæi Act. 2. 36. primores populi & Seniores Israël Act. 4. 10. Principes seculi huius 1. Cor. 2. 8. dicuntur eum crucifixisse: quia nimirum eorum vel autoritate, vel suasionem, vel consensum, vel approbationem crucifixus fuit. Quod autem ait, vocem, *quicumque*, indicare sæpius id accidisse, refutatione non eget. Est enim homine rationis compote indigna assertio.

XI. Ad locum Malach. 3. 8. quod attinet, ibi, inquit Smalcus, *disertè bis dicitur, absolute absque ulla comparatione, Deum fuisse confixum vel affixum vel spoliatum à populo suo, quia scilicet decimas non reddebat servis Dei.* Eligar, quæ Smalcus, ex tribus illis vocibus, *confixum vel affixum vel spoliatum*, quam volet. Si ultimum, *spoliatum*, nihil nobis nocet hic locus. Debebant enim decimæ & primitiæ Deo: sed eas sibi oblatas Deus Sacerdotibus & Levitis concedebat, ut in ipsius domo ipsi ministrarent. Itaque cum decimæ & primitiæ non soluebantur, iure suo spoliabatur Deus, nec non debito à Levitis ministerio. Si superiores, *confixum vel affixum*, primum nititur non textu hebræo, sed vulgata versione latina, quam esse corruptissimam ipse Smalcus hoc ipso loco contendit, (cap. scil. 23. de Verbi incarnati natura aduersus Smiglecius) Nam, & in Heb. est verbum *נָפַח*

quod in sacris literis rapere, spoliare, omnium interpretum confessione, non autem configere vel affigere, significat; & intelligi non potest, cur Deus se confixum vel affixum in decimis & primitiis dixisset. Adde quod explicationem statim subijcit, cum addit, *in decimis & primitiis*, ut, siue affixus siue spoliatus dicatur, ambiguum esse non possit, quin id sit intelligendum habitatione decimarum & primitiarum.

XII. Vtigitur iam inoffenso pede progrediamur, Quandoquidem Deus hoc Zachariæ loco transfixus vel confixus dicitur absolutè, sine comparatione vlla, sine explicatione, sine mentione vllius alius confixi, non potest id accipi de transfixione alterius à Deo tota natura diuersi, sed duntaxat de transfixione Dei apparentis in carne transfixionis capaci. Alioqui quid erit in Sacra Scriptura certi? quid tam disertè & absolutè de aliquo dici poterit, quod non transferatur ad alium ab eo qui volet uti hac arte & responsione Aduersariorum? Quis etiam non videt eos, vim huius testimonij ab Apostolo Iohanne laudati, quantum in ipsis est, debilitare & frangere? Potuit enim, si illis creditur, Deus transfixus, dici, quia quidam è populo Iudaico ipsi charissimo transfixi fuerunt ante ortum Christi? Quid quod causæ nihil erit, cur Deus Pater, dici non possit absolutè crucifixus, mortuus, sepultus, à mortuis suscitatus, &c? Is enim certè non magis transfixus fuit, quàm occisus aut mortuus.

XIII. Adde loci huius circumstantias esse eiusmodi, ut conueniant Christo. *effundam*, inquit, *super domum David & super habitatores Hierusalem spiritum gratia & precum*. Quis Spiritum illum effudit? Christus. Noli mihi credere, crede Apostolo Petro. *I* ergo, inquit, *dextra Dei sublati, & promissum Spiritum Sanctum adeptus à Patre. effudit hoc, quod nunc videtis, & auditis*. Et quis alius baptizat Spiritu Sancto & igne? quis alius mittit ad fideles Spiritum Sanctum? Addit, *& aspicient ad me*, Num ad Patrem rectè, immediatè, sine Filij interuentu? Non sit verisimile. Nam, si ad Patrem accedere & aspicere possumus immediatè, quid opus fuit Mediatoris interuentu? & cur clamat Christus, *Ego sum via, veritas, & vita: nemo potest venire ad Patrem, nisi per me*? cur etiam Christus fatigatos & oneratos ad se vocat, & non potius amandat ad Patrem immediatè? Cur ad se contemplandum peccatores inuitat promissione vitæ

A. 2.

33.

Iob. 1.

33.

Iob. 16.

7.

æternæ & beatæ resurrectionis. Et non potius lubet eos re-
 ctâ contemplari Patrem? Immo cur aliquoties illud inculcat, *qui*
me videt videt Patrem meum, qui me contemplatur contemplatur
eum qui me misit, nisi vt intelligamus, tum demum nos, vti par
 est, Deum aspicere & contemplari, cum oculos conuertimus ad
 Christum, in quo vno nobis est salus reposita? cum igitur salu-
 taris aspectus intelligatur hoc loco, is immediatè fertur in Chri-
 stum, eoque mediante in Patrem, quem aspicimus aspiciendo
 Christum. Subjungit, *quem transfixerunt*, quod cum Filij pro-
 prium sit, nec conueniat Patri, dubitari non sinit, quin qui loqui-
 tur sit Filius. Iunge simul ista tria, & quàm appositè fuerit hic
 locus de Christi transfixione ab Apostolo Iohanne expositus, sta-
 tim deprehendes. Iuncta enim soli Dei Filio conueniunt, præ-
 terea nemini. Is enim solus & transfixus est à Iudæis, & in eos
 Spiritum gratiæ effudit & effundet, & is ad quem transfixum
 aspicere omnes respicientes necesse est. Id quod subsequutus lu-
 ctus maximus, nec tam externus quàm internus, nec tam ob alia
 peccata, quàm ob istam transfixionem, quæ synecdochicè totam
 Christi crucifixionem complectitur, confirmat. Docet enim agi
 de conuersione Iudæorum ad Christum aspiciendum & agnoscen-
 dum, qui quo dignior videbitur, eo crucifixio & transfixio eius
 grauius & atrocius peccatum fuisse cognosceretur. Ex quo sequi-
 tur, huius aspectus objectum esse Dominum gloriæ à Iudæis
 crucifixum: ac proinde eos ad eum aspecturos, quem propriè,
 non autem in aliena persona, transfixerunt.

XIV. Sic refutata est prima Socini responsio. Altera est, *Refut.*
quamuis apud Zachariam vulgè legantur vocula illæ, ad me, in il- ^{2. Resp.}
lis verbis, & aspicient ad me quem confixerunt, seu compunxe-
runt; tamen ex verbis Iohannis satis constare ipsius tempore, vocu-
las istas in eo loco non fuisse lectas, aut certe à Iohanne locum istum
ad Christum accommodatum fuisse, secundum eam lectionem, quæ
illas non haberet (cur enim alioquin eas planè omisisset?) adeo vt hæc
de vno illo Deo verba non fierent. Quid non audeat hæreticus erro-
 ris tenax? Si minus potest sensum Scripturæ detorquere ad libi-
 tum, ipsam Scripturam adoritur, corruptionis insinuat, & verba,
 quibus reuincitur, inserta illi fuisse à Iudæis clamat. Dubitat ta-
 men vtrum voculæ illæ abfuerint ab omnibus codicibus, an à qui-
 busdam tantum, & duæ fuerint lectiones, vna, quæ haberet,

altera quæ non haberet illas voculas. Ad hoc refutandum nonne omnium codicum hæbræorum constans fides consensus autoritas sufficit abundè? Si contra fidem omnium codicum licet disputanti dicere, textus est corruptus, verba quæ contra me citantur olim aberant ab omnibus, vel saltem à multis codicibus, & ab hostibus religionis Christianæ addita sunt, quid erit certi? aut quæ erit controuersiarum norma? Demonstrant igitur, si possunt, Aduersarij Iohannis tempore voculas illas, aut non fuisse lectas, aut duas fuisse lectiones, alteram quæ illas haberet, alteram quæ omitteret.

X V. Id quidem Socinus duabus rationibus probare conatur, sed admodum infirmis, vna est, omittas esse illas voculas à Iohanne locum Zachariæ ad Christum accommodante. Quid tum postea? Quis nescit *Scripturas ab Euangelistis non iisdem prorsus verbis semper citari, sed interdum aliquid omitti, vel in aliud commutari*? Non valet igitur consequentia, Hæc vocula omissa est ab Euangelista. Ergo non extabat tunc temporis in textu hebræo. Hoc agnoscit Smalcius, Sed, addit, *huiusmodi omissiones vel mutationes sine causa nunquam fieri solere*. Fateor, verum ea causa potest interdum nobis esse ignota. Utinam omnium eiusmodi vel omissionum, vel mutationum rationes Aduersarij nobis exposuissent! Cur ergo Iohannes eas voculas omisisset? ratio nobis succurrit duplex. Id vnum agebat, vt locum illum Zachariæ de Christo exponendum esse doceret. Erant autem in illo loco aliæ quidem voces ad id docendum & probandum accommodatæ; aliæ non item. Illas expressit, has omisit; nec necessarias ad suum illum scopum, & quæ prioribus nondum consideratis aliò mentem lectoris abducere possent. Huic rationi aliam subiungo. Duo ex loco illo Zachariæ probari poterant. Transfixio & diuinitas Christi. Agebat autem Iohannes hoc loco de transfixione, non de diuinitate Christi. Itaque locum illum citat, quatenus accommodatus erat ad confirmandam transfixionem, omisissis voculis ad solam diuinitatem probandam comparatis. Voculam autem duntaxat vnā omisit (pronomen scilicet *ἐγὼ*) facillè suppleendam. *Aspicient in quem transfixerunt*, subintelligendum est pronomen, vel *me*, vel *eum*: quid facilius fuit, quàm ex textu Zachariæ subintelligere potius pronomen primæ personæ *me*, quàm *tertiæ, eum*?

XVI. Altera Socini ratio petitur à verbis, quæ sequuntur apud Zachariam, *Et planget super eum, ut in planctu super unigenitum; & mœrere (continget) super ipsum sicut mœrere (contingit) super primogenitum.* Ex quibus verbis, inquit Socinus, apparet, non de eo ipso, qui loquitur, sed de alio suprà verba fieri, & sic redundare illud ad me, quod ibi legitur. Non dicam pro *super eum*, legi posse *super hoc*, ut verterunt Tremellius & Iunius, & referri non ad personam transfixam; sed ad ipsum transfixionis factum, seu peccatum, causam tam acerbi luctus. Quid enim opus est, ut laborem in conquirenda responsione, cum ipse sibi pro me Socinus alibi respondeat. *Haud rarò* (inquit resp. ad 7. c. Vujeki class. 2. Arg. 7.) apud prophetas Iehoua de seipso in tertia persona loquitur. Quid igitur prohibuit quominus hoc loco, ut alibi non rarò, de seipso in tertia persona loqueretur? Hoc ipsum Smalcus confirmat de hoc ipso loco Zachariæ aduersus Smiglecium disputans cap. 23. *Non negari potest, inquit, Deum interdum persona mutatà de seipso loqui in tertia persona.* Potuitne disertius hæc secunda Socini ratio dilui? tamen aliquid reponit Smalcus, *Sed hoc, inquit, non est pro regula aliqua communi habendum.* Neque etiam hoc volumus pro regula haberi: satis enim est ad infirmendam eorum rationem id fieri interdum, imò haud rarò. Addit, & nonnisi tunc adhibendum; cum nullus alius modus datur intelligendi sacras literas, & cum ipsa res ita prorsus exigit. Quasi verò vocem aliquam de textu sacrarum literarum tollere & auferre sit modus intelligendi sacras literas.

XVII. Sed redeamus ad Socinum, is suam istam intolerabilem in sacris literis mutilandis audaciam calumniæ cumulat. *Erat nimirum, inquit, hic locus, insignis de Iesu Nazareno clavis confixo, & lancea perfoſso prædictio, & propterea Iudæos illum, ab ipso Evangelij initio corrupisse est admodum verissimile. Sicut similem locum corruperunt ps. 22. 17.* Summa Iudæorum in conseruanda Scriptura Veteris Testamenti diligentia, fides, religio, à multis Theologis antiquis & recentibus celebrata, gratiam potius & laudem merebatur, quàm hanc atrocem caluminiam. Si auctoritate certandum est, maior est Hieronymi, Augustini, aliorumque grauissimorum Theologorum Iudæos ab hac accusatione defendentium quàm Socini accusantis auctoritas. Si consulitur experientia, plerum est Verus Testamentum locis ad reuincendam in-

credulitatem Iudzorum idoneis, quos illi non corruerunt. Ipse ille locus Pl. 22. 17. quem citat Socinus ad eos purgandos valet: veram enim lectionem, quæ in sequitorem, non malicia Iudzorum sed similitudine figuræ literarum *Vau & Iod* degenerauit, non dissimularunt, sed ingenue fassi sunt, & annotarunt.

XVIII. Fac tamen (quod verum non est) eos quosdam Scripturæ locos corripisse; At profecto hunc non corruerunt. Primum enim codice vsus est Euangelista noster non corrupto, teste Socino. Scripsit autem post alios Euangelistas. Erant igitur eo tempore codices aliqui non corrupti, & quidem penes Christianos. Quis igitur credat, Iudæos corripisse codices Christianorum, quos in sua potestate non habebant, Christianis non reclamantibus, sed conuiuentibus aut consentientibus potius. Nemo enim quod sciam, ante Socinum eos deprauati huius loci accusauerat. Deinde, Si hunc locum corruerunt Iudæi inserta voce *hæc ad me*, utique eum corruerunt in gratiam Christi & fidei Christianæ. Quod quis credas? Nam non obstant voculæ illæ, quominus locus Zachariæ intelligi possit & debeat de Christo clauis confixo & hasta transfixo: inseruiunt autem multum ad probandam Christi diuinitatem, quam Iudæi præfractè negant. Quid dico, non obstant? Immo cauent ne hic locus ad alium transferri possit. Etenim præter vnum Iesum Christum nullus alius fuit, estue, qui idem credatur & prædicetur simul, & Deus esse ac Spiritum gratiæ in homines effundere, & confixus à Iudæis fuisse. Impediunt ergo hæc voculæ ne vaticiniij huius impletionem in alio, quàm in Iesu Christo, queramus, causamque Christianorum, non minus aduersus Iudæos, quàm aduersus Socinum, iuuant.

Refut.
s. Resp.

XIX. Venio nunc ad tertiam Socini Responsonem, quam Monachus ei subministravit. *Addendum est*, inquit, *locum Zachar. cap. 12. Etiam si hebraica lectio, quam hodie habemus, omnino incorrupta esse statuitur, posse tamen ex hebræo ita verti, ut nulla in eo, quemadmodum nec in loco apud Ioh. 19. Dei Israelis confixi mentio fiat. Hoc nimirum pacto, Et aspicient ad me cum illo quem confixerunt. Monnit huius rei nos Marcus Marinus D. Saluatoris canonicus regularis. Si huius Monachi autoritate putet (quæ apud nos nulla est) ei omnium aliorum interpretum*

antiquorum & recentium, (ex quibus sine dubio non pauci fuerunt æque pij atque linguæ hebrææ periti ac fuit pontificius ille monachus) auctoritatem opponimus. Respondet Smalcus pro more suo satis inconsideratè, *Plus uni interpreti, dum nulla est suspicio hæreseos tribui debere, quàm multis alijs, qui interpretes non sunt.* Nempe iudicio Smalcij iste vnus Monachus, qui dictionarium seu Thesaurum linguæ hebrææ scripsit, solus est interpret Scripturæ, reliqui omnes, quicunque olim & his postremis seculis diligenter & accuratè Scripturam interpretati sunt, interpretes non sunt. Egetne tam impudens & temeraria affirmatio vlla refutatione? Addit, *cum nihil excogitari possit, quod illum vnum ad istam interpretationem sequendam mouere potuerit, præter solam veritatem, quam ex diligenti verborum Prophetæ consideratione affectus est.* Reliquos verò dormitasse hîc dici potest, *qui alienas interpretationes secuti potius sunt, quàm vel cogitarunt, vt suas sequerentur.* Cur tam præclare sentit de isto monacho, & tam malè de omnibus interpretibus antiquis & recentibus? Non potuit canonicus ille studio nouitatis, aut aucupandæ ex ista subtilitate gloriolæ, induci, vt nouam illam huius loci versionem excogitaret, & proferret in lucem? Ac vt veritatis speciem secutus fuerit, non potuit falli? videbatne Smalcus eius animum? intereratne eius cogitationibus? An verò sic iudicat de eo tantùm ex charitate? Egregia profectò charitas vnum complexa Monachum, vt plurimos Patres & Theologos admodum pios & doctos, indicta causa, damnet! vnus ille vigilauit, quia excogitauit aliquid quod placeret Smalcio, Reliqui omnes dormitarunt, quia tale quid non excogitarunt. Piget me ista refutare, quæ hoc ipso quod proponuntur, satis ipsa per sese refelluntur.

X X. Si, seposita auctoritate hominum, rationem consulamus, Is, fatente Socino, nullam suæ interpretationis rationem attulit. Nullam etiam afferre potuit Socinus, præter illas duas, quas iam hac ipsa disputatione diluimus §. xv. & xv I. Sed age hoc commentum reuocemus ad examen. Primum non congruit cum interpretatione Apostoli, qui non vertit, *aspicient cum eo quem transfixerunt*, sed, *aspicient in (me) quem transfixerunt.* Vra quæstio melior interpretatio, illa monachi pontificij, an hæc Apostoli Iohannis? Num etiam Apostolus cum reliquis omnibus interpretibus dormitauit? Cur igitur maluit vertere in quem,

quàm, *cum quo*, vel *cum eo quem*, si hæc vera est & genuina illius loci versio? Cur etiam non addidit voculas, *ad me*, posita ista interpretatione prorsus necessarias? Nihil enim Evangelistæ loca Veteris Testamenti citantes omittunt aut mutant sine causa. Reddant igitur nobis Aduersarij huiusmodi omissionis & mutationis, posita Marci Marini interpretatione, rationes: quas enim omitti pronomini primæ personæ reddidimus §. xv. ad nostram interpretationem, minimè verò ad nouitium istud inuentum, accommodatæ fuerunt.

XXI. Deinde non bene conuenit isti versioni cum textu hebræo, qui sic habet, וְהָכִיתוּ אֵלַי אֶת אֲשֶׁר דִּקְרָו. Nam hoc loco non potest accipi pro præpositione *cum*, ut fit interdum, sed, qui proprius eius maximèque frequens est vsus, nota est accusatiui casus. Id hoc argumento concludo. Vbicunque vocula *את* iungitur cum accusatiuo verbi actiui, ibi non est præpositio *cum*, sed nota accusatiui casus. Hic autem iungitur cum accusatiuo verbi actiui. Hic igitur non est præpositio *cum*, sed nota accusatiui casus. Maior probatur inductione omnium locorum, in quibus vocula illa iuncta cum accusatiuo verbi alicuius actiui occurrit; nec potest contraria instantia refelli. Minor manifesta est. *את* enim iungitur hoc loco cum *אשר*, qui est accusatiuus verbi actiui דִּקְרָו. Nihil enim aliud est cum quo iungatur. Non autem, opinor, dicent Aduersarij, præpositionem copulatiuam poni hoc loco per se & solitariè, nec habere quocum iungatur aut construatur: adeò id cum per se absurdum est, tum grammaticæ, & omnium autorum, nedum Scripturæ, consuetudini repugnans.

XXII. Sed, ut ineptæ huius versionis absurditas magis pateat, quid ea posita *את אשר* significant videamus. *את* significabit *cum*, *אשר* quid? *quo*? sententia igitur erit, *Aspicient ad me cum quo confixerunt*. Versio aperte absurda, & cum Grammaticæ legibus pugnans. Num ergo significabit *quem*? sententia igitur erit, *Aspicient ad me cum quem confixerunt*, constructio æquæ aut magis quàm præcedens inepta. Dicent esse ellipsin pronominis *eo*. Facilis responsio, Sed an vnquam talem Ellipsin obseruarunt in Scriptura, aut in probato aliquo autore? Quisquamne vnquam dixit *cum quem*, pro, *cum eo quem*? Quisquamne vnquam præpositionem, *cum*, usurpauit non expresso vllò modo

vel nomine, vel pronomine, quocum illa construui deberet?

XXIII. Non modo pugnat illa versio cum interpretatione Apostoli, & verborum legitima constructione, sed etiam cum ipsa re, quam significatam Deus voluit. Quis enim potest esse sensus istius propositionis, *Aspicient ad me cum eo quem transfixerunt*, nisi hic, Illi & is quem transfixerunt, vel, illi vna cum eo quem transfixerunt ad me aspicient? Qui sensus apertè pugnat cum Dei loquentis mente, & Apostoli interpretatione, *aspicient in quem transfixerunt*. Proponitur enim is quem transfixerunt, tanquam aspiciendus, non tanquam aspecturus. Dicit fortè aliquis verba, *cum eo quem*, &c. iungi debere, non cum nominatio verbi *aspicient*, sed cum accusatiuo *me*. Primum quomodo id probabunt Aduersarij? Autoritate Apostoli? Iam ostendimus versionem Apostoli cum ista versione Aduersariorum nostrorum non congruere. Addo ea admissa destitui Apostolum ratione, qua probet, quod ex Zacharia transcripsit contineri in textu Zachariæ. Deinde nescio an eiusmodi conjunctionis seu constructionis exemplum vllum proferri possit.

XXIV. Sed fac (quod non credo) aliquod exemplum proferri posse, rursus erit Ellipsis in textu Zachariæ: supplendum enim erit aliquid, *Aspicient ad me* existentem, vel sedentem, vel apparentem *cum eo quem transfixerunt*. Nam quid sit præcisè quod sit supplendum ambiguum erit, ac proinde incertum, an is quem transfixerunt proponatur vt aspectus objectum. Quod si voluisset Deus sese ab eo, quem transfixerunt Iudæi, distinguere, seque & illum ab illis aspiciendum dicere, quis credat eum non fuisse dicturum potius, *aspicient in quem transfixerunt & ad eum, quem transfixerunt*, quàm, *aspicient ad me cum eo quem transfixerunt*? Sic enim mentem suam & clarius & certius & congruenter stilo Scripturæ significasset. Iudicet iam lector, an verum sit quod affirmavit Smalcus, vnum Marcum Marinum vigilasse, reliquos omnes interpretes dormitasse hoc loco.

XXV. Cæterum, vt omnis eximatur scrupulus, obseruo, notam accusatiui casus adhibitam fuisse hoc loco prudenter, vt alibi passim, vitandæ ambiguitatis causa. Relatiuum enim *qui* ea absente verti potuisset *qui*, & referri ad incolas Hierusalem, *Aspicient ad me qui transfixerunt*. Eâ verò præfixa reddi non potest nisi per accusatiuum *quem*, nec referri nisi ad pronomem *me*, *Aspicient ad me quem transfixerunt*.




DISPVATIO

OCTAVA

De Arg. VIII. Ex Malach. Cap. III. v. 1.

Ecce Ego mitto angelum (seu nuncium) meum, & praparabit viam ante faciem meam. Col-
lato cum Matth. 11. 10. Marc. 1.

2. Luc. 1. 76. &c.

I.  RGVMENTVM sic habet. Ille ante cuius faciem vt viam prapararet, mittendus dicitur Angelus, hoc est, Iohannes Baptista, Malach. 3. 1. est Deus Israël.

Christus est ille ante cuius faciem, vt viam prapararet, mittendus dicitur Angelus, hoc est, Iohannes Baptista, Malach. 3. 1.

Christus igitur est Deus Israël. Major nititur loco Malach. 3. 1. *Ecce ego mitto Angelum meum, & praparabit viam ante faciem meam.* Qui enim loquitur est Deus Israël. Id quod, & connexio illorum verborum cum antecedentibus & consequentibus; Et *Domini exercituum.* quo insignitur, elogium; & nomen *uxoris* sine articulo, quo eum Zacharias Luc. 1. 76. appellat, satis docent, & Socinus vltro fatetur. Minor nititur testimonio ipsius Domini Matth. 11. 10. *Hic enim est de quo scriptum est, Ecce ego mitto Angelum meum ante faciem tuam, qui praparabit viam ante te.* Constat enim cum, & per Angelum illum seu nuncium Iohannem Baptistam intelligere, & per pronomen *te*, Christum, hoc est, seipsum. Id autem alibi scriptum non est quàm in isto Malachiz loco. Hoc ergo in loco Malachiz dicitur Iohannes Baptista mittendus, vt prapararet viam ante faciem Christi. Ve-

ra igitur est conclusio.

II. Ad hoc argumentum ita formatum quid respondeant Adversarij conabor ex Socini verbis promere. Ad Majorem nihil dici posse videtur, nisi, aut qui loquitur apud Malachiam Deum Israël non esse, aut textum esse corruptum, & loco pronominis primæ personæ *me*, debere esse pronomen secundæ *te*. Prius nec dicunt, nec dicere possunt, adeò manifestum est, ipsum Deum esse, qui inducitur dicens, *Ecce mitto nuncium meum*, &c. Posterius Socinus propè asserit his verbis, *Non planè constat*, inquit, *Malachia prophetiam, ut nunc quidem legitur, in Christo impletam fuisse, nec Christus id sanè dicit; immò ipse aliter eam citat, & non ante faciem meam, sed, ante te, & ante faciem tuam, legit. Id quod non tantùm apud Matthæum facit, sed apud Lucam quoque cap. 7. 27. Nec est dicendum, Christum ita legere, ut ostenderet, quomodo ipse interpretaretur illud, ante faciem meam, sed necesse est confiteri, ita tunc temporis in vulgatis codicibus scriptum extitisse. Si tunc temporis ita scriptum erat in vulgatis codicibus, quâ factum est, ut hodie in nullis prorsus codicibus ita scriptum extet? vel omnes codices tunc habebant ante faciem tuam, vel aliqui tantùm. Si prius, corrupti sunt omnes codices. Si posterior, lectio à Christo & Evangelistis probata periit; quam verò illi non probarunt, ea omnes codices inuasit. A quo id factum est? à Iudæis? quâ potuerunt codices Christianorum pro libitu mutare? quâ ab eis corrumpi suos codices passi sunt Christiani? A Christianis? quâ potuerunt Christiani ita amentes esse, ut loca Veteris Testamenti laudata ab Evangelistis ac transcripta, qualia tunc temporis in vulgatis codicibus extabant, mutarent ac corrumpèrent? Si quoties in locis Veteris Testamenti, quæ Evangelistæ & Apostoli laudarunt, verba aliqua ommissa, aut addita, aut mutata videntur, toties necesse esset fateri, ita tunc temporis in vulgatis codicibus scriptum extitisse, multum differrent nostri codices hodierni ab antiquis illis, quos Christus & Apostoli Ecclesiæ commendarunt. Nam si loca citata in Nouo Testamento postea corrupta fuerunt, quid erit de non citatis existimandum? Quorsum igitur spectant temerariæ istæ Socini assertiones, nisi, ut omnium codicum hodiernorum integritas & autoritas in dubium vocetur? Id quod fieri non potest, nisi calumniosè criminando Iudæos, & Christianos, immò ipsam Dei providentiam,*

III. Quid igitur, inquiet aliquis, causæ fuit, cūr Euāgelistæ & Apostoli Scripturas citantes vocem aliquam interdum omiserint, addiderint, aut mutauerint? primò ne viderentur dum scriberent, loca Scripturæ, vt nos humano consilio scribentes facimus, consuluisse ac inspexisse, sed, prout decebat maiore, quàm fuerunt olim Moses & Prophetæ, autoritate præditos, ac Dei mentem perfectè tenentes, memoriter & liberius recitasse. Deinde, vt Scripturas citando interpretarentur, sensumque earum genuinum insinuarent. Denique, vt mentes nostras acuerent & excitarent ad loca Prophetarum diligentius expendenda, necnon ad eiusmodi mutationum rationes inquirendas, id quod quàm sit nobis vel necessarium uel utile, ipsi quotidie experimur.

I V. Sed cur Dominus mutare voluisset hoc loco *me in te*? vt suam ipsius, qui apud Malachiam loquitur, mentem aperiret, & clarius exprimeret. Id enim operam dabat, vt probaret Iohannem Baptistam esse non modò prophetam, sed plusquam prophetam. Affert autem pro argumento hoc testimonium. *Hic est enim*, inquit, *de quo scriptum est, Ecce ego mitto angelum meum ante faciem tuam, qui preparabit viam tuam ante te.* Ex quo liquet Iohannem prophetis fuisse præstantiorem, primò, quia communi cum Sanctis Angelis elogio ornatur Angeli Dei. Deinde, quia munus eius describitur tanquam præstantius munere prophetarum. Hos enim inter & Christum aliquot seculorum interpositum est interuallum, Iohannes verò Baptista ante eum immediatè processit, tam parua distantia, vt eum post se venientem digito monstraret, eique festinanter viam pararet. Id quod apud Malachiam insinuat obscurius verbis, *vt prepares viam ante faciem meam*, non distincta persona Christi à persona Dei Patris quo fit vt nihil illis significari primo aspectu videatur, quod non conueniat aliquomodo reliquis prophetis. Itaque Dominus, vt Iohannis munus clarius exprimeret, lucemque illi loco aspergeret, personam suam cum Patris persona eo loco, vt fit alibi sæpe, ob essentia vnitatem confusam, ab ea distinxit, mutato pronomine primæ personæ, quod æquè ad Patrem atque ad Filium referri posse videbatur, in pronomen secundæ personæ, additis etiam vberioris lucis causa vocibus *μεν μεσσην* *ου ante faciem tuam.* Atque ita personam suam, quæ confusè significabatur communi pronomine *me*, recitando locum illum distinctè

distincté expressit verbis *Ego mitto angelum meum*, quæ communiter de Patre & Filio intelligi poterant, Patri attributis. Hinc sic conferentes locum Malachæ cum eius expositione quam Dominus tradidit, ex illo vñtatem essentia, ex hac distinctionem personarum Patris & Filij; ex illo Dominum esse eundem Deum cum Patre, ex hac Dominum esse distinctam à Patre personam colligamus, qui vsus vix percipi potuisset ex eo loco, si Christus pronomen primæ personæ retinuisset. Nihil est igitur, quamobrem corruptum velint Aduersarij hunc locum in omnibus codicibus hebræis hodiernis, nec non in omnibus versionibus, præter hoc vñum, quoniam dogmaticorum vel potius errori repugnat, quæ causa si recipitur, quis error non poterit defendi? ad eum enim tanquam ad normam ipsa Scriptura exigitur, non ipse ad Scripturam.

• V. Repudiata igitur illa responsione videamus quid possit ad huc ab Aduersarijs responderi. Aut pronomine primæ personæ apud Malachiam & pronomine secundæ personæ apud Matthæum eadem persona significatur, aut non eadem. Si prius, ea persona, vel Patris persona est, vel Filij. Si Patris, Pater suam ipsius personam in vna simplici enunciatione duobus pronominibus, vno primæ, altero secundæ personæ designat, *Ego mitto angelum meum ante faciem tuam*, quod quis credere possit? *meum* scilicet & *tuam* ad eandem personam referri? Si Filij, habemus quod volumus, personam Filij significatam esse pronomine *meam* in his Dei verbis apud Malachiam, *Ego mitto angelum meum, qui præparet viam ante faciem meam*. Constat enim pronomen illud *meam* eo loco Deum Israël significare. Si non eadem persona significatur, necesse est, vt apud Malachiam persona Patris, apud Matthæum persona Filij significetur, quo posito sequitur absurdum, Dominum, etiam si id disertis verbis profiteatur apud Matthæum & Lucam, tamen id non recitare quod scriptum est apud Malachiam. Duæ enim istæ enunciationes, præparabit viam ante faciem Dei Patris, & præparabit viam ante faciem Christi, inter se valde differunt. Deus enim Pater & Christus, si fides habetur Aduersarijs, totis naturis differunt. Præparauit autem Iohannes viam ante faciem Christi, quatenus ante eum proximè sequentem processit, eum iam iam aduentare, immò adesse prædicauit, de eo testimonium dixit, eum digito ostendit, discipulosque suos ad eum post se venientem, vt par est,

recipiendum præparauit: quo certè modo viam ante faciem Dei Patris non præparauit. Sunt igitur illæ enunciationes, quarum altera esset apud Malachiam, altera apud Matthæum, seu personas seu rem spectes, admodum diuersæ. Id quod ipse Socinus confiteri videtur, cum ait, *Citra Christi personam meritò dici posse, Iohannem Deo ipsi, siue ante Deum ipsum viam parasse, qui populum venit moniturus, vt pœnitentiam agerent, & ad Deum conuerterentur, iam enim Dei iudicium instare.* Si quod scriptum est apud Malachiam, non modo de alia persona quàm de Christo, scriptum est, sed etiam uerum est, & dici potuit citra personam Christi, consequens est, quod de sua persona Christus dicit, id nullo modo scriptum esse apud Malachiam; quandoquidem, neque totidem verbis ibi scriptum est, neque ex eo quod ibi scriptum est, potest deduci necessaria consequentia. Quid est ipsi Christo contradicere, si hoc non est?

VI. Quid possit responderi non occurrit: Nam quæ duo respondit Socinus, ea ab argumento nostro sic concepto aberrant. Dixit enim primò, *Iohannem ante faciem non modo Christi, sed alterius etiam, hoc est, Dei ipsius viam parauisse.* Fac ita esse. Hoc nihil facit ad infirmandum argumentum nostrum, quod non sumit pro concessio *Iohannem non præparasse viam ante faciem ullius, præterquam Christi,* sed nititur diuerso Christi testimonio affirmantis scriptum esse in eo loco Malachiz, *Ecce ego mitto angelum meum ante faciem tuam, qui præparabit viam tuam, ante te.* Id quod tamen scriptum in eo loco non est, si alia persona significatur apud Malachiam verbis *ante faciem meam*, alia apud Matthæum verbis *ante faciem tuam*. Vnde concludo, nisi velimus contradicere Christo, hoc est, ipsi veritati, confitendum esse eandem personam utroque illo pronomine significari. Constat autem in verbis *ante faciem tuam*, per *tuam* Christum intelligi, & in verbis *ante faciem meam*, per *meam* Deum Israël. Confitendum igitur est personam Christi eandem esse Deum Israël.

VII. Adde quod si apud Malachiam verbis, *ante faciem meam*, persona Patris significatur, & præparatio viæ ante eius faciem, quæ citra personam Christi meritò dici potuerit, in eo sita, quod Iohannes populum venit moniturus, vt pœnitentiam agerent, & ad Deum conuerterentur, vt dicebat Socinus, non fuerunt verba

illa accommodata ad probandum, Iohannem fuisse plusquam prophetam; Id quod tamen ut probaret, Dominus verba illa citavit. Quis enim prophetarum missus non fuit ut populum moneret, ut poenitentiam agerent, & converterentur ad Deum? Cum igitur negari non possit, quin Dominus ratiocinatus sit optime, fatendum est ea præparatione significari, non id solum, quod Socinus dixit commune omnium prophetarum, sed peculiare quiddam, quod alijs prophetis tributum non est, quorum munus nunquam sic exprimitur (quantum quidem meminisse possum) in sacris literis,

VIII. Expositionem Domini nostri Iesu Christi, sententiamque nostram confirmat Angelus Gabriel Luc. i. v. 17. munus Iohannis Baptistæ prædicens. *Eripse*, inquit, *præcedet ante illum in spiritu & virtute Elia*. Intelligit autem per illum, ut patet ex verbis immediatè antecedentibus, *κλειον ἢ δειν αὐτῶν Dominum Deum Israël*. Illud *præcedet*, seu *præibit* *προελεύσεται* aperte innuit, eum ante quem præiturus erat sequuturum, ac post eum statim venturum. Quis ergo post Iohannem Baptistam venit? Pater? non certè qua distinguitur à Filio, sed Filius duntaxat. Non præcessit igitur Iohannes ante Patrem, sed ante Filium. Præcessit tamen ante Dominum Deum Israël. Ergo Filius est Dominus Deus Israël.

IX. Hinc quoque expositionem confirmat Zacharias Luc. i. v. 76. *præibis*, inquit, *ante faciem Domini ut paves vias eius*. Dominus intelligitur, Socino confitente immò probante, Deus Israël. Intelligitur autem non Pater sed Filius. Id patet ex verbo quo utitur. Nam, ut Angelus non dixerat *ἰκεύσεται*, sed *προελεύσεται*, sic non dicit Zacharias *προεῖσιν ibis*, sed *προεπερεύσιν* *προεπορεύσιν* *κλειν* *præibit ante faciem Domini*. Hæc prægressio, seu antecessio sine dubio relationem dicit ad personam post venientem. Quænam autem persona post Iohannem venit? certè persona Christi, non autem Patris. Nullibi enim scriptum est Patrem venisse post Iohannem. Hoc de vno Filio Dei dicitur constanter, nunquam de Patre. Non venit in mundum Pater, sed missus à Patre vnigenitus eius Filius. Filius igitur est ille Dominus, cuius ante faciem præiit Iohannes, ac proinde est Deus Israël.

X. Id ipsum locus Malachiæ non obscure innuit. Nam post verba, *Ecce ego mitto Angelum meum & præparabit viam ante fa-*

ciem meam, sequuntur ista, & statim veniet ad templum suum Dominator quem vos queritis. Ex quibus patet hunc angelum seu nuncium viam fuisse præparaturum ante faciem venientis post ipsum dominatoris. Quis autem est ille dominator? Pater quia distinguitur à Filio? Nullo modo, vocatur enim verbis sequentibus *Angelus fœderis*, quod nomen Patri non conuenit. Est igitur sine vlla dubitatione Filius, id quod etiam Socinus confitetur. Idem etiam ille Dominator est Deus: Alioquin alius esset is cuius ante faciem viam præpararet iste nuncius, alius is Dominator qui post eum viam præparantem veniret, quod non sit vlllo modo verissimile.

XI. Adde quod iste Dominator primùm vocatur absolutè & sine limitatione *יהוה*, quod nomen absolutè positum vnum est ex nominibus Dei Israël. Deinde Additur, *Quem vos queritis*. Quem autem Dominatorem seu Dominum querebant? Constat eos quæsiuisse Deum Israël. Alium quæsiuisse non constat, quæritur porro magis propriè is qui est, quàm is qui proflus non est. Denique tribuitur ei templum, id quod est proprium numinis, *veniet*, inquit, *in templum suum*. Respondet Socinus, *vocem hebraam Hechal*, quæ apud Malachiam in loco isto reddita est Templum, propriè significare Regiam & per translationem ad templum quoque significanum, quippe quod diuini numinis Regia esse censetur, usurpatam fuisse. Et citat duos locos 3. Reg. 21. 4. & Dan. 1. 4. in quibus vox Hechal de Regia Achab & Nebucadnezaris, regum idololatrarum, ac sortè diuinitatis aliquam famam aucupantem, usurpatur. In quo miror hominis iudicium propriam illius vocis significationem potius ex quinque aut sex locis in quibus regiam significat, quàm ex septuaginta locis in quibus significat templum, metientis. Factamen hanc vocem propriè significare Regiam. Annon vt Patris, sic Filij regia templum est? Si vtriusque idem est populus, eadem Ecclesia, idem regnum idem Thronus, annon etiam eadem est regia, idem templum? Dicant igitur nobis Aduersarij quæ fuerit Christi regia in quam venit. Templum Hierosolymitanum? Id solius Dei Israël, templum seu regia fuit. Ecclesia, templum viuum ex viuus lapidibus extructum? Hæc verbò longè præstat templo Hierosolymitano. Cælum? Hoc quoque corpus est cuius templum Hierosolymitanum ymbra fuit. Si igitur Filius Dei dominus est corpo-

Heb. 3.

4.

ris, quanto magis umbræ? Et, si nemo fuit umbræ dominus præter Deum Israël, certè Christus est Deus Israel, quippe qui non solum umbræ, sed corporis etiam & veritatis Dominus fuit, estque hodie, eritque in æternum.

XII. Altera Socini responsio sic se habet. *Quamvis, inquit, alius sit ipse Deus, alius verò Christus; nihil impedit, quominus eo ipso, quod Iohannes viam ante Christi faciem paravit, ante ipsius Dei faciem quoque parauerit.* Primum fac ita esse, nondum intelligo quid id faciat ad soluendum argumentum nostrum, quemadmodum à nobis conceptum est, aut infirmandas eas rationes quibus illud confirmauimus. Non enim efficit hæc responsio, ut apud Prophetam pronomem *meam*, simul Deum & Christum significet, si Christus non est Deus; nec impedit quominus verba Dei apud Prophetam *citra Christi personam merito*, ut modò affirmabat Socinus, *dici potuerint.* Nèrum igitur argumenti non tangit. Deinde, Si Deus & Christus totis naturis seu substantijs differunt, non capio, quomodo Iohannes eo ipso, quod viam ante Christi faciem paravit, ante ipsius Dei faciem quoque paraauerit: viam enim ante faciem Christi paravit, tanquam eius præcursor, seu anteambulo, quomodo viam ante faciem ipsius Dei non paravit. Cur enim, aut qua ratione, viam parasset ante faciem illius, qui post eum non veniebat? præparatio enim viæ ante faciem alicuius, cum venire arguit. Aut igitur post Iohannem Baptistam venit ipse Deus, aut non venit. Si non venit, viam ante faciem eius Iohannes non paravit. Si venit, Christus est ipse Deus. Pater enim certè quidem non venit.

XIII. Suam tamen istam affirmationem Socinus ratione confirmat. *Nempe quia, inquit, Christus ipsius Dei personam, idque omnium excellentissima ratione, in suo munere in terris obeundo, sustinuit.* Hoc quale sit non explicat, Ego verò non satis intelligo. Sustinet personam regis, iudicis, Philosophi, Rex, Iudex, Philosophus, sed tanquam suam, Num sic ipsius Dei personam Christus sustinuit? fuit igitur ipse Deus. Sustinet alienam Regis personam histrio in scena. Non putant, opinor, Aduersarij sic Christum Dei ipsius personam sustinuisse, qui si eam sic sustinuisset, tam dici potuisset ipse Deus, Deus summus, Deus Pater, quàm histrio dicitur rex, cum regis partes agit in fabula. Quid igitur tandem sibi hac phrasi volunt Aduersarij? Christum

non suo sed ipsius Dei nomine venisse, tanquam eius legatū & ministrum, qui nihil diceret faceretue, nisi ab eo mandatum? Hoc verò est, non ipsius Dei, sed legati, ministri, prophetæ, doctoris, Mediatoris denique inter Deum & homines personam sustinere.

XIV. Sed missa phrasi rem ipsam spectemus. Esto aliquis legatus missus in provinciam à Rege. Eum præcedat antea mbulo, qui viam ei paret. Num hic dicitur præire Regi, aut parare viam ante faciem Regis? Num Rex ad provinciam illius incolas his aut similibus verbis scribet, Ecce mitto ante me nuncium meum ut præparet viam ante faciem meam, si nolit ipse venire, sed suum duntaxat legatū? quàm enim legatus regis non est ipse Rex, tam ipse rex non venit hoc ipso quod venit eius legatus; quàm autem ipse Rex non venit, tam ei non præit, nec parat viam antea mbulo legati.

XV. At *Dens in Christo fuisse dicitur tumo, cum Christus in terris munus suum obibat* 2. Cor. 5. 19. Quid tum? Nonne etiam Christus fuit in Apostolis & fidelibus? Num igitur hoc ipso quod quis præiuit Apostolo vel fidei præiuit Christo? Erat Deus pater in Christo, & tamen Christus non erat Deus Pater. Venit in carne Christus, non venit in carne Deus Pater. Ambulavit Christus iuxta mare, circumiuit totam galileam, professus est se esse Filium Dei missum à Patre, accusatus est, damnatus, cruci affixus, &c. Idem de Patre dici non potest. Esto igitur, sustinuerit personam ipsius Dei Christus, ipse Deus in Christo fuerit, id non satis est (si Christus non fuit ipse Deus) ut putetur Iohannes Baptista eo ipso quod præcessit ante faciem Christi, præcessisse ante faciem ipsius Dei, eo ipso quod paravit viam Christo parasse viam ipsi Deo.

XVI. Sed fac valere à Christo ad ipsum Deum consequentiam. Id ad locum Malachiam nihil conducit, nisi eam esse recipiam docueris, pariterque ab ipso Deo valere ad Christum. Id quod cum opinione Aduersariorum non congruit, Deum à Christo naturâ, loco, & tempore separantium. Agitur enim in loco Malachiam de paranda via ipsi Deo, non autem de paranda via Christo, siquidem Christus per pronomen *meam* in verbis *parabit viam ante faciem meam*, non intelligitur. Non autem intelligitur, si, neque is est qui verba illa loquitur, neque eiusdem

Ioh.

20. 20.

21. &

17. 23.

26.

cum eo essentia. Esto igitur, non potuerit parari via Christo, quin pararetur ipsi Deo. At contendunt Aduersarij potuisse ipsi Deo parari viam, & paratam aliquando fuisse absque Christo, immò antequam Christus esse inciperet: ex quo sequitur nulla necessaria consequentia, ex eo quod paranda via ipsi Deo dicatur apud Malachiam, concludi posse, eam fuisse parandam Christo.

XVII. Non faciam hanc disputationem longiorem. Tantum obseruabo, quod negari non potest, Deum optimum & sapientissimum perscien-ter ac prudenter sic mentem suam expressisse vt dixerit *ante faciem meam*, potius quam, *ante faciem Dominatoris quem queritis*. tamen posita sententia Aduersariorum nulla capi animo potest ratio, nullus vsus, cur phrasim illam huic adeò obuiæ anteculerit: nihil enim sic significauit, quod altera ista phrasi non æquè benè significari, potuisse videatur, immò multò melius: pronomen enim illud primæ personæ in verbis *ante faciem meam*, & facessit negotium Aduersarijs, & nostræ de Christi diuinitate ac, vt ita loquar, identitate cum Deo Israelis sententiæ apertè fauet. Quis igitur credat Deum, eum sine vlla obscuritate & periculo dicere posset. & *parabit viam ante faciem Dominatoris quem vos queritis*, maluisse dicere obscurè & periculose & *parabit viam ante faciem meam*, quasi de industria nos vellet difficultate, aut etiam errore graui implicare? Sic igitur proculdubio mentem suam significauit, vt insinuarer, Dominatorem illum non diuersum à Deo Israelis Deum putandum esse, sed vnum eundemque cum eo benedictum in secula seculorum,
AMEN,





DISPUTATIO

N O N A

De Arg. IX. Ex verbis Psalmi xcvi. v. 8.

Adorate eum omnes Angeli, laudatis

Heb. 1. v. 6.

E AT ICINIIS prophetarum illud subjungimus quod extat Ps. 97. v. 8. *Adorate eum omnes Dei,* citatum ab Apostolo Heb. 1. 6. his verbis, *Adorent eum omnes Angeli Dei.* Unde sic argumen-

Ille quem Ps. 97. v. 8. iubentur adorare omnes Angeli, est Deus Israël.

Christus est ille, quem Ps. 97. v. 8. iubentur adorare omnes Angeli.

Christus igitur est Deus Israël. Major nititur testimonio Prophetæ, Minor Apostoli.

I I. Respondet Socinus dupliciter. Primum negat maiorem, Refat. *Non, inquit, necesse est verba illa psalmi referre ad unum illum*
 I. Resp. *Deum Israelis.* Immo id necesse est. Verba enim illa Psalmi sine dubio referuntur, ipso teste Socino, ad illum, qui paulo ante postremo nominatus est; nempe ad Dominum uniuersa terra. Atqui Dominus uniuersæ terræ est Iehouah, Deus Israël. Id proba his argumentis. Primum autoritate Scripturæ, apud quam elogium Domini uniuersæ terræ proprium est Dei Israël nomen, Ios. 3. 11. *Ecce, Arca fœderis Domini, uniuersa terra antecedit vos per Iordanem.* Zach. 4. 14. *Isti sunt angeli olei, qui assistunt Dominatori uniuersa terra.* Zach. 6. 1. *Isti sunt quatuor venti cæli, qui egrediuntur, ut stent coram dominatore omnis terra.* Mich. 4. 13. *Denonebis Domino opes eorum, & substantiam eorum Domino uniuersa.*

uniuersa terra. Nonne ex his & similibus locis patet *Dominum uniuersa terra* esse Deum Israelis? Quàm ergo constat verba illa psalmi, *Adorate eum omnes Angeli*, referri ad Dominum uniuersæ terræ, tam constat ea referri ad Deum Israelis.

III. Ad hoc argumentum planè inuictum videtur Socinus aliquid primò obijcere, deinde respondere. Obijcit, *vulgaram editionem latinam, & graecam unde illa fluxit, habere ad Dominum simpliciter.* Quod nomen (Hebraicè enim legitur *Adon*) ita simpliciter & absolute positum, nimis, inquit, absurdum esset, ut post *Iehoua* nomen sequeretur, si ad eundem *Iehouam* referendum esset; cum ipsum nomen per se multò inferius sit nomine *Iehoua*, & rebus creatis quacunque vel minimà dominatione præditis passim accommodetur. Sed editio græca cum veritate hebræa contentire mihi videtur, Latinæ autem (quàm hoc loco, ut alijs innumeris, inendosam esse ipsi Aduersarij non negabunt, (facile reuincendi si negarent) autoritate non mouemur. Quanquam si ea moueremur, nullum nobis negotium exhiberet Socini objectio. Nomen enim *Adon*, etsi per se inferius est nomine *Iehouæ*, tamen cum absolute & sine affixo aut adiectione vsurpatur, inferius non est, sed Dei nomen est ea ratione proprium, ut patet ex ps. 114. 7. *A facie Domini* (heb. *Adon*) *mota est terra.* Itaque ei apponi solet nomen *Iehouæ*, ut Exod. 23. 17. & 34. 23. Etai. 1. 24. & 3. 1. & 10. 16. 33. & 19. 4. Et, ut absolute positum illud nomen proprium non esset Dei Israëlitis, tamen hoc loco idem valeret, ac si scriptum esset *Domini omnis terra.* Quis enim non videt eum Dominum, à cuius facie vel fluunt sicut cera montes omnis terræ, vel fluit omnis terra, Dominum esse omnis terræ? Sed fac nomen *Adon* quomodo vsurpatur hoc loco inferius esse quàm nomen *Iehouæ*, causam non video cur post *Iehouam* sequi non potuerit, æquè saltem ac nomen *Elohim*, quod quamuis Angelis & Iudicibus tribuatur nonnunquam, tamen passim nomini *Iehouæ* subijcitur.

IV. Sic se habuit objectio. Respondet autem his verbis, *Annon*, inquit, cum inter omnes constet, in psalmo isto esse vaticinationem de regno Christe, potuit Christus homo, cui data est omnis potestas in cælo & in terra, tanquam in possessionem regni sui intrans, propheticè descriptus & prænunciatus, meritò vocari *Dominus uniuersa terra*? At non quæritur nunc quidem quid dici po-

tuerit, sed quid scriptum sit in illo psalmo. Aio hoc nomen, *Dominus* vniuersæ terræ, nomen esse Dei Israël in Scriptura. Id jam probaui, nec possunt negare aduersarij. Aio id nomen in V. T. nisi Deo Israël tributum esse nemini. Reuincant me si possunt aliqua instantiâ. Afferre hunc ipsum locum de quo agimus non possunt, quin, aut petitionem, ut loquuntur, principij committant, aut necessaria aliqua re addicant, per Dominum vniuersæ terræ intelligi hoc loco Deum Israël, vel non posse, vel non debere, quod nunquam efficient. Vnde enim argumentum ducerent? Ab hoc ipso nomine? Id, ut dixi, proprium est Dei Israël. Ab antecedentibus & consequentibus? In eis palam est agi de Deo Israël. Ab illis rebus quæ de Domino vniuersæ terræ dicuntur in eo psalmo? Nihil de eo dicitur quod non possit dici, quodque adeò non dicatur de Deo Israël. Adde quod Dominus vniuersæ terræ nomen est Iehouæ nomine vel inferius vel non. Si inferius, quæ post Iehouæ nomen sequitur Ios. 3. 13? Si non est inferius, quæ conuenit Christo tantum homini? Annon etiam conuenientiùs est eo psalmo per Dominum vniuersæ terræ, eum intelligere qui sæpè vocatur Dominus vniuersæ terræ in Scriptura Veteris Testamenti, quique reuera erat, & futurus erat in perpetuum Dominus vniuersæ terræ, quàm eum qui nunquam sic alibi appellatur, quique non erat Dominus vniuersæ terræ, neque futurus erat nisi demum post aliquot secula siquidem fides habetur Aduersarijs? Manet igitur firmum hoc primum argumentum.

V. Alterum ducitur ab omissione conjunctionis copulatiuæ & emphasi repetitionis vocum à facie. *Montes sicut cera fluxerunt à facie Domini, à facie Domini vniuersa terra.* Quis enim legens hæc verba vacuus præiudicio non videt per Dominum (Iehouam) & Dominum vniuersæ terræ eundem significari? planè ut ps. 114. 7. *A facie Domini mota est terra, à facie Dei Iacob,* certum est Dominum (Adon) & Deum Iacobi eundem esse.

Respondet Socinus, *Non esse perpetuum in ipsis sacris literis, ut cum sub eadem structura verborum diuersi comprehenduntur, copula, Et, inter eos ponatur, præsertim si alius ab alio pendeat, eique sit subordinatus; ut sine dubio à Iehoua pender, illicque subordinatus est homo Christus Iesus.* Sed argumentum nostrum non ducitur à sola omissione copulæ &, sed à tali eius omissione conjuncta cum emphatica repetitione faciei eius à quo terra tremefacta sit, *A fa-*

ae Domini, à facie, inquam, Domini totius terra: prorsus vt laudato à me loco ps. 114. à facie Domini, à facie, inquam, Dei Iacob. Itaque frustrà responsionem suam conatur firmare exemplo.

VI. *Exemplum, inquit, huius rei, quam dico, idque similiter ubi de diuinitate est sermo suppeditare nobis possunt verba Iacobi Patriarcha Iosepho filio suo benedicentis Gen. 48. 15. & 16. Deus in cuius conspectu ambulauerunt Patres mei Abraham & Isaac, Deus qui pascit me ab adolescentia mea vsque in presentem diem, Angelus qui eruit me de cunctis malis benedicat &c. ubi nemo negauerit, Angelum postremò nominatum, licet nulla precedente copula, illi Deo, qui ante nominatus est, adiunctum, diuersum tamen ab eo esse. Hoc enim exemplum simile non est, vt cuius patet; & tamen causæ nostræ fauet potius quàm obest. Quid enim prohibet dicere tres esse eiusdem Dei descriptiones? Certè constat duabus primis eundem describi, Deus in cuius conspectu ambulauerunt patres mei Abraham & Isaac, Deus qui pascit me ab adolescentia mea vsque in presentem diem, cur non idem dicamus de tertia, Angelus qui eruit me de cunctis malis? Dubitas? Illum ipsum Angelum audi. Gen. 31. 12. 13. dixit, inquit Iacob, Angelus Dei ad me, &c. vidi omnia quæ fecit tibi Laban. Ego sum Deus Beth-el, ubi vnixisti lapidem, & votum vouisti mihi. Quid clarius? Hoc ipsum confirmat verbum singularis numeri benedicat, nec-non pietas Prophetæ ab omni Idololatria abhorrentis. Quid enim? Inuocassetne vir sanctus ac Dei foederatus angelum creatum, nec apparentem? Eumne Deo tanquam socium & æqualem adiunxisset? Petiissetne ab eo, non minus quàm à Deo, benedictionem omnimodam? Eine tam solenne laudis sacrificium, ac spiritualem precum sufficium, non minus quàm ipsi Deo, obtulisset? Hoc mihi non à villo modo verissimile. Quis etiam, quæso, de cunctis malis temporalibus & æternis (nam qui cuncta dicit nullum excipit) Patriarcham eruit? Quis illius seruator fuit? Hæc confessio, hæc laus, hæc gratiarum actio ei vni debetur, qui Eia. 43. 11. testatur præter se seruatore[m] esse neminem. Est igitur conclusum ex absentia copulæ, ex repetitione faciei, ex subintellecto eodem subiecto & verbo sententiæ, ex ipsa re denique quæ clamat Iehouam esse Dominum omnis terræ, per Iehouam & per Dominum omnis terræ eundem esse intelligendum.*

VII. Hoc ipsum arguit numerus singularis pronominum in verbis sequentibus. Prophetæ enim postquam dixit, *Montes sicut cera fluxerunt à facie Domini, à facie Domini omnis terra*, subiicit, *Annuntiauerunt cœli iustitiam eius, & viderunt populi gloriam eius*, tanquam de vno loquens, non de duobus. Nam si duos intelligi voluit totis essentiis diuersos, cur non dixit in plurali numero iustitiam eorum, gloriam eorum? Maluitne peccare in grammatica, quàm distinguere eos, quos à suis lectoribus distingui voluit? Fortè pronomina illa ad eorum duorum alterum tantum retulit. Ad quem? Ad Dominum Iehouam? causam igitur vicinam. Nam ad eundem sine dubio referri debent eadem pronomina in verbis sequentibus, *Adorate eum omnes Angeli eius*, vt cuius manifestum est. Ad Dominum (Adon) omnis terræ? Ergo non referuntur ad Iehouam, ad Deum Israël totò psalmo descriptum, siquidem, vt volunt Aduersarij, Iehoua non est dominus vniuersæ terræ. Quis hoc credat?

VIII. Quartum argumentum nobis hæc ipsa verba suppeditant, *Confundantur omnes qui adorant sculptilia, qui gloriantur in simulachris*, (Heb. Elilim, falsis dijs, idolis,) *Adorate eum omnes Angeli*, heb. Elohim dij. Quis enim religiosè adorandus est, nisi Iehoua? Quis adorandus est ab omnibus dijs, nisi is qui est Deus Deorum, hoc est, *קדוש* Deus? Quis omnibus sculptilibus, simulachris, idolis, falsis dijs opponitur, nisi is qui naturâ Deus est?

IX. Quintum argumentum nobis dant verba prima vers. 10. *Quoniam tu Dominus* (Heb. Iehoua) *altissimus super omnem terram*. Continent enim rationem cur vocatus sit Dominus omnis terræ, & quidem Dominus tantus, vt ab eius conspectu montes colliquecant. Quorsum enim illud *Quoniam*, si ratio non redditur alicuius rei jam dictæ? Quid autem dictum fuit in illo psalmo rationi illi congruentius, quàm Elogium Domini vniuersæ terræ? De eodem igitur subjecto Elogium illud intelligi debet, de quo eius expositio & ratio dicitur. (Alioquin in ratione inio Prophetæ quatuor essent termini) Hæc autem de Iehoua dicitur. Ergo & illud.

X. Hinc etiam licet ita argumentari. Altissimus super omnem terram est Iehoua, Deus Israël. Dominus vniuersæ terræ, à cuius facie montes sicut cera funduntur, est altissimus super omnem terram. Dominus igitur omnis terræ, &c, est Iehoua, Deus.

Israëlis. Præmissarum neutra potest negari. Non major. Eam enim esse vniuersaliter veram patet ex veris. vltimo ps. 83. *Et cognoscant quod tu, cuius nomen est Iehoua, solus es altissimus super omnem terram.* Si Iehoua solus est altissimus super omnem terram, nullus est altissimus super omnem terram nisi Iehoua: ac proinde quicumque est altissimus super omnem terram is est Iehoua. Nec minor. Est enim ipsa per se satis manifesta. Nam quid est esse altissimum, seu, vt multi vertunt, excelsum (est enim Heb. *phly*, quæ vox vsurpatur de Christo psal. 89. 27. de populo Israelitico Deut. 26. 19. & 28. 1. de Templo 1. Reg. 9. 8. & 2. Chron. 7. 21. de porta quadam templi 2. Reg. 15. 35. & 2. Chr. 23. 20. de canistro Gen. 40. 17. deque alijs rebus. Quod noto ne quam latebram in ea voce quærant Aduersarij.) Quid, inquam, est esse altissimum super omnem terram? Annon esse Dominum omnis terræ, & quidem dominum tanta auctoritate & potentia præditum, vt ab eius facie montes sicut cera liquecant & fluant, & cum omnes non modo reges, sed etiam dij seu Angeli adorare teneantur?

XI. Possumus etiam argumentum ducere à reliquis eiusdem vers. 10. verbis, *valde exaltatus es super omnes Deos.* Illa enim rationem, cur cum omnes dij seu Angeli adorare debeant, continere, neminem tam cæcum esse arbitror qui non videat. Cur adorandus est ab omnibus Diji? quia super omnes Deos valde exaltatus est. Optima ratio: ex qua intelligitur, quem tenentur adorare omnes dij, illum ipsum esse qui est valde super omnes deos exaltatus. Hic autem est Iehoua, vt patet ex verbis proximè antecedentibus, *Quoniam tu Dominus (Iehoua) altissimus super omnem terram, valde exaltatus es super omnes Deos.*

XII. Denique hunc omnes Angeli adorare iubentur, cuius regnum maiestas aduentus potentia, &c; eo psalmo describuntur. Hic autem est Deus Israëlis: Iehoua enim sexies appellatur, nec aliud occurrit aut describitur in eo psalmo nomen, nisi quod semel Dominus vniuersæ terræ vocatur, quod esse Dei Israëlis Elogium, & cum nomine Iehoua tanquam synonymum interdum jungi, nemo est tam hospes in Scriptura vt nesciat. Certum est neminem versibus primis quatuor, neminem versibus vltimis quinque describi præter Iehouam. Quatuor autem versibus intermedijs, & Iehoua semel nominatur, & manifesta est inchoata.

descriptionis continuatio, & nihil prorsus est unde vel probabiliter colligi possit interruptionem esse descriptionis verbis antecedentibus inceptæ & sequentibus absolvendæ, atque adeo descriptionem esse alterius cuiusdam, qui non sit Iehoua.

XIII. Sic satis confirmata videtur maior argumenti nostri. Minor, quia dicto testimonio Apostoli nititur, ab Aduersarijs negari nequit. Stat igitur firma conclusio. Et tamen Socinus alteram responsionem attulit & exposuit pluribus verbis, quæ quomodo ad maiorem vel minorem syllogismi nostri accommodari possit, non satis intelligo. Eam tamen, nequid prætermisum à nobis videatur, expendam non illibenter.

Ref. 2. XIV. Is primum hoc veluti fundamentum jactit, *Certum est, Resp* inquit, *Christo homini, & quidem ut homini, id est sine ulla consideratione, quod in se habeat essentialiter aliquam naturam diuinam, adorationem ab ipsis angelis deberi.* Contrarium pro certo habeo, habentque omnes propemodum Christiani. Sed pergat, postquam, addit, à Deo propter sui ipsius demissionem & obedientiam usque ad mortem crucis, nomen supra omne nomen est adeptus. Quæ verba cum præcedentibus pugnant: nam & magnitudo demissionis atque obedientiæ ex obedientis diuinitate æstimata est, nec fuisset nomen supra omne nomen adeptus qui sic obediuir, si nihil nisi homo fuisset. Audiamus tamen quomodo hoc probet Aduersarius. *Id enim, inquit, apertissime constat ex verbis Pauli ad Philip. c. 2. ubi hac de re agit. Diserte enim ibi dicit: Deum propter prædictas causas, Iesum Christum supra modum exiisse, & dedisse illi nomen, quod est supra omne nomen, ut in nomine Iesu omne genu flectatur cælestium, terrestrium, & subterraneorum. Iam quemadmodum obedientia sine dubio ad humanam tantum naturam pertinet, sic exaltationem propter obedientiam, ad humanam tantum naturam pertinere necesse est. Præterquam quod certum alioqui est, diuinam naturam exaltari vere ac proprie non posse, & consequenter necesse est, ut adoratio, quæ Christo ab omnibus cælestibus, & sic ab ipsis angelis, propter istam exaltationem, debetur, ei, ut homini debeatur.* Hæc ne nobis iterum reponantur discutiamus.

XV. *Obedientia, inquit, sine dubio ad humanam tantum naturam pertinet.* Rationem requiro. Nullam affert. Ego obedientiam distinguo. Alia est debita & necessaria, ac proinde inferio-

ris siue naturæ siue personæ erga superiorem. Alia est indebita & merè voluntaria, ac proinde potest ab æquali, immò à superiori proficisci. Hæc cur ad diuinam etiam naturam aliquomodo pertinere non possit causam non video, qui lego in vulgata editione latina Ios. 10. 14. *Deum obedivisse voci hominis*, versione non prorsus repudianda, congruit enim non modo cum verbis hebræis quæ exprimit, sed etiam cum verbis Iosue tanquam præceptum, non tanquam, vorum, conceptis, *Sol siste gradum in Gibeon, & Luna in valle Aialon*. Sed missa editione illa Latina, Nonne Deus in historia creationis inducitur imperans? vnde psaltes ps. 33. 9. *Ipse dixit & facta sunt: Ipse mandavit & creata sunt*. Nonne in eadem historia Deus inducitur imperata faciens, atque adeo obediens? Id non potest negari. pertinuit sine dubio talis obedientia ad naturam diuinam, tam certè quàm ipsa effectio seu creatio mundi. Iam autem huius generis esse obedientiam illam Filij Dei, ob quam supra modum exaltatus dicitur, ipse Apostolus autor est. *Qui, inquit, cum in forma Dei esset, non rapinam arbitratus est esse se æqualem Deo, sed exinaniuit se ipsum formam servi accipiens*, &c. Quorsum obseruat eum in forma Dei fuisse, non duxisse rapinam esse se æqualem Deo, semetipsum exinaniuisse, nisi vt significet indebitam merèque voluntariam illam obedientiam fuisse? Quid enim? teneturne æqualis obedire ac seruire æquali? Nonne etiam ista exinanitio sui ipsius & formæ servi acceptio obedientia memorabilis fuit? Atqui illa antecessit formam servi, quam & λόγον *verbum* simul cum natura humana sumpsisse in virginis utero probauimus lib. 1. Disp. v. Ex quo sequitur eam obedientiam ad Dei formam seu diuinam verbi naturam pertinuisse.

XVI. Porro nescio cur Socinus dicere naturam maluit quàm personam, cum sit in confesso personam propriè, non autem naturam, obedire. Principium, vt loquuntur, *quod* obedit est persona, *quo* obedit est natura, vel aliquod organum. Idem de passionis ac de obedientiæ subiecto vel principio dicendum. Æstimatur autem obedientia ex dignitate personæ obedientis, seu illa ex natura seu aliundè pendeat. Fac ergo ad naturam tantum humanam pertinere Christi obedientiam, pertinebit ad eam vt ad principium quo, ad personam verò Christi vt ad principium quod, ex cuius dignitate debet æstimari. Huius autem personæ

dignitatem Apostolus non in natura humana sed in forma Dei, & æqualitate cum Deo collocat, ex quibus exinanitionis humilia-
tionis atque obedientiæ magnitudo metienda fuit. Itaque sepo-
nere considerationem formæ Dei & æqualitatis cum Deo ab
obedientia Christi & exaltatione quæ illius magnitudini propor-
tione respondet, Apostolo repugnat, illique ipsi obedientiæ est
injuriolosum. Hoc autem facit Socinus, cum ab ea seponit con-
siderationem naturæ diuinæ, sine qua nec forma Dei vera esse po-
test, nec æqualitas cum Deo intelligi. Idem de exaltatione di-
cendum, quæ passim Deo tribuitur in Scriptura, & Filio Dei ira
propter obedientiam conuenit secundum naturam humanam, ut si
ab eo formam Dei & æqualitatem cum Deo, hoc est, diuinam
naturam detraxeris, eadem opera, & pondus eius obedientiæ
ademeris, & magnitudinem exaltationis. Itaque ei quidem ho-
mini adoratio debetur, ubicunque suam naturam humanam vi-
sendam præbet, non tamen ut homini, sed potius ut Deo, im-
mensa autoritate & potentia prædito, quæ tam diuinam arguunt
naturam, quàm olim eius infirmitas carnem arguebat nostræ si-
milem. Vno verbo, adorari debet ab omnibus Angelis, quia, ut
habetur hoc ipso psalm, valde super omnes angelos est exalta-
tus. Videbis Disp. iv. §. xi. necnon lib. i. Disp. v.

XVII. Sed pergamus in verbis Socini expendendis. *Ex quo,*
inquit, sequitur, adorationem istam in ipso Christo non terminari:
sed in Deum, qui illum exaltauit, ab ipso Christo transire, ut in vl-
timum suum scopum. Quid? vultne Socinus non adorari Chri-
stum, nisi adoratione relatiua, propter alienam dignitatem, seu
personam quam repræsentet? Nam si quæ talis persona ob infi-
tam & propriam & perpetuam dignitatem adoratur, ut alibi con-
fiteretur Socinus, adoratio illa in ipsius persona terminatur. At
Deus illum exaltauit. Certè. Ergo cum adoratur, adoratio non
terminatur in eius persona. Non sequitur. Exaltauit etiam Deus
Reges terræ, tamen ciuilis adoratio, quæ Regi exhibetur homi-
ni quidem, non tamen ut homini, sed ut Regi, (quod enim ali-
cui homini ut homini conuenit, omni homini conuenire necesse
est) terminatur in regis persona. Conciliat enim personæ, cui
inest, adorationem summa *imago* & dignitas, non qua refertur
ad danem, sed qua subditos immenso quodam intervallo super-
eminet vndecunque sit.

XVIII.

XVIII. Addit, *Et sic verissimum esse, in Christo & per Christum, & quidem ut hominem, ipsum Deum adorari, id est, eo ipso, quod Christus homo adoretur, adorari ipsum Deum.* Est id quidem verissimum nostræque fidei maximè consentaneum, eo ipso quod Christus adoratur, adorari Deum, quia Christus idem est Deus; immò Patrem, quia Pater est in ipso, & ipse in Patre, quo fit ut alter absque altero neque videri neque adorari possit. Sed si ponas Christum & Deum personas esse totis essentijs diuersas, non video cur alter ab altero separatim adorari non possit.

XIX. Sed quonam tandem ista spectant, & quid ad dissoluendum argumentum nostrum faciunt? Id sequentibus verbis conatur explicare, *Et consequenter, quamuis Christus non sit ille vnus Deus, rectissime tamen nouam illam quandam adorationem, quam ab omnibus Angelis, in Christi regno, illi vni Deo tribuendam Prophetæ prædixerat, de ipsius Christi adoratione ab auctore epistola ad Hebræos expositam, sine ad ipsum Christum accommodatam fuisse.* Certè enim nouus prorsus vnus illum Deum adorandi modus angelis fuit, cum in Christo homine adorare. Si de Christi regno agitur in eo psalmo, Christus est Ichoua, de huius enim vnus regno agitur, ut legenti patet. Nouitatis adorationis, vel modi adorandi nullum indicium in Prophetæ verbis deprehendere potui: Nec intelligo, quomodo adoratio, quam ab angelis illi vni Deo tribuendam Prophetæ prædixerat, rectissime de ipsius Christi adoratione exponi possit, si Christus nullo modo est ille vnus Deus. Ut igitur pressius agamus, In verbis huius psalmi ab auctore Epistolæ ad Hebræos laudatis, *adorate eum omnes Angeli*, vel, *adorent eum omnes Angeli*, quem significat pronomèn, *Eum*? quem iubentur adorare Angeli? Idemne apud Prophetam & Apostolum intelligi debet, an vero alius apud Prophetam, alius apud Apostolum? Si idem, Christus est vnus ille Deus: Hunc enim apud Prophetam intelligi hæc Socini responsio concedit. Si alius, estne bona expositio, cum quod de vno dictum est, de alio exponitur?

XX. Quid quod Apostolus citat hoc testimonium, ut probet Christum ab omnibus angelis esse adorandum, ad quod probandum nihil prorsus valet, si in eo de Christo non agitur, sed de Deo Israël tota essentia diuerso à Christo? Debere omnes Angelos Ichouam seu Deum Israël adorare nemo eorum ad quos

diuinus auctor scribebat, in dubium vocabat. Quærebatur tantum de Filio, tenerentur etiam eum adorare omnes Angeli? teneri docet hoc vno testimonio, *Adorent eum omnes Angeli*, quod nemo non videt ad id probandum ineptum esse, si in eo ut habetur in psalmo, pronomen *eum* illum vnum Deum significat; isque est tota essentia diuersus à Filio.

XXI. Respondet Socinus, *Apostolum non tam hoc loco probare, quam docere velle; id est, occultum psalmi verborum sensum quendam patefacere*. Non tam, inquit, probare vult, Respondeant quædò rotundè Aduersarij, vultne Apostolus, probare, necne? Si probare vult, faciunt eum ineptè argumentantem, qui scilicet ut probet, Iesum tantum hominem præstantiorem esse omnibus angelis, affert pro argumento mandatum quo iubentur omnes Angeli adorare Deum Israël. Agitur, inquit aliquis, de Christo qui non est Deus Israël, & tu Apostole testimonium affers, in quo agitur de Deo Israël. Quæritur, an debeant omnes Angeli adorare quendam hominem, & tu affers testimonium, in quo iubentur adorare Deum illum vnum creatorem mundi. Hocine est argumentari? Si non vult probare, errat igitur ipse Socinus cum sic loquitur, Resp. ad Clailis. 1. Arg. 1. V. j. ki. *Pateet hoc ex ipso initio disputationis, ubi disertè Thesis ipsa exponitur: qua talis est: Dei filius tantò præstantior angelis est factus, quanto excellentius, præ illis, nomen hæreditauit. Hac, inquam est Thesis, quam Apostolus sibi probandam proponit*. Errant etiam omnes interpretes, qui summo consensu Apostolum probare velle asserunt: & quorū tot testimonia laudaret, si nihil probare vellet?

XXII. *Docet, inquit, id est occultum psalmi verborum sensum patefacit*. Sensus Scripturæ distingui solet in Literalem & Mylticum: Illum verba proximè significant, Hunc res per verba significantæ. Vtrum igitur literalis est iste scilicet occultus quidam sensus, an mysticus? Si literalis, vel proprius est, vel figuratus. Non figuratus: quænam enim figura, quis tropus esse posset in pronomine *eum*, in verbis, *adorent eum omnes angeli Dei*? (De huius enim vnius pronominis significatione instituta est hæc nostra disputatio.) Et cur sensum comminiscerentur figuratum, cum obuius est: proprius verus & appositus? Nec etiam proprius. Quis enim credat illius pronominis in verbis illis minimè ambi-

guis duos esse sensus literales & proprios? Sola enim ambiguitas, quæ hinc omnis abest, gignere potest plures sensus proprios. Certè pronomen illud *Eum* referri non potest, nisi ad eum qui est in versibus antecedentibus nominatus. Nullus autem nominatus fuit præter Iehouam. Non potest igitur referri nisi ad Iehouam. Mysticum quominus dicant eum sensum esse vel ipsorum dogma prohibet. Facerent enim adorationem Dei typum adorationis Christi, atque adeo ipsum Deum typum Christi, quod esset Christum supra ipsum Deum extollere. Pluris enim fieri debet res adumbrata quam eius typus vel umbra. Vno verbo: vel colligi potest, occultus iste sensus ex psalmi verbis, vel non potest. Si non potest, pro vero sensu haberi non debet. Si potest, ostendant quæ ratione ex verbis Prophetæ deduci possit.

XXIII. Socinus Ait, si modo velimus, verba quæ ex psalmo citat, de vno illo Deo dicta esse, divini huius scriptoris hanc mentem fuisse, ut, quia iam inter peritiores Hebræos constaret, de futuro Christo, eoque in sui regni possessionem mittendo, in eo psalmo, sub illius unius Dei nomine, agi, non quia Christus futurus esset ille unus Deus, sed quia unius illius Dei personam singulari quadam ratione sustinere debebat, ex eiusdem psalmi verbis, sua interpretatione adhibita, persuaderet, Christum ab ipsis angelis adorandum esse; nempe quia non modò multa alia, quæ in eo psalmo de illo vno Deo dicuntur, ut facile & concedebant, ad quos scribebat (scribebat enim ut ex epistola patet ad Indeos quidem, sed iam Christianos factos) ad Christum accommodanda essent: sed etiam illud ipsum, quod ibi habetur de omnibus angelis illum unum Deum adoraturis. Id quod non facile cuiquam persuaderi potest, nisi, præter id, quod verissimile est, si multa alia, quæ de illo vno Deo ibi dicuntur, idcirco ad Christum accommodanda sunt, quia de ipsius Christi regno sub unius illius Dei nomine ibi agitur, hoc etiam ad Christum accommodandum esse, quod nimirum ad ipsius regnum pertinet, accedat quæque ipsius scriptoris auctoritas & prophetia spiritus, quo patefacit, quale & quantum reuera sit Christi regnum, & quam divina prorsus & perfectissima ratione Christus illius unius Dei personam sustineat. In quibus verbis quædam sunt reprehensione digna. Illud primò, quod affirmat, Iam inter peritiores Hebræos constituisse, de futuro Christo, eoque in sui regni possessionem mittendo, in eo psalmo, sub illius unius Dei nomine agi. Vnde enim id rescire potuit? Num id scripsit Aposto-

Ref.
Arg. v.
Eraf.
Ioh.

Act. 17.
II.

lus, aut aliquis alius author illius seculi? Num id potest probabili aliqua ratione conjici? Nullo modo. Temeraria igitur est assertio, & homine veritatis studioso & modesto prorsus indigna. At, inquit alibi, *nisi ijs, ad quos hic auctor epistola eam scribebat, vel iam constitisset, vel facile constare potuisset, Scriptura locos ab ipso allatos ad Messiam pertinere, frustra & prorsus ridiculè eos attulisset.* Benè, vel jam constitisset, vel facile constare potuisset. Vitat enim illa disjunctione, eius, quod scire non poterat, affirmandi temeritatem. Sed vnde constare? Ex attenda locorum illorum, ut habentur in Veteri Testamento, & citantur ab Apostolo, inspectione? Nihil verius. Ita enim Berconses *scrutabantur Scripturas, an hec ita se haberent.* Si ita sentit, concedit locos illos vim per sese id probandi habuisse, ad quod probandum adducti sunt. Sin verò (quæ videtur eius mens hoc loco) vult eos locos vim illam ex sese non habuisse, sed ex hypothese opinionis iam ab Hebræis præconceptæ, atque adedò argumenta esse, ut loquuntur, *ad hominem*, graviter errat, & quantum in ipso est, Dei & Apostoli sapientiam vehementer obscurat. Atque hoc est illud alterum, quod in verbis Socini reprehendendum putavi. Nam si huius, de quo agimus, testimonij vis in opinione præjudicata Hebræorum, ad quos Apostolus scribebat, sita erat, ea per se, & apud alios nulla erat. Si auctoritate Apostoli nitebatur, consultus fecisset Apostolus, si testimonium non laudasset. Nam qui laudat testimonium præ se fert, se testimonij illius vni niti velle, non sua vnius auctoritate. Itaque deludi lector videtur, cum citatur testimonium, cuius vis pendet ab auctoritate citantis.

XXIV. Quod bis dicit, de Christi regno sub vnius illius Dei nomine agi in eo psalmo, argumentum nostrum confirmat. Sic enim colligo. Ille cuius de regno agitur in eo psalmo est Iehoua, ut patet ex toto psalmo. Christus est ille de cuius regno agitur in eo psalmo, confitente Socino. Ergo Christus est Iehoua. Hoc primum. Deinde, quid significant illa verba, *sub vnius illius Dei nomine*, vel ut alibi loquitur, *sub ipsius Dei persona*? significant ne vnius illius Dei nomine Christum significari, per ipsius Dei personam Christum intelligi? Hoc ipsum est quod dicimus, nimirum per Iehouam in eo psalmo intelligendum esse Filium Dei. Cum igitur Propheta sic loquitur, *Iehoua Regnat*, &c. quàm verbum, *regnat*, regnum Christi significat, tam nomen, Iehoua,

personam Christi significat. Si aliud volunt illis verbis aduersarij, id quale sit nobis quæso exponant. Nam si sub vnus illius Dei nomine agitur de Christi regno, vt se habet regnum quod ibi describitur ad regnum Christi, sic se habet vnus ille Deus ad Christum. Sed regnum illud est regnum Christi. Ergo vnus ille Deus est Christus. Nempe vt regnum illud se habet ad regnum Christi, sic se habet rex illius regni ad Christum. Si regnum Christi eo psalmo describitur, certè Rex qui eo psalmo describitur est Christus. Is autem Rex est Iehoua. Iehoua igitur est Christus.

XXV. Fortasse lucem aliquam isti locutioni ratio, quam subiicit, asperget. *Quia*, inquit, *Christus vnus illius Dei personam singulari quadam ratione sustinere debebat.* Sed contrà est. Implicat enim potius quàm explicat, euertit potius quàm confirmat. Nam si sub vnus illius Dei nomine, si sub ipsius Dei persona regnum Christi describitur, non iam Christus sustinet aut repræsentat personam vnus Dei in eo psalmo, sed contrà potius, vnus ille Deus sustinet & repræsentat personam Christi. Adde quod, quoties in Veteri Testamento sub vnus nomine aut persona, alter describitur, toties ille huius typus est. Porro typus est vmbra eius cuius est typus. Est ne igitur vnus ille Deus typus Christi tantum hominis? Dicant etiam nobis Aduersarij, si Christus non est vnus ille Deus, cur Spiritus Sanctus eum voluisset sub vnus illius Dei nomine & persona toto psalmo, toties, tam constanter, tamque periculosè describere? Nam si sub ipsius Christi vel Filij nomine regnum Christi descripsisset, æquè profuisset ædificationi Ecclesiæ, nec nobis ansam præbuisset credendi Christum eundem esse Iehouam, hoc est, vt putant Aduersarij, grauiter errandi. Haud enim decet prudentiam & charitatem Dei, innocentem atque æquè vtili locutioni, aliam admodum impropriad obsecram & periculosam antepone. Quis enim legens hæc verba, *Iehoua regnat*, &c, si regnum Christi describi putat, non statim inducatur vt credat, per Iehouam Christum significari?

XXVI. Ad hæc, Si de Christi regno in eo psalmo agitur sub vnus illius Dei nomine, necesse est, vt vnus illius Dei nomine aliquo modo significet Christum regnantem seu regem. Vel igitur cum significat proximè, & propriè, vel figuratè; vel me-

diante vno illo Deo, proximo scilicet suo significato; vel per consequentiam quandam. Si primum, Christus est vnus ille Deus. Secundum autem dici non potest: Nunquam enim auditum est in Ecclesia nomen vnus illius Dei proprium nempe Iehouam, vsurpari aliquando figuratè, aut Christum dici in Scriptura Iehouam figuratè. Tertium quoque nemo dixerit: ita enim nomen esset signum ipsius Dei, ipse Deus Christi. Id quod absurdum esse perspicuum est. Pluris enim fieri debet res significata quàm eius signum. Quartum ne dicant error ipsorum vetat. Eo enim admissio ab ipso Deo ad Christum non valet consequentia. Is enim, si credimus Aduersarijs, & regnauit olim, & ab Angelis adoratus est antequam Christus esset, & potest hodieque adorari Christo non adorato.

XXVII. Præterea, constat inter nos de Christi regno in eo psalmo agi. Certum est autem in eo non agi de regno, nisi quatenus agitur de regnante, cuius persona, præsentia, maiestas, potentia, honor, iudicia describuntur. Si igitur agitur de regno Christi, agitur vtique de Christo regnante. Quo igitur nomine insignitur? Ipso nomine tetragrammato Dei Israël proprium, idque sexies in illo psalmo. Potuitne disertius doceri, Christum eundem esse Deum Israël? Quid Aduersarij? Negantne ista? verbo eludunt, sub nomine, inquit, vnus illius Dei agitur de Christi regno. Sub ipsius Dei persona vaticinatio est de Christi regno. Quid erit tam clarum tamque disertum, ad quod tale effugium accommodari non possit? Fac describi in aliqua historia Regis Galliz præsentiam & Maiestatem, verbis, vt par est, magnificentissimis, eius etiam nomine proprio aliquoties expresso. Nonne deridendum se præberet, qui contenderet sub ipsius Regis nomine & persona descriptum esse munus præcipui eius ministri? Idem tamen hic faciunt Aduersarij. Mirum si suæ istius subtilitatis eos non suppuet. Ita enim magnificè describitur regnantis Dei maiestas in hoc psalmo, vt nunquam alibi describatur magnificentius.

XXVIII. Age verò etiam expendamus, quam subjunxit Socinus, rationem. *Quia, inquit, vnus illius Dei personam singulari quadam ratione sustinere debebat.* Hoc multis locis Socinus inculcat, nec tamen explicat. Itaque quo sensu ab eo dicatur, non satis intelligo. Nam per illum vnum Deum solum Patrem intelli-

git. Quæro igitur, quomodo vnus illius Dei, hoc est, Dei Patris, personam Christus sustineat? An vt Histrio personam Regis in scena? Non hoc, opinor, dixerint, Christo nimis injuriosum. Quanquam sic tam dici posset, non modo Ichoua, sed etiam Deus Pater, quàm histrio rex appellatur dum regis personam agit. Quid ergo sibi volunt, cum dicunt, Christum diuina & perfectissima ratione sustinere personam ipsius Dei? Christum profiteri se esse ipsum Deum, eique professioni congruenter loqui & agere? (per simili enim sentu dicere solemus, consulem consulis, Iudicem iudicis, oratorem oratoris personam sustinere.) Quare igitur eum negant ipsum Deum esse? Christum non suas, sed alienas partes agere, ac perinde, vel ipsum loqui & agere, vel de ipso Scripturam, ac si ipse Deus esset, cum tamen non esset ipse Deus? At si, vel Christus de se, vel Scriptura de ipso perinde loquitur ac si esset ipse Deus, vnde habent eum non esse ipsum Deum? Aut cur suos & conceptus & sermones, non exigunt ad normam sacrarum literarum, præsertim cum de eo sit quæstio, quem nemo nouit nisi Pater? Tres personas pro triplici munere vnus Christus sustinet, Prophetæ, Sacerdotis, Regis. Quando ergo alienam ipsius Dei personam sustinet? cum partes agit Prophetæ? aut Sacerdotis? Non arbitror. Hæ enim nullo modo sunt partes Patris. An igitur eam sustinet cum regio munere fungitur? Certe etiam tunc suas ipsius, non alienas Patris, partes sustinet. Verissimè enim ac propriissimè loquendo Rex est, suumque regnum, non alienum, administrat.

XXIX. Fortè volunt Christum sustinere ipsius Dei, hoc est, Patris personam, quomodo magistratus vulgò dicitur sustinere personam principis, seu Regis. Sed omnia ferè dissimilia sunt. Primum Regis est ius dicere subditis, quod cum ipse per semetipsum facere non possit, creat magistratus, per quos id faciat, quique istis regij muneris partibus tanquam eius ministri, & vt ita dicam, vicarii defungantur. Itaque quæcunque ad regem pertinent, ea non suo nomine sed regio, non sua auctoritate sed regia, non tanquam sua ipsius, sed tanquam aliena, vt fideles ministros decet, administrant. Ministri enim sunt regis, non reges, eorum non est regnum, non thronus, non potestas regia, non Majestas, non ministri & serui regis. Christi dispar ratio est. Regnat enim cum Patre similiter, immò pariter. Eius sunt

descriptionis continuatio, & nihil prorsus est unde vel probabiliter colligi possit interruptionem esse descriptionis verbis antecedentibus incepta & sequentibus absolvendæ, atque adeo descriptionem esse alterius cuiusdam, qui non sit Iehoua.

XIII. Sic satis confirmata videtur maior argumenti nostri. Minor, quia dicto testimonio Apostoli nititur, ab Aduersariis negari nequit. Stat igitur firma conclusio. Et tamen Socinus alteram responsionem attulit & exposuit pluribus verbis, quæ quomodo ad maiorem vel minorem syllogismi nostri accommodari possit, non satis intelligo. Eam tamen, nequid prætermissum à nobis videatur, expendam non illibenter.

Ref. 1. XIV. Is primum hoc veluti fundamentum jactat, *Certum est,*
 Resp. inquit, *Christo homini, & quidem ut homini, id est sine ulla consideratione, quod in se habeat essentialiter aliquam naturam diuinam, adorationem ab ipsis angelis deberi.* Contrarium pro certo habeo, habentque omnes prope modum Christiani. Sed pergat, postquam, addit, à Deo, propter sui ipsius demissionem & obedientiam usque ad mortem crucis, nomen supra omne nomen est adeptus. Quæ verba cum præcedentibus pugnant: nam & magnitudo demissionis atque obedientiæ ex obedientis diuinitate æstimata est, nec fuisset nomen supra omne nomen adeptus qui sic obediuit, si nihil nisi homo fuisset. Audiamus tamen quomodo hoc probet Aduersarius. *Id enim, inquit, apertissimè constat ex verbis Pauli ad Philip. c. 2. ubi hac de re agit. Diserte enim ibi dicit: Deum propter prædictas causas, Iesum Christum supra modum enexisse, & dedisse illi nomen, quod est supra omne nomen, ut in nomine Iesu omne genu flectatur, cælestium, terrestrium, & subterraneorum. Iam quemadmodum obedientia sine dubio ad humanam tantum naturam pertinet, sic exaltationem propter obedientiam, ad humanam tantum naturam pertinere necesse est. Præterquam quòd certum aliqui est, diuinam naturam exaltari verè ac proprie non posse, & consequenter necesse est, ut adoratio, quæ Christo ab omnibus cælestibus, & sic ab ipsis angelis, propter istam exaltationem, debetur, ei, ut homini debeatur.* Hæc ne nobis iterum reponantur discutiamus.

XV. *Obedientia, inquit, sine dubio ad humanam tantum naturam pertinet.* Rationem requiro. Nullam affert. Ego obedientiam distinguo. Alia est debita & necessaria, ac proinde inferior-

ris siue naturæ siue personæ erga superiorem. Alia est indebita & merè voluntaria, ac proinde potest ab æquali, immò à superiori proficisci. Hæc cur ad diuinam etiam naturam aliquomodo pertinere non possit causam non video, qui lego in vulgata editione latina Ios. 10. 14. *Deum obediuisse voci hominis*, versione non prorsus repudianda, congruit enim non modo cum verbis hebræis quæ exprimit, sed etiam cum verbis Iosue tanquam præceptum, non tanquam, votum, conceptis, *Sol siste gradum in Gibeon, & Luna in valle Aialon*. Sed missa editione illa Latina, Nonne Deus in historia creationis inducitur imperans? unde psaltes ps. 33. 9. *Ipse dixit & facta sunt: Ipse mandauit & creata sunt*. Nonne in eadem historia Deus inducitur imperata faciens, atque adeo obediens? Id non potest negari. pertinuit sine dubio talis obedientia ad naturam diuinam, tam certè quàm ipsa effectio seu creatio mundi. Iam autem huius generis esse obedientiam illam Filij Dei, ob quam supra modum exaltatus dicitur, ipse Apostolus autor est. *Qui, inquit, cum in forma Dei esset, non rapinam arbitratus est esse se æqualem Deo, sed exinaniuit se ipsum formam serui accipiens*, &c. Quorsum obleruat eum in forma Dei fuisse, non duxisse rapinam esse se æqualem Deo, semetipsum exinaniuisse, nisi vt significet indebitam merèque voluntariam illam obedientiam fuisse? Quid enim? teneretur æqualis obedire ac seruire æquali? Nonne etiam ista exinanitio sui ipsius & formæ serui acceptio obedientia memorabilis fuit? Atqui illa antecessit formam serui, quam τὸ λόγον *verbum* simul cum natura humana sumpsisse in virginis utero probauimus lib. 1. Disp. v. Ex quo sequitur eam obedientiam ad Dei formam seu diuinam verbi naturam pertinuisse.

XV I. Porro nescio cur Socinus dicere naturam maluit quàm personam, cum sit in confesso personam propriè, non autem naturam, obedire. Principium, vt loquuntur, *quod* obedit est persona, *quo* obedit est natura, vel aliquod organum. Idem de passionis ac de obedientiæ subiecto vel principio dicendum. Æstimatur autem obedientia ex dignitate personæ obedientis, seu illa ex natura seu aliundè pendeat. Fac ergo ad naturam tantùm humanam pertinere Christi obedientiam, pertinebit ad eam vt ad principium quo, ad personam verò Christi vt ad principium quod, ex cuius dignitate debet æstimari. Huius autem personæ

dignitatem Apostolus non in natura humana sed in forma Dei, & æqualitate cum Deo collocat, ex quibus exinanitionis humiliationis atque obedientiæ magnitudo metienda fuit. Itaque seponere considerationem formæ Dei & æqualitatis cum Deo ab obedientia Christi & exaltatione quæ illius magnitudini proportionem respondet, Apostolo repugnat, illique ipsi obedientiæ est injuriosum. Hoc autem facit Socinus, cum ab ea seponit considerationem naturæ diuinæ, sine qua nec forma Dei vera esse potest, nec æqualitas cum Deo intelligi. Idem de exaltatione dicendum, quæ passim Deo tribuitur in Scriptura, & Filio Dei ira propter obedientiam conuenit secundum naturam humanam, ut si ab eo formam Dei & æqualitatem cum Deo, hoc est, diuinam naturam detraxeris, eadem opera, & pondus eius obedientiæ ademeris, & magnitudinem exaltationis. Itaque ei quidem homini adoratio debetur, ubicunque suam naturam humanam visendam præbet, non tamen ut homini, sed potius ut Deo, immensa autoritate & potentia prædito, quæ tam diuinam arguunt naturam, quàm olim eius infirmitas carnem arguebat nostræ similem. Vno verbo, adorari debet ab omnibus Angelis, quia, ut habetur hoc ipso psalm, valde super omnes angelos est exaltatus. Videbis Disp. IV. §. XI. necnon lib. I. Disp. V.

XV II. Sed pergamus in verbis Socini expendendis. *Ex quo, inquit, sequitur, adorationem ipsam in ipso Christo non terminari: sed in Deum, qui illum exaltauit, ab ipso Christo transire, ut in ultimum suum scopum.* Quid? vultne Socinus non adorari Christum, nisi adoratione relatiua, propter alienam dignitatem, seu personam quam repræsentet? Nam si quæ talis persona ob infirmitatem & propriam & perpetuam dignitatem adoratur, ut alibi conficitur Socinus, adoratio illa in ipsius persona terminatur. At Deus illum exaltauit. Certè. Ergo cum adoratur, adoratio non terminatur in eius persona. Non sequitur. Exaltauit etiam Deus Reges terræ, tamen ciuilis adoratio, quæ Regi exhibetur homini quidem, non tamen ut homini, sed ut Regi, (quod enim alicui homini ut homini conuenit, omni homini conuenire necesse est) terminatur in regis persona. Conciliat enim personæ, cui inest, adorationem summa *u mesz* & dignitas, non qua refertur ad dantem, sed qua subditos immenso quodam intervallo supereminet yndecunque sit.

XVIII. Addit, *Et sic verissimum esse, in Christo & per Christum, & quidem ut hominem, ipsum Deum adorari, id est, eo ipso, quod Christus homo adoretur, adorari ipsum Deum.* Est id quidem verissimum nostræque fidei maximè consentaneum, eo ipso quod Christus adoratur, adorari Deum, quia Christus idem est Deus; immò Patrem, quia Pater est in ipso, & ipse in Patre, quo fit ut alter absque altero neque videri neque adorari possit. Sed si ponas Christum & Deum personas esse totis essentijs diuersas, non video cur alter ab altero separatim adorari non possit.

XIX. Sed quonam tandem ista spectant, & quid ad dissoluendum argumentum nostrum faciunt? Id sequentibus verbis conatur explicare, *Et consequenter, quamvis Christus non sit ille vnus Deus, rectissime tamen nouam illam quandam adorationem, quam ab omnibus Angelis, in Christi regno, illi vni Deo tribuendam Prophetæ prædixerat, de ipsius Christi adoratione ab auctore epistola ad Hebræos expositam, sine ad ipsum Christum accommodatam fuisse.* Certe enim nouus prorsus vnus illum Deum adorandi modus angelis fuit, cum in Christo homine adorare. Si de Christi regno agitur in eo psalmo, Christus est Iehoua, de huius enim vnus regno agitur, ut legenti patet. Nouitatis adorationis, vel modi adorandi nullum indicium in Prophetæ verbis deprehendere potui: Nec intelligo, quomodo adoratio, quam ab angelis illi vni Deo tribuendam Prophetæ prædixerat, rectissime de ipsius Christi adoratione exponi possit, si Christus nullo modo est ille vnus Deus. Ut igitur pressius agamus, In verbis huius psalmi ab auctore Epistolæ ad Hebræos laudatis, *adorate eum omnes Angeli*, vel, *adorent eum omnes Angeli*, quem significat pronomen, *Eum*? quem iubentur adorare Angeli? Idemne apud Prophetam & Apostolum intelligi debet, an vero alius apud Prophetam, alius apud Apostolum? Si idem, Christus est vnus ille Deus: Hunc enim apud Prophetam intelligi hæc Socini responsio concedit. Si alius, estne bona expositio, cum quod de vno dictum est, de alio exponitur?

XX. Quid quod Apostolus citat hoc testimonium, ut probet Christum ab omnibus angelis esse adorandum, ad quod probandum nihil prorsus valet, si in eo de Christo non agitur, sed de Deo Israël tota essentia diuerso à Christo? Debere omnes Angelos Iehouam seu Deum Israël adorare nemo eorum ad quos

diuinus auctor scribebat, in dubium vocabat. Quærebatur tantum de Filio, tenerenturne etiam eum adorare omnes Angeli? teneri docet hoc vno testimonio, *Adorent eum omnes Angeli*, quod nemo non videt ad id probandum ineptum esse, si in eo ut habetur in psalmo, pronomen *eum* illum vnum Deum significat; isque est tota essentia diuersus à Filio.

XXI. Respondet Socinus, *Apostolum non tam hoc loco probare, quam docere velle; id est, occultum psalmi verborum sensum quandam patefacere*. Non tam, inquit, probare vult, Respondeant quædò rotundè Aduersarij, vultne Apostolus, probare, necne? Si probare vult, faciunt eum ineptè argumentantem, qui scilicet ut probet, Iesum tantum hominem præstantiorem esse omnibus angelis, affert pro argumento mandatum quo iubentur omnes Angeli adorare Deum Israël. Agitur, inquit aliquis, de Christo qui non est Deus Israël, & tu Apostole testimonium affers, in quo agitur de Deo Israël. Quæritur, an debeant omnes Angeli adorare quendam hominem, & tu affers testimonium, in quo iubentur adorare Deum illum vnum creatorem mundi. Hocçine est argumentari? Si non vult probare, errat igitur ipse Socinus cum sic loquitur, Resp. ad Clauis. 1. Arg. 1. V. j. ki. *Paret hoc ex ipso initio disputationis, ubi disertè Thesis ipsa exponitur: qua talis est: Dei filius tantò præstantior angelis est factus, quanto excellentius, præ illis, nomen hæreditauit. Hæc, inquam est Thesis, quam Apostolus sibi probandam proponit*. Errant etiam omnes interpretes, qui summo consensu Apostolum probare velle asserunt: & quorum tot testimonia laudaret, si nihil probare vellet?

XXII. *Docet, inquit, id est occultum psalmi verborum sensum patefacit*. Sensus Scripturæ distingui solet in Literalem & Mysticum: Illum verba proximè significant, Hunc res per verba significant. Vtrum igitur literalis est iste scilicet occultus quidam sensus, an mysticus? Si literalis, vel proprius est, vel figuratus. Non figuratus: quænam enim figura, quis tropus esse posset in pronomine *eum*, in verbis, *adorent eum omnes angeli Dei*? (De huius enim vnus pronominis significatione iustituta est hæc nostra disputatio.) Et cur sensum coinmiscerentur figuratum, cum obuius est: proprius verus & appositus? Nec etiam proprius. Quis enim credat illius pronominis in verbis illis minime ambi-

quis duos esse sensus literales & proprios? Sola enim ambiguitas, quæ hinc omnis abest, gignere potest plures sensus proprios. Certè pronomen illud *Eum* referri non potest, nisi ad eum qui est in versibus antecedentibus nominatus. Nullus autem nominatus fuit præter Iehouam. Non potest igitur referri nisi ad Iehouam. Myticum quominus dicant eum sensum esse vel ipsorum dogma prohibet. Facerent enim adorationem Dei typum adorationis Christi, atque adeo ipsum Deum typum Christi, quod esset Christum supra ipsum Deum extollere. Pluris enim fieri debet res adumbrata quam eius typus vel umbra. Vno verbo: vel colligi potest, occultus iste sensus ex psalmi verbis, vel non potest. Si non potest, pro vero sensu haberi non debet. Si potest, ostendant quæ ratione ex verbis Prophetæ deduci possit.

XXIII. Socinus Ait, si modo velimus, verba quæ ex psalmo citat, de vno illo Deo dicta esse, diuini huius scriptoris hanc mentem fuisse, ut, quia iam inter peritiores Hebraeos constaret, de futuro Christo, eoque in sui regni possessionem mittendo, in eo psalmo, sub illius unius Dei nomine, agi, non quia Christus futurus esset ille vnus Deus, sed quia vnus illius Dei personam singulari quadam ratione sustinere debebat, ex eiusdem psalmi verbis, sua interpretatione adhibita, persuaderet, Christum ab ipsis angelis adorandum esse; nempe quia non modò multa alia, quæ in eo psalmo de illo vno Deo dicuntur, ut facile & concedebant, ad quos scribebat (scribebat enim ut ex epistola patet ad Indeos quidem, sed iam Christianos factos) ad Christum accommodanda essent: sed etiam illud ipsum, quod ibi habetur de omnibus angelis illum vnum Deum adoraturis. Id quod non facile cuiquam persuaderi potest, nisi, præter id, quod verissimile est, si multa alia, quæ de illo vno Deo ibi dicuntur, idcirco ad Christum accommodanda sunt, quia de ipsius Christi regno sub vnus illius Dei nomine ibi agitur, hoc etiam ad Christum accommodandum esse, quod nimirum ad ipsius regnum pertinet, accedat quoque ipsius scriptoris auctoritas & prophetia spiritus, quo patefacit, quale & quantum reuera sit Christi regnum, & quam diuina prorsus & perfectissima ratione Christus illius vnus Dei personam sustineat. In quibus verbis quædam sunt reprehensione digna. Illud primò, quod affirmat, Iam inter peritiores Hebraeos constituisse, de futuro Christo, eoque in sui regni possessionem mittendo, in eo psalmo, sub illius vnus Dei nomine agi. Vnde enim id rescire potuit? Num id scripsit Aposto-

Ref.
Arg. v.
Eraf.
Ioh.

Act. 17.
II.

lus, aut aliquis alius author illius seculi? Num id potest probabili aliqua ratione conjici? Nullo modo. Temeraria igitur est assertio, & homine veritatis studioso & modesto prorsus indigna. At, inquit alibi, *nisi ijs, ad quos hic auctor epistola eam scribebat, vel iam constitisset, vel facile constare potuisset, Scriptura locos ab ipso allatos ad Messiam pertinere, frustra & prorsus ridiculè eos attulisset.* Benè, vel iam constitisset, vel facile constare potuisset. Vitat enim illa disjunctiōe, eius, quod scire non poterat, affirmandi temeritatem. Sed vnde constare? Ex attenta locorum illorum, ut habentur in Veteri Testamento, & citantur ab Apostolo, inspectiōe? Nihil verius. Ita enim Bercenses *scrutabantur Scripturas, an hec ita se haberent.* Si ita sentit, concedit locos illos vim per sese id probandi habuisse, ad quod probandum adducti sunt. Sin verò (quæ videtur eius mens hoc loco) vult eos locos vim illam ex sese non habuisse, sed ex hypothēsi opinionis jun ab Hebræis præconceptæ, atque adedò argumenta esse, ut loquuntur, *ad hominem*, grauitè errat, & quantum in ipso est, Dei & Apostoli sapientiam vehementer obscurat. Atque hoc est illud alterum, quod in verbis Socini reprehendendum putavi. Nam si huius, de quo agimus, testimoniij vis in opinione præjudicata Hebræorum, ad quos Apostolus scribebat, sita erat, ea per se, & apud alios nulla erat. Si autoritate Apostoli nitebatur, consultius fecisset Apostolus, si testimonium non laudasset. Nam qui laudat testimonium præ se fert, se testimonij illius videnti velle, non sua vnus auctoritate. Itaque deludi lector videtur, cum citatur testimonium, cuius vis pender ab autoritate citantis.

XXIV. Quod bis dicit, de Christi regno sub vnus illius Dei nomine agi in eo psalmo, argumentum nostrum confirmat. Sic enim colligo. Ille cuius de regno agitur in eo psalmo est Iehoua, ut patet ex toto psalmo. Christus est ille de cuius regno agitur in eo psalmo, confitente Socino. Ergo Christus est Iehoua. Hoc primum. Deinde, quid significant illa verba, *sub vnus illius Dei nomine*, vel ut alibi loquitur, *sub ipsius Dei persona*? significant ne vnus illius Dei nomine Christum significari, per ipsius Dei personam Christum intelligi? Hoc ipsum est quod dicimus, nimirum per Iehouam in eo psalmo intelligendum esse Filium Dei. Cum igitur Propheta sic loquitur, *Iehoua Regnat*, &c. quàm verbum, *regnat*, regnum Christi significat, tam nomen, Iehoua,

personam Christi significat. Si aliud volunt illis verbis aduersarij, id quale sit nobis quæso exponant. Nam si sub vnus illius Dei nomine agitur de Christi regno, vt se habet regnum quod ibi describitur ad regnum Christi, sic se habet vnus ille Deus ad Christum. Sed regnum illud est regnum Christi. Ergo vnus ille Deus est Christus. Nempe vt regnum illud se habet ad regnum Christi, sic se habet rex illius regni ad Christum. Si regnum Christi eo psalmo describitur, certè Rex qui eo psalmo describitur est Christus. Is autem Rex est Iehoua. Iehoua igitur est Christus.

XXV. Fortasse lucem aliquam isti locutioni ratio, quam subijcit, asperget. *Quia*, inquit, *Christus vnus illius Dei personam singulari quadam ratione sustinere debebat.* Sed contrà est. Implicat enim potius quàm explicat, euertit potius quàm confirmat. Nam si sub vnus illius Dei nomine, si sub ipsius Dei persona regnum Christi describitur, non iam Christus sustinet aut repræsentat personam vnus Dei in eo psalmo, sed contrà potius, vnus ille Deus sustinet & repræsentat personam Christi. Adde quod, quoties in Veteri Testamento sub vnus nomine aut persona, alter describitur, toties ille huius typus est. Porro typus est vmbra eius cuius est typus. Est ne igitur vnus ille Deus typus Christi tantum hominis? Dicant etiam nobis Aduersarij, si Christus non est vnus ille Deus, cur Spiritus Sanctus eum voluisset sub vnus illius Dei nomine & persona toto psalmo, toties, tam constanter, tamque periculosè describere? Nam si sub ipsius Christi vel Filij nomine regnum Christi descripsisset, æquè profuisset ædificationi Ecclesiæ, nec nobis ansam præbuisset credendi Christum eundem esse Iehouam, hoc est, vt putant Aduersarij, grauiter errandi. Haud enim decet prudentiam & charitatem Dei, innocenti atque æquè vtili locutioni, aliam admodum impropriad obscuram & periculosam anteponere. Quis enim legens hæc verba, *Iehoua regnat*, &c. si regnum Christi describi putat, non statim inducatur vt credat, per Iehouam Christum significari?

XXVI. Ad hæc, Si de Christi regno in eo psalmo agitur sub vnus illius Dei nomine, necesse est, vt vnus illius Dei nomen aliquo modo significet Christum regnantem seu regem. Vel igitur cum significat proximè, & propriè, vel figuratè; vel me-

git. Quæro igitur, quomodo vnus illius Dei, hoc est, Dei Patris, personam Christus sustineat? An vt Histrio personam Regis in scena? Non hoc, opinor, dixerint, Christo nimis injuriosum. Quanquam sic tam dici posset, non modo Ichoua, sed etiam Deus Pater, quàm histrio rex appellatur dum regis personam agit. Quid ergo sibi volunt, cum dicunt, Christum diuina & perfectissima ratione sustinere personam ipsius Dei? Christum profiteri se esse ipsum Deum, eique professioni congruenter loqui & agere? (per similes enim sentu dicere solemus, consulem consulis, Iudicem iudicis, oratorem oratoris personam sustinere.) Quare igitur eum negant ipsum Deum esse? Christum non suas, sed alienas partes agere, ac perinde, vel ipsum loqui & agere, vel de ipso Scripturam, ac si ipse Deus esset, cum tamen non esset ipse Deus? At si, vel Christus de se, vel Scriptura de ipso perinde loquitur ac si esset ipse Deus, vnde habent eum non esse ipsum Deum? Aut cur suos & conceptus & sermones, non exigunt ad normam sacrarum literarum, præsertim cum de eo sit quaestio, quem nemo nouit nisi Pater? Tres personas pro triplici munere vnus Christus sustinet, Prophetæ, Sacerdotis, Regis. Quando ergo alienam ipsius Dei personam sustinet? cum partes agit Prophetæ? aut Sacerdotis? Non arbitror. Hæ enim nullo modo sunt partes Patris. An igitur eam sustinet cum regio munere fungitur? Certè etiam tunc suas ipsius, non alienas Patris, partes sustinet. Verissimè enim ac propriissimè loquendo Rex est, suumque regnum, non alienum, administrat.

XXIX. Fortè volunt Christum sustinere ipsius Dei, hoc est, Patris personam, quomodo magistratus vulgò dicitur sustinere personam principis, seu Regis. Sed omnia ferè dissimilia sunt. Primum Regis est ius dicere subditis, quod cum ipse per semetipsum facere non possit, creat magistratus, per quos id faciat, quique istis regij muneris partibus tanquam eius ministri, & vt ita dicam, vicarii defungantur. Itaque quæcunque ad regem pertinent, ea non suo nomine sed regio, non sua auctoritate sed regia, non tanquam sua ipsius, sed tanquam aliena, vt fideles ministros decet, administrant. Ministri enim sunt regis, non reges, eorum non est regnum, non thronus, non potestas regia, non Majestas, non ministri & serui regis. Christi dispar ratio est. Regnat enim cum Patre similiter, immò pariter. Eius sunt

Ref. li-
belli de
diuina
verbi
incar-
nati
nat. cap
10.

quæcunque Patris sunt, regnum, thronus, sceptrum, potentia, majestas, ministri, subditi. Si regnum accepit à Patre, accepit ut Filius vnigenitus, ut hæres ex asse, ut suum, non ut alienum. Itaque non regnat ut seruus, ut minister Patris, dicam aliquid amplius, non regnat, accuratè loquendo, ut vicarius Patris. Id quod ipse Smalcus agnoscit. Enumerans enim Smiglecijs, ut loquitur, calumnias in aliquot capita distributas. *Ottavum*, inquit, *caput est*, nos Christum Dei vicarium facere. *Et hic canillus est, quo remoto, ipsa Christi diuinitas relucebit. Nos enim cum Scriptura dicimus, Christum Deum esse unà cum illo vno Deo. Quæ admodum filius regis, si à Patre ad regnum admittatur, non propriè vicarius eius, sed unà cum Patre suo Rex esse dicitur.* Non igitur cum regnat alienam Patris personam sustinet, sed suam.

XXIX. Fac tamen cum se habere ad Patrem, quemadmodum inferior magistratus ad Regem. Quis vnquam sub nomine Regis Magistratum descripsit Regi subordinatum? Quis mandatum legens, quo omnes regni proceres iubentur ciuilitè adorare regem, id exponat de Regio aliquo ministro, aut magistratu constituto à Rege, ut hunc ministrum, aut magistratum probeat omnibus regni proceribus dignitate longè antecellere.

XXX. Denique, consilium Apostoli est, probare hanc thesin, Christum esse angelis præstantiorem. Id omnes interpretes agnoscunt, id causalis, *enim*, docet, id citatio tot è Veteri Testamento testimoniorum clamat, id huius ipsius testimonij collatio cum thesi probanda confirmat, id ipse Socinus vi veritatis victus confitetur. *Istud ipsum*, inquit, *urget* Apostolus, *Christo videlicet adorationem ab ipsis angelis deberi ex quo apertissimè omnes possint intelligere, Christum angelis præstantiorem esse. quod illud ipsum est, quod ab initio probandum sibi proposuit.* Probat igitur Christum angelis præstantiorem esse, quia debetur ei ab angelis adoratio. Hoc autem probat testimonio petito è ps. 97. 8. quo iubentur eum adorare omnes angeli. Quod tamen testimonium nullam prorsus ad id probandum vim habet, si in eo de adorando vno illo Deo agitur, isque vnus Deus nullo modo est Christus.

XXXI. Regerit Socinus. *Si simpliciter probare vult, quomodo, queso, probat, id quod de vno illo Deo in psalmo dictum est, de Christo dictum fuisse, ut inde concludat, Christum ab angelis adorandum esse? Necessè est, ut dicas, eum istud propterea probare, quia*

quia pro concessio sumat, Christum esse illum unum Deum. Hoc non est necesse. Quomodo autem id probet, statim, Deo dante, explicabo. Addit, *Ad argumentationem, ex loco isto sacri illius scriptoris ductam, omnino ac penitus dissolvendam, hoc dilemmate utitur: aut colligitur ex ipsius verbis, quod Christus sit ille unus Deus Israël, quia id ipse probet, Aut quia, etiamsi id non probat, tamen ita eum sensisse, ex ijs, quæ dicit, intelligi potest.* Quorsum istæ nugæ? Id colligitur ex verbis huius scriptoris collatis cum verbis Prophetæ, eo syllogismo, quem initio huius disputationis proposui, & refutatis separatim duabus Socini responsionibus firmavi. Superfunt tamen adhuc aliquot argumenta, quibus eundem confirmem, easdemque illas duas responsiones conjuncte confutem.

XXXII. Primùm à verbis Apostoli ducitur, *Et, cum iterum introducit primogenitum in orbem terræ, dicit, &c.* Docent enim aperte, cum describi eo psalmo secundam introductionem, seu secundum aduentum, Filij Dei in orbem terræ, tum eum, quem eo loco jubentur adorare Angeli, non ipsum Deum Patrem esse, sed primogenitum eius Filium. Quæ duo cum Socini responsionibus non obscure pugnant. Quàm enim alius est Filius primogenitus à Patre, tam alius est ab eodem Patre is, qui teste Apostolo introducit in orbem terræ, quemque Angeli adorare jubentur eo psalmo. Et tamen is eo psalmo sexies Iehoua nominatur, itaque magnificè describitur, ut non possit magnificentius ipse Pater describi. Adde quod Apostolus distinguere videtur eum qui introducit ab eo qui introducit, illumque esse Patrem innuere. Ex quo intelligitur, qui jubet Angelos adorare, Patrem, qui jubetur adorari, Filium esse, huncque, non illum, eo psalmo describi.

XXXIII. Alterum argumentum petitur ab illis ipsis verbis, *Adorate eum omnes dij, vel, adorent eum omnes Angeli Dei, utrovis enim modo reddantur ad sensum nihil interest.* Considerandum enim est cuius sint verba. Scripta quidem sunt à propheta: sed Prophetæ non est ad homines missi, omnibus angelis imperare & præscribere, quem adorare debeant. Hoc ad eum solum pertinet, qui supremam habet in omnes angelos potestatem. Is autem vel Pater est, vel Filius. Non sunt autem Filij verba, sed eius à quo introducit in orbem terræ teste Apostolo, necnon

ipsa re: est enim magis consentaneum rationi, ut ab omnibus angelis adorari Pater Filium jubeat, quàm Filius Patrem. Si igitur is qui adorationem istam imperat est pater, necesse est ut Filius is sit, quem adorari imperat: non enim dicit, adorate me, sed adorare *eum*, non suam ipsius personam adorari jubet, sed aliam, nempe eam, quæ psalmo illo. Iehoua appellatur, & describitur. Cæterum latet emphasis in voce *primogeniti*. Cum enim Christus primogenitus dicatur ἀπαρχὴς & ut loquitur Apostolus, πρῶτος ἀντιστοιχίας, quoniam per ipsum creata sunt omnia quæ in cælis sunt & in terra, visibilia & invisibilia; siue throni, siue dominationes, siue principatus, siue potestates, omnia per ipsam & in ipso creata sunt, & ipse est ante omnia, & omnia in ipso consistunt, meritò ab omnibus angelis adoratur, creaturis nimirum suis.

Col. 1.
16.

Matth.
25. 31.

XXXIV. Tertium argumentum sumitur à connexionem huius psalmi 97. cum antecedente & sequente. Non obseruabo psalmorum esse, ut ita dicam, tres Iubilæos (sunt enim ter quinquaginta.) Extremos autem cuiusque Iubilæi siue quinquagenarij pertinere ad Domini nostri aduentum, præcipuè ad secundum, ex quo victoria nostra, & triumphus, & plena liberatio ab omnibus malis, atque adeo lætitia & iubilum pendent. Tantùm dicam, hunc psalmum 97. inter duos medium interjectum esse, quorum verba extrema sensu prorsus, syllabis propè eadem sunt. Excitant enim omnes creaturas, etiam inanimas, ad iubilandum & exultandum, subiecta hac ratione, quia venit, quoniam venit iudicare terram: iudicabit orbem terra in aequitate, & populos in veritate sua. Quæ verba qui non videt de Christo dicta esse veniente ad iudicandum orbem terræ, claudere oculos spontè videtur: tamen qui venire dicitur utroque illo psalmo Iehoua appellatur. Cum autem veniet Christus, tunc sedebit in solio maiestatis sue, Tunc magnificentissima ratione regnabit, suosque regnando lætitia implebit, Tunc reliqua præstabit quæ hoc psal. 97. describuntur. Ex quo intelligitur illius regnum lætificum, aduentum magnificum, iudicia celebranda in hoc psalmo exponi, qui in antecedentis & sequentis extremo venire nunciatur. Is autem testibus illis psalmis est Iehoua, testibus Apostolis est Christus, quid ergo confiteri cunctamur, eundem esse Iehouam & Christum?

XXXV. Ut taceam Regnum, quod certo tempore incepit,


& cuius nuntium lätificare debet insulas multas, regnū esse Christi, non Patris præcisè, verborum illorum, v. 3. *Ignis ante ipsum præcedet, & inflammabit in circuitu inimicos eius*, nonne egregius est commentarius id quod dicit Apostolus 2. Thess. 7. *In revelatione Domini Iesu de cælo cum angelis virtutis eius in flamma ignis, dantis vindictam iis, qui non nouerunt Deum?* Verba etiam illa v. 4. *vidit & commota est terra, & v. 5. Montes sicut cera fluxerunt à facie Domini, à facie Domini omnis terra.* Et v. 6. *viderunt omnes populi gloriam eius*, cum sine dubio significant, qui venit vel venturus est, qui se videndum omnibus populis exhibuit vel exhibiturus est. Quis autem ille est? Pater, an Filius? certè Filius potius quàm Pater. Addit v. 7. *Confundantur omnes qui adorant sculptilia, &c.* 2. Thess. 2. 8. Quis suo aduentu, & vt loquitur Apostolus, τῇ ἐμφανείᾳ τοῦ πατρὸς αὐτοῦ omnes idololatrias confunder, nisi Christus? v. 10. *Valde exaltatus es super omnes Deos*, hoc est, angelos, de vtro conuenientius id dicitur, de Patre, an de Filio? exaltatio super angelos de Filio prædicari solè ab Apostolis, de Patre non item. Eph. 1. 21. Denique inde propheta ansam arripit hortandi pios ad odium mali; quoniam, quamuis in hoc seculò floreant impij, affligantur autem pij, tamen in aduentu illo Domini benè erit pijs, liberabuntur ab impijs, & sempiterni gaudij messiem amplam referent; hoc quidem tempore jam sati, sed adhuc, vel latentis in terra, vel saltem fructum suum nondum edentis id quod nullius alius aduentu fiet, quam vnus Domini nostri Iesu Christi, cui sit gloria in æternum, Amen. Heb. 1. 2.



DISPUTATIO

DECIMA

**De Arg. X. Ex verbis Psal. xxiv. v. i. &
L. 13. Domini est terra & plenitudo eius,
Laudatis i. Cor. x. 26.**

I.  R G V M E N T V M tale est. Ille cuius terra & plenitudo eius esse dicitur ps. xxiv. i. & L. 13. est præditus essentia diuina.

Christus est ille cuius terra & plenitudo eius esse dicitur ps. xxiv. i. & 50. 13.

Christus igitur est præditus essentia diuina.

Major extra omnem controuersiam, posita est. Nam ps. 24. i. quo loco verba illa extant totidem syllabis, *Domini est terra & plenitudo eius*, Dominus Heb. est Ichoua. Psalmo vero 50. v. 13. quis sic loquitur. *Meus enim est orbis terra, & plenitudo eius*, is primo versu eiusdem psalmi *Dens decorum, & Ichoua vocatur.*

II. Minor partim Apostoli partim Prophetæ auctoritate niti-
tur. Apostoli quidem. Is enim i. Cor. 10. cum dixisset v. 25. *Omne quod in macello venit manducate, nihil interrogantes propter conscientiam*, rationem subjunxit petitam ab illis verbis ps. 24. *Domini enim, inquit, est terra & plenitudo eius.* Eum autem per Dominum & *κύριον* intelligere Christum, vix eget probatione. Id enim nomen, ipso eodem Apostolo teste, & quidem in hac ipsa Epistola ad Cor. cap. 8. 6. & cap. 12. 5. necnon Eph. 4. 5. singulari quadam ratione proprium est Christi. Itaque passim eo nomine, præsertim articulo, vt sit hoc loco, præfixo significatur. Accedit quod ratio à jure Christi in terram & plenitudinem eius ducta propinquior est ei, quod Apostolus probare instituebat.

quàm si petita fuisset à jure Dei Patris.

III. Prophetæ verò. Nam quod attinet ad ps. 24. Idem ille Dominus cuius terra esse dicitur V. 1. ipse est, qui versib. 7. 8. 9. & 10. Rex gloriæ appellatur; id quod in dubium neque vocatur, neque vocari potest. Hic autem est Christus. Id probo duobus argumentis, quibus illud ipsum concludo, quod mihi toto hoc libro probandum suscepi. Primum est eiùsmodi. Rex gloriæ est Ichoua, Deus Israël. Christus est Rex gloriæ. E. Christus est Ichoua, seu Deus Israël. Majorem probo ex V. 7. & 9. *introibit Rex gloria*; ibi enim elogium Regis gloriæ ponitur pro nomine proprio & reciproco Dei Israël. Idem liquet ex vers. 8. & 10. quibus Rex gloriæ describitur. Cum enim bona sit descriptio, reciprocari debet cum descripto. Est autem illa descriptio vers. 8. *Ichoua fortis & potens, Ichoua potens in prelio*, & vers. 10. *Ichoua exercituum*. Reciprocatur igitur Ichoua fortis & potens, Ichoua exercituum cum Rege gloriæ: Minorem probo testimonio Apostoli, qui similiter 1. Cor. 2. 8. pro Christi nomine elogium Domini gloriæ usurpauit, *Nunquam*, inquit, *Dominum gloria crucifixissent*. Dominus autem gloriæ & Rex gloriæ, quin idem valeant, nemo, opinor, negabit. Nam & Christus Rex est, immò *Rex Regum* Apoc. 17. 14. & 19. 16. & nomen *ὁ κύριος*, etiam præfixo articulo, in Biblijs græcis pro Ichoua usurpatur, ut, vel ex vers. 1. huius ps. 24. manifestum est, & Christus vocatur *ὁ κύριος* Dominus *καὶ ἔσχατος*.

IV. Alterum argumentum sic habet. Rex gloriæ, qui hoc psal. 24. describitur, est aut Pater, aut Filius. Non est Pater quatenus à Filio distinguitur. Est igitur Filius. Non esse Patrem, quatenus à Filio distinguitur, ut probem, primum psalmi mentem aperiam, deinde argumento rem concludam. Duobus primis versibus Propheta clamat, *Domini esse terram, & plenitudinem eius, orbem terræ & omnes qui in eo habitant*, subjecta hac ratione, *quia ipse eam fundauit super maria, & super flumina præparauit eam*, Ex quo sequebatur, omnes terræ regiones, omnes nationes absque discrimine ex æquo Dei esse. Hinc nascitur questio V. 3. *Quis ascendet in montem Domini, & quis consistet in loco sanctitatis eius?* Hoc est, quis accedet ad Deum, quis consistet in eius conspectu, An omnes homines cuiuscunque nationis & regionis fiat, quandoquidem omnes ad eum pari iure pertinent,

Act. 10.
35.

an verò duntaxat gens aliqua, aut tribus, aut familia? Respondet, *Qui innocens est manibus, & purus corde, qui ad vanitatem animam suam non effert, neque inrat in dolo*, Significans, vt verbis vtat Apostoli Petri, *Deum non esse personarum acceptorem, sed in omni gente, qui timet eum, & operatur iustitiam, acceptum esse illi*: qui verò iustitiam non operatur, non esse illi acceptum. Ex quo apparet, per montem Domini, & locum sanctitatis eius, non tam montem illum terrenum & locum intelligi in quo templum erat à Salomone ædificandum, quàm illud, cuius mons ille & locus vmbra seu typus fuit.

V. Subijcit Propheta declarationem beatitatis eiusmodi hominis *X. 5. Accipiet, inquit, benedictionem à Domino, & iustitiam à Deo salutis sue*. Quauis enim operetur iustitiam, tamen non iustificabitur operibus suis, sed dono Dei seruatoris sui. Deinde, vt carnalibus Israëlitis omnem de suo genere gloriandi ansam præscindat, addit, *X. 6. Hanc esse generationem querentium eum, querentium faciem tuam Iacob*. Hoc est, qui tales sunt, hos deum esse verum Dei populum, veram posteritatem Iacobi: qui Patris sui faciem quærent, festinant ad eum accedere, nullumque periculum recusant, vt benedictionem accipiant, qua ratione supplantant fratres suos primogenitos, id est, seculi huius principes, sapientes, nobiles: qui cœlestis benedictionis minimè sitientes non quærent Seruatorem suum, non procedunt ei obuiam, immò venienti portas non aperiuunt, sed claudunt potius, nec sese ab ista sua contumacia dimoueri patiuntur. Horum enim talem generationem verè fidelium generationi oppositam, quæ sese in principibus huius seculi, qui Dominum gloriæ noluerunt agnoscere, Propheta in spiritu describere videtur versibus sequentibus.

Apoc.
3. 20.

V I. *Attollite, inquit, porta capita vestra (Græca & vulg. attollite portas principes vestras,) & eleuamini fores seculi, & introibit Rex gloria. Quæris interpretem? ipsum Christum audi. Ecce sto ad ostium, & pulso: si quis audierit vocem meam, & aperuerit ianuam, intrabo ad illum*. Portas plurali numero compellat, hoc est, eos, quorum est portas aperire, & iubet eas attolli; aperimus enim Christo, cum sursum ad cœlestia ferimur, non, cum conuersi ad terrena, quiescimus. Mandato adiungit promissionem, *& ingreditur Rex gloria*. Rex antonomastice, & Chri-

stus, seu Messias reciprocantur. Christus igitur *gloria & honore coronatus* Rex est gloriæ. Compeilat autem eos qui Regi gloriæ venienti obuiam ire noluerunt, sed sese intra clausas domos continuerunt. Itaque puliandum fuit, & iubendum vt aperirent. Adisse enim Regem illum gloriosissimum toties promissum, & tandiu expectatum, qui ingredi cupiat. Quid principes huius seculi? paruerunt ne celeriter isti mandato? Num tanto Regi concessim, vt par erat, aperuerunt? Num eum summa cum alacritate exceperunt? Nihil minus. *Quis est*, inquit, *iste Rex gloria?* Non dicunt quis est Rex gloriæ, quemadmodum dicendum erat congruenter mandato, sed quis est *iste Rex gloria?* Prostitentur se istum regem gloriæ non cognoscere, ac, nisi prius quis scit doceantur, se aperire nolle. Respondetur, esse *Dominum* (Iehouam) *fortem & potentem, Dominum potentem in prælio.* Ita Christus passim inculcat se esse Dei Filium, vnum cum Patre, Patri æqualem, vsque adeo potentem, vt verbo diabolos fugaret, cæcis visum restitueret, mortuos suscitaret, omnis generis morbos curaret, ac in ipsum credentibus vitam æternam & gloriosam resurrectionem polliceretur. Potuitne cogitari animo rex potentior fortiorue in prælio eo, qui hostes omnes nostros, etiam ipsam mortem deuicit, & tandem abolebit, quique, verus Iacob, *strenuè se gessit cum Deo, & cum hominibus, & preualuit?* Num huiusmodi concioni, & Regis gloriæ reuelationi principes huius seculi fidem habuerunt? Nequaquam. Non parent enim: Itaque iteratur idem illud mandatum, *Astollite porta capita vestra, eleuamini fores seculi, & introibit Rex gloria*, non iterandum si paruissent. Parent ne talem iterum pulsanti & aperire iubenti? Haud magis quam antea. Perinde ac si surdis prædicatum fuisset, præ se ferunt se æquè ac antea nescire quis sit ille Rex gloriæ. *Quis est*, inquit, *iste Rex gloria?* accumulunt pronomina, *הוּא הוּא הוּא* innuentes se quidem regem gloriæ agnoscere, sed istum tam humilem & abjectum pro rege gloriæ non habere.

VII. His ita explicatis sic argumentor. Rex iste gloriæ venit ad suos, & sui ipsum non receperunt, venit ad Ecclesiam Iudaicam, & portas sibi clausas inuenit, pulsauit, iussit aperiri, quis esset exposuit, nec tamen agnitus est: quoque magis institit, & se ipsum per se & ministros suos descripsit, suamque diuinitatem, potentiam, virtutem declarauit, eo magis Sacerdotes, primores

populi, Iudæi obduruerunt, nolueruntque eum pro rege gloriæ habere. Hoc autem non conuenit Patri præcisè & quatenus à Filio distinguitur, sed Filio: Est igitur Rex ille gloriæ non Pater præcisè, sed Filius. Propositio patet ex dictis. Illam enim interrogationem, *Quis est iste Rex gloriæ?* Non esse interrogationem fidelium Regem gloriæ noiscere cupientium, sed incredulorum potius & rebellium, jam, opinor, satis ostendi. Si quis tamen dubitat, is cogitet, istos quorum in potestate portæ illæ erant, non processisse obuiam Regi gloriæ, non curasse ut ei aduentanti portæ paterent, iubenti sibi portas aperiri & attolli non statim paruissè, profitentis se Regem esse gloriæ vocem non agnouissè, nec ei fidem habuissè, sed intempestiuus interrogationibus prolatando tantam Majestatem contempsissè. Nulla enim causa erat sic quærendi; Nam & mandatum satis erat perspicuum, & nullus erat locus dubitandi quin Regi, Regi gloriæ sic absolutè nominato portæ aperiri deberent celeriter: præsertim à subditis, à seruis eius. Adde quod, ut iam obseruauimus, non quærunt quis est Rex gloriæ, sed quis est iste Rex gloriæ, cum tamen in mandato non iste Rex gloriæ, sed absolutè & sine limitatione Rex gloriæ dictus fuisset. Deinde accepta responsione, qua Rex gloriæ abundè descriptus est, non parent tamen, non credunt, rursus opus est mandato, rursus interrogant: tam sunt quàm prius ignari, tam rebelles. Denique responsis describitur, non à clementia, sed à potentia & robore, & præliandi virtute, quæ terrori esse debent incredulis & rebellibus.

VIII. Propositione maiore sic probata, Minor versantibus nobis in luce Euangelij Regis gloriæ obscura esse non potest. Deum enim Patrem præcisè, quatenus à Filio differt, Iudæi, etiam hodie, pro Rege gloriæ habent. Immo eius Zelo, *sed non secundum scientiam*, abrepti Filium eius, cum maxime se Filium Dei esse, atque adeò Deum & Regem gloriæ professus est, tum maxime contempserunt. Caueant Aduersarij ne simili aliquo Zelo impediuntur, quominus eum esse Regem gloriæ, seu Iehouam credant.


X. Hinc liquidum esse potest, falsam esse Socini responsionem. Respondemus, inquit, *locum istum psalmi vel ad Christum referri non posse, vel certe non tanquam ad eum, qui sit ille ipse Iehoua, de quo ibi nominatim agitur; sed tanquam ad eum, in cuius persona,*

Rom.
x. 2.

persona, licet diuersa essentia ab ipso Iehona, id impletum fuerit, quod de Iehona ibi prae dictum fuit. Iam, enim, opinor, ex dictis patet, locum istum psalmi ad Christum referri non modo posse, sed etiam debere. Intelligi autem non potest, quomodo id quod habetur in isto psalmo impleri potuerit in persona Christi, si Christus non est Rex gloriæ, nec quomodo sit Rex gloriæ, si descriptio Regis gloriæ, quæ ibidem bis facta est, ei non conuenit.

X. Ad psalmum 50. quod spectat, dubitari non potest, quin is, qui dicit V. 13. *mens est orbis, & plenitudo eius*, sit Deus Israel: prae dictus essentia diuina: vocatur enim, vt iam obseruaui, *Deus Deorum & Iehona* V. 1. dubitari etiam non debet, quin idem sit Christus. Dicitur enim de eo V. 3. & 4. *Deus illucescet, Deus noster veniet*, (Graeca & vulgata editio habent, *Deus manifestè veniet, Deus noster*) & non silebit. Ignis ante eum denotabit, & in circuitu eius tempestas valida. Aduocabit caelum desursum & terram vt iudicet populum suum, Quis autem veniet ad Iudicandum, & quidem manifestò ac cum igne praecedente? Pater? Non: *Negue enim Pater indicat quenquam*. Filius? Certè; id enim Euangelium constanter testatur, & inculcat.

Ioh. 7;
22.



DISPUTATIO

VNDECIMA

De Arg. XI. Ex Ps. LXVIII. v. 19. *Ascendisti in altum, cepisti captiuitatem, accepisti dona in hominibus, collato cum Eph. 4. 8.*

I. **E** GREGIVM etiam argumentum nobis suppediant verba illa psalmi 68. 19. *Ascendisti in altum, cepisti captiuitatem, accepisti dona in hominibus*, laudata ab Apostolo Eph. 4. 8. quod sic concipi potest. Ille qui dicitur psal. 68. 19. *ascendisse in altum*, &c., est Deus Israël.

Christus est ille qui dicitur psal. 68. 19. *ascendisse in altum*, &c.

Christus igitur est Deus Israël. Major legenti sine prejudicio psalmum, Minor legenti Apostolum non vera nequit videri. Tamen aduersarij minore, vt videtur, concessa, negant Maiorem. *Aiunt enim, illa verba, Ascendisti in altum, &c., esse prophetiam de Christo futuro, & non dici ista de ipso vno Deo Israël.* Quomodo enim, addit Socinus, cum Paulus ista ad Christum accommodet supra omnes caelos exaltatum, negare primum quis audebit, hanc esse de Christo futuro prophetiam? Deinde quid erit, quod suadere possit, ista nihilominus de vno illo Deo Israël fuisse dicta? Suadent multa,

II. Primum verborum totius psalmi series & contextus. Nam seu antecedentes versus, seu sequentes spectes, vbique de Deo Israël modò in tertia, modò in secunda persona agitur. Fitne verissimile, sermonis, qui de Deo Israël toto psalmo habetur, & quo Deus Israël aliquoties compellatur, filium continuum interposito isto versiculo decimo nono medium secari & inter-

rūmpti, conuerſa ad alium oratione, cuius, neque in antecedentibus facta eſſet mentio, neque in ſequentibus fieri deberet? Ita verſus iſte 19. quem vulgata verſio diuidit in duos, lacinia quædam eſſet neque cum ijs quæ antecedunt, neque cum ijs quæ ſequuntur coherens, ſed alioſum pertinens. Quod nullo modo probabile eſt. Huc accedit, quod non obſcura eſt connexio huius verſus cum proximè antecedente. In illo enim deſcribitur exercitus, in iſto par ta victoriâ reditus in cœlum, & de ſpolijs hoſtium largitio, vt dubium eſſe non poſſit, quin de eodem ſit ſermo.

III. Id vidit Socinus, addit enim, *Sed concedamus (vt quidem mihi maxime probatur) liquidò conſtare, ea referri debere ad illum Deum proximè ante nominatum, quamvis ille in tertiâ perſona nominetur, is verò, de quo hæc dicuntur, in ſecunda, non tamen enuncetur, hunc eſſe illum unum Deum Iſraelis. In Hebræo enim nomen Deus eſt Elohim, quod alijs præter unum illum Deum Iſraelis, præſertim Chriſto homini, tribus rectè poſſe nemo eſt qui neget. Præterea hunc non eſſe illum unum Deum Iſraelis, ſuadere omnino videtur, quod eo cum ſuis curribus, &c. nominato; ſtatim ſubiungitur, Dominus in eis. Veriſſimile enim eſt prorsus, hunc Dominum alium eſſe ab illo Deo; quippe de quo dicatur quod in curribus &c. illius Dei ſit, id eſt, illis virtute ſua ac favore adſit. Eſt autem hic Dominus ille unus Deus Iſraelis.* Primum iſtæ duæ rationes nihil valent. Prior quidè: Nam ſi ducitur à Chriſto homine, qui, cum Deus Iſraelis non ſit, dicitur tamen Elohim, petitio eſt quæſiti: ſi ducitur ab angelis & magiſtratibus, quibus in plurali numero nomen Elohim tribuitur nonnunquam, aberratio eſt à textu Prophetæ. Certum enim eſt in verſu 18. huius pſal. mi per Deum, *Elohim*, intelligendos non eſſe angelos, nec ſummos inter homines Magiſtratus. Poſterior verò: Quid eſt enim cur in eo verū non ſit idem Deus, & Dominus, cum conſtet hæc nomina paſſim eundem ſignificare? Nempe, currus dicuntur eſſe Dei, Dominus dicitur eſſe in curribus: *Currus Dei ſunt viginti millia, millia multiplicia, Dominus in illis, &c.* Ergo Deus & Dominus non ſunt idem. Egregia argumentatio! quaſi Deus dici non poſſit eſſe in ſuo ipſius exercitu, in ſuis curribus, hoc eſt, interprete Socino, illis virtute ſua ac favore adſe? Canit Propheta exercitum Dei eſſe numero & virtute fortiſſimum, quippe in quo ſunt viginti millia curruum, & quidem ite-

rata, & præterea Deum in eo esse, eius ducem esse. Id quod erat addendum, pendet enim victoria non tam à numero & robore militum, quam à ducis pericia, prudentia, vigilantia, fortitudine, &c.

I V. Deinde, quis credat nomen Dei (heb. Elohim) in verbis, *currus Dei sunt viginti millia, &c.* non eundem significare, quem in præcedentibus & sequentibus huius psalmi versibus significat, in quibus plusquam vices viurpatum est? Quis credat Prophetam, cum exercitum Dei describit, non eum Deum intelligere, quem iam toties nominavit, cuique toto psalmo canit epinicia? Quid? erantne duo dij, quorum alterius essent victoriae, alterius currus seu exercitus? Nonne tunc, cum hæc scribebat David, currus Dei erant viginti millia, &c? quis ergo credat, Deum intelligendum esse in illis verbis, qui nunquam antea fuerat, nondum erat, nec futurus erat nisi post mille annos, ac proinde cuius tunc temporis nulli erant currus? talem enim Deum cogitant aduersarij.

V. Præterea, sic argumentor. Deus *N. 16. Mons Dei, mons Bascan, mons Gibbosus, mons Bascan, & N. 17. Mons in quo beneplacitum est Deo habitare in eo*, est Deus Israël. Atqui Deus cuius currus *N. 18.* dicuntur bis decem millia, est idem Deus. Id enim non modo nominis, ut ita loquar, identitas, & versuum propinquitas, & Dei vnitas arguit, sed etiam sensus & argumenti seu materię conjunctio. Cum enim Propheta, qui toto ferè hoc ps. alludit ad historiam populi Dei in deserto, montem Dei dixisset esse montem Bascan, qui giganti Og bello creptus, populo adhuc agente in deserto, & Mose viuente, dimidia tribui Manasse in hæreditatem cessit, subjunxit statim apostrophen ad alios montes, hoc est, regna & societates, quæ erant montem Dei, hoc est, Ecclesiam oppugnaturæ, *Quare, inquit, exilitis montes gibbosus?* Deinde monet eorum conatus omnes fore irritos. *Deum enim montem illum concupuisse ut habitaret in eo, & remora in eo habitaturum perpetuò.* Neque verò esse cur confidant in militum suorum numero & robore, in curribus & equitibus: Deo enim etiam currus esse, & quidem longè plures, & potentiores, & præterea suo exercitui præsentem ipsum adesse; Itaque Sinai esse sanctitate inuiolabili reuerendum, qui impunè tangi aut violari non possit. Quis non videt eiusdem Dei & montem esse, & exer-

cicum ad montem illum tuendum?

VI. Quæro etiam, cui Deo cantat Propheta, cui psallit, cuius laudes, victoriam, triumphum, beneficentiam concelebrat hoc versu 19. certè ei, ad quem laudandum alios hortatus V. 4. *Cantate Deo, psallite nomini eius*, &c, ipse vt alijs præeat exemplo, canit & psallit reliquis versibus? Quem Deum potius (si tamen fas est plures cogitare Deos) describit, victis & dissipatis inimicis, ascendente, atque adeo redeunte in cœlum, captiuam ducentem captiuitatem, dona bello parata distribuentem hominibus, quàm eum, de quo cecinit V. 1. *Exurgat Deus & dissipentur inimici eius*, &c. Ille autem quin sit Deus Israël, nec negatur ab aduersarijs, nec negari potest.

VII. Cæterum verba illa, *Exurgat Deus & dissipentur inimici eius*, &c, sunt Moïsis verba, quæ, cum Arca proficisceretur, solebat pronuntiare. Erat autem arca, saltem ratione operculi seu propitiatorij, typus Christi, sed typus imperfectus: propitiatorium enim non erat persona, non loquebatur, non erat vlllo modo Deus. Consideremus igitur quo Deo surgente inimici dissipantur. Vel hostes intelliguntur carnales, vel spirituales. Si spirituales, Nonne Christus is est quo surgente primo suo aduentu hostes nostri spirituales dissipati sunt, & quo iterum surgente secundo suo aduentu, peribunt in æternum. Si carnales, nonne vt se habent hostes carnales ad spirituales, sic se habet victor hostium carnalium ad victorem hostium spiritualium? vel igitur idem est, vel ille huius est typus.

VIII. Potest etiam argumentum duci à V. 20. *Benedictus Dominus quotidie onerans nos*, &c. Cui enim gratiæ illis verbis aguntur? nonne apparet ex versu antecedente eum esse, qui deuictis hostibus reuerlus in cœlum dona dedit hominibus? itaque pro illa beneficentia & largitione summa maximèque commemorabili gratiæ ei continuò, vt par erat, aguntur.

IX. Finem imponerem huic argumento, nisi Socinus addidisset, minus verum esse id, quod Vvilejus Bellarmini verbis de suo addidit, videlicet Paulum affirmare, Davidem verba illa de Christo dixisse. Aliud enim est, inquit, in Christo illa impleta esse, siue impleri decessisse (quod est quicquid necessariò ex Pauli verbis elici potest) aliud verò, de Christo dicta fuisse. In quo primum contradictionis implicari videtur. De eo enim certè illa dicta sunt in

quo impleta sunt vel impleri debuerunt, potius quàm de eo in quo non sunt impleta. Nullus enim melior est vaticinij commentarius, quàm ipse euentus. Hoc volo, Is dicitur à Propheta ascendisse in altum, captiuam duxisse captiuitatem, &c, qui reuera ascendit in altum, &c, non autem is qui non ascendit. Deinde dicta illa esse de Christo tam disertè Paulus affirmat, vt disertius vix potuerit. *Vnicuique*, inquit, *nostrum data est gratia secundum mensuram donationis Christi. Propter quod dicit, (ὁδὸς λέγει, expendat lector illud propter quod, &, dicit) Ascendens in altum captiuam duxit captiuitatem, & dedit dona hominibus. Quod autem ascendit, quid est, nisi quia & descendit primum in inferiores partes terra?* Qui descendit ipse est qui etiam ascendit supra omnes cœlos vt impleret omnia. Si verba illa, *ascendit in altum*, &c, non sunt in psalmo dicta de Christo, sed de alio aliquo, qui non descendit prius in partes inferiores terræ, & deinde ascendit supra omnes cœlos, quomodo sic ratiocinatur & colligit Apostolus? quomodo dicit, *quod ascendit quid est nisi quod descendit*, &c? sic enim apertè significat, id aliter accipi non posse.

X. Id quod etiam res clamat, de quo enim alio dicta illa fuissent à Propheta? de Mose? repugnat scopus Prophetæ, qui est laudes & victorias Dei canere, non Moïsi: repugnant verba: Dei enim tot psalmo meminit, Moïsi nunquam: repugnat res ipsa: nam ascendit quidem Moïses in montem, verum non dicitur hoc loco, ascendisti in montem, sed ascendisti למרום, quæ vox sic absolute posita montem Sinai nunquam, cœlum verò persæpè significat. Deinde reliqua non congruunt: non enim Moïses ascendendo in montem captiuos abduxit, non accepit dona distribuenda inter homines, multò minus rebelles vt in ijs habitaret Dominus Deus. Denique si de Mose verba illa accipiantur, non cohærebunt cum antecedentibus neque cum sequentibus, sed erunt veluti scopæ dissolutæ, quod non congruit cum Spiritus Dei, qui in Dauide loquebatur, sapientia. De Dauide illa multò minus dicuntur: Nam vt taceam Dauidem nec sui meminisse hoc psalmo, nec suas laudes cecinisse, nec sic in altum ascendisse, nec causam fuisse cur tale quid de seipso diceret eo versu, manifestum est, eum verbis illis, *ascendisti in altum*, non semetipsum, sed alium alloquutum fuisse.

XI. De quo igitur alio ista dicerentur? de Deo Patre alius non

fuccurrit. Quando ergo Deus Pater ascendisset in altum? Cum
 ascendit in montem Sinai? At in cum montem descendisse Deus
 dicitur in Scriptura, non autem ascendisse: Et vox מָרַח cum de
 Deo agitur cœlum significat, non autem terrenum montem: &
 Deus ascendendo in montem Sinai non abduxit captiuitatem, nec
 parta bello antecedente dona accepit quæ ad homines mitteret,
 inter quæ etiam quidam rebelles essent, vt in ijs habitaret, sed
 contrâ potius iussit sibi munerâ ab Israëlitis offerri, ex quibus
 tabernaculum fieret, in quo habitaret. Tantùm igitur abest, vt as-
 census iste in altum sit idem cum descensu Dei in montem Sinai,
 vt ei oppositus videri possit.

XII. Neesse ergo est vt dicant Aduersarij, Deum Patrem dici
 ascendisse in altum, cum eius Filius Iesus Christus ascendit in cœ-
 lum: id quod tamen dici non potest. Nam si habita ratione as-
 census Christi Deus pater dici potest ascendisse in cœlum, idem
 etiam dici poterit descendisse in partes inferiores terræ. Nam qui
 dicit, *ascendisti in altum*, is eum significat, de quo hoc dicit, an-
 tequam ascenderet, in loco inferiore fuisse. Hoc autem concessio,
 cur non possit Deus Pater crucifixus & mortuus pari iure dici,
 equidem non intelligo. Si hoc absurdum est, etiam illud absur-
 dum videri debet. Concludo igitur de eo dicta esse verba illa,
 ascendisti in altum, &c, qui ascendit in altum, &c, non autem
 de eo qui non ascendit in altum, &c. Ascendisse autem in altum,
 &c. Filium, non verò Patrem, testibus omnibus Euangelistis &
 Apostolis: De Filio igitur non de Patre verba illa dicta fuisse,




DISPUTATIO

DVODECIMA

De Arg. XII. Ex his verbis Psal. CII. v. 26.

Tu initio terram fundasti, & opera manuum tuarum sunt cœli. Ipsi peribunt, tu autem permanes, &c. laudatis Heb. 1. 10.

I.  CCEDIT ad superiora testimonium disertissimum, quod Apostolus Heb. 1. 10. laudauit è ps. 102. v. 26. *Tu initio terram fundasti, &c.* Qui enim sic compellatur, quin sit Deus Israël cœli & terræ creator, nec negant, nec negare possunt Aduersarij, aded manifestum est. Quod autem is sit Filius Dei, tam clarè docet & testatur Apostolus Heb. 1. 10. vt clarius vix possit, nec puto præter Aduersarios, quibus decretum est quomodo tueri thesim, vllum esse Christianum, vel Iudæum, vel Mahometanum, vel Ethnicum, qui si primum caput Epistolæ ad Hebræos legat, id ab eius autore doceri non animaduertat.

II. Excogitarunt tamen Aduersarij, quo sunt acumine, duas loci illius ab Apostolo citati distortionēs. Primum enim aiunt verba illa ps. 102. 26. ab autore illius Epistolæ commemorata fuisse, non vt testimonium de Christo proferret, sed vt illis vteretur ad apostrophen ad Deum Patrem faciendam. Deinde (quod sibi plus probari dicit Socinus) confitentur in his verbis (nempe Heb. 1. 10.) testimonium quidem de Dei Filio esse, inter alia antecedentia numerandum, quæ ibi Apostolus attulit. Quid ergo posita illa confessione respondere possunt? Nam versus ille decimus nihil habet præter ista verba, *Et, Tu Domine terram fundasti, & opera manuum tuarum sunt cœli*, quæ si testimonium sunt de Filio, Filius est cœli & terræ creator. Quid ergo respondent? Audilector & mirare

mirare subtilitatem, negant testimonij partem illam quæ recitatur V. 10. ad Filium dirigi, aut ad eum vlllo modo pertinere. Quorsum ergo citatur? non propter se, sed propter sequentia, quæ recitantur V. 12. *Ac velut amictum circumuolues eos, & mutabuntur.* Quid igitur? dirigunturne ista verba ad Filium? Minime. Aut est ne in illis verbis mentio aliqua Filij? Nulla prorsus. Quomodo igitur sunt *testimonium de Filio*? Quia in eis mentio fit abolitionis seu mutationis cælorum. Quid hoc ad rem? Hæc mutatio, inquit, fiet per Christum in eius postremo aduentu. Istudne dicitur à Propheta? nullo modo. Sic confessio, *Testimonium esse de Filio Dei*, euanesce tandem in auras, nihilque esse nisi illusio deprehenditur.

III. Sed quoniam duæ istæ citationis huius testimonij depravationes satis refutatæ nobis videntur lib. I. Disp. de Arg. xxxi. nihil addemus hoc loco, nisi quod, vt hæc quoque disputatio momenti nonnihil ad superiora adjungat, confirmabimus, Filium Dei mundum creasse, duobus argumentis, si non prorsus necessarijs, saltem valdè probabilibus. Prius ducetur à Typo. Constat enim Christi quidem propitiatorium, Angelorum verò cherubim illos typos fuisse, qui faciebus in propitiatorium conuersis, illud alis tegebant, quod alludere videtur Petrus 1. Pet. 1. 12. Hoc posito (nam, quia non videtur ab aduersarijs negatum iri, confirmatione supersedeo) quæro, cur duos illos cherubim ex ipso propitiatorio fieri oportuit? Id enim, & Deus disertis verbis præcepit Exod. 25. 18. & factum fuisse congruenter præcepto narratur Exod. 37. 8. Cum enim id neque fortuito, neque temerè acciderit, neque frustra ab autore Scripturæ obseruatum fuerit, & quidem tam accuratè, causam aliquam grauem eius rei oportet subesse, quæ aliundè quàm ab ipsa re adumbrata peti non potest. Talem enim vmbra seu figuram esse oportuit, vt, quoad eius fieri potuit, corpori suo seu veritati responderet. Credendum est igitur idcirco cherubim illos originem ab ipso propitiatorio ducere debuisse, vt illud nobis adumbrarent, quod Apostolus disertè affirmavit Col. 1. 16. & nos lib. I. disp. seu Arg. 20. 25. 27. 28. 29. 30. 31. probauimus, Angelos ab eo, qui est verum propitiatorium, originem ducere, hoc est, creatos fuisse. Quid enim aliud potuit ea re adumbrari?

I V. Alterum argumentum petetur ex Apoc. v. 13. quo loco

testatur Apostolus, se, cum primum sigillum Agnūs aperuisset; *omnem creaturam, quæ in cælo est, & quæ in terra, & sub terra, & in mari, & quæ in ijs sunt omnia, audiuisse dicentes, Sedenti in throno & agno benedictio, & honor, & gloria, & robur in secula seculorum.* Quomodo omnis creatura nulla exceptâ (ne qua enim excipi posset cauissè dīl. gēter Apostolus videtur) hoc dicit? Propriè enim id dicere neque creaturæ mentis expertes possunt, neque rebelles volunt. Nempe id creatura dicere intelligitur, quod aliquomodo significat: dicere enim est aliquid significare. Signa porrò vel naturâ suâ, vel ex instituto significant. Dicitur propriè quod significatur vōcibus ex instituto significantibus; impropriè verò, quod significatur signis naturalibus. Quod igitur sunt voces loquenti, id sunt facultates & operationes rebus: Hæ enim sese, non minus quam voces, ingerunt sensibus, & præter se aliquid aliud menti. Itaque non rarò Scriptura per metaphoram, aut etiâ prosopopoeiam, rebus inanimatis tribuit sermonem. Hoc ergo dicit omnis creatura, quod eam dicentem Iohannes audiuit, quatenus id significat. Quomodo autem id significat, si non est creatura, seu opus Agni?

V. Id enim dicit sine dubio, aut quatenus eius creatura, aut quatenus ab eo reformata, aut quatenus, quamuis nec eius creatura sit, nec ab eo reformata, tamen eius imperio subiecta est. Quartū enim excogitari non potest. Primum si conceditur causam vicimus, verbum seu Dei Filius creauit omnia. Secundū dici non potest. Nam, neq; nomen creaturæ positum absolutè pro noua creatura vsurpatur vnquam; neque omnis creatura quæ est in cælo, & in terra, & sub terra, & in mari, &c, dici potest reformata per Christum. Quis enim diabolos aut homines incredulos & impios, aut cadauera hominum putrescentia in terra, aut pisces, aut metalla per Christum reformata fuisse dicat? Legatur disp. de Arg. 29. lib. 1. à §. 12. ad finem vsque. Sed pone, quod falsum est, omnes creaturas esse aliquomodo reformatas per Christum, tamen huius reformationis nullum prorsus apparet in plurimis creaturis indicium, nullum signum: quomodo ergo ratione huiusmodi reformationis significant benedictionem, honorem, gloriam, robur pertinere ad eum qui sedet in throno & ad Christum? Tertium quoque dici non potest. Primum quia *nondum videmus omnia Christo esse subiecta.* Deinde quia ad eiusmodi *δοξολογίας* sola sub-

Heb. 1.

9.

jectio non sufficit. Non enim quicquid subicitur alicui, id continuo laudes eius celebrat cui subicitur. Multæ sunt regiones, multi mortales, ut de ijs quæ sunt sub terra & in mari nihil dicam, in quibus subjectionis Christo quatenus est homo, aut propter istam subjectionem confessionis illius nullum prorsus vestigium apparet. Quomodo igitur tot creaturæ id dicentes audiri possunt, quod nullo modo significant? Fatendum est igitur omnes creaturas id dicere quatenus sunt creaturæ. Opus enim beneficium non potest non laudare opificem suum.

VI. Id quod etiam nonnulla suadent. Primò nomen creaturæ isti significationi congruens. Deinde similis confessio quatuor animalium & viginti quatuor seniorum cap. iv. 9. 11. *Dignus es Domine Deus noster accipere gloriam, & honorem, & robur*; versu 9. etiam *benedictio* exprimitur: quæ quatuor hoc loco & omnia & sola memorantur. Subicitur autem ratio ducta à creatione, *quia tu creasti omnia, & per voluntatem tuam sunt, & creata sunt*. Ex quo intelligitur, eiusmodi *δοξολογίαν* deberi & reddi Deo ob creationem. Tum, adoratio seu confessio Angelorum proximè antecedens V. 12. ijsdem enim etiam verbis concepta est, quibus illa cap. iv. 11. Nisi quod ad maiorem emphasim plura nomina congesta sunt. Ut appareat quæcunque sunt Patris, eadem etiam Filij esse, ne gloria quidem illa excepta quæ ei propter creationem mundi debetur. Denique, conjunctio Sedentis in throno cum Agno. Non enim potuit apertius innui inter vtriusque adorationem & gloriam nihil interesse. Quomodo dicit omnis creatura, *Sedenti in throno benedictio, & honor, & gloria, & robur in secula seculorum*, eodem modo id ipsum dicit Agno; nullum est discrimen: est enim vna eademque *δοξολογία*. Constat autem omnem creaturam id dicere Sedenti in throno, quia est eius creatura, eo modo quo præclarum opus causæ suæ virtutes declarat. Eodem igitur etiam modo id dicit Agno.





DISPUTATIO

DECIMA TERTIA

De Arg. XIII. Ex verbis Apostoli 1. Cor. x. 9.

Neque tentemus Christum, sicut & quidam illorum tentauerunt, & perierunt à serpentibus, collatis cum Num. 21. 5. 6.

I.



RGUMENTVM sic potest concipi. Ob quem tentatum in deserto quidam Israëlitarum perierunt à serpentibus, ille est Deus Israël.

Ob Christum tentatum in deserto quidam Israëlitarum perierunt à serpentibus.

Christus igitur est Deus Israël. Vel sic, ille quem quidam Israëlita tentarunt in deserto & perierunt à serpentibus, est Deus Israël.

Christus est ille quem quidam Israëlita tentarunt in deserto & perierunt à serpentibus.

Christus igitur est Deus. Major nimirum historia, quæ narratur Num. 21. 5. necnon constanti testimonio Scripturæ Veteris testamenti, quæ Deum Israël tentatum fuisse ab Israëlitis dicit aliquoties, alium verò ab illis tentatum fuisse nunquam dicit. Minor nimirum deserto Apostoli testimonio 1. Cor. 10. 9.

I I. Socinus primum negat maiorem. Nam præter Deum Israël tentatum fuisse Moysen, necnon Angelum illum, cuius ductu populus ex Ægypto liberatus fuerat, & qui fuit in deserto perpetuo cum populo. Quod ut confirmet ait, Num. 21. 5. *Moslem diserte nominari, illum autem unum Deum Israël non diserte nominari: Nomine enim Dei, Elohim non significari unum illum Deum Israël, sed Angelum cuius ministerio Israëlita ducti fuerant ex Ægypto, quem Angelum ait, cum in sua propria persona consideratur,*

Elohim aperte vocari: cum verò *sustinet* alienam *personam unius illius Dei Israelis, Iehouam appellari*. De hoc Angelo alias. Nunc satis est monuisse frustra laborasse Socinum in excogitanda, & multis verbis explicanda responsione, quam parua quadam declinatione possumus effugere. Sic enim argumentum reformo. Quicumque tentatus fuit ab Israëlitis Num. 21. is fuit aut Deus Israël, aut Angelus creatus, aut Moses. Christus tentatus fuit ab Israëlitis Num. 21. Christus igitur fuit aut Deus Israël, aut Angelus creatus, aut Moses. Atqui non fuit Moses, nec Angelus creatus. Ergo fuit Deus Israël. Non fuit Moses, ut patet. Nec Angelus, ut liquet ex Heb. 1. 5. & 2. 2. 5. Itaque nunquam in Nouo Testamento Angelus appellatur nisi fortè in Apocalypsi, in qua etiam pastores seu Episcopi angeli vocantur.

I I I. Interim moneo duo: vnum, Israelitas loquutos quidem fuisse contra Deum & contra Mosem, tamen Mosem non tentasse, sed Deum. Nunquam enim Moses tentatus dicitur in Scriptura. Quanti autem fieri debeat perpetuum Scripturæ silentium ignorare non potest, qui eo nitentem contemplatus fuerit Apostolum Gal. 3. 16. Heb. 1. 5. & 7. 3. Sed neque Lex vetabat tentare hominem, neque quisquam, quod sciam, reprehenditur in Scriptura quod tentarit hominem. Alterum, Si per Deum, Elohim, eo loco non intelligitur vnus ille Deus Israelis, iam tum duos Deos fuisse, qui populum Israeliticum eduxerunt e captiuitate Ægyptiaca, qui eum duxerunt per desertum, quos populus ille tentauit, contra quos peccauit, quosque adeo colere debuit. Quis hoc credat? Quomodo etiam Apostolus Christum Angelis præstare docet argumento ducto ab Elogio Filij Dei Heb. 1. 5. si vnicuique Angelo in propria persona considerato Dei nomen tributum est in Scriptura, si etiam is nonnunquam appellatus est Iehoua? Sed ea de re disputandum nobis erit, Deo fauente, alio loco diligentius, nunc dico, vno verbo, illum Angelum aut Christum fuisse, aut Christi typum. Si prius, iam tum Christus fuit, & quidem Deus, populi ex Ægypto liberator, & qui se Iehouam esse aliquoties dixit. Si posterius, cur ille Angelus Deus appellatus est, & Iehoua etiam, nisi ut id eo adumbraretur quod homine adumbrari non potuit, Christum esse reuera Deum & Iehouam?


Reliquas Aduersariorum responsiones habes, lector, refutatas lib. 1. Disp. de Arg. x 11.



DISPVATIO

DECIMA QVARTA

De Arg. XIV. Ex Esai. xxxv. 4. *Deus ipse veniet,
& seruat vos. Tunc aperientur oculi caecorum,
& aures surdorum reserabuntur, &c.* col-
lato cum Matth. x. 1. 5.

I.  E D E A M V S ad Esaiam Prophetam, & loca quædam expendamus in extremo huius primæ Sectionis, quæ aliquomodo ambiguum est, vtrum ad hanc, an ad sequentem sectionem potius referri debeant. Occurrit mihi primus ille locus, qui extat Esai 35. 4. *Ecce Deus vester cum vltione & retributione veniet. Deus ipse veniet & seruat vos. Tunc aperientur oculi caecorum & aures surdorum reserabuntur. Tunc sicut feni: ceruus claudus & cantabit lingua muti.* Hoc intelligendum esse de aduentu Christi ipse Christus docet Matth. 11. 4. *Quærenti enim per discipulos Iohanni Baptistæ. Tunc is es qui venturus est, an alium expectamus?* Respondit, *ite & renunciate Iohanni quæ auditis, & cernitis. Cæci visum recipiunt, & claudi ambulant, leprosi mundantur, surdi audiunt, mortui suscitantur, & pauperibus euangelisatur.* Quibus verbis manifestum est eum ad vaticinium illud Esaiæ alludere. Argumentum sic potest confici.

Deus, cuius aduentus prædicitur Esai. 35. 4. est Deus Israël, seu est præditus essentia diuina.

Christus est Deus cuius aduentus prædicitur Esai. 35. 4.

Ergo Christus est Deus Israël.

II. Quid respondet Socinus? *Primo*, inquit, *loca nego, necesse esse ut locus Esaiæ de uno illo Deo Israel accipiatur. Possunt enim verba eius ita intelligi, ut, quando de re futura manifeste loquitur,*

quidquid in illis dicitur. in futurum respiciat. Et sic, quamvis Deus, qui ibi nominatur, hac appellatione Deus vester, vocetur, non tamen continuo sequitur, ibi sermonem esse de vno illo Deo Israelis, qui iam tunc erat. Potuit enim Christus homo, qui nasciturus erat, illorumque Deus futurus ista appellatione insigniri. Laudo confessionem, Christum Dei nomine hoc loco insigniri. Probo id nomen non posse hoc loco nisi de vno illo Deo Israelis intelligi. Primum enim negari non potest nomen Elohim Dei Israelis nomen esse, & quidem omnium & primum & maximè vñitatum : Itaque quoties occurrit in Scriptura, toties Deum illum vñum Israelis cogitandum esse, nisi gravis ratio obstat, quæ hñc nulla est. Si idolis gentium tribuitur aliquando, id fit cum adiectione quæ idolum significari innuit : Si Iudicibus aut Angelis, id fit cum metaphoricè seu figuratè, tum in plurali numero, ita vt propterea eorum nemo singulariter Elohim seu Deus appellari poterit. Si singulari numero de aliquo Angelo dicitur, aut is Angelus non est natura angelus, sed officio tantum, atque ad eò idem cum Christo ; aut si est angelus creatus, is quis sit ignoratur prorsus, nec potest ab alijs Angelis vñlo modo internosci, & sine dubio Deus dictus est typicè tantum. Hoc autem loco nomen Dei, Elohim, vsurpatur absolutè, singulariter, subjectivè, non metaphoricè sed propriè, non typicè sed verè, quomodo contendo, nisi Deo Israelis, tribui in Scriptura nemini. Adde quod construitur cum verbo singularis numeri, vt solet cum de vno illo Deo Israelis agitur.

III. Deinde dicitur *Deus vester*. Quos autem alloquitur ? Quandoquidem confitetur Socinus Christum sic appellari, alloquitur eos quibus promissus est aduentus Christi. Hoc negari non potest. Promissus est autem Israelitis. Vocatur ergo Deus Israelitarum. Clamat autem Scriptura Deum Israelitarum esse vñum. Vñus igitur Deus Israelis intelligitur. Certè cum de Israelitis agitur de idololatria non reprehendendis, aut de fidelibus, nunquam Deus noster, Deus vester quisquam dicitur, qui non sit Deus Israelis.

I V. Tum, non modo dicitur hoc loco Deus, & Deus vester, sed *Deus ipse*. Notuitne Propheta clarius significare, se Deum intelligere, qui tunc vera Deus erat, & præter quem nullus est Deus ?

V. Præterea, quis non videt, qui vocatur hoc *N. 4. Deus vester, Deus ipse*, eundem cum eo esse qui *N. 2. Deus noster* appellatur, *videbunt gloriam Domini, & decorem* (seu, ut alij vertunt *magnificentiam, maiestatem*) *Dei nostri*. Nam, quàm dicitur verè Deus vester Israelitas vel fideles alloquendo, tam dici potest ab Israelitis vel à fidelibus Deus noster. Quis etiam legens verba illa *videbunt decorem Dei nostri*, & continuò post, *Deus ipse veniet*, eundem Deum non intelligat, præsertim si credat (qua fide & persuasione imbutos esse omnes Israelitas decuit) *nullum esse Deum nisi unum?* Adde quod videbunt sine dubio decorem Dei qui veniet, atque adeo veniens sese ostendet, gloriamque suam reuelabit aperiendo oculos cæcorum, & aures surdorum, &c. Iam autem eo *N. 2. Deus noster idem Dominus*, heb. Iehoua, appellatur: ut enim gloria & decor seu magnificentia idem sunt, sic idem est Dominus cuius gloriam videbunt cum Deo nostro, cuius magnificentiam seu decorem videbunt. Videbitur qui apparebit, apparebit qui veniet, veniet autem Deus ipse. Est igitur Deus ipse ille Deus noster ille Iehoua, cuius gloria & decor videbitur.

VI. Hoc ipsum docet collatio huius loci cum similibus, in quibus Deus prædicitur venturus. Esai. 25. 9. *Ecce Deus noster iste. Expectauimus eum & seruabit nos: iste est Dominus quem expectauimus: exultabimus & letabimur in salute eius*. Hunc enim Deum esse Deum Israelis liquet ex verbis, *Iste est Dominus* Heb. Iehoua *quem expectauimus*. Eundem autem esse cum eo qui venire dicitur hoc loco Esai. 35. patet 1. ex nomine *Deus noster*: quibus enim dicitur *Deus vester veniet*, hi inducuntur dicentes postquam venit, *Ecce Deus noster iste*. 2. ex verbo repetito *expectauimus*. Non enim expectatur nisi qui venturus creditur. 3. ex verbis *seruabit nos*, notant enim finem aduentus eundem: dicunt *seruabit nos*, ut hinc *seruabit vos*, Esai. 40. 10. *Ecce Deus vester, Ecce Dominus Deus in fortitudine veniet*, &c. Hinc similiter Deus vester appellatur, & venturus promittitur; & tamen dicitur Dominus Deus, heb. Adonai Iehoua, quæ duo nomina maximè propria sunt Dei Israelis. Sic psal. 50. 3. *Deus manifestè veniet, Deus noster, & non silebit*. Deus est, *Elohim*, additur pronomen *noster*, eius aduentus prædicitur, & tamen negari non potest, quin intelligendus sit Deus Israelis, ut patet ex *N. 1. & 8*. Sic psal 96. 12. & 98. 9.

98. 9. promittitur aduentus Domini, Iehouæ, ad Iudicandum orbem. Concludimus igitur per Deum ipsum, Deum vestrum, cuius aduentum Esaias prædicit ad vlciscendum & ad seruandum, Deum Israelis intelligendum esse. Clamat Deus Israelis apud Esai. & inculcat, se Deum esse, & præter se nullum Deum esse, Et tu putabis apud Esaiam per Deum, Deum ipsum, non esse intelligendum Deum Israelis! Clamat Deus Israelis & inculcat apud Esaiam, Seruatorem esse se & præter se neminem, & tu putabis apud Esaiam eum dicitur, *Deus ipse veniet & nos seruat*, Deum seruatorem intelligendum esse tota substantia, totoque genere à Deo Israelis diuersum! Appello, lector, fidem & conscientiam tuam, num id tibi videatur vilo modo verissimile? Manet igitur firma Major argumenti nostri. Minorem quoque Socinus tentat, sed frustra.

V I I. *Secundò, inquit, respondeo, Etiam si concedatur, Esaiam de illo vno Deo Israelis verba facere, non tamen sequi, Christum esse illum Deum. Quamuis enim facile concedam, prædictionem istam pertinere ad Christi tempora; non tamen hinc sequitur, Christum esse illum vnum Deum, de quo Esaias loquitur.* Immo sequitur. Nam si ille cuius aduentus promittitur & prædicitur ab Esaiâ est ille vnus Deus Israelis, & prædictio pertinet ad Christi tempora, venit Christi temporibus ille vnus Deus Israël. Vel igitur alius aduentus eius fuit, alius aduentus Christi, vel idem. Alium nemo dixerit. Non enim venit ille vnus Deus, nisi quia Christus venit. Si est idem, etiam Christus & vnus ille Deus idem sunt. Nam, vt se habet aduentus ad aduentum, sic se habet venturus ad venturum. Si igitur aduentus illius vnus Dei & Christi vnus idemque aduentus sunt, etiam ille vnus Deus venturus & Christus venturus vnus idemque qui erat venturus sunt. Deinde respondet ad amissum euentus prædictioni. Quem igitur Esaias venturus prædixit, is venit. Considera igitur quis venerit: venit enim certè is quem venturum prædixerat. Quis ergo venit? venit vnus Christus, alius nemo. Venit quidem Iohannes Baptista, sed vt Christianæ ambulo & minister: venerunt Apostoli, sed missi à Christo ipsorum domino. Vnum igitur Dominum venisse video. Id clamat vniuersum Euangelium, hoc est optatissimus de eius aduentu nuncius. Christus igitur est ille, quem Esaias venturum prædixerat. Congruunt omnia; Nomen, nam & in Veteri & in Nouo Testamento Deus appellatur: Miracula aduentus effecta &

Ref.
Resp. 2.

signa, aduentū enim & virtute Christi oculi cæcorū aperti sunt, & aures surdorum referatæ &c: Finis, venit enim ad seruandum, vt esset auctor salutis cum ab omni malo, tum æternæ, nec in alio est salus.

V. II. Præterea quorsum pertinet quod subjungit Esaias, *Tunc aperientur oculi cæcorum, & aures surdorum referabuntur* &c? Nonne eo pertinet, vt intelligamus, quicumque venerit, nisi miracula illa edantur, Deum non venisse, cum autem miracula illa patrabuntur, tunc esse colligendum, Deum venisse? certe negari non potest, quin proponantur miracula illa tanquam effecta & signa aduentus ipsius Dei: cum ergo, cum ea videamus à Christo & quidem virtute ipsi insita, cum per se, tum per Apostolos suos patrata, non concludimus ipsum Deum venisse?

I X. Atque hoc est quod sua responsione Christus innuit. *Tunc*, dixerant discipuli Iohannis, *is es qui venturus erat, an alium expectabimus?* Venturum sine dubio intelligunt præstantissimum, in quo sit acquiescendum, nec expectandus præstantior. Respondet Christus, se illum ipsum esse, non quidem totidem verbis, sed aduocata in testimonium ipsa experientia, *ite & renunciate Iohanni quæ auditis & videtis, cæci visum recipiunt, &c.* Quasi diceret, quærit Iohannes num sim è *ἐπερχομαι*, ille *ἔρχεται* *ἐξ οὐ* *αὐτοῦ* venturus ad seruandum, in quo debeant omnes acquiescere. At quid opus est id à me sciscitari, quod ipsa res tam clarè loquitur. reputet cum animo suo quis sit omnium, quos Prophetæ venturos prædixerunt, dignissimus, nullum comperiet præstantiorem ipso Deo. Cogitet quæ Prophetæ prædixerunt tunc euentura cum Deus ipse venerit, eaque conferat cum illis quæ videtis & auditis à me patrari miracula, & statim quis sim cognosceret, nec alia ei opus erit responsione. Facilis ratiocinatio. Prædictum fuerat à Prophetis ipsum Deum venturū esse vt seruaret populum suum, & cum venisset, tunc futurum, vt cæci visum recuperarent, surdi auditum &c. Venit Christus, & cæci visum receperunt, surdi auditum &c. Ergo Christus est ipse Deus qui erat venturus. Nemo enim ante Christum ea miracula edidit, nedum

Ioh. 15. tanta copia. *Si opera*, inquit, *non fecissem inter eos quæ nemo alius fecit, peccatum non haberent* &c. A seculo, dicebat visu recepto cæcus, *non est auditum quengquam aperuisse eius oculos, qui cæcus natus fuisset*: quæ causa fortasse est, cur id vnum miraculum

selectum sit, cuius tam enucleatè historia exponeretur. Nemo post Christum venit qui non fuerit seruus Christi, quique, si miracula eiusmodi edidit, ea, nomini Christi accepta non retulerit. Itaque aut in Christo impletum est istud Esaiz de ipso Deo venturo vaticinium, aut nondum impletum est. Si prius, testantur illa signa Christum esse illum ipsum Deum, cuius aduentus salutaris promissus Ecclesiæ fuerat hoc in loco. Itaque ipse Christus in Euangelio proficitur, se Dei Filium, atque adeo Deum esse, vnum cum Patre, testesque suæ diuinitatis profert opera & miracula, quæ propria virtute, & autoritate patrabat. Si posterius, non erat acquiescendum in Christo, sed expectandus alius Christo præstantior, scilicet ipse Deus, id quod & cum responsione Christi, & cum vniuerso eius Euangelio pugnare manifestum est.

X. Si ipse Deus, qui venturus prædicebatur à Propheta, non est Christus, sed alius ab eo tota essentia, immò genere diuersus, certè Christus tantum homo non fuit *χρὶς ἄνθρωπος ὁ ἐρχόμενος*, sed alius multò præstantior nempe ipse Deus. Qui fit igitur, vt Christus venisse ad nos seruandos toto Euangelio nunciatur, venisse alium Christo præstantiorem, aut venturum, nunquam dicatur? Patrem quatenus differt à Filio venisse in mundum, vt peccatores seruariet, nusquam lego. Dicit quidem Filius Patrem secum esse, se esse in Patre, Patrem in se: cum enim ipse & Pater vnum sint, aliter se res habere non potuit: sed nunquam dicit, Patrem venisse in mundum, immò mundum opponit Patri. *Exini*, inquit, *ἀ 1oh. 16* *Patre, & veni in mundum; iterum relinquo mundum, & abeo ad 18.* *Patrem.* Adde quod si ipse Pater venisset, non potuisset maiore quàm Filius, vel autoritate peccata condonare, spiritibus immundis, mari & ventis imperare, vel virtute miracula omnis generis facere, atque discipulis suis in suo ipsius nomine faciendi potestatem indulgere, vt non potuerit ipsa experientia clariori voce testari, præsentissimum maximeque salutiferum numen ad esse.

XI. At, inquit Socinus, in Christi verbis, non tantum ista commemorantur, quæ in loco Esaia leguntur: sed præterea, mortuos resurgere, pauperes euangelisari, & beatum esse, qui in Christo scandalisati non fueris. Quid inde colligi potest, nisi, ad ea, quæ in loco Esaia leguntur, maximum accessisse cumulam: Chri-

stum non modò ea omnia præstitisse, sed etiam plura atque maiora : itaque vaticinium illud in Christo cumulatissimè impletum esse? Adde quod superadditis illis verbis alludere videtur ad alios locos quibus eius diuinitas à nobis confirmatur. Esai. 25. 8. Ose. 13. 14. Esai. 61. 1. Esai. 8. 14.

XII. Pergit Socinus, *Affirmo*, inquit, *eam Esaia prædictionem commode posse, vel potius, ut multa alia similes, debere ad tempora etiam liberationis ex captiuitate Babylonica referri, tanquam redemptionis nobis per Christum paratypum*. Temeraria affirmatio. Nihil enim eo loco occurrit, quod agi de liberatione ex captiuitate Babylonica suadeat, multa dissuadent. Immo inquit, *indicant hoc satis aperte ultimus & penultimus cap. versiculus, ubi prædictio ista demum terminatur, in quibus disertè redemptorum, id est, ex captiuitate liberatorum, & eorum in Sion reditus fit mentio*. Quid? nullane est redemptio, nullus reditus in Sion nisi ex captiuitate Babylonica, ut quoties mentio fit redemptorum à Domino, toties cogitanda sit captiuitas Babylonica? Atqui nescio an vsipiam in Scriptura verbum redimendi de liberatione ex captiuitate Babylonica legatur vsurpatum. In causa fortasse est, quod nulla commemoratur Dei apud Cyrum per Prophetas aut legatos suos externa actio, qua populi sui dimissionem ab eo impetrauerit. Sed præterea adduntur hoc loco, quæ ab eiusmodi carnali & temporali liberatione mentes nostras auocent. Sic enim versiculus habet, *Et redempti à Domino conuertentur & venient in Sion cum laude: & lætitia sempiterna super caput eorum. Gaudium & lætissiam obtinebunt, & fugiet dolor & gemitus*. Nam lætantes quidem Iudei reuersi sunt in Iudeam & Babylone, sed nec perpetua fuit ea lætitia, nec dolor & gemitus fugerunt; fuit enim illis statim multis cum molestiis doloribus & angustiis confligendum, ut patet ex Neh. 1. 3. &c. Adde quod versus inmediate præcedentes carnali eiusmodi liberationi nullò modo conueniunt, & erit ibi *semita & via, & vocabitur via sancta: non transibit per eam pollutus, & hæc erit vobis directæ via, ita ut stulti non errent per eam*. Sic vulg. At Heb. *Et ipsa illorum: viator & stulti non errabunt*. Quid si sic veritas, & ipse, (heb. *יהוה*, quod Dei nomen est non infrequens apud Esaiam) *cum eis ambulans, via, & stulti non errabunt*. Deus enim, hoc est, Christus, qui nobiscum ambulauit & ad gloriosam immortalitatem nobis præiuit, ipse via est, nec possunt er-

rare stulti cū in eo incedunt, & per eum eunt ad Patrem. Ut ut sit, clarum est id de via, qua reuersi sunt ē Babylone Iudzii, intelligi haud magis posse, quā quod sequitur, *Non eris ibi leo, & mala bestia non ascendet per eam, &c.*

XIII. Sed quid clarius verbis, *Dens ipse veniet, & seruat vos. Tunc aperientur oculi cæcorum, & aures surdorum reserabuntur, &c.* Lege historiam reditus ē captiuitate Babylonica, nihil in cæciusmodi commemoratur. Non dicitur venisse Deus ut populum suum seruaret. Cæcorum, surdorum, claudorum, mutorum ne mentio quidem est. Nullum prorsus narratur miraculum tunc patratum. Respondet Socinus, *hoc nihil impedire. Allegoricè enim, inquit, sunt miracula ista saltem pro eo tempore accipienda.* At cur sunt accipienda allegoricè, quæ videmus à Christo edita historicè, sensu proprio, & literalī? Tunc enim demum ad allegoriam confugiendum est, cum sensus literalis non quadrat. Nam si sine necessitate confingere licet sensus allegoricos pro arbitratu, quid non poterit conuerti in allegoriam? quid tam disertè & propriè dictum fuerit de Christo, quod non aliorum allegoricè detorqueatur? Hoc est primum Socini peccatum in illis verbis. Accedit alterum. Vult liberationem ē captiuitate Babylonica typum fuisse redemptionis nobis per Christum partæ. Id, quo sensu ab eo intelligitur, falsum esse puto. Sit tamen ita. Quid absurdius, quā Prophetæ verba de typo quidem allegoricè, de re verò adumbrata propriè exponere? Contrā enim fieri debet. Quoties enim cunque de Typo agitur, toties sensus literalis ad typum pertinet, allegoricus verò ad rem per typum significatam. Verba enim typum significant immediatè, rem verò adumbratam non nisi mediante typo.

XIV. Video etiam in illis verbis tertium peccatum, falsam nimirum assertionem. Nihil enim deprehendo in historia liberationis Iudæorum ē captiuitate Babylonica, ad quod verba illa, *tunc cæcorum oculi aperientur, &c.* allegoricè possint accommodari: Nec ullam possum excogitare allegoricam expositionem, quæ quadrer. Sed fac tale quid in ea historia deprehendi posse, necesse erit, ut sit typus miraculorum illorum, quæ Christus in cæcis, surdis, mutis & claudis edidit. Alioqui periret typi analogia, & verba Prophetæ, ad Christi tempora, aut citra typi interuentum, aut nullo modo pertinerent. Ostendant igitur no-

commemorare hoc loco necesse non est. Dicam tantum, quando tam disertè, tam emphaticè, tam sæpe venturus Deus prædicatur & promittitur, cum veniendi modum esse intelligendum, qui sit omnium maximè & proprius, & perfectus, & exoptandus, qualis profectò est hic vnus, cum Deus hominibus apparet, seque contemplandum exhibet in specie visibili, non terribili aut diuersæ ab hominibus speciei, sed humana, non euanida sed perpetua, non apparente tantum, sed vera, per quam homines blandè alloquatur & doceat, eorum tecta subeat, cum ijs conuiuat, &c. Atque hoc modo vt ad nos seruandos ipse Deus veniret, necessarium fuisse, alijs argumentis hoc loco confirmaremus, nisi nobis visa essent digna, quæ seorsim proprijs disputationibus exponerentur.

X V I I. Itaque venio ad tertiam Socini responsionem, quæ est, *Deum tunc venire dici, cum aliquis eius loco venit, &* Ref. 3.
propterea singulari quadam ratione Deum venturum dictum fuisse, Resp.
cum Christus venturus esset, quippe quod Christus singulari quadam ratione eius loco venturus erat. Primum vbi legit Socinus Christum venisse, aut venire debuisse loco Dei, hoc est, Patris? Idne Evangelium dicit alicubi? Deinde, Si Patris loco venit, debebat Pater venire: cur ergo Pater non venit? mutauit fortasse consilium. Nam homines isti ita prælarè de Deo sentiunt, vt eum putent essentia & loco finitum, duratione successiua præditum, futurorum contingentium ignarum, decreta sua pro re nata mutare & refigere, quæ mihi contradictionem implicare videntur, aded sunt falsa & absurda. Tum, si Christus venit loco Dei, hoc est, Patris, vtique venit vt partes Patris ageret, non suas ipsius. Dicant igitur nobis aduersarij quid fuit aut fecit Patris loco. Fuitne mediator Propheta Sacerdos Rex seu Christus Patris loco? Num ministravit, num actus est in crucem, num resurrexit, num ascendit in cælum Patris loco? fecit quidem opera Patris, sed, vt Filium deuit, suo, non Patris loco.

suo fungi desijt conjectus in carcerem, ac tandem de medio sublatu. Postquam enim Dominus venit, præcursores, seu ambulones opus non fuit amplius, qui clamaret, parate viam Domino. Concludimus igitur Dominum nostrum Iesum Christum, esse illum Dominum Deumque nostrum, cui via paranda fuit. Hunc autem Dominum & Deum nostrum esse Deum Israelis quominus negent Aduersarij obstat nomen Domini, quod hebraicè est Iehoua.

II. Alterum Arg. peti potest ex N. 5. Nam post auditam illam vocem, & complanatam viam sequitur, & *reuelabitur gloria Domini, & videbit omnis caro pariter, quoniam os Domini loquutum est.* Cuius, quæso, Domini post Iohannis prædicationem reuelata est gloria? Nonne illius, qui post Iohannem venit, se ostendit, gloriam suam reuelauit, & contemplandam omni carni præbuit? Atqui is fuit Christus. Ioh. 1. 14. *verbum caro factum est, & habitauit in nobis (& vidimus gloriam eius, gloriam sicut unigeniti à Patre) plenum gratia & veritate.* Ioh. 2. 11. *Manifestam fecit gloriam suam, & crediderunt in eum discipuli eius.* Itaque Euangelium vocatur ab Apostolo 2. Cor. 4. 4. *Euangelium gloria Christi.* Descendit enim Filius de cælo, & se mundo ostendit, *ut quicumque contemplantur Filium, & credit in eum habeat vitam æternam, & ab eo suscitetur ultimo die:* ac propterea oportuit gloriam Filij reuelari, & contemplandam omni carni proponi. Manifestam quidem etiam Patris gloriam fecit, sed manifestando suam. Ita enim Pater in ipso est & ipse in Patre, *ut quicumque eum contemplantur, Patrem contempletur.* Ioh. 6. 40. Ioh. 12. 45. & 14. 9. 10.

III. Hoc confirmari potest N. 8. huius cap. XL. Esai. *Exaruit fœnum & cecidit flos: verbum autem Dei nostri manet in æternum.* Hic Deus noster est Christus. Est enim verbum Dei nostri hoc loco Euangelium Christi, teste Apostolo Petro 1. Pet. 1. Math. 25. cui consonat illud Christi, *cælum & terra præteribunt, verba autem mea non præteribunt.* 24. 35.

IV. Vltimum argumentum petam ex versu sequente, *Super montem excelsum ascende euangelisatrix Sion: attolle vocem tuam fortiter Euangelisatrix Hierusalem: attolle, noli timere, dis ciuitatibus Iude, ecce Deus vester, &c.* Potestne dubitari, quin ista Sion siue Hierusalem Euangelisatrix sint Apostoli Christi, iuxta illud Matth. 5. 14. *vos estis lux mundi. Non potest ciuitas abscondi*

supra montem posita; Et Rom 10. 15. Quàm speciosi sunt pedes Euangelisantium pacem, euangelisantium bona? quæ verba desumpta sunt ex Esai. 52. 7. *Quàm speciosi sunt super montes pedes euangelisantis pacem, &c.* Dicitur enim Sion & Ierusalem, vt significetur societas & multitudo hominum penes quos est cultus Dei. Additur Euangelisatrix, vt distinguatur à Sione & Hierosolyma, quæ aut Euangelium respuit, aut non est ad Euangelisandum vocata. Iubetur ascendere in montem excelsum & vocem attollere, vt longè latèque Euangelium audiri possit. Timere prohibetur, ne pudore vel metu persecutionis ab euangelizando absterreatur. Summa euangelij, quod debet proclamare, his verbis continetur, *Dicite ciuitatibus Iudæ, ecce Deus vester: Ecce Dominus cum robore venit, & brachium eius dominabitur ei: Ecce merces eius cum eo, & opus eius coram eo.* Partes enim duas habet Euangelium: altera Christus venisse nunciatur & ostenditur, & describitur tanquam Deus noster Dei nostri Filius, fidei objectum & salutis auctor: altera venturus promittitur & prædicatur cum summa potentia & gloria, vt gratuita mercede beet omnes qui in ipsum crediderint, ipsique obediuerint.

- V. Hanc esse mentem illius loci res ipsa loquitur. Primum enim manifestum est agi de Euangelio summo consensu à pluribus in publicum proponendum ante illud tempus non promulgato. Atamen illum unum Deum Israël is esse Deum ciuitatum Iudæ propositum semper fuit publicè, ac creditum in illo populo, ex quo populus fuit, hodieque etiam à rebellibus Iudæis creditur. Deinde cum dicitur *Ecce Deus vester*, ostenditur & demonstratur aliquis, quemadmodum cum dicebat Baptista, *Ecce agnus Dei*, & Dominus, *Ecce verè Israël ita, in quo dolus non est*, ostendebat ille Iesum, hic Nathanaelem. Quem igitur ostenderunt, demonstrarunt, contemplandum proposuerunt, prædicarunt Apostoli? Patrem? An Filium? Lege Euangelium, & considera quis eo toto describatur, & annuncietur. Audi etiam Paulum, *Non enim statui, inquit, quicquam scire inter vos nisi Iesum Christum, eumque crucifixum.* Et alio loco, *Non enim nosmetipsos predicamus, sed Christum Iesum Dominum, nos autem ipsos seruos vestros propter Iesum.* Idem docet materiam Euangelij, seu, vt vulgò loquuntur, subjectum, esse Filium Dei Rom. 1. 3. Et alibi passim. Deinde de eo, quem ostendunt, aliquid, alioqui occul-

Ioh. 1.

36. 47.

1. Cor.

2. 2.

2. Cor.

45.

tum; manifestant prædicant testantur, eum nempe Deum nostrum esse. Ita Apostoli de Iesu, quem annunciant, prædicant & testantur eum esse Filium Dei, Deum nostrum, Dominum nostrum, in quem credere, cui parere, quem inuocare, colere, adorare omnes tenentur. Tum ista Sion siue Ierusalem vetatur timere, *attolle, inquit, vocem tuam, ne time, dic civitatibus Iudæ, Ecce Deus vester*. Suberat igitur aliqua causa timendi, vel quod hæc veritas videretur absurda carni, vel quod odium pareret, & persecutionem accenderet, quod utrumque verissimum est. Quid enim magis vel absurdum iudicio carnis, vel inflammans animos incredulorum ira atque odio, quàm hæc veritas, Iesum, quem Iudæi & Pilatus ignominiosissimè condemnarunt & in crucem egerunt, esse Filium Dei, Deum nostrum, servatorem mundi? Præterea hoc alta voce proclamare jubetur: quoniam alioqui ignoratum fuisset nec creditum à civitatibus Iudæ. Quod si verbis, *Ecce Deus noster*, Pater ostenditur, nunquam ignoratum est, aut negatum à Iudæis, Patrem esse Deum ipsorum: negant tantum eius filium atque aded Deum suum esse Iesum Christum. Denique alterum huius Evangelij membrum, *Ecce Dominus cum virtute veniet*, &c, de eo qui venturus est intelligi debet. Quis autem venturus est, nisi Dei Filius? Certè idem intelligitur hoc loco, qui Esai. 62. 11. *Dicite filia Sion, Ecce Servator tuus venit*. *Ecce merces eius cum eo, & opus eius coram eo*, Et Apoc. 22. 12. *Ecce venio citò, & merces mea mecum est, ut reddam unicuique prout opus ipsius erit*. Hic autem quin sit Filius nemo, opinor, ambigit. Postremò subjungitur V. 11. *Sicut pastor gregem suum pascet, & brachio suo congregabit agnos, inque sinu suo feret, & fœtas suaviter ducet*. Vtrum de Patre, an de Filio hoc sit accipiendum quæris? consule Evangelium. Luce enim sua Vetus Testamentum illustrat. Id Filio Pastoris nomen & partes vendicat, additis etiam *boni & magni* epithetis. Ipse Petrus eum vocat ἀρχιποιμένα principem pastorem. Patri verò id nomen Evangelium nunquam tribuit. Ex quo intelligitur, cum Deus, cum Iehoua pastor dicitur in Veteri Testamento, Deum significari, non qua Pater est, sed qua Filius.

Ioh. 10.

11. 14.

Heb.

13. 20.

1. Pet.


5. 4.



DISPUTATIO

DECIMA SEXTA

De Arg. XVI. Ex Esai. LII. v. 6. 7. *Propterea cognoscet populus meus nomen meum, propterea cognoscet in die illa, quia ego ipse qui loquor, ecce adsum. Quàm speciosi super montes pedes euangelisantis, pradicantis pacem, euangelisantis bonum, &c, collat. cum Rom. 10. 15.*

- I.  VPERIORIBVS locis non absimilis est iste Esaiæ LII. 6. *Propterea cognoscet populus meus nomen meum, propterea cognoscet in die illa, quia ego ipse qui loquor, ecce adsum, &c. Ex eo sic argumentor.* Ille, qui Esai. 52. 6. dicit *Ecce adsum*, est Deus Israël.

Christus est ille, qui Esai. 52. 6. dicit *Ecce adsum*.

Christus igitur est Deus Israël. Major in confesso est: Nam is qui hoc dicit eo loco aliquoties Dominus, *Iehona*, appellatur, & Israël, qui descendit in Ægyptum, quemque Assur oppressit, populum suum vocat. Minor à nobis probanda est. Primò autem obseruo, verba *Ecce adsum*, referri debere ad certum quoddam tempus futurum designatum verbis *in die illa*. Id autem est tempus aduentus Christi.

II. *Respondeo, inquit Socinus, me non negare, Esaiæ locum mysticè ad Christi tempora pertinere. Sed affirmo apertè constare eum secundum literam (ut vocant) ad liberationem ex captivitate Babylonica referendum esse. Cur? Quia, inquit, in precedentibus versiculis huius capituli, qui planè cum istis sunt coniungendi, expressa fit mentio, inter alia, quæ huc pertinent, soluenda captivitatis filia*

Sion, & Assyrii, qui oppressus erat Dei populum, ex cuius manu redimendi erant. Atqui alij tunc erant Assyrii, alij Babylonij, alius rex Assyriorum, alius rex Babyloniorum; alia oppressio populi Israëlitici ab Assyrijs, alia à Babylonijs, ut patet ex illa ipsa historia regis Ezechix, quam, quia necessaria erat ad antecedentia & sequentia melius intelligenda, propheta inter cap. 34. & cap. 40. Prophetix suæ, tanquam parenthesin, inseruit. Anno sexto Ezechix Salmanasar Rex Assyriorum abduxit in captiuitatem perpetuam decem tribus annis 130. aut circiter, ante captiuitatem Babylonicam. Anno decimoquarto Ezechix Senacherib rex Assyriorum ascendit contra omnes vrbes munitas Iudææ & cepit eas. Ab eo liberata est Iudæa opera Angeli, qui vna nocte centum octogintaquinque millia percussit in castris Assyriorum. Inde natus est typus valdè diuersus à typo Babylonix captiuitatis & liberationis. Tamen, quoniam tandem Rex Babylonis Assyriam in suam ditionem redegit, & quasi consiliorum regis Assur hæres, id perfecit, quod ille designauerat atque aggressus fuerat, confunduntur cum Babylonijs Assyrii, & sic vtriusque typi cinnus quidam, ad quem hoc loco Deus obiter alludit instituta inter Ægyptum & Assur oppositione ad vtriusque illius typi cognitionem æprimè necessaria.

III. Cæterum quæ antecedunt quæque sequuntur ad Euangelij tempora ita pertinent, ut eorum vel nihil prorsus, vel vix vmbra aliqua ad tempora Assyriæ aut Babylonix captiuitatis referri possit. Primus capitis versus sic habet, *Consurge, consurge, induere fortitudine tua Sion, induere vestimentis gloria tua Ierusalem ciuitas sancta: quia non adiciet ultra, ut pertransseat per te incircuncisus & immundus.* Quis nos videt hoc minimè conuenire terrenæ Sion & Ierusalem habita ratione temporalis liberationis: tam enim per eam, postquam ab Assyrijs & Babylonijs liberata est, incircuncisus & immundus pertransijt, quàm antea, immò multò magis. Versus vltimi capitis de alio quàm de Christo intelligi nequeunt. In versibus quoque intermedijs, qui cum extremis cohærent & consentiunt, de eadem liberatione agitur, quæ veræ Sioni per Christum obligit, sed injecta aliqua mentione Ægyptiorum & Assyriorum sub quibus etiam Babylonij comprehenduntur, propterea quod isti typi ad eam liberationem enucleatius intelligendam conducunt.

I V. Sed in versibus laudatis consistamus. *Propter hoc sciet populus meus nomen meum, propter hoc illud sciet in die illa, quoniam ego ipse qui loquor, ecce adsum.* Num populus Israëliticus, quo tempore liberatus est ab Assyrijs vel Babylonijs, eo cognouit nomen Domini ante ignoratum? Num tunc noua aliqua reuelatio, multò quàm antè clarior, nominis Dei populo illi indulta est? Quà u hoc melius quadrat in tempus Christi, qui suum & Patris nomen discipulis suis notum fecit. Et quis alius id notum facere potuisset? *Nemo enim Patrem nouit nisi Filius, & cui uoluerit Filius reuelare.* At, reponit Socinus, verba, *sciet populus meus nomen meum*, significant, *cognoscet populus meus, quis sim reuera; id est, quàm fidelis in promissis meis seruandis.* Esto. Nonne id demum cognitum est aduentu Christi, in quo omnes Dei promissiones sunt etiam atque amen? Tenuis quidem aliqua hujus fidelitatis umbra cernitur in liberatione à captiuitate Babylonica, sed dubia & obscura, quamdiu promissioni illius liberationis intertextæ promissiones spirituales & magnificæ nondum fuerunt impletæ. Adde quod patefactio nominis Dei posita non est in vnius fidei, sed in omnium virtutum diuinarum reuelatione, quæ sese, non in liberatione à captiuitate Babylonica, sed in Christo mirabiliter ostenderunt.

Ioh. 17.

26.

Matth.

11. 27.

2. Cor.

1. 20.

V. Cur verò populus Dei cognoscet nomen Dei in die illa? quia, inquit Deus, *Ego ipse qui loquor, ecce adsum*, hoc est, quia ego ipse qui loquor ueniam, meque ipsum ostendam & videndum cognoscendumque præbebo. Nihil enim nominis significationem æquè declarat, ac rei significatæ exhibitio & ostensio. Loquitur ergo Deus de reuelatione nominis sui, non de ea, quæ fit per nuncios, aut per typos, sed de ea quæ fit per ipsius Dei præsentiam, atque adeò præsentis incuitum.

VI. Sed quid opus est argumentis, quando videmus verba sequentia, *O quam speciosi sunt super montes pedes euangelisantis & proclamantis pacem* &c, de Christi ministris ipsum annunciantibus ab Apostolo exposita Rom. 10. 15. Quam Apostoli expositionem res ipsa confirmat. Num enim in eiusmodi exclamationem erupisset, siue Deus siue Propheta, si de pace, de bono temporali ageretur? Quis non videt Euangelium, pacem, bonum, quod sic *εὐαγγέλιον* appellatur, intelligi? Bona enim temporalia neque Deus, neque Prophetæ magni faciunt, aut admirantur. Deus

apud Esaïam bis clamat *non esse pacem impijs*, quibus tamen maxi-
mè pax est temporalis, & putaremus eum apud eundem Esaïam
exclamare, O quàm speciosi sunt pedes euangelisantis pacem
temporalem! Abfit.

Esaï.
48. 22.
& 17.
21.

VII. Non modo autem quod annunciat *pax & bonum* di-
citur, sed vocatur etiam *salus*, quæ trium vocum accumulatio
non caret emphasi. Additur etiam, tanquam prædicationis seu
Euangelij summa, *dicentis Sioni, regnat Deus tuus*. Ex quo ap-
paret *Euangelium regni Dei* intelligi; atque bonum illud, pacem,
& salutem regno Dei contineri. Quid ergo annunciarunt Apo-
stoli? Regnum Dei, teste ipso Apostolo Act. 19. 7. & 20. 25. &
28. 23. 31. Quid autem est regnum Dei? Iustitia, & pax, &
gaudium *per Spiritum Sanctum*, teste eodem Apostolo Rom. 14.
17. Regnavitne Deus liberatis è Babylone Iudæis? minus quàm
antea. Iacuit enim prorsus dissipatum regnum decem tribuum.
Iudæa autem graui jugo incircuncisorum pressa, aut æquè, aut
magis etiam quàm antea ingemuit.

VIII. Omnitò breuitatis studio id quod dicitur *Nu-*
davit Dominus brachium suum sanctum in oculis omnium gentium,
& *viderunt omnes fines terra salutem Dei nostri*, quod magnificen-
tius est, quàm ut referri possit ad liberationem è captiuitate Ba-
bylonica. Taceo etiam quod subjungitur *N. 12. Dominus enim*
ante vos incedet, & congregabit vos Deus Israel, quemadmodum,
ut verbis utar ipsius Socini, *idem Dominus, idest Iehona, dicitur*
præcessisse eundem populum ex Ægypto liberatum, in nube & in co-
lumna ignis, Exod. 13. 21. Id quod tempore solutionis captiui-
tatis Babylonicæ nullo modo est impletum, neque typicè, id enim
jam satis adumbratum fuerat, cum soluta est captiuitas Ægyptia-
ca, (non multiplicat autem Scriptura typos sine aliqua necessita-
te) Neque reipsa: Non enim liberationi ex Ægypto respondet
liberatio è Babylone ut veritas typo, sed typi sunt diuersi diuer-
sas velres, vel etiam eiùdem rei perfectiones & circumstantias
adumbrantes.

IX. Sed fac verba illa, *propter hoc cognoscet populus meus no-*
men meum in illa die: quia ego ipse qui loquor, ecce adsum, ad tem-
pus etiam liberationis ex captiuitate Babylonica referri posse.
Cum illa liberatio, affirmante Socino, typus sit redemptionis par-
tæ per Christum, Præsentia Dei intelligenda erit illi liberationi

consentanea, hoc est, typica. Fuit igitur præsens Deus tempore reditus è captiuitate Babylonica typicè, tempore verò Christi verè & reipsa. Præsentia illa vmbra fuit, hæc corpus. Illa figura fuit, hæc veritas. Non igitur si illa *nihil fuit nisi Dei præsens fauor & gratia*, vt vult Socinus, consequens est hinc quoque nihil aliud esse. Contrarium consequitur potius. Perit enim ratio typi, si typus & id cuius typus esse dicitur, ponantur esse eiusdem rationis. Itaque fauor Dei præsens inuisibiliter, quatenus talis, adumbrari nec potuit nec debuit, cum sit communis omnium liberationum, quæ Deus populo suo indulfit. Adde quod qui sic loquitur, *Ego ipse qui loquor ecce adsum*, præsentiam personæ suæ non præcisè fauoris sui, significat; alioqui quomodo personæ significari præsentia possit, me fugit. Nihil enim ad eam exprimendam significantius succurrit.


X. Hoc confirmat causalis *quia*. Docet enim verbis, *Ego ipse qui loquor, ecce adsum*, causam contineri eius quod antecessit, *cognoscat populus meus nomen meum in illa die*. Significat igitur se tunc temporis per suam ipsius præsentiam à populo suo cognitum iri. In quo tacita quædam oppositio potest obseruari inter modum sui reuelandi, quem hætenus Deus sequutus erat, & eum quem hoc loco pollicetur. Quasi diceret, Populus meus nondum nomen meum cognoscit, quoniam eum non sum per me ipsum alloquutus, sed per alios, ministros meos: at in illa die nomen meum cognoscat, quia ego ipse, qui hoc promitto, me ipsum illi præsentem & contemplandum exhibebo, atque adedò ego ipse eum præsens alloquar. Quemodmodum hæc personæ ipsius Dei præsentia nullo typo adumbrata est, qui quidem deprehendi possit in historia liberationis è captiuitate Babylonica, sic ea adumbrata est in historia redemptionis ex seruitute Ægyptiaca typis admodum illustribus, præsentia Dei in monte Sinai, è quo populum suum immediatè, id est non mediante Mose, alloquutus est; præsentia Dei populum suum in columna nubis & ignis ducentis, tegentis, & illuminantis in deserto: & præsentia Dei in propitiatorio, quod erat operculum arcæ testimonij. quibus typis negari non potest, quin significata sit potius ipsius Dei fauentis præsentia, quàm præcisè fauoris. Sed de illis typis alius erit disputandi locus.



DISPUTATIO

DECIMA SEPTIMA

De Arg. XVII. Ex Esaiaë Lx. v. i. *Surge, illuminare, &c.* citato Eph. 5. 14.

I.  ENIT etiam nobis in mentem locus Esaiaë l. x. v. i. *Surge, illuminare, quoniam venit lux tua. & gloria Domini super te orta est. Quia ecce tenebrae operient terram, & caligo populos: super te autem orietur Dominus & gloria eius super te videbitur, quem Apostolus laudavit Eph. 5. 14.* insertis explicationis gratia nonnullis vocibus, *Propterea dicit, Expergiscere qui dormis, & surge à mortuis, & illucescet tibi Christus.* Vnde sic argumentor.

Ille qui Esaiaë l. x. v. i. dicitur illuminaturus Ecclesiam, & super eam oriturus est Deus Israël, seu, est præditus essentia diuina.

Christus est ille qui Esaiaë l. x. v. i. dicitur illuminaturus Ecclesiam, & super eam oriturus.

E. Christus est Deus Israël.

II. Major ex verbis Prophetæ clara est. Is enim, qui, tanquam sol, super Ecclesiam oriturus erat, eamque illuminaturus, Iehoua bis appellatur, nec alio nomine ab omnibus alijs eo loco distinguitur. Minor autem Apostoli testimonio probatur. Is enim laudat Scripturæ locum, ut patet ex verbis, *Propterea dicit.* Nulibi autem id dicit Scriptura, nisi in hoc Esaiaë loco. Citat igitur hunc Esaiaë locum, sed, ut ita loquar, paraphrastice; Nam & illius, qui iubetur surgere, statum, & illius, qui surgenti illucescet nomen exprimit, quo solet in Nouo Testamento, non modo ab hominibus & Angelis, sed etiam à Deo Patre, & à Spiritu Sancto distingui. Cum igitur Apostolus locum illum citaret, non dixit, *& illuminabere*, tacito illuminantis nomine, nec dixit, *& illucescet tibi Dominus* (hoc enim nomen accipi potuisset de Pa-

tre) nec dixit *illucescet tibi Dominus per Christum*, potuisset enim videri non ipsa lux, non ipse sol Christus esse; sed simpliciter commutato Domini nomine in nomen Christi, *illucescet tibi Christus*. Quo significauit per Dominum apud Esaiam Christum esse intelligendum. Alioqui causa nulla apparet, cur Christum dicere maluerit, quàm Dominum, quo vno nomine Propheta vsus est. Huc accedit, quod non tantum alludit ad Prophetæ verba; aut verba mutuatur à Propheta, sed apertè significat se locum citare, adeoque id quod sequitur dici eo loco, quod non dicitur, si Dominus non est idem cum Christo.

III. Apostolo res ipsa succlamat. A quo enim alio illuminaretur Ecclesia, quàm à Luce? Quis alius super eam oriretur; quàm sol Iustitiæ? Est autem ipsa lux Christus. Ioh. 12. 46. *Ego lux in mundum veni*. Ioh. 8. 12. 9. 5. *Ego sum lux mundi*, Ioh. 3. 19. *lux venit in mundum*. Ioh. 1. 9. *Erat lux illa vera quæ illuminat omnem hominem venientem in mundum*. Matth. 4. 16. *positis in regione & umbra mortis lux orta est*. Idem vocatur *oriens ex alto*, Luc 1. 78. & *sol iustitiæ, exoriturus illis qui nomen Domini timent*, Malach. 4. 2. Reuera exortus est Christus primo suo aduentu, & exorietur aduentu suo secundo Ecclesiæ suæ: alius solis spiritualis ortus vel aduentus non commemoratur in Scriptura.



DISPUTATIO

DEGIMA OCTAVA

De Arg. XVIII. Ex Esai. LXI. V. I. *Spiritus Domini Dei est super me, eo quod unxit me, &c, laudato Luc. 4. 18.*

I. **D** A B I T etiam hic locus nobis argumentum. Cum res ipsa, tum autoritas Domini nostri Iesu Christi locum illum Esaiæ, *Spiritus Domini est super me, &c,* de seipso exponentis Luc. 4. 18. prohibet, quominus in dubium vocari possit, quin is, qui sic apud Esaiam loquens inducitur, sit Christus. Itaque vnus nobis restat labor, vt probemus, qui sic apud Esaiam loquitur, cum reuera Deum esse, hoc est, præditum essentia diuina. Id autem concludo hoc syllogismo. Dominus (Iehoua) est præditus essentia diuina. Ille qui dicit apud Esaiam *Spiritus Domini super me, &c,* est Dominus (Iehoua) Ergo ille qui dicit apud Esaiam, *Spiritus Domini super me, &c,* est præditus essentia diuina. Majorem non negabunt Aduersarij.

II. Minor probatur ex V. 8. *Quia ego Dominus diligens indicium, & odio habens rapinam in holocausto, &c.* Qui hoc dicit est Dominus (Iehoua) Deus Israelis, præditus essentia diuina. Id vocari in dubium non potest. Hic tamen idem est cum eo, qui dixit vers. 1. *Spiritus Domini super me, &c,* vt legenti manifestum est: Nam versus iste octauus cohæret cum septimo, vt patet ex conjunctione *quia*, septimus autem cohæret cum antecedentibus, vt à primo versu ad octauum vsque manifesta sit eiusdem sermonis continuatio ab eodem loquente, qui primis capitis versiculis loquitur vt Propheta, versibus 8. & 9. vt Deus, V. 10. & 11. vt vnum corpus mysticum cum Ecclesia sua componens, sic tamen

vt ipse Sponsi, illa sponsa personam sustineat.


III. Frustrà nobis obijcient Aduersarij, Christum versu primo semetipsum à Domino distinguere, cum ait, *Spiritus Domini est super me* &c, Agnoscimus enim distinctionem personæ Filij à persona Patris, etsi communi vt essentia diuina, sic nomine Dei & Iehouæ gaudere credamus vtrumque, quæ distinctio personarum, vnitatem communis essentiae non dissoluit, vt lib. 3. Deo fauente, fusius explicabitur.



DISPV TATIO

DECIMA NONA.

De Arg. XIX. Ex Esai. LIV. 5. *Quoniam maritus tuus factor tuus, Dominus exercituum nomen eius, & redemptor tuus, sanctus Israël, Deus vniuersæ terræ vocabitur, necnon ex alijs locis, in quibus Deus Israël Ecclesiæ maritus seu sponsus appellatur, collatis cum Matth. 9. 15. & 25. 1. Ioh. 3. 29. 2. Cor. 11. 12. Eph. 5. &c.*

I. ENE prætermiseram locum Esai. LIV. 5. *Quoniam maritus tuus factor tuus, Dominus exercituum nomen eius, &c:* Ex quo tamen argumentum peti potest inuictum, quod sic concipio.

Maritus Ecclesiæ est Deus Israël, præditus essentia diuina.

Christus est maritus Ecclesiæ.

Christus igitur est Deus Israël, præditus essentia diuina.

Major propositio nititur loco laudato Esaiæ LIV. 5. ex quo

luce meridiana clarius est, legitimum sponsum seu maritum Ecclesiæ Deum esse, cuius nomen est Dominus (Iehoua) exercituum. id quod passim toto Veteri Testamento inculcatur. Minor nititur testimonijs ipsius Christi Matth. 9. 15. & 25. 1. Iohannis Baptistæ Ioh. 3. 29. Apostoli Pauli 2. Cor. 11. 12. Eph. 5. nec non Apostoli Iohannis Apoc. 21. 9. &c.

I I. Non video quid possit ab Aduersarijs responderi. Nam si Ecclesiam Veteris Testamenti distinxerint ab Ecclesia noui, quasi illius maritus Pater fuerit, huius Filius, distinctionem loca laudata respuent, resque ipsa refutabit. Eius enim Ecclesiæ se Deus maritum esse proficitur hoc loco, quam compellat verisibus proximè antecedentibus, *Latere sterilis quæ non parit, erumpere, cantare, clamare quæ non parituris, quoniam plures sunt filij deserte, quàm eius quæ habet virum*, &c. Compellat autem illis verbis eam *quæ sursum est Hierusalem, quæ libera est, quæ est mater omnium nostrum* teste Apostolo Gal. 4. 27. quo eodem teste sibi mutud respondent Agar, fœdus legale, & Ierusalem terrena, quibus opponuntur Sarâ, fœdus gratiæ, Ierusalem quæ sursum est. Idem autem fuit Agar & Saræ maritus Abrahamus, sed Saræ prius ac magis legitimè, Agar ad tempus propter Saræ sterilitatem. Qui typus sublata deitate seu diuina Domini nostri essentia explicari non potest, eadem vero posita mirabiliter cum sua veritate congruit.

I I I. Hoc etiam ipse Deus confirmat Ose. 2. 16. *Et erit in die illa dicit Dominus, vocabis me vir meus, & non vocabis me ultra Baal meus*, diem autem intelligit, quo veritatem typo ascensionis ex Ægypto adumbratam erat exhibiturus reque ipsa daturus effectam. Id autem est tempus Noui Testamenti. Ne quis verò putaret tandem aliquando hoc Dei & Ecclesiæ matrimonium dissolutum iri, subjicit N. 19. *Et desponsabo te mihi in sempiternum, desponsabo te mihi in iustitia, & in iudicio, & in gratia, & in miserationibus: desponsabo te mihi in fide, & cognosces Dominum.*

I V. His testimonijs ipsa res contentit. Nam si ponitur Ecclesia Veteris Testamenti sponsa ipsius Dei fuisse, Ecclesia verò Noui Testamenti sponsa Christi tantum hominis, consequitur Ecclesiam Veteris Testamenti præstantiorem ac digniorem Ecclesia Noui Testamenti fuisse, quippe dignioris sponsam. Id quod tamen falsum esse perspicuum est. Illa enim umbras & typos ha-

bebat, Hæc corpus & veritatem: Illa tractabatur vt infans, & sub elementis mundi in seruitutem redacta erat, Hæc asserta in libertatem adoptionem accepit, tractaturque vt filius adultus: Illa promissiones eminus aspexit & salutauit, Hæc illis fruitur: Illa cupiebat id quod ista assequuta est, &c.

V. Quid ergo respondebunt Aduersarij? Dicentne eiusdem Ecclesiæ duos esse sponsores, Patrem & Filium? Non arbitror hoc eos esse dicturos, Nam præterquam quod manifestam præ se fert absurditatis speciem, elogium sponsi Ecclesiæ totum nouum Testamentum vendicat Filio constanter, nec vnquam tribuit Patri. Sunt etiam in Veteri Testamento typi multi matrimonij spiritualis Christi & Ecclesiæ, sed nulli duos sponsores Patrem & Filium adumbrant, cum tamen vix quicquam in eo conjugio possit obseruari, cuius non extet aliquis typus. Adde quod Deus se multis locis Zelotypum esse testatur, si igitur Pater est maritus Ecclesiæ, quomodo patitur alium se eiusdem Ecclesiæ maritum profiteri tam sæpè, tamque constanter? Sed quid opus est argumentis, cum habeamus disertum Apostoli testimonium 2. Cor. 11. 2. *vos*, inquit, *aptari vni viro virginem castam exhibendam Christo.* Non sunt igitur duo viri Ecclesiæ, sed vnus. Nec possunt respondere Aduersarij, Filium esse subordinatum Patri, subordinationem enim maritorum matrimonium non recipit. Nihil igitur nobis occurrit quod possit responderi.



DISPV TATIO

VIGESIMA

De Arg. XX. ex Deut. vi. 13. citato Matth. 4.
10. & Luc 4. 8. *Dominum Deum tuum adorabis, & ei soli seruias.*

I. CLAUDAT hanc sectionem locus Deut. vi. 13. ab ipso Domino nostro laudatus Matth. 4. 10. & Luc. 4. 8. *De-*

minum Deum tuum adorabis & ei soli seruias. Quod ex co ducitur argumentum tale est.

Qui est religiosè adorandus & colendus, ille est Deus Israël.

Christus est religiosè adorandus & colendus.

Christus igitur est Deus Israël. Major nititur loco laudato: Nam si solus Deus Israël est adorandus, si soli Deo Israël est seruiendum, negari non potest, quin, quicumque adorandus & colendus est religiosè sit Deus Israël. Minor conceditur ab Adversarijs. Est igitur argumentum omni ex parte inuictum.

II. Respondet tamen V Volkelius, *illud Dei preceptum sententia sue triplici de causa nihil quicquam officere. Primò enim, inquit, ut sacra litera solum Deum immortalem, aut sapientem nominando, Christum aliosque immortalitate ac sapientia minimè spoliant, sed tantum Deum solum à semetipso talem esse significant: sic de solo quoque Deo, ut pote primario omnium rerum autore adorando indicandum est. Particulis enim istis exclusiuis, inquit Schlichtingius, qualis est solus & similes, cum de Deo usurpantur, nunquam ij simpliciter excluduntur, qui à Deo ea in re, de qua agitur, dependent. Principiò hinc colligo, falsum esse quod ait & vrget Crellius, Eam esse vim vocis solius, ut omnes alios excludat à communione predicati, prater eum cui apponitur. Deinde propositiones, solus Deus est immortalis, solus Deus est sapiens interpretari, solus Deus est immortalis à semetipso, solus Deus est sapiens à semetipso, non est propriè loquendo eas exponere, sed tantum ali- quid eis addere & apponere. Est enim propositio *solus Deus est immortalis*, ut loquuntur scholastici, exponibilis, & debet per duas istas exponi, Deus est immortalis, & alius nullus est immortalis, quæ respondent quæstioni an sit, non verò cur sit, aut unde sit. Dicitur igitur Deus solus immortalis quia solus absolute loquendo mori non potest, implicat contradictionem eum mori cum creaturæ omnes, ut aliquando non fuerunt, sic possint non esse. Dicitur solus sapiens, quia sapientia creaturarum ad diuinam collata vix eam proportionem habet quàm gutta ad oceanum, ac pro nulla habetur. Sic Esai. 40. 15. 17. gentes comparatione Dei dicuntur esse tanquam gutta situlæ, puluisculus trutinæ, nihil, imò minus nihilo & inanitate.*

III. Tertiò, Quis est V Volkelio iudice sensus huius propositionis, solus Deus est adorandus, vel mandati, adorabis Dominum

Act. 10.
25. 26.
V Volk.
de vera
Relig.
lib. 4.
cap. 12.

Deum tuum & illi soli seruias, Nam hic, solus Deus est adorandus à semetipso, Adorabis Dominum Deum tuum, & illi soli seruias à semetipso? Nunc esset absurdus. Num iste, solus Deus est adorandus tanquam *primarius omnium rerum autor*? Estne igitur aliquis secundarius omnium rerum autor? suntne plures creatores, vnus primarius, alius secundarius? Deinde si sic accipi deberet mandatum, non illud violaret, quia alium religiosè adoraret & coleret, modò non tanquam primarium omnium rerum autorem. Atque ita omnis ferè excusari posset idololatria. Perquam multos enim idololatræ gentiles & Israëlita religiosè adorarunt, quos non putarunt esse primarios rerum omnium autores. Quid quod ne ipse quidem diabolus adorari voluit à Christo tanquam primarius omnium rerum autor? quam enim ei potestatem & gloriam regnorum offerebat, eam sibi datam fuisse profitebatur Luc. 4. 6. & tamen ad eius tentationem repellendam nihil visum est Christo aptius, quàm istud præceptum, *adorabis Dominum Deum tuum, & illi soli seruias*. Petrus Apostolus, quamuis, *diuina muneris auctoritate, admirandisque donis instructus esset*, tamen à Cornelio adorari noluit propterea quod non minus quàm Cornelius homo esset. Nec tamen Cornelius tanto stupore mentis oppressus fuit, ut Petrum non hominem, sed ipsummet Deum esse, seu primarium rerum omnium autorem, sibi persuaderet. Num Iohannes Angelum, qui se pro Dei ac Christi ministro apertissime gerebat, pro ipso Deo, vel pro rerum omnium autore, adorare voluit? Hic tamen adorationem magno zelo respuit, adhibita ratione, & insinuat hoc ipso mandato, *vide ne: conseruus enim tuus sum, & fratrum tuorum qui habent testimonium Iesu, Deum adora*. Quibus uerbis non obicure significat, solum Deum esse adorandum. Nam, & hoc mandatum, de quo agimus, Iohanni reuocat in mentem, & quis sit adorandus ei ostendit, & cum ab adoratione eorum qui non sunt Deus reuocat ad adorationem ipsius Dei. Ex quo intelligitur, Dei nomine Christum comprehendi una cum Patre.

2. Resp.
Ref.

I V. Secundò respondet V Volkelius, *cum Christum Patri subordinatum esse confect, sequi, nos Christum adorando, ipsum Patrem, à quo tanta potestate ac gloria donatus est, adorare*. Sit ita, adorando Christum adoretur Pater, quid hoc ad rem? Num propterea solus Pater adoratur? Non adoratur homo diuersus tota

tota natura à Patre? Si sunt Pater & Filius duo dii totis substantijs diuersi: Ille Deus naturâ, hic gratia: Ille ab æterno, hic factus in consummatione seculorum: Ille creator, hic tantum creatura: Ille summus, hic summo subordinatus &c. vterque adorandus, certè non solus Pater, sed eius etiam Filius, ab eo magis, quàm quiuis alius à suo patre, differens, est adorandus.

V. Tertiò denique respondet, *Mandatum de solo Deo adorando ad Veteris Testamenti tempora propriè spectare.* Hoc idem respondet Socinus, sed minus rotundè, Respondeo, inquit, *quod ad Dei præceptum attinet, Deut. 6. nihil contra illud à Deo fieri, licet inbeat, Christum hominem, seu Christum, quamuis prorsus, res creata sit, cultu diuino affici. Neque enim, cum istud præceptum datum est, Christus exstabat, nedum diuina potestate atque imperio esset pradius. Quod imperium ac potestas omnino per se, etiam Deo tacente, cultu diuino affici debet.* Atqui jam exstabat Christus, jam Dei Filius erat, jam de eo Pater clamauerat è cælo, *Hic est filius meus dilectus, in quo acquiesco*, jam in eum visibiliter descenderat Spiritus sanctus, jam Deus erat dignus cultu diuino, cum mandatum illud laudauit, & tanquam homines etiam tunc temporis obligans vñt, inserta etiam particula exclusiua; ac mirum est huius mandati, quatenus à Christo vsurpatum est, Socinum & VVolkeliū non meminisse. Consentit Christo Angelus ille, quem Iohannes vidit volantem per medium cæli, habentem Euangelium æternum, ut euangelisaret incolis terra, & omni genti, & tribui, & lingua, & populo, dicentem magna voce, *Timete Deum, & ei tribuite gloriam: nam venit hora iudicii eius, & adorato eum qui fecit cælum & terram & mare & fontes aquarum.* Vrget enim verbis illis & inculcat hoc ipsum mandatum Deut. 6. 13. Idem fecit ille Angelus, qui cum nollet adorari à Iohanne dixit, *adora Deum.* Non adhibent, inquires, particulam exclusiuam. Facile subintelligitur: auocant enim eos quos alloquuntur ab adoratione creaturarum.

3. Resp.
Ref.

Apoc.
14. 6.

Apoc.
19. 10.

VI. Prose& si qua sunt in Vetere Testamento præcepta moralia, perpetua, ad tempora Euangelij pertinentia, in eo numero est præceptum de solo Deo adorando. Cum enim resolui possit in duo: vñm affirmans quo iubemur adorare Deum, alterum negans quo prohibemur alios adorare, Vtrumque Christianos obligat. Nos enim hodie æquè ac olim Iudæi, aut magis etiam, &

Deum adorare tenemur, & ab idololatria fugere: quàmquē illud in natura Dei fundatur quæ perpetuū dignissima est adoratione, tam istud eius vnitæ nititur, quæ & Deut. 6. præmittitur isti mandato, & in Nouo Testamento, non minus quàm in veteri, docetur & confirmatur: ac quum Christus ita præceptum illud Deut. 6. vsurpauerit, vt exclusiuam particulam, quæ abest à textu hebræo, addiderit, maior exclusiue illius, apud nos Christianos debet esse auctoritas quàm apud Iudæos. Satiùs igitur multò est, Filium confiteri, vnum cum Patre Israël Deum, quàm tantum præceptum soluere & homines ita docere. Quid quod ne ad veteris quidem testamenti tempora propriè spectare hoc mandatum dicere coguntur, si consentanea loqui volunt? Contendunt enim Angelum propredictum fuisse illum, qui Patriarchis & Mosi apparuit, & legem promulgauit, & nomen Dei ac Ichouæ sibi tribuit, & adorari se passus est, quo posito sequitur necessariò, ne veteris quidem testamenti temporibus solum illum vnum Deum, qui essentia diuina præditus est, adorandum fuisse.



DISPVATIO

VIGESIMA PRIMA.

De Arg. XXI. Ex 1. Reg. 8. 39. 2. Chron. 6.

30. Tu solus nosti corda filiorum hominum

collat. cum Apoc. 2. 23.



- I. CCEDENT etiam, velut cumulus quidam, ad hanc Sectionem verba Salomonis 1. Reg. 8. 39. 2. Chr. 6. 30. *Tu solus nosti corda filiorum hominum*: collata enim cum ipsius Christi verbis Apoc. 2. 23. *Et scient omnes Ecclesie quod ego sum scrutator renum & cordium, & dabo unicuique secundum opera sua*, suggere

sunt nobis hoc argumentum.

Solus Deus Israëlitis nouit corda hominum.

Christus nouit corda hominum.

Christus igitur est Deus Israëlitis. Major probatur testimonio Salomonis 2. Chr. 6. 30. 1. Reg. 8. 39. Minor ipsius Christi Apoc. 2. 23. Quid ergo poterunt respondere Aduersarij? Si quid conicio, Respondebunt duo: primum enim verba illa, *Tu solus nosti corda hominum*, dicent accipienda esse cum limitatione à se-
metipso. Deinde ea restringenda esse ad tempora Veteris Testa-
menti. quæ duo paucis refellenda sunt.

I I. Primum igitur si propositio, *solus Deus nouit corda ho-
minum*, intelligenda est cum tacita illa limitatione à *semetipso*, ca-
der vis exclusiue *solus*, non super id quod exprimitur, sed super
illam limitationem quæ non exprimitur, sed ab Aduersarijs ad-
ditur, excludetque omnes alios, non à communionem prædicati
quod exprimitur, sed à communionem *causæ* prædicati quæ non
exprimitur. Id quod num sit verissimile, lectori iudicandum
relinquo. Certè propositio affirmatiua, Deus nouit corda ho-
minum, non eget illa limitatione, à semetipso, sed absolute vera
est. Inserta autem exclusiua, *solus*, affirmatiuam illam nullo mo-
do limitat, tantum alios excludit à communionem prædicati, im-
peditque ne latius attributum quam subiectum pateat.

I I I. Hoc confirmatur inductione similium propositionum.
Nehem. 9. 6. *Tu ipse, solus es Dominus* (Iehoua) *Tu fecisti cælum
& cælum cælorum* &c. Pl. 86. 9. *Tu solus es Deus*. Esai. 37. 16. *Tu
solus es Deus regnorum omnium terra, tu fecisti cælum & terram*;
& N. 20. *Tu es Dominus solus*. Pl. 83. 17. *Tu solus es altissimus su-
per omnem terram*. Esai. 2. 11. 17. *exaltabitur Dominus solus in die
illa*. Num in his & similibus propositionibus subintelligenda est
limitatio à *semetipso*, vel à *semetipso*? Non hoc dicent Aduersarij:
nolunt enim duos esse altissimos, duos Dominos. Cum de crea-
turis agitur, non puto vllum exemplum proferri posse, vbi talis
limitatio adhiberi debeat: quæ si possit subintelligi, nihil tam
commune est, quod Deo tribui non possit soli. Solus Deus est,
agit, loquitur, solus Deus nouit Christum venisse in carne, solus
Deus credit veram esse hanc propositionem, *Qui credit in Filium
habet vitam æternam*, solus Deus cognoscit Christum resurrexis-
se, &c. Veræ erunt propositiones si addas à semetipso. Quis ta-

men sine expressa illa limitatione, aut sic vnquam loquitur; aut ferre possit ita loquentem? Fac aliquem suo, vt loquuntur, Marte veritatem aliquam inuenisse in Physica aut Mathematica aut Medicina, eamque cum alijs multis communicasse, dicetur nihilominus solus eam nosse, & poterunt reliqui negare se veritatem illam, vt vt eam ab alio reuelatam animo comprehenderint, cognitam habere subintellesta nimirum ista limitatione, & poterit iuratus se fecisse negare se scire quod reuera scit, aut quicuis alius negare se fecisse quod reuera fecit, subintelligendo à semetipso. Atque ita lata porta mendacijs aperietur. Quid quod admissa ista limitatione & opinione Aduersariorum, quàm vera erit ista propositio *Tu solus nosti corda hominum*, tam veræ erunt istæ, Christus non nouit corda hominum, Christus non venit in mundum, Christus non iudicabit viuos & mortuos, &c. Mirum est si suæ istius limitationis iam aduersarios non pudet. Itaque missis ijs quæ possent adjici, progrediar ad propositionem alteram.

Resp. 1. I V. Non esse propositionem, *tu solus nosti corda hominum*, restringendam ad tempus quo loquebatur Salomon, aut V. T. ex eo intelligitur, quod ea dogma est, dogmata autem sunt perpetuæ veritatis: continet enim diuini attributi diuinæ proprietatis reuelationem. Quoniam autem Deus perpetuò idem est, nec potest vlllo modo mutari, eius attributa & proprietates nunquam mutantur. Itaque in illa propositione verbum *nost* non adsignificat præsentis aut præteriti temporis certam differentiam, vt solet in propositione contingente; sed, vt fit in necessaria, ab ea adsignificatione solum est. Vera enim illa enunciatio, & ab omni æternitate ad illud vsque tempus quo loquebatur Salomon, fuerat, & futura erat vsque ad tempora reuelati Messie; & quominus ad omnem vsque æternitatem, vera fore credatur ab Aduersarijs nihil impedit, præter hunc ipsorum errorem, quem confutamus: Ac cum propositio, *Tu solus nosti corda hominum* resolui debeat in has duas, Tu nosti corda hominum, &, alius nullus nouit corda hominum, quarum illa in Dei naturâ, hæc in eius vnitatē fundatur, cumq; illam constet necessariam esse ac perpetuæ veritatis, idem etiam de hac iudicandum est: alioquin erit eadem propositio, tu solus nosti corda hominum, necessaria & contingens, perpetuæ & non perpetuæ veritatis, cum tamen tota nitatur principijs seu fundamentis æternis, essentia Dei & eius vnitatē.

V. Adde quod cur Deus perspecta habeat corda hominum duas solet Scriptura rationes asserere, vnam ab eorum creatione, alteram à Dei immensitate, quia fecit corda hominum, & quia replet cælum & terram, quæ duæ rationes omnium confessione propriæ sunt solius Dei. Ecquis verò legens ista Dei verba Ierem.

17. 9. *Prauum est cor hominis & inscrutabile. Quis cognosceret illud? Ego Dominus scrutans cor, & probans renes &c.* non intelligat, Deum sibi tribuere serutationem cordium, tanquam attributum proprium, quo ab omnibus creaturis distinguitur? Cum ergo videamus hoc idem sibi Christum tribuere, & quidem ita emphaticè, vt magis non potuerit: (non enim dicit *scient omnes Ecclesia* *ὅτι ἐγὼ ἐπὶ πάντων* quod ego scrutor, sed, *ὅτι ἐγὼ εἰμι ὁ ἐκδιπλῶν* quod ego sum ille qui scrutor, ille scrutator) cur non inde concludimus, eum esse Deum, hoc est, præditum essentia diuina, præsertim cum fateri necesse sit, eum habere perspecta atque explorata corda omnium, etiam illorum, qui aduentum eius antecesserunt, vbique & quandocunque vixerint? Est enim omnium, quot quot vnquam fuerunt, hominum Iudex, & quidem supremus.

VI. Afferrem hoc loco argumentum ab ipsa rei natura peti-
tum; Mihi enim contradictio implicari videtur, si dicatur intel-
ctus humanus vi sibi insita & propria omnium hominum corda
scrutari, & cogitationes noscere, multoque difficilior id capio,
quàm Deum patefactum fuisse in carne nostra, sibi que in perpetuum
naturam nostram vniuisse, in qua sese nobis præsentem ex-
hiberet. Hoc enim nihil habet quod rationi repugnet, quodque
non sit maximè & generi humano honorificum atque vtile, &
Scripturæ consentaneum. Illud verò est virtutem infinitam fini-
tæ menti, hoc est, accidens infinitum subiecto finito attribuere.
Sed eam rationem in alium locum differo. Nunc enim id vnum
ago, vt quæ sit Scripturæ de natura diuina Domini nostri senten-
tia exquiram & proferam in lucem. Quod cum à me fuerit Dei
beneficio perfectum, tunc eiusdem ope ostendam, cum in senten-
tia Scripturæ & fide nostra nihil esse quod pugnet cum recta ra-
tione, tum in errore Aduersariorum quædam esse, quæ cum re-
cta ratione conciliari non posse videantur.




SECTIO SECVNDA

Locos Veteris Testamenti continens non laudatos in Novo.

DISPUTATIO

VIGESIMA SECVNDA

De Arg. XXII. Ex apparitione Dei quæ describitur Gen. cap. 18.

I.  VONIAM Dominus noster vniuersam Veteris Testamenti Scripturam partitus est in legem Mo-
sis, Prophetas, & Psalmos, eundem ordinem sequemur in hac Sectione, exordiemurque à Mose, qui Gen. cap. 18. insignem quandam Dei apparitionem describit: Ex qua tribus modis argumentari possumus.

Luc.

24. 44.

II. Primò sic, Is qui eo loco dicitur apparuisse Abrahamo duobus angelis viris comitatus vocatur vir & Iehoua, seque gerit vt homo & vt Deus, habeturque ab Abrahamo pro homine & pro Deo. Ergo non est impossibile, nec repugnat Scripturæ, aut rectæ rationi, vt Deus appareat hominibus in natura humana, idemque dicatur Deus & homo, se gerat vt Deum & hominem, & à fidelibus habeatur pro vero Deo prædito essentia diuina, & vero homine prædito essentia humana. Negari enim non potest, quin is, qui apparuit Abrahamo, verus homo fuerit. Nam & vir appellatur, & præ se ferebat figuram humanam, & ambulabat, pedes lauabat, edebat, loquebatur vt homo: & rursus negari nequit, quin verus Deus fuerit: sexies enim vel septies vocatur Iehoua, quinquies Adonai, loquiturque vt Iudex mundi penes quem est suprema puniendi & parcendi potestas. Quid posunt Aduersarij aduersus vnionem diuinæ & humanæ naturæ in persona Christi afferre, quod non possit exemplo huius appari-

tionis Dei in humana forma refelli? Si Deus voluisset eiusmodi diuinæ & humanæ naturæ conjunctionem haberi pro absurda & impossibili, num illius tam illustre exemplum & specimen ostendisset in Scriptura ad instructionem & ædificationem Ecclesiæ vsque ad finem seculorum?

III. Frustrâ reponent verissimile non esse, Deum eo tempore sibi naturam humanam personaliter vniuisse, modò enim simpliciter, & vt sapientiam quæ supernè est decet, *ἀδανείτως* confiteantur Christum Deum & hominem, diuina & humana natura prædictum esse, id nobis nunc quidem sufficit. Certè diuinæ & humanæ naturæ personalis unio clarius & melius repræsentari non potuit. Idem enim & Deus & vir appellatur, & præse fert cum proprietates & infirmitates humanas, mouetur enim loco, ambulat, edit, bibit, pedes abluit, loquitur, videtur, tum proprietates diuinas, cogitationum cordis & rerum futurarum cognitionem infallibilem, iudicandi atque adeo puniendi & parcendi auctoritatem summam, &c. Erat igitur quâ Deus seu Iehoua ab æterno, quâ homo in tempore, quâ Deus etiam in cœlo, quâ homo in terra tantum, quâ Deus infinitus, quâ homo finitus, quâ Deus creator, quâ homo creatura. Si sic Deus naturam humanam assumpsit ad tempus, cur non potuit eam assumere in perpetuum? Si in gratiam Abrahæ & Saræ, cur non in gratiam totius Ecclesiæ?

IV. Secundò sic argumentor. Si apparitio illa Iehouæ in carne humana specimen fuit aduentus & conuietus Christi cum hominibus, certè qualem sese ille qui tunc apparuit ostendit, talem Christum esse oportuit. Ille autem sese ostendit tanquam Deum Iehouam & hominem. Christum igitur esse Deum seu Iehouam & hominem oportuit. Quale enim est specimen, tale debet esse id cuius est specimen. Fuisse autem illam apparitionem specimen aduentus & conuietus Christi cum hominibus, probatur, primò testimonio ipsius Christi Ioh. 8. 56. *Abraham Pater vester exultauit vt videret diem meum, & vidit & gaudens est.* Quomodo vidit diem Christi, si ei non est eius aliquod specimen ostensum? nulla autem visio seu apparitio ei est indulta diei Christi similior quam ista. Est igitur hæc apparitio specimen & vt ita dicam, prælusio reuelationis seu aduentus Christi in carne. Hoc ipsum eodem illo cap. jam Christus insinauerat N. 39. & 40. *Si filij Abrahæ essetis, opera Abrahæ faceretis. Nunc autem*

queritis me interficere hominem, qui veritatem vobis loquutus sum, quam audiui à Deo. Hoc Abraham non fecit. Hominem enim illum, quem cum alijs duobus hospitio exceperat, se pro Deo gerentem non voluit interficere vt blasphemum, sed reuerenter allocutus est vt Deum.

V. Ad Christi testimonium accedit, quod sine dubio destructio Sodomeorum specimen fuit destructionis impiorum per ignem iudicij extremi. Id Christus innuit Luc. 17. 28. *Similiter etiam vt accidit in diebus Lot. edebant, bibebant, emebant, vendebant, plantabant, edificabant. Quo autem die Lot exijt Sodomis pluit ignem & sulphur, & omnes perdidit. Secundum hac erit dies, qua Filius hominis reuelabitur.* Et Iudas N. 7. *Sicut Sodoma & Gomorrha & his finitima civitates simili modo atque illa scortata, & carnem alteram sectata, proposita sunt exemplo, ignis aeterni poenam sustinentes.* Hinc David ps. x1. 6. *pluet super impios laqueos, ignem & sulphur, &c.* Quod si destructio Sodomæ & Gomorrhæ specimen fuit destructionis mundi, fatendum est Abrahamo ostensum fuisse specimen quoddam vtriusque aduentus Christi. Primo venit Christus ad semen Abrahamæ, cum eo ad breue tempus conuixit, ei promissionem jamjamque impletum iri annunciauit, clementiam admirabilem ostendit, iudicium futurum prædixit, ad quod exercendum professus est se descensurum, tum se subduxit ex oculis hominum, misitque nuntios suos atque legatos in mundum præcipuè in magnam illam ciuitatem, quæ vocatur spiritualiter

Apo. 11. 2. Sodoma & Ægyptus, qui dicerent *Seruamini ex generatione ista*
 Act. 1. *praua, in promptu habentes quo vindicent omnem inobedientiam,*
 40. *postquam impleta fuerit electorum obedientia.* Tandemque ipse no-
 1. Cor. 10. 6. *ste elapsa die illo magno manè veniet, mundumque impiorum*
igne destruet. Hæc tanta similitudo non obscure testatur, specimen quoddam seu exemplum vtriusque aduentus Christi memorabili illa apparitione contineri: ac proinde talem oportuisse Christum reuera esse, qualem ille, qui apparuit, sese exhibuit. Id quod ipsa experientia confirmat. Vt enim ille vir appellatur, seque hominem fuisse figura externa & actionibus probauit; sic Christus homo dicitur, & se hominem verè fuisse multis rebus docuit: vt ille se mundi iudicem esse professus est, sic itidem Christus. Vt ille Deus vocatur, sic Christus dicitur Deus. Quid est igitur, quamobrem non existimemus, quàm ille Iehoua nomina-

tur,

tur, tam Christum eodem nomine insigniri?

VI. Tertio denique sic possum argumentari. Qui apparuit Abrahamo Gen. 18. is fuit præditus essentia diuina. Christus est ille qui apparuit Abrahamo Gen. 18. Christus igitur est præditus essentia diuina. Major sic probatur. Iehoua est præditus essentia diuina. Ille qui apparuit Abrahamo Gen. 18. fuit Iehoua. Ille igitur qui apparuit Abrahamo fuit præditus essentia diuina. Vocatur enim, ut dixi, septies Iehoua, nomen omnium confessione Dei Israël maximè proprium: vocatur aliquoties Adonai, quod etiam nomen est vnus illius Dei: dicitur iudex totius terræ, quod elogium nisi vni illi Deo conueniebat nemini.

VII. Minor ex eo probatur quod 1. hic qui apparuit Abrahamæ dicitur Iudex vniuersæ terræ *Æ. 25.* Solus autem Christus est Iudex vniuersæ terræ. 2. dicitur etiam homo. Nullus autem homo iudicat vniuersam terram præter vnum Christum. 3. Is fuit aut Deus Pater, aut Angelus creatus, aut Filius Dei. Non enim Aduersarij dicent fuisse Spiritum Sanctum, quem ne personam quidem fuisse autumant. Atqui non fuit Deus Pater. Primum enim Deus Pater nunquam venit aut apparuit immediatè seu, ut loquuntur, in propria persona, ne tum quidem cum, aut annuntianda fuit beatæ Virgini conceptio & natiuitas Christi, aut seruandum genus humanum. Quis ergo credat eum venisse in propria persona ut annuntiaret instantem Isaaci conceptionem, deque Sodomæ exitio cum Abrahamo colloqueretur? Deinde quorsum Deus Pater pransus fuisset apud Abrahamum, ijsque rebus se verum fuisse hominem docuisset, quibus Christus post resurrectionem suam se verum esse hominem confirmauit. Huius enim rei tam inusitatæ & memorabilis nullus vsus apparet. Sed nihil opus est pluribus id refellere, quod aduersarij neque dicunt, neque seruatis hypothesibus suis de Dei natura loco & motu dicere possunt.

VIII. Num ergo fuit Angelus? affirmant quidem Socinus Crellius & V Volkelius. Quo autore, aut teste? Nullo prorsus. Id enim Scriptura nusquam dicit. Vtris igitur potius credendum, nobis qui Deum fuisse dicimus, & probamus testimonio Scripturæ eum plusquam septies Iehouam appellantis, an verò Aduersarijs qui Angelum fuisse uolunt, neque locum vllum proferre possunt vbi angelus appelletur? At duo eius comites vocantur an-

geli Gen. 19. 1. 15. sunt igitur illi angeli, quia angeli dicuntur? Hic verò qui nunquam angelus, sed tam sæpe Iehoua nominatur, habeatur pro Deo, non pro angelo.

Heb.

3. 22.

I X. At, inquit Crellius, aliud D. Auctor Epistolæ ad Hebr. docet. Is hospitalitatem commendaturus, quosdam, ait, inscios eius virtutis beneficio excepisse hospitio Angelos. Ad hanc autem de Abrahamo, & qua de Lotho subijcitur, historiam eum respicere, præter rem ipsam, arguunt Scripturæ loca, quæ in ora sacri codicis vulgò solent adijci. Quod si Deus ipsemet tunc adfuisse; ad laudem hospitalitatis tantò maiorem disturnus potius fuisset scriptor diuinus, quosdam per eam Deum ipsum hospitio excepisse Fallacia est à non causa pro causa. Quilibet enim ille fuerit quem Abrahamus hospitio excepit, nihil prohibuit Apostolum congruenter loqui Scripturæ, quæ eum non Angelum, sed Deum, immò Iehouam sæpius appellauit. Cur igitur id non fecit, si faciebat magis ad scopum? Cur etiam ille toties Iehoua appellatur, cur non secus ac Deus ipse loquitur, cur Iudex totius terræ dicitur cur eum tanquam Deum Abrahamus alloquitur, si nec Deus fuit, nec pro Deo haberi aut potuit, aut debuit? Non igitur illa causa fuit quam reddit Crellius, cur Deum ipsum sacer autor non dixerit hospitio fuisse exceptum, sed ista potius, quia nimirum voluit prudenter ratiocinari. Non videtur autem ratiocinari prudenter, qui aliquos ad certum officium hortatur argumento inde ducto, quod id officij facientibus ingens quoddam bonum olim eueniret, si tale bonum palam est eis quos hortatur, ut ut hortanti pareant, neque euenturum esse vnquam, neque euenire posse. Iam autem, certum est contingere amplius non posse, ut Deus ipse hospitio excipiat: Pater enim extra Christum hominibus ostendi aut non potest, aut non debet, teste ipso Christo Ioh. 14. 9. Filius verò verat admodum accuratè Matth. 24. 5. 23. 26. dicenti, ego sum Christus, aut dicentibus, Ecce hic est Christus, aut illic, credere, addita hac ratione, quod non sit venturus, nisi adeò splendidus & illustris, ut nemo eum non videat. Ad Spiritum autem sanctum quod attinet, is non venit nisi inuisibiliter in corda fidelium. Quapropter noluit Apostolus vllam ipsius Dei hospitio excipiendi spem Christianis ostendere. Angelorum ratio est dispar: Apparuerunt enim in figura humana mulieribus Marc 16. 5. Luc. 24. 4. Apostolis Act. 1. 10. Cornelio Act. 10. 3. Petro Act.

12. 7. alijsque nonnullis, si fides habenda est historijs non sacris, constatque, tum omnes esse administratorios spiritus, qui in ministerium emittuntur propter eos qui futuri sunt haeredes salutis, tum eos mittendos esse à Christo, ut colligant de regno eius scandala, & eos qui faciunt iniquitatem, necnon congregent electos.

Heb. i.

14.

Matth.

13 41.

& 24. 31.

X. Objiciet fortè aliquis, Si quia is qui apparuit Deus & homo vocatur, Christum oportuit simul Deum & hominem esse, consequens esse, ut quia illius ministri Angeli & homines appellantur, etiam Christi ministri esse debuerint simul Angeli & homines, ac proinde si Deus incarnari debuit, etiam Angelos incarnari debuisset. Respondeo, Angelum nomen esse officij, quod de hominibus in utroque testamento usurpatur non infrequenter, itaque posse eundem esse natura hominem & munere Angelum, ut patet exemplo Iohannis Baptistæ, qui Angelus Dei appellatur Malach. 3. 1. & Matth. 11. 10. Iehouam verò non esse nomen officij seu muneris: itaque non posse eundem Iehouam & hominem esse, nisi qui sit diuina & humana natura præditus. Adde quod non venit Filius, deinde Pater, sed venerunt ministri Christi homines, deinde venturi sunt tandem ultimo die, aut circa vltimum diem Angeli; cuius rei confusum quoddam specimen in historia Gen. 18. & 19. ostensum Ecclesiæ est.

XI. At, inquit Crellius, *is ipse, qui nomen Iehoua, cum Mose colloquens sibi imposuit, eoque tam frequenter in ea sermocinatione insignitur, Angelus fuit.* De hoc videbimus disputatione sequente. Interim dico duo: vnum, Hunc qui Abrahamo apparuit non vocari Angelum: Alterum, etiam Christum Angelum dici Malach. 3. 1. Apoc. 8. 3. &c. nec mirum, Est enim Angelus propriè nuncius.



DISPUTATIO

VIGESIMA TERTIA

De Arg. XXIII. Ex Gen. 31. 11. 13. Exod. 3. 2.
6. alijsque locis similibus, in quibus Angelus se Deum esse profitetur,
aut Deus appellatur.

I. **N**UNC de illo Angelo consideremus, qui dicit Iacob Gen. 31. 11. *Ego sum Deus Bethel, ubi conuisti votum mihi:* & Moysi Exod. 3. 6. *Ego sum Deus Patris tui, Deus Abraham, Deus Isaac, & Deus Iacob,* & alijs multis locis, vel profitetur se Deum esse, vel Dominus seu Iehouah appellatur. Aut enim officio, aut natura Angelus fuit. Si officio tantum, sine dubio Deus fuit prædictus essentia diuina. Tamen Deus Pater non fuit. Deus enim Pater dici non potest Angelus Dei. Fuit igitur Filius Dei. Nam Spiritus Sanctus non fuit: Hunc enim contendunt Aduersarij nec personam esse, nec Deum dici in sacris literis: quod vtrumque quidem falsum est, Sed tamen Spiritus Sanctus non apparet extrinsecus corpori, sed illabatur intrinsecus cordi, sequæ potius habet vt facultas interna, quàm vt objectum externum.

II. Si naturâ sua Angelus fuit, vt affirmant Aduersarij quomodo tam clarè, tam disertè, tam sæpe clamauit se Deum esse, Iehouam, Deum Abrahami Isaaci & Iacobi, hoc est, illum Deum præter quem alius nullus est Deus? Quomodo è monte Sinai tanta cum Majestate legem ferens pronunciauit, *Ego sum Iehoua Deus tuus, qui eduxi te de Terra Egypti,* &c? Quomodo se vnum pro Deo haberi & coli iussit, alium verò neminem? Quomodo dicit Auctor Ep. ad Heb. Christo præstantiora quàm cuiquam Angelorum tributa esse in Scriptura nomina, si vnus ali-

quis Angelus appellatus est Iehoua tam sæpè tamque disertè?
 Quid quod Christus ipse testis est, Deum fuisse qui dixit Mosi,
Ego sum Deus Abraham, &c.

Matth.
 21. 42.

III. Respondet Crellius, illum Angelum *alienam personam ac nomen assumpsisse, Deo ita volente, ut tantò plus auctoritatis haberet res & oratio, & in auditorum animos altius ascenderet*, additque *in dramatibus similia quodammodo cerni. In ijs enim*, inquit, *alter alterius personam ita sustinet, ut res non referri, sed geri videatur, quanquam istic, ad delectationem spectantium, & in rebus sæpè minimè serijs: illic ad utilitatem audientium, ac in rebus maxime serijs: & quod discrimen hic maximè attendendum est, Angelus Dei personam ita sustinens, ut eius auctoritatem simul habeant: longè secus quàm in dramatibus contingit.* Prudenter hoc discrimen, ne sibi obijceretur, obseruauit. Sed sunt alia. Primum enim in dramate omnes actores sunt personati, omnes alienas personas agunt. Hic secus res habet. Solus enim iste Angelus fuisse personatus, reliqui quibuscum loquebatur & agebat suas ipsi proprias personas sustinebant, id quod non videtur vlllo modo Dei sapientiæ fuisse consentaneum: Fateor equidem omnia, aut ferè omnia, typica fuisse: nam & Iacobus, & Moses, & populus Israëliticus, & mons Sinai, & legis è monte Sinai promulgatio, & tabulis lapideis inscriptio, & desertum, & tabernaculum, & reliqua ferè omnia typi fuere. Sed typi suas agebant proprias partes, non autem alienas earum scilicet rerum, quarum erant typi. Deinde in dramate qui Regis nomen & personam assumit non dicitur Regis legatus aut nuncius: sunt enim oppositæ personæ Regis & legati Regis. Si igitur similiter pugnant Angeli Dei, & Dei personæ, qui fit ut dicatur Angelus Dei sic loquutus, *Ego sum Deus &c, Ego sum Iehoua &c?* Sic enim quædam quasi contradictio lectori obijcitur. Non enim (ut bene obseruauit Crellius) *solent eandem rationem principum personas assumendi, ac loquendi formam seruare legati.* Præterea in dramate res ipsa non geritur, sed iam gestæ imago effingitur: itaque veritas non est, sed fabula veritatis æmula. Scriptura verò ipsius veritatis seu rei gestæ simplex est historia, quæ nihil habet cum fabula commune. Quod si Angelus Dei nomen & personam assumit, ut tantò plus auctoritatis habeat res & oratio, qui factum est ut eodem loco, quo se Deum esse clamat, dicatur Angelus Dei? Sic enim non modo

minuitur auctoritas, sed ipse quondam mendacii præ se fert oratio, siquidem non potest idem simul & officio Angelus, & natura Deus esse. Hinc apparet, Angelum, cum dicit, *Ego sum Deus Abrahami* &c. aut, *Ego sum Dominus, Iehoua*, non loqui ut decet merum Dei angelum, hoc est, nuncium seu legatum (nunquam enim nuncius se illum ipsum dicit esse cuius est nuncius) nec tanquam si drama aut fabula ageretur: cætera enim fabulæ non conueniunt, sed repugnant potius.

I V. At, inquit Crellius, eum, qui Moysi apparuit in rubo & dixit *Ego sum Deus patris tui* &c. enim, qui e monte Sinai tanta cum maiestate legem ferens pronunciauit, Ego sum Iehoua Deus tuus, qui eduxit te de terra Egypti, & qua sequuntur, qui in tota illa historia passim Iehoua appellatur à Moysi, angelum fuisse, testis est Stephanus Act. 7. 53. testis Paulus Gal. 3. 19. testis diuinus ad Hebræos scriptor Heb. 2. 2. Hi namque omnes uno affirmant ore, per angelos dispositam, seu latam pronunciatamque Legem. Et Auctor quidem diuinus Epistola ad Hebræos eo argumento Euangelium præfert Legi, quod hæc per Angelos, illud per Dominum nempe Christum, quem angelis longe præstantiorem esse factum prolixè docuerat, primò fuerit promulgatum. Quò respicit etiam Paulus, Colossenses monens, ne à Christo ad mundi rudimenta relabantur que in Lege Mosaica continentur: & estis, inquit, in ipso (Christo) impleti, qui est caput omnium principatus & potestatis, quasi dicat. si quis fortè cogitet, Legem per angelos, & quidem principes, esse latam, gloriosum esse, ab illis diuina voluntatis notitia imbutum censi; Longè gloriosius est, vos per eum, qui omnium illorum principum ac potestatum caput est ac dominus, diuina voluntatis notitiam fuisse consecutos, eamque plenam & perfectam, non, ut sub lege, imperfectam. Hæc transcripti, non quo refutem, sunt enim si bene accipiantur vera, sed ut conciliem cum mea sententia. Fateor enim angeli alicuius operam adhibitam fuisse, cum ad visibiles illas formas efficiendas, quæ sunt oculis Moysi & populi Israelitici obuersatæ, tum ad sonum illum edendum & articulandum, quo verba illa prolata sunt, *Ego sum Iehoua*, &c. Sed queritur quo modo Angelus creatus sic loqui potuit, *Ego sum Iehoua* &c. *Ego sum Deus Abraha* &c. Aduersarij aiunt eum sic loqui quia sustinet Dei personam ut fit in dramate, & quia est Dei nuncius vel legatus. Hoc jam refutauim. Ad doque in Nouo testamento missos à

Deo angelos non assumere nomen & personam Dei ; Itemque Christum præstantissimum legatum Patris, nunquam sibi Patris nomen sumere. Immo negant Aduersarij eum vocatum fuisse villo in loco Scripturæ Iehouam, cum tamen affirmant, eum, & Dei personam perfectissima ratione sustinuisse, & qui passim Iehoua appellatur à Mose, angelum fuisse. Reddant igitur, quæso, rationem, cur passim Angelus se Deum esse profiteatur, & vocetur Iehoua, Christus verò, quem aiunt perfectiore ratione Dei Patris personam sustinuisse, nunquam se profiteatur esse Deum Patrem ?

V. Ut igitur eadem opera simul & respondeamus & argumentemur, Angelus creatus (vnus an plures fuerint, nihil refert) cuius opera Lex è monte Sinai promulgata est, vel Iehoua dicitur seque esse Iehouam proficetur, vel non. Si prius : Necessè est vt à se & ab alijs Iehoua, Deus Abrahami Isaac & Iacobi &c dicatur non propriè, sed figuratè : Propriè enim Deus non fuit, sed Dei creatura & minister. Nemo enim, opinor, dicet Deum sibi personaliter angelicam vniuisse naturam. Figuratè autem Deus & Iehoua dici non potuit, nisi ea figura, qua nomen rei significatæ eius signo tribuitur, vt reliquas figuras seu tropos pereurrenti manifestum esse potest. Quæ figura in Scriptura, & in quotidiano omnium hominum sermone frequentissima est. Porro ea figura non potuit Angelus dici Deus seu Iehoua, nisi, aut quemadmodum histrio in fabula rex dicitur, & imago eius nomine appellatur, cuius est imago, aut quemadmodum Typus nonnunquam id esse dicitur cuius est typus. Priorem modum jam reiecimus : nam nec fabula agit, sed res verè gesta, nec vllus alius in ea historia alienam agit personam, nec vllus angelus dicitur in Scriptura imago Dei, aut Deo similis, nec si diceretur imago Dei, propterea sic loqui posset, *Ego sum Iehoua* &c, vt viri exemplo patet, qui Dei imago & gloria dicitur 1. Cor. xi. 7. nec Angelus ille quis, qualisue fuerit, reuelatur in Scriptura, aut à nobis cognosci potest.

VI. De posteriori duo certa sunt : vnum, posse typo tribui rei quam adumbrat nomen & quædam attributa. Sic Petra dicitur fuisse Christus 1. Cor. 10. 4. Sic de Dauide Ps. 16. 10. & 22. 18. 19. &c, & de Salomone Ps. 45. 8. & 2. Sam. 13. 14. &c. quædam dicuntur, quæ Christi sunt propria. Alterum, Angelum il-

lum qui Legem è monte Sinai promulgauit typum fuisse. Cum enim reliqua omnia, vt jam dixi, typi fuerint, mons Synai, Moses, Aaron, tabulæ lapideæ, Lex, Legis promulgatio, liberatio à seruitute Ægyptiaca, desertum &c, consentaneum fuit, vt is etiam qui legem promulgauit typus fuerit. Cuius autem typus fuit? Christi. Id ipsa res testatur: cuius enim typus fuisset is qui Legem promulgauit, nisi eius qui promulgauit Euangelium? Atque vt ille Angelus (siue vnus fuerit siue plures) cepit Legem per seipsum immediatè pronunciare, Deinde vius est ad eam rem Moïsi ministerio; sic Christus per seipsum Euangelium prædicare cepit, Deinde id perfecit per Apostolos, sicut est obseruatum ab Apostolo Heb. 2. 3. 4. Id etiam colligitur ex Heb. 2. 2. & 12. 18. 25. Coloss. 2. 10. 2. Cor. 3. 13. 16. 18. qui postremus locus est maximè notandus. Si igitur iste Angelus (vnus, vt dixi, an plures fuerint, nihil ad hoc quod agimus interest) typicè Deus & Iehoua dicitur, necesse est vt Christus sit Deus & Iehoua reuerà. Itaque in ipso, teste Apostolo, *inhabitat omnis plenitudo Deitatis corporaliter*, quæ non habitauit in Angelo, in propitiatorio & templo Hierosolymitano nisi vmbra. *litter*.

VII. Si quis obijciat, typos non adumbrasæ nisi res futuras, reuincetur exemplo tabernaculi quod cælum, & immunditiei legalis quæ peccati immunditiam significabat. Si obijciat, non tam frequenter typis tribui quod proprium est rerum adumbratarum, is recordetur nihil occurrere frequentius in lege, quàm sacrificij legalibus peccata expiari, id quod tamen proprium esse sacrificij Christi Auctor Ep. ad Heb. testatur & probat capp. 9. & 10. Si obijciat, non solere typo tribui nomen rei adumbratæ, is cogitet nonnullos esse typos, qui communi cum rebus significatis nomine gaudeant. Sic exempli causa, Christi Sacerdotis typus fuit sacerdos, Regis rex, Mediatoris mediator, Sacerdotij sacerdotium, Sacrificij sacrificium, Tabernaculi tabernaculum &c. Si denique adjiciat, typicos Reges, Sacerdotes &c verè & propriè reges & sacerdotes fuisse, ac propterea hunc Angelum, si typicus Deus fuit, verè & propriè Deum fuisse. Concedam verè, id est, non falsò, & propriè Deum fuisse, sed deitate typica & vmbra. *litter*, quæ cum reliquis vmbis exoriente Christo, sole iustitiæ, euanuit.

VIII. Si Angelus creatus non tribuit sibi nomen Dei, necesse est vt

est vt verba illa, *Ego sum Iehoua* &c. proferat non tanquam sua, sed tanquam aliena. Vel igitur ea pronunciat tanquam nuncius recitans eius à quo est missus, verba; vel tanquam seruus, cuius opera alius vitur ad exprimendos suos conceptus. Prius mihi non fit verissimile. Nunquam enim sic loquuntur, vel Angeli in Nouo Testamento, vel Prophetæ in veteri, vel hominum nuntij, nisi præmissa aliqua præfatione, qua doceant se eius à quo sunt missi verba referre. Deinde qui pronunciat illa verba *Ego sum Iehoua*, ab ipso sacro historico *Iehoua* appellatur, & cum eo tanquam cum Iehoua agitur. Posterius intelligi potest duobus modis. Vno, vt Deo loquenti operam suam angelus accommodauerit ad sonum producendum & articulandum, quomodo Tertius scripsit Epistolam ad Romanos Paulo distante; altero, vt Angelus ipsa quidem verba conceperit pro sua prudentia, sed ad significandos Dei conceptus, quomodo solent notarij, siue scribæ regij regis edicta & epistolas ita concipere, vt Rex perpetud loquatur, ipsi nunquam. Hoc quidem satis fuisse videtur, vt Lex dici potuerit *accepta per dispositionem Angelorum* Act. 7. 53. *ordinata per Angelos* Gal. 3. 22. *per Angelos dictus sermo* Heb. 2. 2. Non uerò vt dicatur Angelus in singulari numero dixisse, *Nunc cognoui quod timeas Deum, cum non peperceris filio tuo unigenito propter me* Gen. 22. 12. *Ego sum Deus Bethel, ubi vnixisti lapidem, & votum vouisti mihi* Gen. 31. 13. *Ego sum Deus Patris tui, Deus Abraham, Deus Isaac, & Deus Iacob.* Exod. 3. 6. *Eduxi vos de Ægypto, & introduxi in terram pro qua iuravi patribus vestris, & dixeram, non faciam irritum pactum meum vobiscum in sempiternum,* &c. Iudic. 2. 1. Non etiam id satis fuit, vt posset ille Angelus appellari *Iehoua*, vt factum est persæpe. Ac propterea confitendum est, Angelum illum, qui sic loquitur & appellatur, causam principale n illius apparitionis, & sermonis fuisse: quo posito necesse est eum fuisse, aut Angelum officio, & Deum naturâ; aut, si natura Angelus fuit, Deum deitate, vt ita loquar, vmbatili & typica. Verumuis elegant Aduersarij, oportet Christum esse Iehouam. Nam, si prius placet, Angelus ille est Filius Dei, quis enim alius dici possit simul Legatus Patris & Deus? Si posterius, Christus est id verè, quod ille Angelus fuit typicè.

I X. Sic quidem confectum est argumentum nostrum. Verum vt veritas clarior sit, loca quædam Scripturæ breuiter percur-

renda sunt. Exod. 24. 9. oblato sacrificio confirmatoque fœdere Legali *Moses, Aaron, Nadab, & Abihu, & septuaginta ex senioribus Israel ascenderunt in montem, & viderunt Deum Israel, eratque sub eius pedibus quasi opus lapidis saphirini, & quasi cœlum cum est serenum.* Dubitari non potest, quin, vt typica fuerunt, fœdus legale, sacrificium quo illud confirmatum est, selecti illi septuaginta è filiis Israël, & Mons in quem ascenderunt, sic typica etiam fuerit admissio eorum ad præsentiam & aspectum Dei serenum. Vt igitur sancito & confirmato vetere testamento per mortem victimæ atque oblatum sacrificium, cuius sanguine liber legis & omnis populus aspersus fuit, Moses Aaron Nadab & Abihu & septuaginta è filiis Israël admissi sunt in conspectum Dei Israël, qui illos benignè accepit, atque etiam, (vt colligi posse videtur ex *N. 11.* & tanti principis erga eos, quibuscum fœdus percutiebat, liberalitate) conuiuium excepit, Sic sancito & confirmato testamento nouo per mortem Christi & oblatum sacrificium cuius sanguine fideles omnes asperguntur, & à peccatis purgantur, Apostoli & septuaginta discipuli admissi sunt ad Dei aspectum, atque aded conuiuium. Quem igitur viderunt? Christum. Quis eis quod spiritualiter ederent & biberent apposuit? Christus. Patrem certè non viderunt, nisi quatenus Filium viderunt.

Heb. 9.
18. &
seqq.

Pf. 22.
18.

X. Exodi cap. 34. *N. 29.* Legimus cutem faciei Moïsi, cum manu teneret duas tabulas fœderis, descenderetque è monte, splenduisse contracto ex Dei aspectu splendore, ac propterea Moïsem velamen posuisse super faciem suam, quod aufferbat, cum ingrederetur in conspectum Domini: Ad quam historiam alludit Apostolus 2. Cor. 3. 13. seque ita cum Moïse confert, vt perspicuum sit, Domino, qui cum Moïse loquebatur in monte, respondere Dominum nostrum Iesum Christum, ad quem cum fuerint Iudæi conuersi tollitur velamen, cuiusque gloriam, detecta facie, tanquam in speculo, intuentes Apostoli transformati sunt in eandem imaginem ex gloria in gloriam. Christum enim ab Apostolo per Dominum intelligi patet ex *N. 14.* & *N. 17.* & nomine *Domini*, quod Christi proprium esse testatur Apostolus 1. Cor. 8. 6. (quod loco non dicitur cum articulo *ὁ κύριος*, sed sine articulo *ὁ κύριος*) necnon ex ipsa experientia, quæ docuit Apostolos gloriam Filij vidisse, Patris, nisi in Filio, non vidisse.

Ioh. 1.
14.

Aur igitur ille Dominus (Iehoua) quem Moses vidit, ipse Dei Filius fuit, aut eius typus. Vtrumlibet eligatur, Filius Dei est Deus Israël, est Iehoua.

XI. Exod. cap. 33. V. 1. Dominus idololatria populi offensus dicit Mose, *mittam ante te Angelum, & eieciam Chananaum, & Amorraum &c.* Non enim ascendam in medio tui, quia populus dura cervice tuus, ne forte consumam te in via. Audiens autem populus verbum istud malum, luxerunt, nec posuit ullus ornamentum suum super se. Itaque eodem capite V. 12. & seqq. Moses Deum obnixè rogat, ut velit ipse cum eis ire. *Nisi, inquit, facies tua ierit, ne nos hinc educas.* Id quod etiam impetrat. Quid? Populus Israëliticus non fuit contentus Angelo ductore per typicum desertum ad Canaam typicam, & nos Christiani contenti erimus homine tantum homine, ad verā & cœlestem Canaam duce? Pugnabimusque obnixè, ne ipse Deus dicatur ad nos seruandos venisse, nobisque in cœlum deducendis præiuisse: adeò differunt Aduersarii ab illo populo, à Mose! Num ad eiusmodi liberationem carnalem & typicam opus fuit ipsius Dei facie & præsentia, nec satis fuit præsentia Angeli; ad liberationem verò spirituales & æternam non opus fuit ipso Deo, sed homo tantum homo satis fuit? Quis hoc credat? Fuit ne hac in parte ministerij mortis quàm ministerij Spiritus major gloria? Absit. Agnoscamus igitur ducem nostrum, cumque, reuera Deum seu Iehouam esse credamus.

XII. His accedat memorabilis illa historia, quæ extat Ios. 5. 13. *Contigit autem cum esset Iehosua prope Iericho, ut attolleret oculos, & videret, & ecce vir stabat contra eum habens in manu sua districtum gladium. Et abiit Iehosua ad eum, & dixit ei, noster es, an hostium nostrorum? Qui dixit, Non: sed ego princeps exercitus Domini nunc veni. Procidens autem Iehosua super faciem suam in terram, adorauit &c.* Negari non potest, quin princeps ille exercitus Domini, aut Filius Dei fuerit, aut typus eius. Vocatur autem cap. sequenti V. 2. Dominus seu Iehoua. Mirum est Iudæos tot Dei in forma humana apparitionibus, tot Patriarcharum exemplis, qui hominem, cum se professus est Deum esse, pro Deo habere & adorare non dubitarunt, præparatos non fuisse ad Christum reuerenter accipiendum, cum se Dei Filium, Deum, vnum cum Patre profiteretur, multisque & maximis miraculis confirmaret. Reliquas Angeli Domini siue Dei in humana specie


feu figura apparitiones breuitatis studio prætermittō. Illud dūtaxat vñum addam hoc loco, concurrisse eodem tempore ad Christum adumbrandum duos typos naturæ admodum diuersæ, Angelos & Mosē, quorum illi diuinitatem, iste humanitatem præcipuè repræsentarunt.



DISPVATIO

VIGESIMA QVARTA

De Arg. XXXIV. Ex Esai. 2. 11. 17. *Exaltabitur
Dominus solus in die illa.*

- I.  ARGVMENTVM est eiusmodi. Solus Dominus (Iehoua) exaltabitur in die illa. Christus exaltabitur, & quidem maximè, in die illa.

Christus igitur est Dominus, Iehoua. Major est Prophetæ. Minor in dubium vocari nequit. Nihil potest responderi, nisi per *diem illam* tempus denotari, quod Christi natiuitatem antecessit. Hoc verò falsum esse ex eo manifestum est, quod huius cap. 2. visionem Prophetæ orditur à designatione temporis, *Et erit, inquit, in nouissimis diebus &c.* Quinam autem sunt nouissimi dies, nisi tempora Messie? Deinde continuò prædicit vocationem gentium *¶. 2. & 3.* Deinde pacem illam, quam nobis Christus dedit, ijs verbis describit, quibus solet à Prophetis describi *¶. 4.* Tum prædicit Iudæorum reiectionem *¶. 6.* Ac tandem iudicium Dei, quo omnem hominum sublimitatem *¶. 10.* omnemque idololatriam *¶. 18.* prorsus abolebit, iisdem ferè verbis prædicit, quibus illud cum ipse Christus Luc. 23. 30. tum eius Apostolus Iohannes Apoc. 6. 15. 16. prædixerunt.

I I. Ad Prophetæ testimonium accedit ipsa experientia, quæ clamat nondum impletum esse hoc Esaiæ vaticinium. Nondum

enim abolita est omnis idololatria. Nondum depressa est omnis hominum altitudo. Nondum exaltatus est Dominus solus. Nunquam autem Deus exaltabitur nisi cum exaltabitur Christus. Itaque, aut Dominus nunquam exaltabitur solus, aut Christus idem est Dominus, hoc est, Ichoua.


III. Similis locus extat ps. 148. 12. *Iuvenes & virgines, senes cum pueris, Laudent nomen Domini, quia exaltatum est nomen eius solius.* Pertinent autem psalmi ultimi præcipuè ad vltima tempora, aut etiam ad vltimum diem, quo demum Regis & iudicis omnium Christi nomen ita exaltabitur, vt ei se flectat omne genu cœlestium, terrestrium & infernorum, adoreturque ab Angelis, & quidem omnibus. Quomodo igitur tunc solum, vel solius Domini nomen exaltabitur, si Christus non est Dominus? Porro Dominus heb. est Ichoua.



DISPUTATIO

VIGESIMA QUINTA

De Arg. XXV. Ex Esai. ix. 6. *Puer enim natus est nobis, Filius datus est nobis &c.*

I. UPERIORI loco subjungo celeberrimum illud, qui habetur Esai. ix. 6. *Puer enim natus est nobis, Filius datus est nobis, & factus est principatus super humerum eius, & vocabitur nomen eius, Admirabilis, Consiliarius, Deus fortis, Pater æternitatis, Princeps pacis.* Ex quo hic argumentor. Deus fortis est præditus essentia diuina.

Christus est Deus fortis.

Christus igitur est præditus essentia diuina. Major nulla instantia potest infirmari. Minor est ipsius Prophetæ. Conclusio

Cc. 3.

igitur non potest negari.

I I. Respondet Socinus nihil, nisi, *non absolute nomen Deus esse ibi positum, sed cum adiecto fortis*. Primum autem hoc nihil facit ad argumentum nostrum soluendum, cuius medius terminus non est nomen *Deus* absolute, sed cum ista adiectione *fortis*. Hoc enim elogium *Deus fortis* Deo Israël tribuitur aliquoties in Scriptura, ut Esai. 10. 21. *Reliquia conuertentur, reliquia Iacob ad Deum fortem*, quo loco *Deus fortis* idem valet quod *Deus Israël*; Angelo verò non tribuitur, nisi ei, qui Iehoua appellatur; nec homini, nisi ei, qui Dei Filius est ab hominibus & Angelis adorandus. Deinde colorem aliquem haberet hæc responsio, si epitheton *fortis* aliquomodo frangeret, aut debilitaret, aut minueret, aut mutaret vim & significationem nominis *Deus*. Nunc autem eam non minuit nec mutat, non magis certe quam similia adiecta, magnus, viuens, iustus, seruator &c. Immo contrā eam auget: solet enim tunc nomini Dei adijci, cum *Deus* describitur magnificentissimè, ut Deut. 10. 17. & Nehem. 9. 32. *Deus magnus, fortis, & terribilis*. Ierem. 32. 18. *Deus magnus & fortis, Dominus exercituum nomen eius*. Hoc usque adeo verum est, ut etiam nomini Iehoua adjungatur ad maiorem emphasim. Vt ps. 24. 8. *Quis est iste Rex gloria? Dominus fortis & potens, Dominus potens in prælio*. Sic enim distinguitur verus *Deus* ab idolis, quibus nomen Dei tribui solet, virtus & potentia non potest. Nihil enim boni malie facere possunt cultoribus suis.

Ref. 2.
Resp. I I I. Socinus suæ isti tam breui & futili responsioni, Duas alienas subjungit, vnam Iudæorum, alteram aliorum. *Vt interim*, inquit, *taceam, quod Rabbini appellationem istam vnā cum cæteris, quæ ibi recensentur, non ad Messiam referunt, de quo ibi aliqui vaticinationem esse concedunt: sed ad illum, qui eius nomen vocabit; nempe ad vnum illum Deum. In hebreo enim vocabit legitur, non vocabitur, ut habet vulgata editio*. Probatne igitur Socinus hanc Rabbiorum interpretationem? Non. *Hæc autem dico*, inquit, *non quòd interpretationem Rabbiorum probem in loco isto ab aduersariis allato*. Cur igitur eam attulit? *ut*, inquit, *eò magis appareat, non esse certam probationem, quam inde illi sumunt*. At, si falsā est, cur incertam facit nostra ex hoc loco probationem? si vera est, cur eam Socinus non probat? Est igitur hæc Rabbiorum interpretatio, ne ad eam confugere possint Aduersarij, paucis refellenda.

IV. Non dicam hanc interpretationem esse quorundam Rabbinorum recentium inuentum. Non dicam eam ab odio eorum in Messiam profectam esse. Non dicam verbum ויקרא, si consonas spectes, æquè legi posse *Vékare & vocabitur, ac Vajkra & vocabit*: Non esse autè puncta subjecta paris antiquitatis & auctoritatis cum consonis: Sed dicam in Scriptura, cum de nomine imponendo agitur, perpetuò post שם *nomen* poni nomen vocati, nunquam vocantis: hoc enim, si exprimitur, semper præcedit, nunquam sequitur. Id quod inductione omnium locorum in quibus verbum קרא iungitur cum שם vel שם את perspicuum esse potest. Huic regulæ generali opponunt instantiam ex Esai. 45. 3. quo loco post בשם הקורא sequitur ישראל אלהי, nomen vocantis, sed perperam: dissimilis enim est cum constructio, tum sensus. Constructio quidem: Nam Esai. 9. שם regitur à verbo יקרא: Esai. verò 45. non regitur à verbo הקורא nisi mediante præpositione ב. Sensus verò: Nam שם vel שם את est nomen imponere, & קרא בשם est vocare nominatim, siue expresso nomine. Non solet autem expresso nomine vocari Deus ab homine nisi ut inuocetur, nec homo à Deo, nisi ut ad munus aut rem aliquam faciendam vocetur. Potest etiam obseruari alia constructionis dissimilitudo. Nam Esai. 45. 3. nomen *Deus Israel* construui debet non cum verbo *voco*, sed cum antecedente *scias*, ut patet ex particulis, *ut, quod*: Sensus enim est, *ut scias quod ego Dominus, qui te nomine tuo voco*, sum *Deus Israelis*. Hic verò Esai. 9. 6. nomina *Adminibilis, consiliarius* &c necessariò construenda sunt cum verbo *vocabitur*: aliud enim verbum à quo regantur, nullum est.

V. Ad hoc primum argumentum accedit secundum. Nam immediatè post verba, *vocabitur nomen eius*, oportuit nomen illud exprimi. Id enim & perpetua Scripturæ consuetudo flagitabat, & ipsa ratio, alioquin enim maneret & suspensa sententia, & frustratus auditoris, vel lectoris, animus; qui cum audit aut legit, & *vocabitur nomen eius*, expectat ut nomen illud quale sit futurum exprimatur.

VI. Sequatur & tertium argumentum. Causa enim nulla erat cur imponentis nomen seu vocantis subjicerentur nomina & elogia, cum de eo non ageretur propriè. Contrà causa erat cur vocati seu vocandi nomina subjungerentur, cum in eo describerentur.

do versaretur Propheta, vt ex antecedentibus & sequentibus verbis manifestum est.

V I I. Præterea, vel Propheta nomen exprimit quo erat appellandus Filius, vel non exprimit. Hoc dici non potest. Nam, & se nomen illud dicere velle præ se fert, cum ait, & *vocabit*, siue *vocabitur nomen eius*, & alioqui digna non esset Prophetæ sententia. Quis enim nesciebat futurum esse, vt aliquo nomine appellaretur? Si igitur nomen eius exprimit, vel illud est totum quod sequitur, *Admirabilis, Consiliarius, Deus fortis, Pater aternitatis, Princeps pacis*, vel ex his elogijs vnum aliquod. Si prius, falsâ est Rabbînorum interpretatio. Si posterius. Velest primum nomen, vel medium, vel vltimum. Non dicent medium; Nam, & illud est *Deus fortis*, & qui elogio medio describitur, is sine dubio describitur etiam extremis: Nec primum, aut vltimum: Quis enim non videt illis omnibus elogijs eundem describi, ad quem vnum refertur, ad eundem reliqua referri? Estne aliquid, quo doceas, duas esse descriptiones, vnâ vocantis, alteram vocandi, & quot, quibusque elogijs vterque describitur, inter noscas? Exempli causa, si refertur vltimum ad Filium, cur non etiam penultimum? Si penultimum cur non antepenultimum? Haud enim decet nos in Scripturis interpretandis versari temerè, ac cæcorum instar sine luce, sine ratione. At, inquit fortè aliquis, debuit etiam eius, à quò sic erat appellandus, nomen exprimi. Cur? Annon enim sic debuit appellari à Deo Patre, ab Angelis, & ab hominibus? Deinde si de impositione nominis agitur, nonne facilè patens subintelligitur? Huius enim certè est Filio nomen imponere. Denique quis non videt, neque sic vnquam Deum Patrem describi in Scriptura, & prima illa elogia *Admirabilis, Consiliarius*, maximè propriè conuenire Filio Dei?

V I I I. Addit Socinus tertiam interpretationem. *Multi, inquit, verba ista. Deus fortis, ex hebræo aliter legunt, videlicet, Fortis heros, vel, conuerso ordine, Heros fortis. Probatne an improbet, non significat. At quid illi est Heros? Num, vt loquitur Lucianus, ὁ μὴτε ἀνδραγαθὸς ἐστὶ, μὴτε θεὸς, καὶ συναμφοτέρω ἐστι* Solus Christus est eiusmodi, vel, è simul & Deus & homo; Alioqui nomen est alienum à Scriptura, & quod potius respondeat hebræo גִּבּוֹר quàm אֱלֹהִים. Est enim nomen אֱלֹהִים in singulari numero proprium Dei, quodque nunquam de creatura vsurpatur, nisi fortè

Ref 3.
Resp.

fortè Ezech. 31. 11. quo tamen loco & in multis exemplaribus plenius scribitur inferto , , & non ponitur absolutè, sed cum adjecto **גוֹי** *gentium*, quæ limitatio vim eius aliquo modo minuit. Aut igitur aliquo exemplo doceant Aduersarij nomen **אֵל** singulariter & absolutè, aut cum adjecto **אֵל גִּבּוֹר** de eo vsurpari qui non sit vnus ille Deus, Aut fateantur Christum, cum sit **אֵל גִּבּוֹר** *Deus fortis*, cumque illud elogium sit illius nomen, esse cum Patre illum vnum Deum.

IX. Potest etiam ex sequenti elogio duci argumentum, Quomodo enim potuit Filius appellari *Pater æternitatis*, si nihil nisi homo fuit recens natus? Nam seu Pater æternitatis sit Pater æternus, quomodo puer dici potest Pater æternus, si nihil est nisi puer? Seu Pater æternitatis sit fons & autor æternitatis, quomodo id tribui potest puero, in quo nulla natura præter humanam recens productam ac mortalem agnoscitur? Respondent per æternitatem significari futurum seculum. Vnde id colligunt? ex vocabulo quo Propheta vsus est? Non. Illud enim est **עַד**: quod æquè æternitatem à priori ac à posteriori, vt loquuntur, significat. Itaque apud hunc ipsum Prophetam Deus dicitur habitare **עַד** æternitatem, & apud Habacuc montes quidam dicuntur montes **עַד** æternitatis seu æterni. Nec vllus occurrit locus, vbi per se seu absolutè positum, vt hoc loco, futurum seculum præcisè significet. Num igitur id colligunt ex eo, quod Filius non potuit Pater æternitatis dici habita ratione temporis, quod eius durationem anteceffit? At cur non potius ex istis attributis *Deus fortis*, *Pater æternitatis*, colligunt, Filium non merum hominem esse, sed Deum in vera carne humana apparentem ad homines seruandos? Nam qui potest is, qui natura sua nihil nisi homo est, reuera Deus fortis Paterque æternitatis esse? At nihil prohibet, quominus is, qui est naturâ sua Deus fortis & Pater æternitatis, patefaciat sese in carne seu natura humana, vt varijs apparitionibus sub Vetere Testamento Deus olim testatum fecit. Reuera *Pater æternitatis* elogium est ipso Deo dignum, & quo nullum videtur cogitari posse augustius ac diuinius.

X. Sed esto, sit æternitas hoc loco futurum seculum. Nonne futurum seculum multis partibus præstantius est seculo præsentis vel præteriti? Plus igitur est esse Patrem futuri seculi quam præsentis aut præteriti. Ita Relinquetur soli Deo quod minus

est, quod verò multò plus est id tribuetur homini tantum homini. Sed quid tandem, Christum esse Patrem futuri seculi, significat? Respondet Socinus, significare, Christum esse, ut alibi vocatur, principem & auctorem vitæ. nempe æternæ, quæ futura est: non autem esse Patrem omnium nostrum. Primum igitur per æternitatem intelligunt futurum seculum, Deinde per futurum seculum vitam æternam. Verum vitam æternam, ut loquuntur, in abstracto, an in concreto? opinor, in abstracto; alioqui Pater diceretur omnium nostrum, siquidem omnes vitæ æternæ compotes sumus. Quod mirum est, dici Patrem vitæ æternæ, & tamen non dici Patrem eorum, qui habent vitam æternam ab ipso communicatam? Dicit Ecclesiam matrem omnium nostrum, & tamen non dici maritum seu sponsum Ecclesiæ Patrem omnium nostrum! Adicit Socinus, Et, si esset, non satis esset. Aliud est enim, esse Patrem omnium nostrum, aliud verò, esse Patrem omnium. Qui enim est pater omnium, non nostrum modo omnium, sed omnium etiam Angelorum, & ipsius Christi est pater. Hic autem solus Deus pater est; nec ullus alius esse potest. Quid? potest ne dubitari quin sit Pater omnium Angelorum, cum per eum, teste Apostolo Col. 1. 16. creata sint omnia, quæ in cælis sunt & quæ in terra, visibilia & invisibilia, siue throni, siue dominationes, siue principatus, siue potestates, omnia per eum & in eum creata sint, & ipse sit ante omnia, & omnia per ipsum consistant? Decet ne Christi sanguine redemptos gloriam & elogia Christi, quantum possunt, minuere & angustis limitibus circumscribere? Cæterum non posse Christum dici Patrem omnium, nisi sit suimetipsum Pater, miror excidisse Socino. Cur enim æquè dici non possit pater omnium, ac dicitur Dominus omnium Act. 10. 36. omne genu illi curuatum iri Phil. 2. 10. per eum omnia facta fuisse Ioh. 1. 3?

XI. Denique nullus est vaticinij commentarius ipso euentu melior. Atqui vocatur Filius, Deus fortis & Pater æternitatis, non modò eo sensu parco & restricto quem excogitarunt Aduersarii, sed isto etiam ampliore & angustiore, qui diuinam arguit essentiam, & nominum illorum maiestati responderet. Vocatur, inquam, non à paucis quibusdam, & quodam seculo, sed ab omnibus fere, quæ quot vbique terrarum proficentur religionem Christianam, magno consensu, omnibus seculis. Ex quo veritas ac diuinitas huius prophetiæ elucescit. Quippe cui euentus

jam per tot secula ad amissum responderet, & ut spero, responderet in æternum.



DISPV TATIO

VIGESIMA SEXTA

De Arg. XXVI. Ex Esai. 42. 8. & 48. 11. *Gloriam meam alteri non dabo.*

I. **R**OTESTATUR Deus apud Esaiam cap. 42. v. 8. & cap. 48. v. 11. *se gloriam suam alteri non daturum.* Quid proclivius, quàm inde concludere, aut Deum qui sic loquitur esse Christum, aut certè Christum non esse alterum, sed eundem cum eo Deum? Syllogismus sic potest concipi, Deus non dedit gloriam suam alteri. Atqui dedit gloriam suam Christo. Christus igitur non est alter, sed idem cum ipso Deus. Ref. r.
Resp.

II. Tres affert Socinus responseiones. Prima sic habet. *Respondemus, inquit, satis ex eodem loco constare, quid alterius nomine Deus intelligat. Illico enim addit, nec laudem meam sculptilibus. Loquitur igitur Deus, sub nomine isto, de ijs, qui cum ipso nihil commune habent: & quibus si gloria & laus aliqua tribuatur, ea ad ipsum Deum non refertur, sed contrà tantumdem gloria & laudis ipsi auferatur: cuiusmodi sunt sculptilia, non autem dicit Deus, se suam gloriam cum nemine à se omnino dependente sibi subornato communicaturum. Sic enim nihil ipsius gloria decedit; cum ad ipsum quidquid gloria talis ei subordinatus habet prorsus referatur. Immo eius gloria augetur, cum consideratur, illum & potuisse & voluisse cum aliqua re creata, ex summa potestate ac benignitate sua, communicare suam gloriam.* Primùm ista responsio *alterum* siue *Alium* ita interpretatur, ut non sit alter siue alius quicunque dependet à Deo, eique est subordinatus. Quæ novæ est vocabuli illius

acceptio, probanda aliquo exemplo. Ita nulla creatura, quatenus creatura, erit alia à Deo: dependet enim omnis creatura à Deo, eique subordinatur: Nullus etiam subditus fidelis erit alius à Rege, cui subest, & à quo dependet: Nec effectum erit aliud à causa; pendet enim omne effectum à sua causa: nec quicquam erit in hoc mundo inferiori, quod sit aliud à coelo vel sole; Quaecunque enim in hoc mundo inferiori extant, ea dependent à coelo & sole, eique subordinantur. At Deus Esai. 42. 8. addit, *Nec laudem meam sculpsitibus*. Primum id non addidit Esai. 48. 11. Deinde nihil est prorsus unde concludi possit, nihil esse significatum voce *Alteri*, quod non sit significatum voce *sculpsitibus*. Sic loquitur Christus apud hunc eundem Prophetam cap. 50. 6. *Dedi corpus meum percutientibus, & genas meas vellicantibus*, ineptiret qui inde colligeret, nihil significare in illis verbis, aut corpus nisi genas, aut percutientes nisi vellicantes. Quid? Ex hac tam solenni Dei protestatione, *Ego non dabo gloriam meam alteri*, non poterit colligi, Ergo Deus non dabit gloriam suam Angelis, non dabit gloriam suam hominibus, non dabit gloriam suam antichristo &c. Sed sola excludentur Sculpsitilia? Agnoscant igitur Aduersarij alterius significationem latius patere quam sculpsitum.

III. Adde quod fieri non posset, ut Deus daret gloriam suam sculpsitibus, quin eo ipso Sculpsitilia dependerent à Deo eique subordinarentur. Esto enim sculpsitile comparatum ad repraesentandum Deum, aut Christum, aut Angelum, aut Apostolum Christi, & huic det Deus gloriam suam, nonne omnibus modis pendebit à Deo, eique subordinabitur, seu materiam eius spectes, seu formam, seu consilium hominum, seu Dei voluntatem? Ita profecto est, faciunt Aduersarij ista sua responsione hanc Dei protestationem tam solennem, prorsus inanem & nullam. Implicat enim contradictionem, Deum dare gloriam suam alteri ab ipso non dependenti aut ipsi non subordinato. Cuiusque enim alij rei ponatur Deus dedisse gloriam suam, ea res erit creatura Dei. Omnis autem creatura dependet à suo creatore, & suo creatori subordinatur naturâ suâ. Deinde eadem subordinabitur Deo ratione illius gloriæ sibi à Deo communicatæ, & hoc ipso quod ob gloriam illi à Deo datam coletur, coletur etiam illius gloriæ dator Deus. Immo Dei gloria augebitur, cum considerabitur illum & potuisse & voluisse cum aliqua re creatâ, quæcunque

tandem illa sit, *ex summa potestate ac benignitate sua, communicare suam gloriam*. Ponamus igitur Deum dedisse gloriam suam Beatæ Virgini, aut Petro Apostolo, aut Angelo Gabrieli, aut alicui homini nunc in terris agenti, aut alicui imagini, aut alicui alij rei, nihil fecerit huic suæ protestationi repugnans, ac nihilominus verè dicitur non dedisse gloriam suam alteri. Dicam aliquid amplius, nullus est vsque adèd impius, aut hostis Dei, cui si Deus ponatur dedisse (id quod nobis videtur impossibile) gloriam suam, hoc est, nomen suum & virtutes, Spiritum Sanctum absque mensura, omnes thesauros sapientiæ, iustitiam quæ sit idonea ad iudicandum mundum, vitam quæ possit mortuos viuificare, omnem plenitudinem deitatis &c, is eo ipso non mutetur, & fiat amicus Dei, Deo subordinatus. Est igitur hæc responsio insulsa.

I V. Itaque ad alteram confugit Socinus, *Adde*, inquit, *quod ex iisdem verbis*, nec laudem meam sculptilibus, *apertè colligitur*, *verbum Dandi*, hoc loco, *non veræ dationis, sed permissionis tantum significationem habere*, ut etiam alijs in locis, nominatim *verò psal. 15* in illis verbis, nec dabis sanctum tuum videre corruptionem. Cui enim dubium esse potuisset unquam, ne Deus propriè loquendo, suam laudem sculptilibus esset daturus, id est, eam cum ipsis sua sponte communicaturus? Non negat igitur Deus, se sua sponte cum alio suam gloriam communicaturum sed ait, se non permissurum, ut cuiquam à se alieno sua gloria tribuatur. Sed Primum exemplum desidero, quo verbum Dandi, cum non sequitur infinitivum, aut aliud verbum eius significationem limitans, doceatur, non veræ dationis, sed permissionis tantum significationem habere. Nullum enim mihi succurrit. Quis enim cum audiat has phrasas, dare panem, dare aquam, dare pecuniam, dare gloriam, nihil nisi permissionem cogitat? Deinde, Ratio quam affert tam permissionis significationem, quàm dationis oppugnat. Nam, si nemini dubium esse potuit unquam, ne Deus suam laudem sculptilibus esset sua sponte daturus, certè nemini etiam dubium esse potuit unquam, ne sculptilia Dei laudem ipso inuito & renitente sibi vendicarent. Quàm enim illud pugnat cum Dei sapientia, tam istud pugnat cum eius potentia. Sed reuera illa ratio nulla est: omnes enim sculptilium cultores sibi persuadent, Deum cum illis sculptilibus, quos colunt, gloriam suam aliquomodo communicasse; alioqui ea non putarent cultu religioso digna.

Ref. 2.
Resp.

V. Præterea quoties negatio præfigitur verbo Dandi, toties, si negatur permissio, negatur etiam, immò fortius, datio; ut patet ex loco laudato ps. 16. Nam si eo loco Deus negat, se permissurum ut sanctus suus corruptatur, multò magis negat, se eum corrupturum. Stigitur negat hoc loco se permissurum ut alter habeat gloriam suam, multò magis negat se alteri gloriam suam daturum. Alioqui huiusmodi propositiones magis falsæ essent quàm veræ: propriè enim loquendo falsæ essent, improprie tantum veræ: Atque horum verborum, *Non dabo gloriam meam alteri*, sensus esset, Ego dabo gloriam meam alteri, sed non permittam ut alter gloriam meam habeat, qui sensus non modò verbis esset contrarius, sed ipse secum pugnaret.

VI. Huc accedit quod sumendo verbum Dandi sensu positivo, ut significat dationem, verissima est propositio Dei, *Non dabo gloriam meam alteri*. Nullus enim vnquam exiit aut erit, cui Deus dederit aut daturus sit gloriam suam, vel ad momentum, præter vnum Christum, quem contendimus alterum non esse, & nisi vehementer fallor, certis argumentis probamus. Sensu verò permissiuo si verbum Dandi accipitur, propositio haud æquè vera videtur, passus enim est Deus jam inde à mundi initio, vsque ad hoc tempus, ut diabolus diuinos sibi arrogaret honores, & idola ac sculptilia religiosè colerentur à plurimis gentibus.

Ref.
Resp.

VII. Tandem confugit Socinus ad tertiam Responzionem? Præterea, inquit, *quidquid gloriæ Deum Christo dedisse, & ad quamcumque sui aequalitatem eum euexisse dicamus; agnoscimus tamen, gloriam, quæ ipsius Dei propria est; Christo ab ipso nec datam nec permissam fuisse. Ut scilicet, Christus omnis salutis omniumque bonorum primus auctor & fons habeatur. Sibi enim hanc gloriam Deum integram penitus reseruasse affirmamus*. Egregia responso! Quasi verò Deus negaret his duobus Esaiæ locis se daturum alteri istam suam gloriam, quòd sit primus auctor & fons salutis & omnium bonorum, quam gloriam sole meridiano clarius est, aded alteri communicari non posse, ut sese ipsa eius datio apertissima contradictione implicet! Quis vnquam talem gloriam tribuit sculptili? Aut putauit alteri dari posse à Deo? Aut non videt implicari contradictionem si dicatur dari? Quomodo enim maximorum bonorum ab alio sibi benignè datorum acceptor, posset esse primus auctor & fons seu dator omnium bonorum? Facit

igitur hæc responsio Deum frustrâ, sine occasione, sine fructu, bis id clamantem & sanctè affirmantem, quoad à nemine in dubium aut vocatum est, aut vocari potuit vnquam. Deinde vocis gloriæ significationem ita restringit, vt non putem vllum extare Scripturæ locum, in quo ita restrictè & circuncisè accipi debeat.

VIII. Sed missa ista responsione, quæ vix digna videtur vlla refutatione, consideremus quo consilio id Deus pronunciare voluerit. Esai. 42. 8. Hoc dixit Deus, cum de Christo loqueretur, vt patet ex versibus antecedentibus & consequentibus, quorū sum? Nisi, ne putaretur Christus à Deo ibi loquente tota essentia diuersus, sed potius vnus idemque cum eo Deus? Id quod potest colligi ex *W.* sequente, *Priora ecce venerunt, & nunc ego annuncio* &c. Cuius enim fuit noua annunciare, nisi Christi, qui est *ὁ λόγος*? Nec non ex *W.* 13. *Dominus sicut fortis egredietur, & sicut vir bellicosus excitabit Zelum, vociferabitur, & clamabit, super inimicos suos roborabitur.* Quis enim sicut vir fortis & bellicosus egressus est, vt aduersus omnes Dei & Ecclesiæ hostes pugnaret? Quis eos omnes vicit? Quis rursus egredietur, vt eos aboleat, & perdat in æternum? Is profectò est Christus, teste toto Euangelio. Nec obstat nomen Domini seu Iehouæ, quo apud Esaiam appellatur. Id enim nomen conuenire Christo, & jam aliquoties probauimus, & ex professo probaturi sumus hac sectione, Deo dante, ad locum Ierem. 23. 6.

IX. Cur etiam illud addit, & *laudem meam sculptilibus*, nisi vt idololatriis, & sculptilium cultoribus omnem excusationem adimat? solent enim idololatræ, præsertim Noui Testamenti temporibus, facto suo obtendere Dei voluntatem, qui scilicet rebus illis, quas colunt, gloriâ suam aliqua ex parte dederit, easque ea ratione fecerit adoratione vel veneratione dignas. Quem colorem Deus, de tempore Noui Testamenti verba faciens, vt illis detrahat, clamat & inculcat, se non esse gloriâ suam alteri daturum: Ac proinde non esse audiendos eos, qui beatam Virginem, vel Sanctos mortuos, vel Angelos, vel sculptilia, vel aliam vllam rem, quæ non sit Deus, hoc obtentu colunt, quasi Deus illi gloriâ suam de diffet. Hoc si non admittunt, Aduersarij, dicant igitur nobis, quo consilio Deus id clamauit, & inculcat, & quem vsum id habere possit, aut debeat?

X. Eſaiæ autem 48. 11. locus ſic habet, *Propter me, propter me faciam, ne prophaneſcat nomen meum, & gloriam meam alteri non dabo.* Loquitur deliberatione è carnali & ſpiritali Babylo-
ne. Vel igitur ſignificat, ſe id faſturum propter ſe duntaxat, non
autem propter populi ſui, (cuius incredulitatem & cordis duri-
tiam eo loco exaggerat) aut alterius alicuius, iuſtitiam vel merita;
Hanc enim gloriam ad ſe vnum pertinere, ac ſibi ſoli reſeruari
oportere, vt ſit ſimul, & is qui ſeruat, & is propter quem ſeruat:
quæ gloria ad Chriſtum maximè propriè pertinet. Vel, ſi id non
ſignificat, dicant nobis, quæſo, Aduerſarij, quæ ſit Dei ſenten-
tentia eo loco. Quamcunque enim aliam excogitauerint, ea, ni-
ſi vehementer fallor, aut non congruet cum verbis Dei, aut pu-
gnabit cum illis tribus Socini reſponſionibus, quas jam reſutau-
imus.

XI. Cæterum cum Deus teſtatur, ſe gloriam ſuam alteri non
daturum, nemo eſt, opinor, qui non intelligat gloriam ſitam tum
in laude, honore, cultu, adoratione, Deo debitis, tum in virtuti-
bus glorioſiſſimis, ob quas cultus eiufmodi Deo debetur. Quod
obſeruo, ne quis nobis objiciat quosdam Scripturæ locos, in qui-
bus Deus dicitur credentibus in Chriſtum gloriam ſuam daturus,
hoc eſt, ſalutem ſeu vitam æternam, quæ gloria Dei vocatur,
quoniam, & præſtantiffima eſt, & Deus eſt illius autor, & dator.



DISPUTATIO

VIGESIMA SEPTIMA

De Arg. XXVII. Ex locis Exod. 20. 3. Eſai. 43. 2.
& 44. 6. & 45. 5. 14. 21. 22. & 46. 9. &c. in quibus
Deus Iſraëlis, aut vetat alium haberi pro
Deo, aut negat eſſe alium Deum.

I. **O**MNIA iſta loca, & ſimilia, ſi qua ſunt, viſum eſt in
hanc vnā diſputationem conferre, quòd eandem ferè
vim probandi habeant. Ex primo decalogi præcepto, *Non ha-
bebis*

bebis Deos alienos coram me, hoc duco Argumentum.

Nullus Deus habendus est pro Deo præter Deum Israël, auctorem legis.

Atqui Christus habendus est pro Deo. Christus igitur est Deus Israël. Minor est in confesso. Major nititur illo præcepto, quod Aduersarij in sua Catechesi his verbis exponunt, *Quid verò hoc præceptum continet? Hac duo: Primum, quod Deus pro nostro Deo habendus sit, & is diuino cultu & honore à nobis sit afficiendus. Deinde, quod nullus alius præter eum sit pro nostro Deo habendus, nec diuino cultu & honore afficiendus.* Similiter Crellius, *Non erit tibi Elohim (id est Dij) alij, hoc est, Non erit tibi Deus alius* Optimè: In textu enim hebræo, non est *אֱלֹהִים* aut *אֱלֹהִים אֲחֵרִים* alienos, sed *אֱלֹהִים* alios.

II. Argumentum videtur insolubile. Conantur tamen aliquid respondere. Catechesis ipsorum hanc quæstionem proponit, *Ea verò additione quod Christum pro Deo agnoscere, & eum cultu prosequi diuino teneamur, nonne hoc præceptum prorsus immutatur?* Respondet, *Nequaquam ipsum præceptum immutatur: omnis enim qui Christo exhibetur cultus in Dei Patris gloriam redundat. Verùm ipsius ratio & modus non nihil immutatus est. Etenim ante Christum immediatè tantum, at sub Christo etiam mediatè Deus colitur.* Sed hæc responsio ipso præcepto refellitur. Nam cum Deus vetat alium haberi pro Deo diuinoque cultu affici, vetat eo ipso se coli mediante cultu alterius Dei.

III. Addit, *Præterea cum ea lex vetet, ne deos alienos habeamus coram Deo. Christus verò Deus alienus non sit; sed in eo ipso cultu, qui ipsi exhibetur, Deo sit subordinatus, apparet legem nullo modo mutari, cum subordinata non pugnent.* Si nititur voce alieni, pugnat ipsa secum, & cum textu hebræo, ut jam ostendi, & cum officio hominis pij, cuius est legem Dei summa cum fide & reuerentia tractare, neque eius verba aut mutare, aut parte significationis mutilare. Dat etiam latebram idololatris, in quam se conijciant si hoc præcepto vrgeantur, colere enim se alios quidem Deos fatebuntur, at non alienos. Nescio etiam an Deus non modò numero, sed specie, immò toto genere, immò plusquam genere differens à Deo Israël, non debeat aut possit pro alieno haberi?

IV. Responsio igitur est, Deum Israël prohibere hoc præ-

cepto, ne habeamus alios Deos ipsi non subordinatos, non verò ne habeamus alios Deos, modò sint ipsi subordinati, & cultus eorum in ipsius gloriam redundet. Quæ interpretatio primò nō vocis *alius* significationem ita decurtat, vt non sit alius quicumque est subordinatus. Si Rex ita subditos suos alloqueretur, Ego sum Rex vester. Non habebitis alium regem quoad vixero, eamque legem curaret æri incidi. Aut si maritus diceret vxori, non habebis alium virum me viuente. Num id accipiendum esset duntaxat de alio non subordinato? Eo etiam illa interpretatio refellitur, quod durante fœdere legali nullus fuit eiusmodi subordinationi deorum locus; sed debuit lex illa ab Israëlitis, quibus lata fuit, absque eiusmodi distinctione simpliciter accipi: consilium enim Legislatoris fuit, ne quem alium siue subordinatum, siue non subordinatum, pro Deo haberent toto illo tempore. Sensus autem legis qualis sit, ex eo maximè tempore intelligi debet, cum fertur, & cum viget maximè.

V. Præterea, Si primum præceptum recipit eiusmodi glossæ, causam non video, cur secundum præceptum non possit eodem modo accipi, *Non facies tibi sculptile* &c, Nisi quod sit mihi subordinatum, & cuius cultus in meam gloriam redundet, id quod erit latam portam aperire idololatriæ. Deinde eodem præcepto Deus se Zelotypum esse proficitur, quo elogio se marito comparat, populum suum vxori, cultum suum legitimæ viri & vxoris conjunctioni, cultum aliorum Deorum & simulachrorum adulterio: quæ similitudo ab ipso Deo per Prophetas exponitur multis locis: ac quàm maritorum tam deorum subordinationem excludit.

VI. His accedit, quod hoc primum præceptum morale est, ac legis naturæ, fundatum in vnitæte naturæ Dei. Cum enim plures dij nec sint, nec esse possint, siue subordinati, siue coordinati, perpetua est lex naturæ, plures Deos, siue subordinati siue coordinati dicantur esse, coli non debere. Iam autem plures naturas seu essentias diuinas non esse, nec esse posse, cum omnes confiteantur, etiam ipsi Aduersarij, nihil est opus vt probemus. Certè si plures esse possent, possent esse plures, immò innumerabiles dij, & cum in æternis idem sit esse & posse, reuera essent. Cum igitur implicet contradictionem esse eum verè & propriè Deum qui prædictus non est natura diuina, (tam certè quàm esse

verè & propriè hominem qui prædictus non est naturâ humana) Nec possint esse plures naturæ diuinæ propriè sic dictæ siue coordinatæ, vt dixi, siue subordinatæ, perspicuum est, falsam esse distinctionem & limitationem, quàm Aduersarij maximo isti mandato pro ingenio aptare frustra conantur, Non esse habendos alios deos, qui quidem scilicet non sint Deo Israëlî subordinati.

VII. Hic mirari subit acumen Aduersariorum, qui, cum negent duas esse naturas diuinas, contendunt tamen duos esse Deos verè & propriè sic dictos. Atque ita multiplicant Deos non multiplicata deitate. Deitas enim, opinor, est essentia Dei Multiplicant etiam attributa diuina, vitam, sapientiam, potentiam seu robur, autoritatem, cultum &c, & tamen non multiplicant naturam seu essentiam diuinam cuius sunt propria. Hæc tantum obiter attingo hoc loco, id enim vnum toto hoc libro querimus, vtri melius cum oraculis Scripturæ conueniat, nostræ an Aduersariorum sententiæ? Quæ autem cum Scriptura congruere reperietur, eadem sine dubio deprehendetur etiam rectæ rationi consentanea.

VIII. Instat VVolkelius, *Neque enim, inquit, Deus hoc præcepto potestatem sibi ipsi eripuit, eum, quem vellet, nobis præficiendi & honorem cum eo suum communicandi: cum hac ipsa imperij ac potestatis suprema, quam hoc præcepto sibi uni asseruit, pars sit maxima: sed populum tantum obligauit, ne is pro suo arbitrio diuinum cultum cuiquam exhiberet: hinc, inquam, non sibi, legem istam tulit.* Atqui omnis potestatis in cælo & in terra, summique in res omnes, se vno excepto, imperij, & virtutum diuinarum ad illud imperium exercendum necessariarum communicatio, absque communicatione essentiæ diuinæ, nobis videtur, Primum contradictionem implicare: Deinde pugnare cum declaratione voluntatis Dei se gloriam suam daturum alteri pernegantis: Tum etiam huic ipsi præcepto repugnare: ferendo enim hanc perpetuam legem, ne quem alium habeamus pro Deo, non obscurè significauit, se alium Deum nobis neque præfecisse, neque præfecturum vnuquam. Cum enim sic loquitur, vt eum hoc præcepto loquentem facit VVolkelius, *Ita me colas, vt omnes alios Deos valere inbeas. Is enim sum, qui riualet, pati ferreque minimè possum; ideoque fieri nullo pacto potest, vt una mecum alios Deos colas ac reuereris*, laus profectò significat, se nolle populum suum ad alium

Deum colendum vlllo tempore obligare. Denique; *non habebis alium Deum coram me*, &, *habebis alium Deum coram me*, si sunt opposita præcepta, si alterum euertit alterum, fatendum est, aut Christum non esse alium à Deo Israël's Deum, aut eius Euangelio primum & maximum & perpetuum legis naturæ & moralis præceptum fuisse abrogatum. Hoc cum sit absurdum, illud verum esse necesse est. Deus quidem certè legem populo suo, non sibi, tulit; sed si voluit ea lege populum suum perpetuò obligare, voluit etiam nihil vnquam facere, quod legi illi derogaret: &, si populus Dei tenetur omni tempore præceptum istud obseruare, tenetur etiam omni tempore alium nullum pro Deo habere, vel colere.

IX. Nunc alia loca percurramus, in quibus Deus Israël's negat vlllum alium esse, præter se, Deum. Esai. 43. 10. *Ante me non est formatus Deus, & post me non erit.* Quomodo hoc verum est, si Christus alius est ab eo, qui sic loquitur, & post eum formatus Deus? N. 11. *Ego sum, Ego sum Dominus, & non est præter me seruator.* Si nullus est Seruator, præter Deum Israël's, & Christus est maximè propriè loquendo Seruator, Certè Christus est Deus Israël's. Alioqui seposito discrimine originis, sine quo Patris & Filij distinctio nequit consistere, ita diuideretur Seruatoris nomen & gloria inter Deum Israël's & alium Deum, vt hic sibi Seruatoris nomen & laudem, tanquam magis propria, vendicaret. De nomine res clara est. Iesus enim Seruatorem significat. Ad rem quod attinet, hic vnus propriè venit vt seruaret peccatores. Quam ad rem si Sacerdote, sacerdotio, victima, & sacrificio opus fuit, is solus Sacerdos & victima fuit, & sacrificium, quo peccata nostra purgauit, obtulit. Si prædicatione Euangelij, is per semetipsum primò, deinde per Apostolos & legatos suos Euangelium annunciauit. Si victoria opus fuit, is solus & pugnavit & vicit. Si satisfactione, (quam necessariam prorsus fuisse, quicquid Socinus & Crellius reclament, mihi est certissimum) solus pro nobis satisfecit, & pretioso sanguine suo nos redemit. Si sapientia, si virtute seu potentia, si authoritate, si Charitate &c seruari nos oportuit, eas tantas Christus exeruit & exeret, vt maiores concipi animo nequeant. Si mortui & sepulchris excitandi sunt, & cum viuentibus iudicandi, suscitabit eos omnes & iudicabit Christus. Si Denique laus & honor & cultus, qui ipsi

debetur, ſpectetur, tantus eſt, vt maior eſſe non poſſit. Qui pote igitur verum eſt; nullum eſſe Seruatorem præter Deum Iſraëlis, ſi alius pluſquàm toto genere ab ipſo diuerſus Seruator eſt propriè immò maximè propriè, & quidem eius ſalutis reſpectu, quæ omnium maximè ſalus dici meretur? Quis credat Deum Iſraëlis, qui toties clamauit ſe Zelotypum eſſe, nec daturum gloriam ſuam alteri, & vtrita loquar, gloriatus eſt, præter ſe vnum, Seruatorem eſſe neminem, voluiſſe gloriam & nomen Seruatoris alteri tradere, & quidem in æternum.

X. Quid quod attentius introſpicienti hunc locum, qui in eo loquitur, Chriſtus eſſe videtur? Nam, ſi antecedentia verba ſpectes, ſcopus eius fuit, *vt ſciatis*, inquit, *& credatis mihi, & intelligatis quod ego ſum*. Idem fuit ſcopus Chriſti, *Nunc*, inquit Ioh. 13. 19. *dico vobis priuſquam fiat, vt poſtquam factum fuerit credatis quod ego ſum*. Et Ioh. 8. 24. *Si enim non credideritis quod ego ſum, morſemini in peccatis veſtris* &c. 28. *Tunc cognoscetis quod ego ſum*. In eum autem finem teſtes inſtituit auditores ſeu diſcipulos ſuos, *vos teſtes mei, dicit Dominus; & ſeruus meus quem elegi*. Chriſtus ſimiliter teſtes ſibi comparauit Iohannem Baptiſtam, Ioh. 15. Apoſtolos, & diſcipulos ſuos quos elegit Ioh. 15. 26. 27. Act. 1. 16. 20. 22. & 10. 41. Quod ſi quis nobis objiciat verbis illis, *& ſeruus meus quem elegi*, Chriſtum ſignificari, non valdè repugnabo. Nihil enim prohibet, eundem diuerſo reſpectu dominum ſuiipſius & ſeruum dici; Dominum quatenus eſt Deus, ſeruum quatenus eſt homo. Sic enim merus homo, quia conſtat ex animo & corpore, dicitur *animi imperio, corporis ſeruituti* vt, ac ne recedam à Scriptura, corpus eius cuius eſt pars, vocatur *tabernaculum* 2. Cor. 5. 4. & 2. Petr. 1. 13. 14. & *vas* 1. Theſſ. 4. 4. & in vnoquoque homine duo diſtinguntur homines, vnus internus alter externus, ille renouatur dum hic corrumpitur 2. Cor. 4. 16. & demique qui facit peccatum ſeruus peccati dicitur Ioh. 8. 34. Rom. 6. 16. minus certè propriè quàm ſi dicatur Chriſtus, quatenus eſt homo, ſeruus ipſius quatenus eſt Deus.

XI. Sequentia verba idem innuunt, *Ego annunciani, & ſeruauit, atque audire feci*. Conueniunt enim magis propriè Filio quàm Patri. Hic enim nec nuntius fuit, nec annunciauit & ſeruauit, niſi quatenus id feciſſe dici poteſt, quod Filius fecit. Sic porro annunciauit & ſeruauit, vt tamen à multis agnitus non fue-


rit. Id quod ex antecedentibus liquet, *ve sciatis, & credatis mihi, & intelligatis quod ego sum*: & sequentibus, *vos testes mei, dicit Dominus, quod ego sum Deus*. Hoc egregiè convenire Filio, cum ipfius Evangelium, tum experientia docet. Subnectit autem rationes duas, vnam ab antiquitate sua, alteram à potentia: *etiam, inquit, antequam dies effet, (vel, ex quo dies fuit) Ego sum, & non est qui de manu mea eruere possit. Operabor, & quis auertet?* posterior convenit Christo: habet enim omnem potestatem in cælo & in terra: nec non prior, vt probatum est superiore libro. Si igitur duæ istæ rationes bonæ sunt (Sunt autem sine dubio optimæ) necesse est Christum esse Deum, hoc est, præditum essentia diuina. Adde quod vix vnquam in Ecclesia vocata est in dubium Dei Patris aut diuinitas, aut antiquitas, aut potentia, vt ad eam probandam opus fuerit testibus & argumentis. Denique Hæc ipsa verba; *præter me non est Seruator*, cui melius conueniunt, quàm ei, qui est ita Seruator, vt *in alio nullo sit Salus*? Argumentum est huiusmodi. Ille in quo est salus, cum in alio nullo sit salus, est Seruator præter quem nullus est seruator. Christus est ille in quo est salus, cum in alio nullo sit salus, testibus Petro & reliquis Apostolis Act. 4. 12, *Ego Christus est ille Seruator, præter quem non est seruator*.

XII. Similia loca sunt multa apud hunc Propheam Esai. 44. *Ego sum primus, & ego sum nouissimus, & præter me non est Deus, & X. 8. vos estis testes mei. Nunquid est Deus præter me?* Et Esai. 45. *X. 5. Ego Dominus & non est amplius: præter me non est Deus. Et X. 7. Ego Dominus, & non est alius & X. 14. tantum in te est Deus, præter quem nullus est Deus. & X. 18. Ego Dominus, & non est amplius Deus præter me, Deus iustus & saluans non est præter me? & X. 22. Respiciate ad me, & salus eritis omnes fines terra, quia ego sum Deus. & non est amplius. Et Esai. 46. 9. Ego sum Deus, & non est ultra Deus, & nihil est mihi simile, Quorsum toties affirmat, clamat, inculcat se Deum esse, & præter se nullum Deum esse, & quidem cum loquitur de tempore N. Testamenti, si tempore Noui Testamenti firmiter credendum est præter ipsum alium esse Deum tota natura ab ipso diuersum, nempe Christum, naturâ seu essentia nihil nisi hominem?*

DISPUTATIO

VIGESIMA OCTAVA.

De Arg. XXVIII. Ex Esaia 43. 24. *Servire me fecisti in peccatis tuis &c.*

I.  ERPENDAT etiam apud se pius lector, quis hoc eodem c. 43. 24. sic loquatur, *Non emisisti mihi argento calamus, & adipe victimarum tuarum non inebriasti me: verumtamen servire me fecisti in peccatis tuis*, (heb. כְּחַטֹּאתַי quod verti potest *propter peccata tua*, vt Gen. 29. 18. *Serviam tibi septem annis כְּרֶמֶץ propter Rachel*) & laborare me fecisti in iniquitatibus tuis. Is enim, si Prophetam audis, est Dominus, Iehoua, vt patet ex N. 16. si rem spectes, quam sibi ipse tribuit, ea proprie & כְּרֶמֶץ דָּוִד Christo conuenit, Patri non item. Non enim formam serui sumpsit, non seruiuit Pater, sed Filius, eoque suo seruitio seu obedientia peccata nostra deleuit. Hinc possumus ita argumentari.

Ille qui propter peccata fidelium seruisse & laborasse dicitur Esaï. 43. 24. est Dominus (Iehoua) Deus Israël. Christus est ille qui propter peccata fidelium seruisse & laborasse dicitur Esaï. 43. 24.

Christus igitur est Iehoua seu Deus Israël. Major patet ex textu Prophetæ. Minor ex toto Euangelio: Docet enim, vt iam dixi, Non Patrem, sed Filium, in peccatis nostris, vel propter peccata nostra, reuera seruisse, eaque ratione nos redemisse.

II. Responderi potest, seruiendi verbum apud Prophetam accipi non proprie, sed figuratè. An ita sit, sepositis præiudicijs, inquiramus. Primum autem mihi explicari velim verbis proprijs, quid igitur eo verbo, seu potius ea phrasi, *seruire me fecisti in peccatis*, vel, *propter peccata tua*, fuerit significatum?

Ec 4.

4A. 10.
28.

Num hoc, *molestiam mihi exhibuisti, molestus mihi fuisti peccatis tuis*? Ita rursus locutio erit, aut figurata, aut de Christo exponenda. Num istud, *valde mihi displicuisti peccatis tuis*? Certe quocunque modo exponatur de Deo Patre, locutio erit eo sensu sacris autoribus inusitata. Cum igitur phrasis sic frequens in sacris literis, non est, nisi cogente necessaria ratione, sensu inusitato accipienda. Nulla autem impedit ratio quoniam Deus, quàm dicitur *redemisse Ecclesiam suam sanguine proprio*, tam dicatur seruuisse pro peccatis Ecclesiæ suæ. Quàm enim ille sanguis fuit sanguis Christi, tam ista seruitus fuit seruitus Christi.

III. Hoc eo confirmari potest, quod eo loco de fœdere gratiæ, deque redemptione spiritali, quam nobis obedientia Christi peperit, agi palam est. Meminit enim Deus redemptionis Ægyptiacæ *N. 16. & 17.* Deinde nouam pollicetur adeò illustrem, ut splendore suo superiorem illam obscurare debeat *N. 18. 19. &c.* Eam autem redemptionem tribus in rebus potissimum sitam esse docet, Productione viæ & aquarum per desertum *N. 19. & 20.* Formatione populi electi ad laudem suam *N. 21. & remissione peccatorum N. 25.* Ex quibus intelligitur non agi de liberatione à captiuitate Babylonica: Hæc enim, & minus fuit quàm Ægyptiaca illustris, nec in ijs rebus posita fuit, quas memorauimus. Cum igitur sermo sit de redemptione spiritali, quæ per Christi seruitutem seu obedientiam parta est, consentaneum est, ut per seruitutem Dei seruitus Christi hoc loco intelligatur.

IV. Præterea considerandum est, quo consilio Deus neget hoc loco, cum sibi a populo suo oblata fuisse sacrificia, tum ea se illi præscripsisse. Nam vel id facit reprehendendi animo, vel alia mente. Si prius, reprehendit Iudæos, aut quod non obrulerint sacrificia, aut quod malè. Neutrum dici posse videtur. Non prius illud: Nam quod in captiuitate Babylonica non dederint operam sacrificijs reprehendendi non fuerunt: id enim eis per legem Dei non licebat. Tantùm autem abest, ut arguendi fuerint ob neglecta sacrificia, ut contrà potius quòd ea pluris, quàm par erat, facerent & digni reprehensione, & procul à regno Dei fuerint. Non videntur etiam reprehendi hoc loco quòd malè obrulissent. Nam si vituperarentur quod, aut alijs, aut vero quidem Deo, sed sine interna fide & pietate sacrificassent, id exprimeretur ali-

tur aliquo modo, & dixisset Deus, non mihi sacrificastis, sed Idolis, ut factum est ab eo Amos 5. 25. aut certe addidisset, Sed provocastis me ad Zelotypiam, aut tale quid dixisset, ex quo mens eius elucesceret. Certè non potuit magis absolute res ipsa, hoc est, oblatio sacrificiorum negari, quam negatur hoc loco. Quid quod negat Deus disertis verbis, se jugum illud populo suo imposuisse? *Non te, inquit, servire feci in oblatione, nec te laborare feci in thure.*

V. Quid autem sibi Deus voluerit, id faciliè ex antecedentibus & sequentibus colligi potest. Si enim antecedentia spectes, Deus, ut dixi, mentione injecta liberationis ex Ægypto, liberationem similem quidem, sed multò præstantiorem promittebat. Quid autè erat convenientius, quàm ut exposita inter, utramque illam liberationem maximè memorabili similitudine, ex qua reliquæ faciliè colligi possent, discrimen quoddam insignae commemoraret, unde reliqua deprehendi possent. Similitudinem insinuant hæc verba, *Ecce ego facio nova &c, ponam viam in deserto, & flumina in solitudine.* Hinc enim reliqua intelliguntur, Ægyptus unde, Canaam quo iter fiat, Mare, sitis, fames, columna ignis & nubis, &c, ne cætera percurrain, fœdus. Ne igitur putarentur omnia prorsus similia futura, utque præstantia fœderis & populi noui innueretur, addit Deus, nec sibi populum illum novum oblatuum sacrificia, oblationes, thus, &c. nec amplius in huiusmodi oblationibus cultum suum positum iri, nec se tale aliquod jugum populi sui ceruicibus imposturum. Sic enim olim populum suum è servitute Ægyptiorum asseruerat, ut tamen cum in deserto sub Legis iugo & pædagogia in aliam servitutem redigeret admodum operosam & molestam magna ex parte in oblationibus & sacrificijs & suffitu, aliisque id genus ceremonijs positam. Submotis igitur omnibus eiusmodi sacrificijs typicis, in eorum locum Deus id sacrificium sufficit, quod illorum corpus est, sine quo nulla est peccati expiatio. Hoc enim cum lectoris ædificatio flagitabat, cui alioqui necessitatem sacrificiorum ad peccata purganda toties in utroque testamento inculcatam reputanti gravis scrupulus injectus fuisset, tum oppositio innuit, quia n Deus inter suam & populi sui servitutem instituit. *Ego, inquit, non junci te servire in oblatione, neque feci te laborare in thure &c, sed tu fecisti me servire in peccatis tuis, & fecisti me laborare in iniquitatibus tuis.* Palam est

cum de oblationibus & sacrificijs agere, & quicquid in ea seru-
tij vel laboris insumendum fuisset in se vnum deriuare, populo suo
ad eam rem nihil præter peccata sua expianda contribuyente.

VI. Si spes id quod sequitur, *Ego Ego ipse sum qui deleo
iniquitates tuas propter me, & peccatorum tuorum non recordabor,*
apparet Deum oppositionem inter se & populum suum tacite in-
stituere hoc aut simili modo. Neque tu, neque alius quispiam,
deles peccata tua, sed ego, ego, inquam, ipse sum qui ea deleo.
Neque tu, neque alius quispiam, is es propter quem ea deleo,
sed ego ipse is sum propter quem ea deleo: qua ratione significat
se peccata ipsorum delere non propter eorum oblationes sacrifi-
cia sufficit obedientiam, sed quicquid eiusmodi ad delenda pec-
cata necessarium est, id in se vno reperiri.

VII. Hinc succrescit hoc argumentum. Ille qui delet pecca-
ta populi sui est Iehoua seu Deus Israël, non autem alius, vt pa-
tet ex verbis illis Dei, *Ego Ego ipse sum qui deleo peccata tua propter
me.* Atqui Christus delet peccata populi sui, teste toto Euangelio.
Christus igitur est Iehoua, seu Deus Israël. Item, Ille propter
quem Deus delet peccata, est Iehoua. Christus est ille propter
quem Deus delet peccata. Christus igitur est Iehoua. Major pa-
tet ex verbis ipsius Dei sibi vni vtramque illam gloriam, & quod
sit causa quæ delet peccata, & quod sit causa propter quam pec-
cata delet, pariter vendicantis. Minor omnibus Christianis ita ma-
nifesta esse debet, vt confirmatione non egeat.

VIII. Hanc eandem disputationem communiam alio Dei
testimonio. Esa. 50. 2. Deus hanc rationem affert, cur repudium
Ecclesiæ Iudaicæ renunciarit, quoniam, inquit, *veni & non fuis-
vir, vocaui, & non fuit qui responderet.* Quis autem, quæso,
venit, quis vocauit, & quia eum non receperunt Iudæi reiecti
sunt? Hunc Filium esse, non Patrem, totum Euangelium testa-
tur; Ipseque etiam docet M. 4. Idem enim Dominus, Iehoua,
qui dixit M. 2. *veni, & non erat vir: vocaui, & nemo respondit.*
sic loquitur M. 4. *Dominus Deus dedit mihi linguam eruditam,*
&c. Eundem esse ex eo perspicuum est, quod continuatio est des-
criptionis inchoatæ duobus versibus antecedentibus, eo perti-
nentis, vt Iudæorum incredulitatem & contumaciam arguat, qui
sibi, Deo & homini, omnibus rebus ad eos seruandos necessarijs
cumulatissime instructo auscultare noluerunt. Certè idem Chri-

stus & diuinam suam ad liberandum ac redimendum potentiam miraculis, & sapientiam suam admirabilem sermonibus, & patientiam insuperabilem perpeffionibus suis abundè declarauit: quæ tria hoc loco semetipsum describens commemorat.



DISPUTATIO

VIGESIMA NONA

De Arg. XXIX. Ex Esai. LXIII. I. *Ego qui loquor in iustitia, &c.*

I. **E**CUM etiam, quæso, pie lector, quis sit ille reputa, qui Esaiæ cap. 63. primis sex versiculis describitur. Certè videtur esse Deus Israël. Quærenti enim quis sit, respondet se esse eum, *qui loquitur in iustitia, & est ad seruandum copiosus.*

Quæ elogia ita antonomasticè seu *εἰς ὅλον* accepta, vt sint instar nominis vel descriptionis, vnius Dei Israël propriæ sunt. Adde quod non sit vlllo modo verissimile, quendam alium se profiteri Seruatorem potentissimum apud eum Prophetam, apud quem Deus Israël se seruatores esse profiteretur, & præter se neminem. Idem loquitur, vt Deum decet, *Ÿ. 4. Dies ultionis est in corde meo, & annus quo meos redimam venit,* nec non *Ÿ. 6. conculcaui populos in ira mea, & inebriaui eos in indignatione mea.* Itaque non dicit *Ÿ. 5. Brachium Dei,* sed *Brachium meum,* inquit, *me seruauit, & excauescentia mea ipsa me fulsit.* Sibi ipsi hanc laudem ascribit, id quod meram creaturam piæ & religiosæ haudquaquam decere videtur.

II. Rursus qui sic describitur est Christus. Hoc ex tribus colligi potest, vno, quod procedit cum veste sanguine respersa *Ÿ. 2. 3.* Altero, quod dicitur Torcular calasse solus *Ÿ. 3.* quod vtrumque ad Christum describendum adhibetur: Apoc. 19. *Ÿ. 13.*

& 15. Tertio, quod describitur, tanquam qui per sese immediatè cum hostibus certamen iniisset, seseque ipse in summo discrimine constitutum virtute sua expediisset, hostesque calcauisset & 5. Id quod de Filio Dei verè & propriè dicitur, de Deo Patre non item.

III. Ad hunc Esaia locum aliùm adjungam non abfimilem ex Esai. 59. 16. *Et vidit (Iehoua) quod non esset vir, & obstupuit quod nemo occurreret, & seruauit eum brachium eius, & iustitia eius ipsa fulsit enim.* Quod quomodo dici potuerit de Deo Patre equidem haud intelligo.


IV. Fortasse ad duo illa loca lux aliqua accedet ex tertio simili, qui extat ps. 98. 1. *Cantate Domino (Iehoua) canticum nouum: quia mirabilia fecit. Seruauit eum dextera eius, & brachium sanctum eius.* Negari non potest, quin agatur de salute parta per Christum. Id enim totus psalmus apertissimè innuit. Iam autem non descendit in arenam cum omnibus nostris hostibus pugnaturus Pater, sed Filius. Non Patrem, sed Filium perdere conati sunt hostes Ecclesiae. Non expauit, non obstupuit, non desertus fuit ab omnibus Pater, sed Filius. Opus salute fuit non Patri, qui nullum subijt discrimen, sed Filio. Non seruauit se Pater, sed Filius, eaque salus opus fuit, quo nullum vnquam mirabilius factum est. Inde totius Ecclesiae salus pendit. Hoc profectò non frustra ter inculcatum fuit. Non est autem quod figuras Aduersarij comminiscantur, vt quod experientia, optimus vaticinij commentarius, Christi proprium fecit, id à Christo aufferant atque aliò detorqueant, Iudæos imitati rebelles.



DISPUTATIO

TRIGESIMÂ

De Arg. XXX. Ex Ier. 10. 11. *Dij qui non fecerunt cælum & terram tollantur de terra, & de sub cælis ipsis.*

I.  B Eſaia: progrediamur ad Ieremiam. Is cap. 10. primùm idolorum vanitatem deſcribit. Deinde quantoperè Deus Iſraëlis illis præſtet oſtendit adhibita eius deſcriptione *ſ. 6. Non eſt, inquit, ſimiliſtui Domine: Magnuſ eſt tu, & magnum eſt nomen tuum in fortitudine. Quis non timebit te o Rex gentium? tuum enim eſt decus: inter cunctos ſapientes gentium. & in uniuersis regnis eorum non eſt ſimiliſtui, & rurius ſ. 10. Dominus (Iehoua) autem Deus verus eſt: ipſe Deus viuens eſt Rex ſempiternus, ab indignatione eius commouebitur terra: & non ſuſtinebunt gentes comminationem eius.* Quas deſcriptiones poſſe ad Chriſtum accommodari, eique verè conuenire nemo Chriſtianus non vider. Cui autem deſcriptio propriè conuenit, eidem etiam conuenit deſcripti nomen. Eſt autem deſcripti nomen hoc loco Dominus Iehoua. Eſt igitur Chriſtus Dominus ſeu Iehoua.

II. Tandem Iudæos aduerſus omnem idololatriam hoc veluti gladio ſpirituale armat, *Sic ergo, inquit, diſetis eis, Dij qui cælos & terram non fecerunt, tollentur de terra, & de ſub cælis ipsis.* Ex quo ſic argumentor.

Deus qui fecit cælum & terram eſt Deus Iſraëlis.

Chriſtus eſt Deus qui fecit cælum & terram.

Chriſtus igitur eſt Deus Iſraëlis.

Minor probatur ſic, *Dij qui non fecerunt cælum & terram tollentur de terra &c. Chriſtus non tolletur de terra &c. Chriſtus igitur eſt Deus qui fecit cælum & terram.* Hoc argumentum jam

non semel attigi. Id hoc loco ab Aduersariorum exceptionibus vindicandum est.

III. Respondet Socinus, *Primum, Ieremiam non loqui de omnibus dijs. Alioqui, inquit, multi, qui & vocantur & sunt dij, exterminandi essent; quos tamen Deus caros habet. Sed de js, qui, ut primi bonorum fontes & auctores, coluntur, quique ipsi Iehona Deo opponuntur, atque eo cultu & honore afficiuntur, quo ipse Iehona Deus; nec preterea alius, eo loco manifestè agitur. Atqui nos, etiamsi Christum, Deum nostrum agnoscimus, eumque adoramus; non tamen primum bonorum auctorem & fontem facimus, eumne Iehona Deo opponimus: nec porro eodem prorsus cultu & honore illum afficiamus, quo Iehona Deus pater ipsis afficiendus est.* Indigna est viro docto hæc responsio. Primum enim si qui vocantur, vel sunt dij, chari Deo minimeque exterminandi, qui non fecerunt cælum & terram, illi non dicuntur dij, nisi improprie, figuratè, aut etiam typicè, ac propterea non coluntur religiosè. Itaque non vocantur dij eo sensu, quo palam est deorum nomen hoc loco usurpari, nimirum pro illis dijs, qui putantur dij proprie dicti religioseque colendi. Alioqui, si scientes & volentes religiosè coluntur, non sunt chari Deo, sed tandem aoblendi, sin inscij aut inuiti coluntur religiosè, non peribunt quidem ipsi, sed eorum tamen eiusmodi diuinitas tandem de medio tolletur. Itaque nihil impedit, quominus propositio illa Prophetæ, aut potius ipsius Dei, de omnibus dijs, quotquot religiosè coluntur, hoc est, diuino cultu afficiuntur, intelligi debeat. Sunt autem multa, quæ, ut accipiat,ur tanquam vniuersaliter vera, non modò suadent, sed persuadent etiam.

I V. Hoc quidem primum, quod Deus illam propositionem populo suo suggessit, ut eâ Babylonios idololatrias refelleret. Id autem fieri oportuit hoc modo. Dij qui cælum & terram non fecerunt, perdentur de terra, & de sub cælis ipsis. Vestri dij, sunt dij qui cælum & terram non fecerunt. Vestri igitur dij perdentur de terra & de sub cælis ipsis. Quæ argumentatio, cum sit in prima figura, vitiosa erit, nec vim vllam concludendi habebit, si propositio sit particularis, de quibusdam dijs, non de omnibus, qui cælum & terram non fecerunt, accipienda. Quis autem credat, Deum voluisse eos docere malè argumentari, paralogismoque uti ad refellendos idololatrias? Deinde illa propo-

fitio, vel necessariò, vel contingenter vera est. Si necessariò, habenda est pro vniuersali. Omnis enim enunciatio indefinita necessariò vera vniuersaliter accipi debet. Si contingenter, mirum est Deum populum suum, vt refutaret idololatrias, maluisse docere propositionem contingentem ex qua nulla posset conclusio nisi contingens elici, quàm propositionem necessariam.

V. Huc accedit, quod veritas illius propositionis, aut solo Dei decreto occulto nititur, aut etiam euidenti ratione. Si prius, non fuit adinodum accommodata ad reuincendos idololatrias. Potuit enim ab ijs occulta Dei decreta ignorantibus æquè faciliè negari ac à Iudæis affirmabatur: quippe cuius veritas neutris evidens esset. Si posterius, necessariam atque adedò vniuersalem eam esse necesse est. Adde quod, verba illa, *qui cælum & terram non fecerunt*, limitatio quædam sunt, qua inserta propositionem veram esse vniuersaliter oportet, alioqui frustrà limitatio est adhibita: adhibetur enim vt propositio, quæ alioqui particulariter tantum vera esset, sic restricta vniuersalis & necessaria euadat. Mirum est igitur, Deum limitationibus, quæ propositionem efficerent necessariam, anteposuisse istam, qua adhibita nihilominus propositio permanet particularis & contingens.

VI. Sed tres limitationes, quas Socinus pro ingenio excogitauit, videamus quàm sint ineptæ. Prima est, Prophetam loqui *de ijs, qui, vt primi bonorum fontes & auctores, coluntur*. Quid autem est esse primum bonorum fontem & auctorem? Num fecisse cælum & terram? igitur per Deos qui cælum & terram non fecerunt intelliguntur dii, qui primi bonorum fontes & auctores non sunt, quo posito sic colligo: Aut Babylonij crediderunt suos deos fuisse primos bonorū fontes & auctores, aut non crediderunt. Si crediderunt, quomodo illa propositione refelli potuerunt: si quidem suos Deos existimarunt fecisse cælum & terram? Si non crediderunt, quomodo Deos suos coluerunt vt primos bonorum fontes & auctores, quos non crediderunt esse primos bonorum fontes & auctores? Sed fortasse esse primum bonorum fontem & auctorem non est Aduersarijs fecisse cælum & terram. Quid ergo est? bona aliqua insita authoritate & virtute hominibus conferre? Christus igitur, etiam ab ipsis Aduersarijs, colitur vt primus bonorum fons & auctor, ac proinde ad rem nihil facit hæcorum exceptio seu limitatio. Fortasse illis est ab alio non esse.

alii non subordinari. At sic nihil valuisset hæc limitatio aduersus Ethnicorum Deos, quos vt genitos ab alijs, ac vni summo Deo tanquam Regi & parenti subordinatos coluerunt.

VII. Præterea Deos suos Ethnici, vt primos fontes & auctores bonorum, vel nullos, vel omnes, vel aliquos tantum coluerunt. Nullos Aduersarij non dicent, ita enim Propheta de nullis Ethnicorum dijs loqueretur. Omnes si dixerint, reuincuntur ipsorum Ethnicorum testimonijs innumeris aperte confidentium deos suos vel omnes, vel plerisque omnes, ortos genitos, educatos, cibo & potu vsos, immo homines fuisse post mortem indeorum numerum relatos; ne dicam eos etiam bruta animantia, etiam plantas, etiam perturbationes animi, etiam malos genios, nec nocerent, coluisse. Aliquos si dixerint vt primos rerum autores cultos fuisse, reliquos verò non item, non quæram quinam illi fuerint (omnes enim, etiam illi, qui maiorum gentium dij appellabantur, putabantur geniti) tantum reponam, igitur sententiam istam, qua Deus maximè refelli voluit omnes idololatrias ad quædam duntaxat idola, ad quosdam tantum Ethnicorum deos applicari posse. Erit igitur rursus quod miremur, Deum eam propositionem ex omnibus vnâ selegisse, quam populum suum doceret, & qua vellet idololatrias maximè reuinci, quæ tamen aut de nullis, aut de paucis tantum quibusdam Ethnicorum dijs intelligi deberet, quamque etiam facillè declinare possent idololatræ dicendo se deos quidem suos colere vt bonorum auctores, ac non vt primos.

VIII. Quid quod aplerisque omnibus Christianis Dominus noster Iesus Christus colitur vt Alpha & Omega, primus & vltimus, principium & finis, creator cæli & terræ, ac cum Patre & Spiritu Sancto vnus ille Deus, bonorum omnium fons inexhaustus? Ac propterea ista, quam commentus est docinus, limitatio nihil officit argumento nostro.

IX. Veniamus igitur ad secundam. Loquitur, inquit, Propheta de ijs, qui lehoua Deo opponuntur. Cur ergo id non dixit? cur non sic potius concepit propositionem, *dicetis eis, Dij, qui Deo Israelis opponuntur, perdentur* &c? Sic enim & vniuersalis, & perspicua, & sine eiusmodi additamenti vera fuisset. Quis enim credat, eum id expressisse, quod per se vim nullam habebat, id verò tacuisse, in quo vno vis propositionis hærebat? Quid etiam opus fuit

fuit, vt alias limitationes Aduersarij excogitarent? Hac enim vna adhibita, etiam detracta ea, qua Propheta vsus est, propositio fit vniuersaliter vera. Sed si licet tales limitationes pro ingenio comminisci, & Dei verbo addere, nulla erit propositio adeo diserta & perspicua, vt eam hæreticus non possit, adjecta aliqua eiusmodi limitatione, ad mentem suam detorquere.

X. Cæteroquin nihil iuvat Aduersarios sua ista limitatio. Nam, si rem ipsam spectes vt in se est, omnis alius Deus, hoc ipso quod alius est, opponitur Deo Israël. Cum enim hic alium, præter se, Deum, & esse neget, & haberi pro Deo colue vetet, non potest alius Deus, vel esse affirmari, vel pro Deo haberi aut coli, quin eo ipso cum Dei Israël veritate & voluntate pugnetur. Sin mentem idololatrarum consideres, illi nonnunquam Deos suos non opponunt Deo Israël, sed ei vel vt amicos adiungunt, vel etiam vt inferiores subijciunt. Quid quod, cum Christus à nobis vt Deus summus, vt præditus essentia diuina, vt creator mundi colitur, putant Aduersarij Deo summo injuriam fieri? Quod si ita est, etiam Christus, quod absit, Deo Israël opponitur.

2. Reg.
17. 33.

XI. Ad tertiam limitationem quod attinet, *Agitur*, inquit Socinus, *eo loco de dijs, qui eo cultu & honore afficiuntur, quo ipse Iehoua Deus, nec præterea alius.* Quorsum addidit, *nec præterea alius*, nisi vt se gladio suo jugularet ipse? Nam si nullus alius quàm ipse Iehoua Deus, eo cultu & honore afficitur quo ipse Iehoua Deus, facit ista limitatio dininam propositionem ad reuincendos idololatræ prorsus inutilem & ineptam, immò ridiculam: ita enim ageret Propheta de dijs, quales nullos Babylonij, alijue idololatræ coluerunt vnquam. Hocque ipsum, etiamsi verba illa Socinus non addidisset, res clamat. Ipse enim sese Iehoua coli vetuerat eo modo quo colebantur gentium dii: Neque vlla gens vnquam extitit, quæ idola sua eodem prorsus modo coleret, quo se Deus coli voluit. Nihil igitur excogitari potuit hac limitatione ineptius: & tamen ad eam absurditatem accedit veluti cumulus, quod si quisquam Deus eodem cultu affectus est vnquam, quo ipse Iehoua Deus, is profectò est Christus, quem tenentur omnes colere quemadmodum colunt Patrem, quique vnum est cum Patre, eodem throno & imperio, iisdem ministris, eadem gloria, ac *δοξῇ*, necnon omni potestate in cælo & in terra gaudens,

Deut.
12. 31.

Gg

Ref. 2.
Resp.

XII. Venio igitur ad alteram Socini responſionem: *Alteram cauſa*, inquit, *cur iſte Hieremia locus nihil ad rem faciat, eſt, quod iſta dicta ſunt, antequam Chriſtus exiſteret, non modo antequam adorandus conſtitueretur. Tunc certè verum erat, idque abſolutè, nullum Deum adorandum eſſe qui cælum & terram non feciſſet. Nec vllomodo*, inquit reſp. ad VVjckum, *apparet, dictum iſtud ad omnia conſequentia tempora pertinere. Non dicam, propoſitionem, quæ vno tempore vera eſt, alio falſa, contingentem eſſe. Omnem autem propoſitionem indefinitam, qualis hæc eſt, & contingentem particularem eſſe; Ex propoſitione autem maiore particulari nihil concludi in prima figura, in qua tamen figura neceſſe eſt argumentationem eſſe, quæ vi diuinæ illius propoſitionis idololatras reſellit. Non dicam, propoſitionem illam, ſi vera fuit antequam Chriſtus exiſteret, falſa verò poſtquam exiſtit, abrogatam fuiſſe à Chriſto, qui tamen dogmata (eſt autem illa propoſitio dogma) non abrogauit, ſed tantùm fœdus ſeu iugum legale.*

XIII. Illud dicam, omnem enunciationem quæ certo tantùm tempore vera eſt, verbum habere quod tempus illud ad ſignificet. Id quod hic locum non habet. Sunt enim in hac enunciatione, *Dij qui cælum & terram non fecerunt &c.* duo tantùm verba, alterum præteriti temporis, alterum futuri, quorum illud præteritum, iſtud futurum abſque certa limitatione ſignificat, neutrum ad illud tempus reſtringi debet, quod Chriſti natiuitatem vel glorificationem antecēſſit, vt cuius patet. Tertium autem verbum in illa propoſitione nec exprimitur, nec ſubintelligi poſteſt.

XIV. At, inquit Socinus, *Ex loco ipſo conſtat, hanc fuiſſe admonitionem Hieremia ad Iudeos, qui tunc temporis in Babylonia degebant, vt ſcirent, quid ſibi reſpondendum eſſet Chaldaïs illis, ſi ab ipſis ad idola colenda ſollicitati fuiſſent. Quid tum? Num propterea non potuit aut debuit dictum illud ab alijs uſurpari quàm à Iudæis illis, aut alijs reſponderi quàm Chaldaïs illis, aut alio tempore, quàm quo Iudæi degebant in Babylonia? Non puto tam ineptum fuiſſe Socinum, vt hoc concludere voluerit. Quorſum ergo id obſeruauit? aut quid inde colligere voluit vel potuit, quod argumento noſtro obeſſet? quacunque occasione & ſine propoſitionem illam Hieremias docuerit, eſtne in ea quicquam*

quod non æquè ad aliarum gentium atque ad Chaldæorum deos accommodari possit? aut quod, non possit & debeat Ethnicis ad idololatriam inuitantibus, æquè hodie ac olim, responderi? Nonne enim eadem erat ratio deorum quos Babylonij colebant & deorum quos colebant aliæ gentes, & eorum quos etiamnum hodie colunt Ethnici? Cur ergo non possimus & debeamus, etiam hodie, idololatriam repellere illis armis, quæ Deus, vt ad eam rem aptissima, olim populo suo, nobisque aded, *quorum in do-* Rom.
ctrinam scripta sunt quacunque scripta sunt, suppeditauit? Attamen 15. 4.
 admissio errore Aduersariorum possent arma illa aduersus Deum nostrum Iesum Christum retorqueri, illudque oraculum illustri exemplo, seu, vt loquuntur, instantia infirmari. Sed pergamus.

X V. Nonne veritas illius dicti ad ea tempora extendi debet ex quibus illa pendebat. & quibus innitebatur? Atqui illa pendebat ex futuro tempore, non quod antecessit aduentum Christi, sed quod illum, præsertim secundum sequi oportebat. Nonne tunc maximè verum esse dictum illud necesse est, cum sit maximè id quod eo prædictum est? Atqui id deum & fieri cœpit per primum Christi aduentum, & perficietur per aduentum eius secundum. Nonne hoc oraculum Iudæos impedire debuit ne quem pro Deo haberent & colerent, qui non fecisset cœlum & terram? Impedire igitur eos debuit ne Christum reciperent & colerent si non fecit cœlum & terram. Ita Iudæis Aduersarij excusationem suppeditant incredulitatis. Cur enim, si vera esset opinio Aduersariorum, non possent Iudæi respondere Deo, Tu Domine nos docuisti Deos qui cœlum & terram non fecerunt destructum iri, idque oraculum voluisti à Propheta Chaldaicè scribi, à nobis memoriter edisci, haberique in promptu ad repellendam idololatriam, atque aded altissimè cordibus nostris infigi, ne quem Deum qui non fecisset cœlum & terram reciperemus aut coleremus. Noli igitur, quæso, nobis succensere si tuo isto tanto oraculo admoniti Deum qui non fecit cœlum & terram recipere & colere renuimus. Tu Domine prohibuisti ne præter te vnum quēquam alium haberemus pro Deo, quod omnium tuorum mandatorum primum & maximum est. Non potuimus isti tuo tantō mandato parere, & pro Deo eum habere qui si Deus est, Deus est à te valdè diuersus. Tu Domine nobis sæpius inculcasti, neminem esse Deum aut seruatores præter te, id-

que cū loquebaris de temporibus Messæ, quomodo igitur alium Deum, alium seruatorein præter te agnouissemus, aut diuinis honoribus affecissemus? Quomodo possint Aduersarij Iudæis os occludere equidem non video. Nam si ad miracula confugiant, quibus moueri Iudæos decuerit, reponent illi continuò id quod scriptum est Deuter. 13. §. 1. & seqq. Aut igitur excusandi videntur Iudæi, aut fatendum est, id quod res est, Dominum nostrum fecisse cælum & terram, eundemque esse cum Patre Deum, qui & populum Israëliticum è seruitute Ægyptiaca eduxit, & per prophetas locutus est. Itaque cum Vetus Testamentum comparatum fuerit ad homines præparandos & deducendos ad Christum, ei scopo obesser, vt quod maximè, hoc oraculum, siquidem vera esset responsio Socini.

X V I. Quid quod, admissio errore Aduersariorum, ne Vcteris quidem Testamenti temporibus verum fuisset hoc oraculum, potuissentque Babylonij, nisi per ipsorum ignorantiam steteret, illud in Iudæos retorquere, & quidem duobus modis. Primò sic, Obiicitis nobis, Deos qui cælum & terram non fecerunt sublatum iri de terra & de sub cælis ipsis, non cogitantes vobis in lege & prophetis vestris promissum esse Messiam, qui, quamuis non fecerit cælum & terram, futurus tamen sit verè & propriè Deus, ab omnibus angelis, non modo ab hominibus, adorandus, beatumque prædicari qui in eum crediderit. Hoc igitur telum, quod in deos nostros iacitis, in eum quem expectatis Deum recidit, atque ita pugnantes vestram spem euertitis. Deinde sic, Nullus Angelus fecit cælum & terram. Aliquis Angelus vocatur in lege vestra Deus, immò Ichoua, atque vt talis adoratur. Aliquis igitur qui in lege vestra vocatur Deus, Ichoua, legitimèque adoratur, non fecit cælum & terram. Num ergo ille etiam exterminabitur? Quid possit ab Aduersariis nostris reponi non video. Concedit enim maiorem Crellius: quippe, negat Deum *vllius opera ad tanta*

Lib. 2. *rei molitionem vsurus fuisse.* Minorem aliquot locis Socinus & Crellius inculcant, vt partim jam vidimus, partim videbimus disp. 32.

Rel. c. X V I I. Vltimò hoc ipso Dei oraculo Aduersarios hoc loco
5: oppugnabimus. Docuit enim sine dubio Deus populum suum rectissime argumentari. Tale autem, vt dixi, est argumentum. Dii qui cælum & terram non fecerunt tollentur de terra & de sub cælis ipsis. Dii quos adoratis non fecerunt cælum & terram. Dii

igitur quos adoratis tollentur de terra & de sub cœlis ipsis. De minore non potuit esse controuersia : non enim tantum diis suis tribuebant Ethnici, vt eos dicerent fecisse cœlum & terram. Maior autem per se ipsa lucet. Nam qui specie aut genere aut etiam plusquam genere à Deo differunt, illi dii appellari non possunt nisi æquiucòcè, aut figuratè, aut falsò. Id quod inductione probari potest. Nam qui differt specie aut genere, exempli causa, à Leone, vel vulpe, vel lapide, is non potest Leo, vel vulpes, vel lapis appellari, nisi æquiucòcè, aut figuratè, aut falsò. Atqui dii qui non fecerunt cœlum & terram differunt à Deo specie, aut genere, aut potius plusquam genere. Dii igitur qui non fecerunt cœlum & terram dii appellari non possunt nisi æquiucòcè aut figuratè aut falsò. Minor probatur : Differunt enim plusquam genere ab eo qui fecit cœlum & terram. Hic enim est ens absolutè necessarium, æternum, immutabile, fons omnis entitatis, illi verò aut nihil sunt, aut sunt entia contingentia, certo tempore creata, mutationi obnoxia, ac guttæ quædam ab immenso illo fonte productæ. Dicent fortasse Aduersarii, differre quidem plusquam genere à Deo, qui fecit cœlum & terram, eum qui non fecit cœlum & terram si naturam seu essentiam spectes, non verò si deitatem. Atqui deitas est essentia Dei, & ille qui fecit cœlum & terram est natura sua seu essentia Deus, notatque nomen Dei id quo differt à creaturis. Tum Deitas aut est substantia, aut est accidens. Si substantia, differunt igitur plusquam genere ratione deitatis, si accidens, substantia non est præstantior accidente, sed contrà potius : nihil enim cogitari potest præstantius deitate. Item Deus qui fecit cœlum & terram, & Deus qui non fecit cœlum & terram, dicuntur dii, vel ob diuersam vel ob eandem rationem. Si ob diuersam, dicuntur dii æquiucòcè vel figuratè ? Si ob eandem, Illa Identitas (liceat enim mihi illa voce vti) erit vel analogica, vel generica, vel specifica, vel numerica. Si analogica tantum, ea non erit tanti, vt propterea diuinis honoribus affici debeant. Si generica aut specifica, non implicabit contradictionem, & nullum Deum esse, & plures Deos esse, & poterit qui non fecit cœlum & terram æquè Deus esse atque is qui fecit cœlum & terram. Sed Hæc eadem erunt tum accuratius disputanda, cum seposita Scriptura sacra recta ratio à nobis consulatur. Nunc satis sit addidisse, qui religiosè coluntur eos non appellari deos æquiucòcè.

aut figuratè; sed propriè; ac proinde, si non fecerunt cœlum & terram, falsò. Qui autem falsò dij dicuntur diuinisque honoribus afficiuntur, illi tandem aliquando destruentur. Nam, nec mendacium potest esse perpetuum, neque is qui fecit cœlum & terram pati in æternum, vt qui Deus non est nomen & cultum. Det sibi vendicet, & constat iudicium tandem aliquando futurum esse, quo, quid bene quidue malè factum fuerit, tandem ignoscet.



DISPUTATIO

TRIGESIMA PRIMA

De Arg. XXXI. Ex Ierem. CAP. XXIII. v. 6.

*Et hoc est nomen quo vocabit eum, Jehoua
Iustitia nostra.*



LIVD argumentum desumi solet ex eodem Ieremia cap. 23. v. 5. & 6. *Et suscitabo Dauidi Germen iustum; & regnabit Rex, & sapiens erit, & faciet iudicium & iustitiam in terra. In diebus illius saluabitur Iuda, & Israël habitabit confidenter, & hoc est nomen quo vocabunt (heb. vocabit) eum, Jehoua iustitia nostra.* Ex quo sic argumentor.

Cuius nomen est Jehoua iustitia nostra, is est Deus Israëlis præditus essentia diuina: Est enim Jehoua nomen maximè proprium Dei Israël.

Christi nomen est Jehoua iustitia nostra; vt patet ex laudato loco.

Christus igitur est Deus Israëlis præditus essentia diuina.

Ref. II. Negant Aduersarij vtramque præmissam, & primò qui-
1. Resp. dem minorem; dicit enim Socinus, *hac postrema verba, & hoc*

est nomen quo vocabunt eum &c, potius ad *Israelem*, quàm ad regem illum, id est, Christum referri debere. Argumentum nullum affert, nisi quod id firmare conatur loco planè simili Hierem. 33. 15. *Is locus*, inquit, *ex hebraeo ad verbum sic habet*: In diebus illis & in tempore illo germinare faciat Daudid germen iustum: & faciet iudicium & iustitiam in terra. In diebus illis seruiabitur Iuda, & Hierusalem habitabit confidenter; & hoc (*subaudi nomen eius, ut habes in superiore loco*) quo vocabit eam, Iehoua iustitia nostra, eam enim expresse habet hebraicus codex; quod pronomen necesse est, ut referat Hierusalem: qua hìc manifestè eundem locum tenet, quem in superiore testimonio Israel. Itaque ibi pronomen eum similiter Israellem referre, prorsus est verissimile. Quod si regem etiam illum, id est, Christum ibi referret; iam ex hoc altero testimonio constaret, vel non propterea absolūtè affirmari posse, Christum Iehouam fuisse appellatum, vel certè ex tali appellatione non consequi, eum reuera esse ipsum Iehouam; nisi similiter concludere velimus, Hierusalem reuera esse ipsum Iehouam.

III. Sed similis iste locus, ut inde ordiar, non fauet causæ Socini. Potest enim aliter verti, nimirum sic, *Ille qui vocabit eam est Iehoua iustitia nostra*. Quid enim impedit? non certè verba; verbum enim è verbo sic exprimitur. Nec res; dicitur enim Deus multis locis vocare Ecclesiam Esai. 48. 12. *Audi me Iacob & Israel quem ego voco*, ego ipse, ego primus & ego nouissimus. Rom. 8. 30. *quos autem predestinavit, eosdem etiam vocavit, & quos vocavit, eosdem etiam iustificavit*. 1. Thess. 5. 24. *Fidelii est qui vocavit vos, qui etiam faciet, &c.*

IV. Dicam amplius, debet aliter verti mea quidem sententia, eo videlicet modo quem dixi. Primam enim ut eo modo vertatur verba flagitant. Ise enim ita redditus nulla est ellipsis, nisi verbi substantiui frequentissima in Scriptura, nec evitabilis hoc loco. Sin verò vertantur ut vult Socinus, *Et hoc est nomen quo vocabit eam, Iehoua iustitia nostra*, erit insuper ellipsis huius vocis nomen, necnon nominatiui verbi vocabit. Versio autem sine ellipsi congruens verbis melior est ea quæ supplemento indiget. Ideam quoque res ipsa poscit. Quis enim esset nominatiuus verbi vocabit? Deus? non. Obstat enim pronomen nostra. Ipsa Ierusalem? non itidem: sese enim ipsa, opinor, non vocat Iehouam iustitiam nostram. Quilibet homo? ne hoc quidem: non enim infideles

eam sic vocant : fideles autem quid aliud sunt quàm Ecclesia quàm Hierusalem ? quid plura ? prouoco ad experientiam, optimum vaticinij commentarium. Num vocatur à quoquam Ecclesia Iehoua iustitia nostra ? profectò à nullo. Est igitur hoc nomen non Ecclesiae seu Hierusalem, sed eius qui eam vocat, qui eam iustificat.

V. Ponamus tamen sic vocari Ecclesiam, certè ita appellabitur quemadmodum appellatur *Christus* 1. Cor. 12. 12. nempe tribuetur toti nomen primæ & præcipuæ eius partis, hoc est, Christi. Ita elogium istud per se Christi nomen erit, Ecclesiae verò non conueniet, nisi ratione Christi capitis sui. Alioqui quid absurdus quàm Ecclesiam dici Iehouam, ac iustitiam fidelium, id est, sui metipsum ?

VI. Sed redeamus ad locum nostrum. Aio in verbis, *Et hoc est nomen quo vocabit eam Iehoua iustitia nostra*, pronomen *Eum* ad Regem illum seu Christum potius quàm ad Israëlèm referri debere. Primum enim ad eum potius referri debet qui per se & primariò & præcipuè eo loco describitur, quàm ad eum cuius mentio non injicitur, nisi quia confert aliquid ad alterius illius descriptionem. Atqui Rex ille per se & primariò & præcipuè describitur eo loco, Israëlès verò mentio non injicitur, nisi quia confert aliquid ad Regis illius descriptionem. Ad illum igitur Regem potius quàm ad Israëlèm referri debet : Et quidem eo magis quod, & eodem versiculo pronomen *eius* ad eum refertur, & causa erat quærendi quale Regis illius nomen futurum esset, id enim Propheta nondum expresserat, cum audito Israëlès nomine nemini veniat in mentem, vt quærat, quo nomine appellandus sit Israël.

VII. Deinde quæro quis sit nominatiuus verbi *vocabit* ? Est enim in hebræo, agnoscente Socino, *vocabit*, non *vocabunt*. Annon idem est qui verbi proximè antecedentis *habuit* ? Annon ille est, qui immediatè ante nominatus est, Israël ? Certè is est aut Deus, aut Rex Messias, aut Israël vel Iuda, aut non exeat in textu, sed subintelligi debet *quislibet*, vel *unusquisque*, aut aliquid eiusmodi. Non est autem Deus : Is enim dixisset *vocabo*, non autem *vocabit* ; & iustitia *vestra*, non autem *nostra*. Nec Rex Messias : nam, neque is sic vocasse legitur Israëlèm, neque dixisset *Iustitiam nostram* : is enim sua ipsius propria iustitia iustus ac iustificatus

ac iustificatus est, non autem aliena. Sed neque subintelligi debet quilibet aut unusquisque: cur enim nominatius subintelligeretur, cum sit in proximo, nempe Israël? Adde quod non quilibet absolūtē sic eum vocaturus erat, sed quilibet eum verē agnoscens, hoc est, fidelis. Alij enim aut nolunt, aut non possunt verē dicere *iustitiam nostram*. Atqui Israël hoc loco Ecclesiam seu fideles significat. Quare necesse est, ut ille qui vocabit sic Israël, ac proinde ut pronomen *eum* non referatur ad Israëlē, sed ad Messiam.

VIII. Tum sine dubio hoc nomen, *Iehoua iustitia nostra*, rationem seu causam inhuit salutis Iudæ, & securitatis Israelis in diebus Regis Messie. Quoniam autem rex est spiritualis, salus & securitas etiam spiritualis intelligitur, quæ sine remissione peccatorum seu iustificatione nulla esse potest. Est autem iustificationis & salutis Iudæ & Israelis, hoc est, Ecclesiæ, causa, non ipse Israel seu Ecclesia, sed Christus, in quo *unus est salus*, & qui nobis factus est à Deo Patre *iustitia*, & in quo habemus *redemptionem per sanguinem eius, remissionem peccatorum*. Christus igitur, non Israel, vocari debuit *Iehoua iustitia nostra*.

Ag. 28
12.
1. Cor.
1 30.
Eph. 1.

IX. Hoc ipsum docet euentus. Nunquam enim Israël eo nomine appellatus est. Nunquam res, quæ eo nomine significatur, Israeli, hoc est, Ecclesiæ tributa est. Sed & nomen illud, & res eo nomine significata tributa est Christo, tribuiturque hodie ab omnibus, aut saltem à plerisque omnibus, Christianis. Habentibus igitur in ipso euentu tam clarum huius varicini commentarium dubitabile non est, uter eo nomine potius appellandus fuerit, Israel an Rex ille, hoc est, Ecclesia an Christus? ut jam taceam, nec posse nomen illud conuenire Ecclesiæ nisi ratione Christi, nec intelligi, quo sensu Ecclesia sic appellari queat.

X. Sed venio ad alteram responsionem Socini. Jam, inquit, sine de Christo, siue de Israele ultima verba Hieremia testimonij dicantur; sensus est, tunc futurum, ut Iehoua ille unus Deus noster nos iustificet. Hoc enim tempore illo, per Christum, in Israele populo suo Iehoua facturus erat. Docent nos hunc sensum alij loci similes non pauci: ex quibus duos aduersum se ex Rabbis Bellarminis citat: videlicet, Exod. 17. 15. *Ædificauit Moyses altare, & vocauit nomen eius, Iehoua exaltatio mea: & Ezechielis prophetia ultima verba, Et erit ex eo die nomen vrbs Iehoua illic. In quibus*

2. Resp.
Refut.

& alijs eiusmodi locis non tribuitur ipsum nomen *Iehoua* rebus istis; sed aliquid de *Iehoua* per illas, aut circa illas significatur. Volunt igitur Aduersarij, quod etiam affirmat Schlichtingius, hoc nomen esse integram hanc sententiam; *Iehoua* iustitia nostra, (intelligit.) De qua verbi est adjectione, deque duobus illis exemplis, & similibus potest sibi Lector in memoriam ea reuocare quæ sunt a nobis disputata ad Arg. huius libri secundum. Nunc enim eos alia via aggrediar.

XI. Principiò de duobus inter nos conuenit. Vnum est, vocari *Iehouam*, in nomine *Iehoua iustitia nostra*, cum qui appellatur iustitia nostra. Alterum, agi de nomine vsurpando tempore Noui Testamenti. Videamus igitur vter in Nouo Testamento vocetur iustitia nostra, Pater an Filius? Certè Filius eo elogio insignitur in Nouo Testamento, Pater verò nunquam. Cur non igitur concludamus per *Iehouam*, in eo nomine, Filium esse intelligendum, non verò Patrem præcisè? Quod si rem spectes eo elogio significatam, ea Filio conuenit, Patri quatenus à Filio distinguitur, non item: Itaque potest Filius dici iustitia nostra, Pater verò non potest ita appellari, saltem prudenter. Hic exclamat Socinus, *Quid audio? Deus pater non est iustitia nostra, id est, non ipse nos iustificat? Potuitne quidquam minus theologicè, vel potius magis impiè dici?* Bona verba quæso, absit vt negemus Deum patrem nos iustificare: tantùm negamus, quicumque nos iustificat, eum appellari posse prudenter iusticiam nostram: verbi gratia Iudex iustificat, nec tamen aut vocatur, aut vocari potest illius iustitia quem iustificat, non magis certè quàm vocari potest illius crimen, quem condemnat. Non igitur quicumque nos iustificat quocunq; modo, dici potest iustitia nostra, sed is demum, qui nos iustificat per modum iustitiæ, seu qui tenet in iustificatione nostra eum locum, quem teneret operum nostrorum iustitia, si ea iusti essemus. Longè enim aliter quàm iudex, & crimen reum condemnat, & iustitia iustificat. Illud condemnat quia mouet iudicem ad condemnandum, hæc iustificat quia mouet iudicem ad iustificandum. Illud est id ob quod reus damnatur, hæc est id ob quod absoluitur siue iustificatur. Iam autem in iustificatione nostra Deus pater partes agit vel Iudicis, vel Regis, vel etiam Patris, non verò iustitiæ nostræ, hæc enim sunt propriæ partes Filij, qui

Rom. 8. 4. *est finis Legis in iusticiam omni credenti, qui nobis factus est à Deo*

iustitia, qui nos redemit à maledictione Legis cum factus est pro nobis maledictio, qui semetipsum dedit pretium redemptionis pro omnibus, qui peccata nostra ipse pertulit in corpore suo super lignum, et eaque per semetipsum purgavit, per suimetipsius sacrificium sustulit, qui denique ipse est propitiatio pro peccatis nostris. Itaque merito iustitia nostra dicitur: est enim dono Patris & suo nostraque consensione & acceptatione, quæ fides vocari solet, verè noster. Ac propterea Euangelium, ut iustificemur, non exigit à nobis legis implendæ conditionem, sed, ut loquitur Crellius, *fide tantum in Christum postulat, fide in Iesum Christum contenta est*: soletque in Novo Testamento iustificatio passim tribui, non fidei in Deum præcisè, sed fidei in Iesum Christum, & sanguini ipsius, qui fide fit noster, nobisque, per prædicationem Euangelij aspersus, adhæret intimè. Cum igitur Deus pater, quatenus à Filio distinguitur, iustitia nostra nec vocetur vnquam in Euangelio, nec vocari prudenter possit; sed hoc sit elogium Filij proprium, fatendum est per *Iehouam*, in nomine *Iehoua iustitia nostra*, Filium Dei esse intelligendum.

XII. Etiam si autem pater omnem rationem daremus Aduersarijs iustitiam hoc loco significare iustificatorem, tamen eos oporteret causa cadere. Quorsum enim pertineret illud nomen, nisi ut significaret, cum qui nos iustificat esse Iehouam? Atqui Christus nos iustificat, non modo quia est propitiatio pro peccatis nostris, id quod eius est proprium, sed etiam quia nobis peccata nostra condonat, & debita remittit, haud secus quàm si esset ipse creditor cui ea debentur. Immo cum Pater non iudicet quemquam, sed dederit omne iudicium Filio, necesse est ut partes Filij sint iudicare, hoc est, iustificare & condemnare. Cum igitur omni ratione & modo, quo possumus iustificari, nos Christus iustificet, si is qui nos iustificat est Iehoua, necesse est Christum esse Iehouam. Itaque non posset illud nomen, *Iehoua iustitia nostra*, ut jam ei addatur *est*, & Israeli tribuatur, aliò pertinere, quàm, vel ad confirmandum Christum esse Iehouam, vel ad negandum eum esse iustitiam nostram: quod posterius esset vniuersum eius euangelium conuellere. Annon enim eo nomine tacita quædam continetur oppositio inter iustitiam nostram, quæ est Iehoua, & aliam quamlibet iustitiam, qua homines putant se posse iustificari? Nonne eo elogio significatur, nos non nostra iustitia quæ est ex

lege, non à nobis, non ab alijs hominibus, non ab angelis iustificari? Certè publica est confessio causam adæquatam iustificationis nostræ esse Iehouam: non enim, opinor, in eo nomine iustitia particularis aut imperfecta intelligitur, sed plena & perfecta.

XIII. Huc accedit, quod nomen istud, *Iehoua iustitia nostra*, nomen est Domini nostri Iesu Christi, vt jam probaui, non autem Israëlitis. Quare si per Iehouam alius ab ipso tota specie, vel genere, diuersus intelligitur, suo isto nomine significabit Christus, se non esse iustitiam nostram, nosque ad illum alterum, vt ab eo iustificemur amandabit: id quod non est. eius Euangelio consentaneum: eo enim toto nos ad se vocat, tanquam is sit, in quo vno iustitia nostra & vita & salus reposita sit. Ipse Deus pater nos trahit ad Filium, nos dat Filio, nos docet venire ad Filium, vt iustitiam vitamque æternam per eum & in eo obrineamus. Præterea, sit ne tibi, lector pie, verissimile, Dominum nostrum non vocari *Iehouam*, id est, ipso Christo, eiusque Apostolis interpretibus, *Dominum iustitiam nostram*, nisi quia significum, typus, monumentum vel memoriale quoddam, alium toto genere ab ipso diuersum esse iustitiam nostram? Potestne in mentem venire Christianis ex gentibus linguæ hebrææ ignaris, græcæ tantum aut latinæ peritis, cum Christum nominari audiunt Dominum iustitiam nostram, Christum non esse illum Dominum, sed illius duntaxat signum & memoriale? Profectò non potest ea cogitatio cadere, nisi in eum, qui sit hoc præiudicio occupatus, aut Christum non posse appellari Dominum, aut non posse dici iustitiam nostram. Non potest enim ea cogitatio nasci ex impositione illius nominis, quasi alicubi scriptum fuisset, id Christo nomen eo consilio inditum fuisse; (hoc enim nusquam legitur:) neque ex intuitu personæ Christi, quasi ea instituta & destinata fuisset ad tale quid significandum: Hoc enim nullo Euangelij loco docetur. Sed neque videtur consentaneum maiestati Christi, vt putetur ad hoc fuisse destinatus, vt esset typus, vel monumentum quoddam, seu signum, non ipsum, sed alium quendam ab eo tota natura diuersum nostram esse iustitiam. Vtùm consulamus tandem experientiam. Sibi enim mutuo respondere debent uocatio & euentum, alterumque ex altero cognosci. Nonne passim in toto orbe Filius vocatur, & creditur, à Christianis Dominus, id est, Iehoua? Nonne appellatur, &

Ioh. vi.

44. 45.

Ioh. 17.

2.

creditur esse, iustitia nostra? Congruit certe cum nostra sententia & fide, inde à prædicato euangelio ad hunc usque diem, euentus, egregius, ut iam aliquoties monui, prophetiæ commentarius.


XI V. Ad exempla quod attinet, quæ laudant Aduersarij, ea nobis nihil obsunt. Id satis fuerit ostendisse in primo, omnium in speciem maximè appposito. Exod. 17. 15. *Edificauit Moses altare, & vocauit nomen eius, Iehoua exaltatio mea*, vel ut alij vertunt, vexillum meum. Longè enim diuersa fuit ratio illius altaris & Domini nostri Iesu Christi. Nam primò illud altare fuit omni vita destitutum, nihilque habuit seu materiam, seu formam, seu usum spectes, quod vel minimam ansam præberet suspicandi, illud esse Iehouam, contrà quominus putaretur Iehoua esse pugnabant in eo omnia; ac propterea in ea appellatione nihil fuit periculi. Dispar est ratio Christi, cuius ea est sapientia, auctoritas, dignitas, virtus, maiestas, atque in nos clementia munificentia charitas, ut nihil à nobis cogitari possit maius aut diuinius. Deinde nulla sunt loca Scripturæ, nulla argumenta, quæ probent illud altare fuisse Iehouam; sunt verò multa, quæ nobis persuadent, Christum esse Iehouam. Tum constat illud altare non fuisse Moësis vel populi Israëlitiçi exaltationem, siue vexillum, cum certum sit, Christum esse reuera iustitiam nostram. Præterea in confesso est, altare illud typum vel monumentum seu memoriale fuisse: id quod de Christo, qui est ipsa veritas, & in quo habitat corporaliter omnis plenitudo diuinitatis, nefas videtur dicere. Denique Altare illud typus fuit Christi. Non enim temerè Moësis illud monumentum altare esse voluit, sed propter analogiam aliquam cum re significata. Iam autem si vmbra est altare typicum, quid erit corpus nisi altare verum? Porro non Pater, sed Christus eius filius est verum altare. Iuat igitur causam nostram hoc exemplum. Nam si nomen, *Iehoua exaltatio mea*, tributum est altari ut vmbre Christi, certè id nomen conuenit Christo ut corpori, ut veritati, non autem ut signo alterius.



DISPUTATIO

TRIGESIMA SECVNDA

De Arg. XXXII. Ex nomine Tetragrammato, vulgò *Jehoua*.

I.  I c tenere me non possum, quin adhuc vnum aut alterum argumentum adjiciam, quo probem Dominum nostrum esse Iehouam. Quod ut fiat cum majore fructu, esto Arg. xxxii. eiusmodi.
Iehoua est Deus Israël præditus essentia diuina.

Christus est Iehoua.

Christus igitur est Deus Israël, præditus essentia diuina.

Vtramque præmissam negat Socinus. Et maiorem quidem his verbis, *Nihil autem dico, quòd, si angeli ipsi multò Christo inferiores, cum Iehoua personam aliquam in se sustinent, Iehoua nomine appellati inveniuntur, ut non vno in loco sup. à nobis demonstratum est; multò magis fieri potest, ut Christus, qui perpetuò in toto salutis nostræ negotio Iehoua Dei personam sustinet, ipsiusque perpetuus in Ecclesia vicarius est, Iehoua nomine appelletur: nec tamen ipse sit reuera Iehoua, sine eiusdem cum ipso essentia. Nam certè nullus angelorum est reuera Iehoua, eandemque cum ipso Iehoua essentiam habet.* Hæc responsio multas continet assertiones. Vna est, Nullum angelorum esse reuera Iehouam. Hæc vera est, nec eget probatione. Altera est, Angelos Iehouæ nomine appellari in Scriptura. Hæc præcedenti repugnat. Quomodo enim eo nomine appellantur, si id nomen eis non conuenit? quomodo id esse dicuntur, quod reuera non sunt?

II. Deinde falsum est, Angelos in plurali numero eo nomine appellari: appellatur quidem Angelus in singulari numero; sed quo sensu is dicatur angelus, naturâ an officio tantum, quærî

potest. Ego verò sic argumentor. Is fuit, aut vtrumquē natura sua, nimirum Iehoua & Angelus: aut vtrumque officio tantum: aut alterum naturā, alterum officio. Primum nemo dixerit: id enim sine vnione hypostatica diuinæ & angelicæ naturæ intelligi non potest. Nec secundum; fuisset enim ille tertia quadam natura à Diuina & Angelica diuersa præditus, quæ cuiusmodi fuisset, aut esse potuisset, intelligi nequaquam potest. Tertium igitur admittendum est. Vtrum ergo natura Iehoua fuit, officioq; Angelus; an contrā, natura Angelus, & officio Iehoua? Certè prius longè probabilius est. Angelus enim nomen est muneris seu officij, Iehoua non item. Angelus nomen est appellatiuum, quod de alijs, qui non sunt naturā angeli, frequenter vsurpatur in vtroque testamento; Iehoua verò nomen est proprium Dei Israël. Adde quod non sit probabile, Deum, qui est gloriæ suæ studiosissimus, quique passim Iehouam esse se inculcat & præter se neminem, voluisse nomen istud suum, omnium maximè & proprium & sacrosanctum, transferre ad angelos meras creaturas ac seruos suos? Quod autem ait Socinus se hoc demonstrasse, si quod argumentum ad id probandum, vel ipse, vel Crellius, attulit, id à nobis refutatum est Disp. de Arg. xxii. §. ix. & Disp. de Arg. xxiii.

Esai 42.
8. & 45.
5. 7.

III. Præterea sic Aduersarium aggredior. Tu vis, istum Angelum, qui Iehoux nomine appellatur, esse naturā angelum, hoc est, præditum natura angelica. Ego contendo eum esse natura Deum seu Iehouam. Vter nostrum rectius sentiat consideremus. Quo argumento efficies, eum esse naturā angelum? Istone, Appellatur Angelus: Ergo est naturā angelus? Nego consequentiam. Multi enim homines, quod tu ignorare non potes, in vtroque testamento angeli appellantur. Nec mirum: est enim angelus propriè, vt jam aliquoties monui, nuncius. Num hoc potius, appellatur Angelus Iehoux: Ergo est naturā angelus? Hanc quoque consequentiam nego, quoniam, & Sacerdos & Iohannes Baptista appellantur angeli Iehoux, Ille Malach. 2. 7. hic Malach. 3. 1. & Matth. 11. 10. quos tamen certum est meros homines fuisse.

I V. Fortasse vtēris hoc argumento. Is, aut homo fuit, aut Deus, aut angelus. Non fuit homo, saltem illò tempore, vt patet. Nec fuit Deus seu Iehoua. Ergo fuit angelus naturā. Immo,

inquant, Deus seu Iehoua fuit; testibus, sacro historico, qui cum non raro Iehouam appellat, ipsoque illo angelo, qui se Deum esse seu Iehouam testatur aliquot locis. Atqui, inquires, appellatur angelus Iehouæ. Non potest autem angelus Iehouæ esse Iehoua. Contrarium docet Scriptura, cum eundem aliquoties simul & angelum Iehouæ & Iehouam appellat, vtri potius habenda fides, tibi ne pro ingenio affirmanti, Angelum Iehouæ non esse Iehouam, An Scripturæ asserenti, Angelum Iehouæ esse Iehouam? Clamat hic Angelus, se esse Iehouam. Idem testatur sacer historicus. Quis tu es, qui audes contrarium docere, mendacique eos insimulare?

V. Adjicies, Non posse vnum eundemque summetipsum angelum dici. Quid inde concludis? Angelum Iehouæ non esse Iehouam? Hoc, vt dixi, contradicere est illi ipsi Angelo, sacrisque historicis. Cur non potius inde concludis, plures esse personas diuinas. At, instabis, *Iehoua est vnus Deut. 6. 4. &, nullus est Deus alius nisi vnus 1. Cor. 8. 4.* Credimus vtrumque, & plures esse personas diuinas, & non nisi vnum Deum, vnum Iehouam esse: quia vtrumque Scriptura docet, quam multis inuictis argumentis certissime scimus diuinitus inspiratam esse. At quomodo est vnus Iehoua, si duo sunt, quorum alter simpliciter Iehoua, alter simul Iehoua & Angelus Iehouæ appellatur? Nempe duo illi vnum sunt. Conuenit autem illis Iehouæ nomen quatenus sunt vnum, non vero quatenus inter se distinguuntur.

VI. Objicies, non posse duas personas eandem numero habere naturam. Quo argumento id probabis? Testimonio Scripturæ? nullum extat. Ratione aliqua Metaphysica? vtra igitur est regula fidei nostræ, Scriptura, an Philosophia? Certè fides est ex auditu verbi Dei, non autem Philosophiæ; & quis melius nouit quomodo se habeat Deus, cui nihil est in rerum natura simile, quàm ipse Deus? Refellit autem ipse Deus omnes subtilitates Metaphysicas, quibus personarum diuinarum distinctio, & naturæ diuinæ vnitas oppugnatur, quoties vtramque verbo suo inculcat. Innuit enim se vnitatem intelligere, quæ non repugnet eiusmodi distinctioni, & distinctionem, quæ non repugnet eiusmodi vnitati. Repones, non pugnare Theologiam cum Philosophia. Agnosco, modò Philosophiam intelligas veram & rectam, Hæc verò obiectum suum transgredi non debet, nec se
mysterijs

mysterijs omnem modum reuelationis naturalis exsuperantibus immiscere, nec Deum, quatenus à creaturis differt, creaturarum pede & modulo metiri. Alioqui si saltem immittit in propriam Theologiz supernaturalis messem, verbo Dei corrigi debet, non contrà verbum Dei Philosophiâ. Cæterum omnes illas subtilitates, quas è Philosophia depromunt Aduersarij, Deo dante, diluimus alio loco. Nunc enim de Scripturæ verbis duntaxat disputamus, vt quæ huius controuersiz pars cum illis consentiat, quæ dissentiat, agnoscamus.

VII. Non potuisti probare, illum, qui simul Angelus Iehouæ appellatur & Iehoua, præditum esse natura angelica. Ego verò probo eum esse præditum natura diuina. Et primò quidem sic. Appellatur Iehoua: Ergo est reuera Iehoua. Probo consequentiam Cui nomen diuinitus tribuitur, ei conuenit nominis illius significatio. Illi autem, qui simul Angelus & Iehoua appellatur, tribuitur diuinitus nomen Iehouæ, & quidem sæpe. Ergo illi conuenit nominis Iehouæ significatio. Est autem nomen Iehoua, nomen Dei Israelis creatoris cœli & terræ, & quidem nomen proprium, saltem pro tempore Veteris Testamenti, non autem nomen commune sicut Angelus. Id enim, & Deus ipse sibi vni imposuit, suumque nomen esse testatus est plurimis locis, & se habet perpetuò vt nomen proprium. Cui igitur id nomen diuinitus tributum est, eum oportet Deum Israël esse. Hæc enim est vnica nominis illius significatio.

VIII. Deinde sic, Qui proficitur in Veteri Testamento se esse Deum, Iehouam, Deum Abrahami, Isaaci, &c, is haberi debet pro Deo Israël prædito essentia diuina. Quis enim illi dicere ausit, Tu is reuera non es, quem te esse profiteris? Tu te dicis esse Iehouam, & Deum Abrahami, Isaaci, & Iacobi, cum tamen reuera nihil sis nisi Iehouæ seruus. Nisi fallor hoc esset cum mendacij, immò sacrilegij accusare. Atqui iste Angelus proficitur se esse Iehouam, Deum Abrahami, Isaaci, & Iacobi Gen. 31. 11. 13. Exod. 3. 2. 6. Iudic. 2. 1. &c. Ergo iste Angelus haberi debet pro Deo Israël prædito essentia diuina. Sed pergamus. Quid enim opus est pluribus argumentis?

IX. Tertia Socini assertio est, *Angelos, Iehouæ personam quibusdam in rebus sustinuisse*. Id mihi probari velim. Rationem nullam affert: nec video quomodo probari possit. Haud satis

etiam assequor; quò sensu id ab eo dicatur. Phrasis enim illa *Iehoua personam sustinere*, quàm est à Scripturâ aliena, tam mihi ambigua & obscura videtur. Quid est enim, quæso, Angelos Iehouæ personam sustinere? Eam veluti ferre & gestare? dicitur enim Iehoua super cherub æquitare ps. 18. 2. & sedere Ezech. 10. 4. Id ad rem quam agimus nihil faceret prorsus. Eius causam tueri? Id quoque *Id est, me, &c.* Iehouæ nomine appellari, & se profiteri Iehouam esse? Nugantur igitur Aduersarij, cum dicunt angelos Iehouæ nomine appellari & se profiteri Iehouam esse, quia Iehouæ personam sustinent. Iehouæ legatum esse, eique legationi consentanea dicere & facere? sustinent igitur perpetuò & omnibus in rebus Iehouæ personam Angeli: id quod tamen negat Socinus. In nomine Iehouæ loqui & agere? Id etiam perpetuò & omnibus in rebus conuenit angelis. Nos etiam Christiani tenemur omnia facere in Christi nomine, num igitur eius personam omnibus in rebus tenemur sustinere? Quid ergo tandem est Iehouæ personam sustinere? Typum esse Iehouæ? Certè Angeli typi fuerunt Domini nostri Iesu Christi. Cum enim sœdus legale contraheretur & promulgaretur, inter Deum & Israëlitas interponebantur, illinc quidem Angeli, hinc verò Moses, cui successit Iosue, adjunctus autem fuit Aaron: Itaque Dominum nostrum, qui his omnibus respondet, Auctor Ep. ad Heb. confert primò cum Angelis, deinde cum Mose, tum cum Iosue, & tandem cum Aarone. Verùm typi in historijs Veteris Testamenti suas ipsi personas sustinent, non autem alienas, earum scilicet rerum, quarum sunt typi. Fortè volunt Angelos Iehouæ personam in historijs sacris, tanquam in dramate, repræsentasse. Hoc verò esset verissimas ac diuinissimas Scripturæ historias in dramata seu fabulas conuertere: quo nihil fingi potest magis blasphemum. Ita Angelus ille, qui Iehoua vocatus est & se Iehouam esse professus est sæpius, fuisset Iehoua personatus &; vt Plautino verbo utar, histricus. Isque, vt iam monui, solus personatus fuisset, præter eum alius nemo: Et tamen habuisset veram Iehouæ auctoritatem eique fides habenda fuisset in omnibus, vocareturque simul Iehoua & Angelus Iehouæ. Quæ omnia, quàm sint à dramate aliena nemo non videt.

X. Quarta Socini assertio est, *Angelos, cum Iehoua personam aliqua in re sustinent, Iehoua nomine appellari.* Hoc falsum esse

contendo. Quo enim sensu Angeli dici possint Iehoua equidem non intelligo. Nemo profecto, nisi cum fabula seu drama agitur, ita alterius personam sustinet, ut eius nomine proprio appelletur, & se illum ipsum profiteatur esse, cuius personam sustinere dicitur. Nam, si id extra drama fiat, pro mendacio habebitur. Mentietur Legatus, si se illum ipsum profiteatur esse à quo sit missus. Mentietur typus, si se dicat illum esse cuius est typus, Moles verbi gratia, si se dicat esse Iesum Christum. Mentietur inferior Magistratus si se regem esse profiteatur. Quid? Nonne Iesu Christi personam Apostoli æquè, aut etiam magis, sustinuerunt, quàm Iehouæ Angeli? tamen Apostoli nunquam Iesu Christi nomine appellantur. Nunquam quisquam eorum ita fideles alloquutus perhibetur, Ego sum Iesus Christus qui vos sanguine meo redemi. Nec intelligi potest quomodo sic Petrus, aut Paulus, aut aliorum Apostolorum aliquis Ecclesiam sine mendacio affari potuisset. Cum igitur idem simul & Angelus Iehouæ & Iehoua appelletur sæpe, seseque ipsum profiteatur esse Iehouam, id què citra mendacium, verissimè, omnino tenemus id credere. Docet igitur Scriptura & testatur & inculcat, esse quandam personam, quæ ita sit Iehouæ angelus, ut tamen sit Iehoua. Docet igitur & testatur, & inculcat, esse duas personas quæ sint Iehoua.

XI. Quinta Socini assertio est, *Christum perpetuo in toto salutis nostre negotio Iehoua Dei personam sustinere.* Examine sustinet tanquam suam, an tanquam alienam? Si prius, igitur est Iehoua Deus. Si posterius, quomodo id conuenit cum Evangelio, quod nihil prorsus tribuit Christo, & in quo Christus nihil prorsus sibi tribuit, quod ipsi reuera non conueniat in propria sua persona? Deinde, An Christus cum baptisabatur à Iohanne, tentabatur à diaboło, docebat turbas è nauicula, orabat Patrem in orto, damnabatur à Synedrio, verberabatur à satellitibus, interrogabatur à Pilato, agebatur in crucem, pendeat in cruce inter duos latrones, spiritum suum commendabat Patri, moriebatur, sepeliebatur, resurgebat &c, alienam Iehouæ Dei sustinebat personam? Vtinam quæ asseuerant Aduersarij vel considerarent attentius, vel explicarent distinctius! Quod addit Socinus, *Christum Iehoua Dei perpetuum in Ecclesia vicarium esse*, id negatum est à Smalcio, uti à nobis est obseruatum Arg. IX. §.

Sup.
P. 133.
134.

xxi. x. quam theſum & præcedentem, tu, quæſo, lector re-
Juge. *Ex ſuis illis aſſertionibus deducit hanc concluſionem*
Socius, *fieri potuiſſet ut Chriſtus Iehoua nomine appelletur, nec ta-*
men ipſe ſit reuera Iehoua. Nempe ex præmiſſis falſis mirum non
eſt ſi ſequatur falſa concluſio. Sed quæro jam, non an potuerit
Iehouæ nomine Chriſtus appellari, ſed an reiſa appellatus fue-
rit in Scriptura, necne? Negat Socius; Atque ita quod minus
probabile eſt id affirmat, quod magis probabile eſt id negat. Mi-
nus enim probabile eſt Angelos nomine Iehouæ appellari, quàm
Chriſtum. Nam ſi vtriſque commune fuit ſuſtinere perſonam Ie-
houæ, Illi eam ſuſtinuerunt ad tempus, Hic perpetuò: Illi qui-
buſda orduntaxat in rebus, Hic in toto ſalutis noſtræ negotio: Il-
liminiſ perfectè, Hic perfectiſſimè. Si igitur angeli, quia ſu-
ſtinuerunt perſonam Iehouæ aliquando, & quibuſdam in rebus, &
imperfectè, nomine Iehouæ appellati ſunt frequenter; nonne
Chriſtus, qui perſonam Iehouæ perpetuò & omnibus in rebus &
perfectiſſimè ſuſtinuit, potiori jure nomine Iehouæ appellari de-
buit? Quis ergo credat tantum honorem tributum fuiſſe angelis
ſæpe, quibus tamen minus conueniebat: Chriſto verò, cui magis
debeatur, denegatum fuiſſe conſtanter?

Crell.
de vera
Rel. lib
1. cap.
xi.

XIII. *Aiunt Angelos Iehouæ perſonam & nomen aſſumpſiſſe,*
ut tanto plus auctoritatis haberet res & oratio, & in auditorum ani-
mos altius descenderet. Atqui multò plus auctoritatis habere Euan-
gelium oportuit quàm legem, multòque altius in auditorum ani-
mos deſcendere. Cur igitur ſimiliter Chriſtus Iehouæ perſonam
& nomen non aſſumpſit? cauendumne fuit ne nimium tribue-
tur Filio, neue honoraretur ſicut honoratur Pater, cum cau-
dum non fuerit ne nimium tribueretur angelis, neue illi diuino
honore afficerentur?

XIV. Aut igitur Deus voluit ut angelus ille crederetur Ieho-
ua eſſe, aut non voluit. Si voluit, parendum eſt eiſ voluntati.
Si noluit, cur eum voluit Iehouam toties & appellari, & eſſe ſe
proſiteri? Nam ſi Iehoua eſſe creditur, plus habet auctoritatis
res & oratio, altiusque in animos auditorum deſcendit: ſi non
creditur: tacitè falſitatis accuſatur minuiturque rei & orationis
pondus.

XV. Sed quid immoror in refutanda reſponſione, quam ar-

gumentum nostrum parua declinatione potest effugere? si nempe sic concipiatur.

Cui verè, & non quatenus alienam personam sustinet, conuenit nomen Iehouæ, ille reuera est Iehoua, præditus essentia diuina.

Christo verè, & non quatenus alienam personam sustinet, conuenit nomen Iehouæ.

Christus igitur est reuera Iehoua, præditus essentia diuina.

Erit etiam nobis iterum hac eadem de re disputandum ad Arg. sequens, cui suum aliquod proprium momentum conseruari oportet. Hoc igitur tantum dicam hoc loco. Si fieri potuit, ut Christus Iehouæ nomine appelletur, nec tamen ipse sit reuera Iehoua, fieri potuit ut Scriptura mentiatur & nos fallat. Negabunt sine dubio consequentiam. Dicant igitur nobis quid sit mentiri, si hoc non est. Si veritas est orationis cum ipsa re consensio, quid est orationis ab ipsa re dissensio, nisi falsitas? Si, ut

Crellij verbis utar, *veritatis est curare, ut verba cum re ipsa consentiant, nec aliter loquaris quam rem sese habere sentis*, nonne is a veritate discedit, cuius verba cum re ipsa non consentiunt, quique aliter loquitur, quam rem sese habere sentit? Frustrà repone-

Lib. I,
de vera
relig.
cap. 25.

ment, Christum Iehouæ nomine appellari, quia Iehouæ personam sustineat. Nam aliud est esse Iehouam, id quod Iehouæ nomine appellari significat, aliud Iehouæ personam sustinere, hoc est ut ego interpretor, eius seruum & legatum esse. Si profanus aliquis historicus Christianissimi regis legatum, regem Gallie vel Ludouicum XI V. appellaret, aut esse affirmaret, quis id ferret? quis frigidam illam & ineptam excusationem admittendam censeret, potuisse legatum sic appellari, quod legatus seu vicarius Regis cum esset, eius personam sustineret? Magnam igitur sacris autoribus injuriam faciunt Aduersarij, cum eos existimant, Iehouæ nomine Angelum vel Christum appellasse, ac esse Iehouam sanctè affirmasse, cum tamen reuera Iehoua, nec angelus ille, nec Christus esset.

XVI. Venio igitur ad alteram Socini responsionem. Ea negat minorem argumenti nostri, hoc est, Dominum nostrum Iesum Christum esse aut appellari Iehouam, id quod & probatum est a nobis superioribus argumentis, & probatum imus hoc loco his paucis. Primum sic habet. Cui passim in sacris literis græcis

II. resp.
Refut.

tribuitur absolute, seu $\kappa\alpha\tau' \epsilon\iota\varsigma\chi\lambda\omega$, & tanquam aliquo modo proprium, illud nomen græcum, quod omnium nominum græcorum maxime accommodatum ad hebraicum Iehoua exprimendum non modo 70. interpretibus, sed ipsis etiam Iesu Christi Apostolis, ipsique adeo Spiritui sancto visum est, ei tributum censeretur nomen Iehoua, cuius græcum illud est versio seu interpretatio. Christo passim in sacris literis græcis tribuitur absolute seu $\kappa\alpha\tau' \epsilon\iota\varsigma\chi\lambda\omega$, & tanquam aliquomodo proprium id nomen, quod omnium nominum græcorum maxime accommodatum ad hebraicum Iehoua exprimendum, non solum 70. interpretibus, sed ipsis etiam Iesu Christi Apostolis, ipsique adeo Spiritui sancto visum est. Christo igitur tributum censeretur nomen Iehoua. Non video quomodo maior negari possit, nam & per se clara est, & potest inductione probari. Cui enim nomen græcum conuenit huic conuenit etiam hebræum quod per græcum illud constanter exponi solet, ut patet inductione omnium eiusmodi nominum. Minor etiam ita manifesta est, ut vocari in dubium non possit. Nam & 70. interpretes in Veteri Testamento, & Apostoli in nouo hebræum Iehouam vertunt $\kappa\upsilon\epsilon\iota\omicron\nu$ passim & constanter, quod nomen absolute seu $\kappa\alpha\tau' \epsilon\iota\varsigma\chi\lambda\omega$, & tanquam eius aliquomodo proprium Seruatori nostro Iesu Christo conuenire Christianus non est qui neget.

XV II. Hoc argumentum Socius primum dilemmate oppugnat, deinde soluere conatur, sed frustra. Dilemma est eiusmodi. *Aut istud, inquit, quod de Christo dicitur, significatum à nomine Iehoua, eiusmodi est, ut soli illi uni Deo conueniat: aut non est. Si est; quid ineptius, quàm ex re ipsa, qua de Christo dicitur, non statim argumentari, illam esse illum unum Deum: sed ex ea prius colligere, nomen quod eam significat, Christo conuenire, ut inde postmodum concludatur, Christum esse illum unum Deum? Si non est; Frustrà ex nomine, quod propter rem, quam significat, Christo conuenire Bellarminus ratiocinatur, id concludit, quod ex ipsa re concludere nequit. Sophistam agit Socinus. Quid enim refert vnde argumentemur? Nam, vel præmissæ syllogismi nostri, nullo formæ vitio laborantis, ambæ veræ sunt; vel ambæ falsæ, aut saltem earum altera. Si prius, cur totum non concedit, & dat manus? si posterius; cur rectà falsitatem non reregit soluendo argumentum? cur tempus terit inutili vitilitigatione? Respon-*

deo tamen ad dilemma; significationem nominis Iehouæ eiusmodi esse, ut soli illi vni Deo conueniat: nec tamen nos ineptè facere, qui ex ea, hoc quidem in loco, rectè à seu immediatè non concludimus, Christum esse illum vnum Deum. Cum enim possim ab illa significatione argumentari duobus modis, mediante scilicet nomine Iehoua, vel sine eo; quid prohibet, quominus pro meo arbitratu illo nunc utar, isto dissimulato, aut in alium locum rejecto præsertim si ille, quàm iste, clarior aut facilior mihi videatur? Ex duabus vijs eòdem tendentibus facione ineptè cum longiorem, si mihi tutior commodior faciliorque videatur, breuiori antepono? Adde quod reuera duo sunt media seu argumenta diuersa, illud quod à nomine Iehoua eiusque significatione ducitur, & illud quod ab illa significatione, non formaliter quatenus est significatio nominis Iehouæ, sed materialiter & per sese spectata peti potest. Quis enim non videt argumentationem qua vsi sumus, niti autoritate 70. interpretum, & præcipuè Apostolorum, Iehouam reddentium *κύριον*, non autem vinominis citra relationem ad Hebræum Iehoua considerati? Hinc enim si liberet argumentari, duceretur argumentum à summo illo iure & dominio seu potestate, quam Christus habet in res omnes, certissimo diuinitatis eius indicio. Sed ea argumentandi ratio, ut non est huius loci, sic non est necessaria ad tuendum illud argumentum, quod hac disputatione tractamus.

XV I I I. Sic autem illud soluere conatus est Socinus. *Respondet, inquit, nec 70 interpretes, nec Hieronymus, eos imitatum, reddidisse nomen Iehouam κύριον seu Dominum, quia putarent, se hoc pacto nomen illud exprimere; sed quia nec 70 illis melius quidquam succurrit, quod græcis auribus inaudistum non foret, nec Hieronymus hac in parte quidquam innouare voluit. Alioqui nomen Iehoua est nomen proprium, κύριος verò seu Dominus, appellatiuum & plurimis vulgò tributum: & idcirco, vel ob hoc solum valdè ineptum ad nomen Iehoua exprimendum.* Ego verò non tam 70. interpretum & Hieronymi auctoritate nitor, quàm ipsorum Euangelistarum & Apostolorum, qui græcè scribentes, & loca Veteris Testamenti laudantes in quibus extat nomen Iehoua, illud constanter κύριον reddiderunt, non quod eis religio esset discedere à 70. interpretum versione, (eam enim non perpetuò sequuntur) sed quod nullum videretur græcum nomen hebræo Iehoua aptius ref-

pondere. Quamuis enim nomen *κύριος* appellatiuum sit, & plurimis vulgò tributum, tamen positum absolutè, antonomastice, *κύριος* ἐξ ὀνόματος, Dei, cui seruire debent omnes creaturæ, proprium est, reciprocaturque in Scriptura cum nomine Iehoua. Quis porro credat, aut nullum in lingua græca, qua nulla copiosior fuit, reperiri potuisse nomen *non valdè ineptum ad nomen Iehoua exprimendum*, aut si quod fuit, eo intuper habito maluisse isto *κύριος*, ad eam rem, si credimus Socino, valdè inepto, tam sæpè tamque constanter vti, summo consensu, 70. Interpretes, Hieronymus, Euangelistæ & Apostoli? Haud satis enim religiosè & prudenter loca Scripturæ ex hebræo in græcum conuertere ille videtur, qui verbum pro verbo reddens id eligit, quod valdè ineptum est, præterito aptiore: idque eo minus in nomine Iehoua interpretando faciendum fuit, quo, & frequentius extat in antiqua Scriptura, & nomen est magis memorabile, ac proprium Dei.

XIX. Pergit Socinus. *Conati tamen sunt 70 huic malo hac ratione mederi, ut scilicet nomen κύριος ferè semper cum Iehoua loco ponitur, sit sine articulo; ut etiam alibi antè monuimus, quo commodius nomen proprium referre posset, neque enim solent appellatiua nomina in græca lingua, cum subiecti locum tenent, efferrī sine articulo. At Christus, cum κύριος subiectiue (ut sic dixerim) appellatur, ferè semper articulus præponitur nomini isti. Ex quo fit, ut, Ego argumentum ab eodem nomine κύριος ductum in ipsum Bellarminum torqueam: & meritò sic concludam, cum nomen κύριος, quando Iehouam significat, ferè semper sine articulo efferatur, quando verò Christum, ferè semper cum articulo; satis constare posse, Christum non esse Iehouam, & quod κύριος nominetur, minimè propterea Iehouam nominari. Si (quod fingit Socinus) illi scilicet malo mederi ea ratione 70 voluerunt, cur id non constanter obseruauerunt, ut perpetuò κύριος pro Iehoua sine articulo ponerent? cur tot locis, ut non facile eorum numerus iniri possit, articulum nomini κύριος præposuerunt? Hoc enim ab ijs factum est ita frequenter; præsertim in psalmis, quos fideles in delicijs habere debent, ut pro Iehoua positum cum articulo ὁ κύριος in omnibus ferè psalmis occurrat, ac non rarò in eodem psalmo bis ter quaterue, immò nonnunquam octies ut psalmo secundum editionem 70 trigesimo secundo, nouies ut ps. xc v. & cii. decies ut ps. xx xiiii. &c. Fortè sic vsurpatum cum articulo pro nomine Iehouæ non*

occurrit.

occurrit in libris Moſis. Immo occurrit multis in locis, vt, exempli cauſa, Gen. 4. 3. & 8. 20. & 12. 8. & 13. 14. 18. & 18. 17. 33. Fortè non legitur cum articulo in testimonijs Veteris Teſtamenti, quæ Apoſtoli conuerterunt & laudarunt in Nouo. Immo legitur, vt, exempli gratia, Act. 2. 25. Rom. 15. 11. 1. Cor. 10. 26. Heb. 8. 11. 1. Pet. 2. 3. Fortè cauent Apoſtoli, ne nomen *יהוה* ſine articulo de Domino noſtro Ieſu Chriſto uſurpent. Immo tam crebrò de *eo* nomen illud ſine articulo uſurpant, vt ſic uſurpatum mihi percurrenti Nouum Teſtamentum pluſquam ſeptuaginta vicibus occurrerit. Cum igitur toties nomen *יהוה*, & pro Iehoua cum articulo, & de Chriſto ſine articulo uſurpetur, apparet hanc Socini reſponſionem & retorſionem omninò vanam eſſe; Immo poſſe in ipſum Socinum retorqueri. Nam ſi nomen *יהוה* abſque articulo præfixo nomen eſt Dei Iſraëlis proprium paſſim loco Iehouæ uſurpatum; idque nomen icidem ſine articulo paſſim Filio Dei tribuitur à ſacris ſcriptoribus; quis non videt ea ratione ſacros auctores innuere non obſcurè, Filium Dei eſſe Deum Iſraëlis, eſſe Iehouam?

XX. Sic ſe habuit primum argumentum à nominis Iehouæ verſione & interpretatione, quam ipſi Apoſtoli probarunt & confirmarunt, peticum. Alterum ſequitur ductam ab ipſius vocis Iehouæ etymo & vi. Nulla autem mihi lis erit cum Aduerſarijs ea de re. Sequar enim opinionem Crellij. Is *nihil dubitat, veram iſtius vocabuli pronunciationem eſſe Ieheuch vel Iihueh, idque ſua naturagrammaticis verbum eſſe, quod ſignificet erit: uſu autem nominis induiſſe naturam, qua ratione etiam prima huius verbi perſona Ehjeh id eſt ero, aut integra oratio ero qui ero, quæ ſe appellat Deus, in nomen quoddam migratit.* Hoc colligit ex Exod. 3. 13, quo loco, verba eius tranſcribam, *Deus querenti Moſi, quid reſpondere debeat Iſraëliſis interrogantibus, quodnam ſit nomen Dei illius, à quo ſe miſum aſereret, ita, ſi ex Hebraeo locum veras, reſpondet: Ero qui Ero: quibus ſubijcit: Sic dices filijs Iſraël, Iehoua Deus Patrum veſtrorum, Deus Abrahami, Deus Iſaaci, & Deus Iacobi, miſit me ad vos: hoc eſt nomen meum in ſeculum, & hoc memoriale meum in generationem & generationem, ubi vides, cum primum ſeſe appellafſet Deus, Ero qui Ero, deinde conciſus; Ero; eundem poſtea verba, quibus Moſes ad populares ſuos uſi debeat, formantem, & ſic in tertia perſona de ſe loquentem, pro*

Lib. de
Deo &
eius at-
tribu-
tis qui
præſi-
xus eſt
VVol.
Kelio
cap. 11.
p. 76.

Ero ponere vocem Iehoua. Satis autem liquet, Deum in sequentibus verbis non aliud prorsus nomen pro eo, quod prius sibi indiderat, repone-
 nere, sed idem, pro persona loquentis ratione, diuersimodè formatum
 repetere. Cùm ergo in prima persona de se loquens, sese vocarit
 Ero qui Ero, vel vna voce Ero: certè nunc in tertia persona de se
 ipso per Mimesin loquens & simplici voce utens, Erit seipsum appel-
 lasse censendus est. Id autem Hebrais est Iehueh, vel Iihueh.

XXI. Hoc ut fiat planius nonnihil adhuc addendum est, inquit,
 Cùm Deus seipsum appellauit Ero, Hebraicè dixit Ehieh. Huius ter-
 tia persona singularis, masculini generis, si & literas & puncta vo-
 calia nostro more efferas, est Iihueh, id est, Erit. Verùm quia hæc
 vox Hebraica in familiari usu magis versatur; ideo, ne Dei ipsius
 nomen promiscuo usu quodammodo profanaretur, sed à verbo illo
 vulgari facilius discerneret: cognatum Iehueh vel Iihueh eius lo-
 co fuit substitutum, quod & minus esset frequens. & eiusdem tamen
 cum illo significationis, ac vnâ tantum ab illo literâ distaret. Nam
 loco i penultima litera est v, qua quidem litera apud Hebræos nec fi-
 gura multum distant, & inter se facile commutantur. Tantum au-
 tem videtur effecisse nominis diuini reuerentia, ut Iehueh in vulga-
 ri etiam ac genuina significatione frequentari desierit. Hactenus
 Crellius, qui etiam obseruat, non ita vocem illam, qua de agimus,
 nominis amulari ingenium, ut non suum etiam magna ex parte re-
 tineat. Nam nec variationem alijs nominibus vsitatam admittit,
 nec particulas sibi affigipatitur, quas idem illud verbum aliàs res-
 pueret. Addo simili inodo tertias personas masculinas verborum
 פִּיךָ & פָּיךָ, quorum illud ridere, hoc supplantare significat,
 Patriarchis Isaac & Iacobo nomina propria fuisse.

XXII. Habemus nomen tetragrammaton (quod per
 puncta vocalia non sua, plerisque omnibus viris doctis & pijs
 improbantibus, vulgò legitur Iehoua) propriè significare Erit,
 Græcè ὁ ὢν, aut ad formam nominis propius, ὁ ἐκμεν, ὁ ἐκμεν-
 v, qui futurus est, qui venturus est. Nunc qua mente, quoue
 sensu sibi hoc nomen Deus ipse imposuerit dispiciendum est: vel
 enim propriè significat eum, qui est fons essendi, & cum non ha-
 beat esse ab alio, dat rebus omnibus ut sint; vel, eum qui id sit pra-
 stiturus quod promisit; vel aliud quid. Primum affirmat Bellarmi-
 nus, secundum Crellius, de tertio pòst videbimus. Non quæri-
 tur hoc loco an primum illud aut secundum augustissimo illo no-

mine significetur per consequentias quasdam, aut spectata eius, cuius est nomen, naturâ (id enim fortassis à nemine negabitur) sed an significetur eo nomine rectâ propriè & formaliter ? Socius respondens Bellarmino mentem suam de nominis illius significatione aperire noluit, tantum innuit primam illam significationem iure posse cum in dubium reuocari, tum in Bellarminum retorqueri. Ne igitur aut ad eam confugiant Aduersarij, aut eam in nos torqueant, monemus lectorem nostrum, eam posse his argumentis impugnari.

XXIII. Primum ab hoc ipso nomine ducitur, quod, cum sit tertia persona futuri verbi Haui, aut nomen ab ea formatum, propriè & per se futurum significat. Ponitur autem non raro in Scriptura futurum pro præterito, sed tum futuri significationem deponit, quâ retentâ præteritum aut præsens formaliter significare non potest; ac ut possit, tamen causa nulla est cur à propria futuri significatione discedamus: præsertim cum Deus ipse, quasi quid nominis sibi conueniret præteritans, non præteritum aut participium præsentis, sed futurum *Echieh*, bis de se vsurparit, innuens in imponendo sibi nomine se futuri rationem habere. Alterum ex eo peti potest, quod si nomen illud significaret formaliter eum, qui fons est essendi, & cum non habeat esse ab alio, dat rebus omnibus ut sint, consequens esset eo nomine aptius nullum fuisse ad historiam creationis, qua Deus dedit rebus omnibus ut sint, describendam; quâ igitur factum est, ut toto primo capite geneleos, quo illa historia continetur, & Dei nomen plusquam trigiesies repetitur, sacer auctor sibi ab hoc nomine vsurpando temperauerit ? Cum enim ea historia, nisi ipso Deo reuelante, cognosci ab homine non potuerit, existimandum non est id casu nulloque consilio accidisse, ut toto illo primo capite nomen *Elohim*, id est, Deus vsurparetur solum; Deinde capite secundo, à verbis illis *Ha sunt generationes coelorum & terre* &c ad finem vsque capitis, vsurparetur nomen *Iehoua*, non tamen solum, sed sequente *Elohim*. Est igitur absque dubio illius rei ratio aliqua scitu digna, quæ tamen reddi nulla omnino potest positâ illa significatione nominis Iehoua.

XXIV. Tertium argumentum nobis suppeditant verba Dei Exod. 6. 2. quæ sic habent ipso Crellio vertente, *Ego sum Iehoua: apparuique Abrahamo, Isaac, & Iacob in nomine*) De

omnipotentis: at (in) nomine meo, Iehoua non sum cognitus illis &c. (Agi autem in illis verbis de reuelatione non ipsius vocis, sed rei per eam significatæ ipso facto seu experimento cognoscendæ, inter omnes conuenit.) Quomodo enim dici potuit Deus apparuisse Patriarchis illis in nomine Dei omnipotentis seu sibi & alijs sufficientis, & tamen non apparuisse illis in nomine Iehoua, si hoc nomen formaliter eum significat, qui fons est essendi & dat alijs vt sint hoc enim est esse Deum omnipotentem, & si mihi ita loqui liceat, omnisufficientem. Annon etiam Deus illis Patriarchis cognitus fuit vt creator & conseruator & possessor cæli & terræ, quique pro suo arbitrio vterum claudit & aperit? Quomodo verò vt talis cognosci potuit, nec tamen cognosci vt fons essendi, dans alijs rebus vt sint?

XXV. His adde, capi animo non posse, si ea fuit nominis illius formalis & præcisa significatio, qui factum fuerit, vt non modo 70 interpretes, sed omnes Iudæi, omnes Euangelistæ & Apostoli, omnes Christiani aliquot seculis summo consensu nomen illud hebraicè Adonai, græcè *κύριος*, legerint & verterint? Succurrebant enim alia nomina ad eam significationem exprimendam magis accommodata, Hebræa & græca, verbi gratia, Iah, Hu, schaddai, El, Eloah &c. *id est* quo nomine 70. reddiderunt *Echieh* Exod. 6. & si qua sunt alia similia. Profectò tantus consensus à Deo approbatus non contigit sine instinctu quodam diuino, cuius ratio, admissa illa significatione, nulla posse reddi videtur.

XXVI. Denique non sine singulari quadam prouidentia Dei accidit, vt tempore aduentus Christi ac reuelationis claræ Euangelij, nomen illud ab omnibus vbique locorum legi & pronunciari defierit, ac in eius locum suffectum fuerit maximo omnium consensu *κύριος* nomen, quod Christo non conuenit modò, sed etiam proprium est aliquomodo: tamen huius rei, si fontem essendi, vt Bellarminus dixit, formaliter significat, nulla concipi ratio potest. Debit enim sub Euangelio maximè Deus vt fons essendi, eiusque omnibus rebus dator, & reuelari, & agnosci, & celebrari ab omnibus gentibus; nec causa vlla fuit, cur nomen quo id significetur splendore Euangelij obscuraretur & obsolesceret. Hæc argumenta examini & iudicio tuo, lector dilecte, libens subijcio, neque, vt ea apud te expendas, rogo & quaeso.

XXVII. Altera etiam expositio, *Eidem nomen Dei ac con-*

stantiam in seruandis promissis eo nomine potissimum, &, vt loquuntur, propriè & formaliter declarari, nec probari posse videtur, & potest similiter aliquot argumentis impugnari. Dico propriè & formaliter: quin enim per consequentiam ex eo nomine Dei fides & constantia elici possit, absit vt negem. Affirmat quidem Crellius ex verbis Dei Exod. 6. 2. 3. 4. 5. 6. 7. satis apparere, idè Deum sese appellare Iehoua, vel potius Iihueh, aut Ieueuch, id est, Erit, quia id præstaturus sit Israelitis, quod ipsorum patribus olim promiserat. Certè ex illis verbis satis apparet, Deum id præstiturum fuisse Israelitis, quod ipsorum patribus olim promiserat; sed cum idè sese Ieueuch vel Iihueh, id est, Erit, appellare, qua firma consequentia ex illis Dei verbis deduci possit, ego quidem non video. Immo cum tunc Deus in eo verberetur, vt re ipsa id præstaret quod illis promiserat, idè potius Est, quàm Erit appellandus fuisse videri possit. Futurum enim Erit animos Israelitarum à tempore præsentis auocabat, & erigebat in expectationem futuri, & conuerti in præsens, aut præteritum, aut tale quiddam oportebat simul ac Deus quod promiserat præstitisset. Quocirca hoc nomen vel significabat Deum præstiturum promissionem de liberanda posteritate Abrahami Isaac & Iacobi ex Ægypto, eaque in terram Canaan introducenda; vel significabat spirituale liberationem à peccato per Christum obuenturam. Si prius, præstita & impleta illa promissione nomen illud non amplius futurum sed præteritum significare debuit, ac proinde vel obsolescere vel mutari in aliud. Si posterius, Id jam non longè abest ab ea sententia quam sequendam duco, ac fatendum est, Deum non fuisse cognitum Israelitis in nomine illo suo Ieueuch vel Iihueh, nisi typicè, &, vt ita loquar vmbratiler: quod eo æquiore animo accipere eos decuit, quòd ea notitia ne patribus quidem ipsorum Abrahamo Isaaco & Iacobo indulta fuerat, & spes ipsis ostendebatur fore, vt tandem aliquando eam consequerentur.

XXVII. At, inquit Crellius, *illud Erit, vel Ero, quod plenius antea dixerat, Ero qui Ero, nihil significat aliud, quàm re ipsa is ero, quem me futurum dixi; seu re ipsa cum me præstabo, quem præstiturum promisi. Paulo enim aliter atque aliter vox Ero bis posita, in eadem oratione sumitur per antanaclasin: prius de facto ipso posterius de iure, seu manis de obligatione. Atqui Deus se talem aut talem futurum non dixerat, sed se posteros Abraham liberaturum*

tum ὁ κύριος. Dominus significat, melius igitur responderet nomini Iehouæ ὁ πῶς quàm ὁ κύριος, cur igitur nemini venit in mentem ut id nomen verteret ὁ πῶς, cum omnes summo consensu id reddiderint κύριον sine aut cum articulo præfixo? Adde quod quamvis opus sit potentia ad præstanda promissa, tamen nemo vnquam dominum dixit, ut constantem in promissis seruandis significaret. His accedit quod posita illa expositione nulla ratio reddi potest, cur sub Euangelio, quo præcipuè Dei fides & constantia in seruandis promissis reuelata & celebrata est, nomen Deo ad eam significandam impositum ac destinatum legi, pronunciari, atque aded vsurpari desierit, inque eius locum id nomen suffectum sit, quod potentiam quidem significat, voluntatis verò constantiam non item.

XXX. Quid ergo tandem formaliter significabit nomen hoc diuinum? Id quod dixit Crellius, *Erit*, quod græcè per participium melius effertur ὁ μέλλων ut Rom. 5. 14. ὁ ἐσόμενος futurus ut Apoc. 16. 5. ὁ ἐρχόμενος venturus ut Apoc. 1. 4. 8. & 4. 8. & 11. 17. Heb. 10. 37. Luc. 7. 19. &c. Mouet quæstionem Socinus, cur Iohannes in Apocalypsi non potius dixerit ὁ ἔσται, vel ὁ ἐσόμενος, quàm ὁ ἐρχόμενος? Et respondet, causam esse in promptu; nempe quia alia ista duo verba videntur omnino significare futuram existentiam eius rei quæ antea non esset; id quod in voce ἐρχόμενος non euenit. tunc etiam, cum pro futuro accipitur, optimè enim, immò multò magis proprie, significare potest existentiam futuram rei, quæ iam sit. Eam non fuisse mentem Iohannis, aut potius Spiritus sancti à quo ad scribendum agebatur, ex eo colligi potest, quod primò quominus ὁ ἔσται accipi posset de futura existentia rei quæ antea non esset, impediebat antecedentia ὁ ὢν ὃς ἦν qui est & qui erat, Secundò ὁ ἦν similiter videtur significare existentiam rei quæ amplius non est, & tamen nunquam dixit Iohannes ὁ ἦλθε qui venit, aut ὁ ἐλθούσας qui venerat, sed constanter ὁ ἦν qui erat. Tertiò Deus, teste Crellio, passim se vocauit Iehoueh seu Iihueh, quod propriè significat ὁ ἔσται, ὁ ἐσόμενος qui erit, qui futurus est, haud metuens ne significare videretur existentiam quæ antea non esset. Vera igitur causa meâ quidem sententia est, ne videatur Deus non aliter futurus in Ecclesia, quàm aut fuit olim aut nunc est, fuit enim olim quidem obtinente lege, & est nunc reuelato Euangelio, sed quasi absens ac procul à nobis habitans: in futuro verò.

Resp.
ad Arg.
6. Class.
r. Vujeki. p. 107.

seculo ita futurus est, vt nobis perpetuò præsens adsit, itaque dicitur *uenturus* potius quàm futurus, quoniam ea vox accommodatior erat ad fideles solandos erigendos & ad officium faciendum incitandos, insinuato discrimine inter præsentem & futuram Dei in Ecclesia existentiam.

XXXI. Cur igitur Deus in Veteri Testamento appellari voluit Icheuch seu Iihuch *וְיִחְיָה*? Ille futurus? quia nullum nomen illis temporibus aptius esse potuit ad populum Israëliticum ab idololatria absterrendum, & fidem, qua posset iustificari, in eo excitandam & fouendam. Cum enim Deus Israëlitis futuro *Erit*, tanquam nomine suo proprio, quo ab omnibus alijs dijs distingueretur, appellari voluit, nonne eo ipso significauit, alios omnes deos, quantumuis esse viderentur, & ab hominibus colerentur, tandem tamen nullos futuros, vanasque & irritas fore spes eorum, qui eis confisi fuerint: se verò, qui tunc temporis esse non videbatur, & aut à nulla gente, aut à sola Israëlitica agnoscebatur, tandem aliquando futurum esse, hoc est, patefacturum quàm reuera sit?

XXXII. Quatenus igitur hoc nomen Dei Israëlitis proprium fuit, ac comparatum ad eum ab omnibus alijs dijs distinguendum & discernendum, ac proinde nulli alij deo conuenire potuit, eatenus in eo continebatur aduersus idola & idololatrias comminatio, hoc est, prædictio non obscura destructionis eorum, iuxta oraculum *dy, qui non fecerunt cælum & terram, tollentur de terra, & de sub cælis ipsis*. Et, *Dominus solus exaltabitur in die illa*. nam si de aliquo alio Deo dici potuisset verè illud *Erit*, id proprium non fuisset Dei Israëlitis, nec accommodatum ad eum ab eiusmodi deo distinguendum. Quatenus verò futurum fuit aliquo modo præsentem & præterito oppositum, eatenus in eo continebatur promissio seu prædictio futuræ reuelationis Dei Israëlitis claræ & plenæ, qua tandem aliquando omnibus palam fieret ipsum reuera esse. id quod non potuit non esse maximo solatio pijs qui Deum timebant & expectabant, & terrori impijs, quorum *omnes cogitationes sunt non esse Deum*. Atque hæc causa videtur esse, cur tam sæpè Deus mandatis & comminationibus suis illud subiungat & inculcet, se eum esse qui sic vocetur.

XXXIII. Hac nominis illius expositione posita, quæ & voci, & rei conuenit, & ipsa per se admodum momentosa est, & non

Ps. 10. 5.
& 14. 4.

non potest vlla ratione refelli, & valet ad reddendam rationem eorum omnium quæ de nomine illo quæri possunt, sic argumtor. De quocunque verè & propriè dici potuit illud *Iehueh*, vel *Iihueh*, *Erit*, ille est Deus Israelis. De Christo verè & propriè dici potuit illud *Iehueh*, vel *Iihueh* *Erit*. Ergo Christus est Deus Israelis. Major vera est: Alioqui nomen illud *Iehueh*, vel *Iihueh* *Erit*, nec proprium fuisset Dei Israelis, nec aptum ad cum ab omni alio deo distinguendum. Minor quoque vera est: Nam non potuit Filius Dei annumerari dijs illis, qui tandem aliquando destruendi erant, ac non futuri: erat enim futurus Deus benedictus in secula seculorum, juxta *Ἐξοχαζα* omnis creaturæ Apoc. 5. 13. *Sedenti in throno & Agno benedictio, & honor, & gloria, & potestas in secula seculorum. Amen.*

XXXIV. Dices, illud *Erit* etiam Angelis tribui potuisse. Hoc nego, vocantur quidem dii in Veteri Testamento, & erunt in æternum: At non erunt dii. Immo jam in Nouo Testamento non amplius dii appellantur, sed apparent in ordinem seruorum Filii, quem omnes adorare tenentur, redacti. Nimirum tenebris noctis obtinentibus, ac lucente duntaxat in domo Israelis Moïsi ac Prophetarum lucerna, idque ob legis velum & umbras obscurius, mirum videri non debet, si Angeli aliquomodo dii visi & appellati fuerunt: sed sole iustitiæ exorto, & ipso eorum domino, vt loquuntur, in propria persona reuelato, statim diuinitas illa disparuit, nihilque nisi serui esse, & quidem illius, qui apparuit, Domini deinceps videri debuerunt. Dices, Christum tunc nondum fuisse, cum Deus Israelis hoc nomen sibi imposuit. Hoc falsum esse iam multis argumentis inuictis demonstraui. Adde quod nomen istud *Erit* per se & formaliter tantum futurum significabat, & distinguebat Deum Israelis, habita ratione futuri, non modò à dijs qui tunc colebantur, sed etiam ab ijs, quos diaboli astutia & hominum stulta superstitio erat in posterum relatura in deorum numerum.

XXXV. Dices vltimo, illud *Erit* non esse nomen proprium Dei Israelis, nisi acceptum *ἄγιος ἰσραήλ*, &, vt ita dicam, antonomasticè: eoque sensu Christo non conuenire. Respondeo id esse falsum. Nam primò nomen proprium non dicitur antonomasticè de eo cuius est nomen proprium. Deinde non significat hoc nomen Deum Israelis futurum magis aut excellentius

Heb. I.
6. 14.
Apoc.
19. 10.
& 22.

9.

quàm sint futuri alij dii : sed significat simpliciter alios deos non futuros ; Deum verò Israelis solum futurum. Non enim eo distinguitur Deus Israelis à dijs gentium, quòd, cum vtrique sint futuri, ille magis aut excellentiori ratione sit futurus quàm isti ; sed quòd simpliciter ille sit futurus, hi verò tandem aliquando non sint futuri. Atque hæc fortasse causa est, cur paulò frequentius sine articulo *xviii* reddatur, quàm cum articulo à *xviii*, vt nempe significetur *xviii* tunc poni pro nomine, quod accipi debet non antonomasticè, sed, vt nomen proprium decet, propriè. Obijcies, multas alias res futuras in æternum præter Deum Israelis. Fateor alias res futuras, sed nego alios deos futuros. Imposuit enim sibi Deus Israelis nomen proprium, quo discerneretur ab omnibus alijs dijs, non autem quo discerneretur ab omnibus alijs rebus, à quibus satis ipso Dei nomine distinguebatur. Adde quod seposito originis discrimine, sine quo Filij à Patre nulla est distinctio, planè talis est Filius qualis Pater, tamque perfectè est Filius quàm Pater ; nam si Pater habet vitam in seipso, Filius etiam habet vitam in seipso : si Pater viuificat quos vult, Filius etiam viuificat quos vult : si Pater habet omnem potestatem in cœlo & in terra, Filius etiam habet omnem potestatem in cœlo & in terra. Vno verbo, quæcunque sunt Patris, eadem sunt etiam Filij, & vice versa quæcunque sunt Filij eadem etiam sunt Patris.

XXXVI. Hoc argumentum eo confirmari potest, quod Christus is est qui sua, vt ita loquar, futuritione, suo aduentu, atque excellentis suæ existentiz reuelatione deos gentium obscurauit, extinxit, immò aboleuit jam aliqua ex parte, perfecturus istam abolitionem atque omnimodam, vt ita loquar, annihilationem illustri illo suo aduentu quem expectamus. Ea enim est Christi persona, vt hoc ipso quod verè & vti par est, agnosceretur, desinant pro diis haberi aut coli omnia ficticia numina. Ita, quæ merito illud *Eris* de eo vsurpari potuit.

XXXVII. Huc accedit quod Deus Israelis sibi futurum *Eris*, vel plenius, vt Gen. 2. & passim alibi, *Eris Deus*, tanquam proprium nomen, quo ab omni alio discerneretur, imponendo significauit apertè, se Dominum mundi esse, & quidem solum. Quemadmodum enim cum amplè alicuius possessionis dominus, vel mortuus sine hærede, vel nullus esse falsò putatur, eamque alij tanquam vacuum occupant ac inter se partiuntur ; si

tandem aliquando Dominus illius legitimus reuera esse & viuere docetur ac demonstratur, eo ipso iure omni illi excidunt, qui bona eius occupauerant sibi que ipsis asseruerant; sic cum Deus mundum quem creauerat, conseruaret, & regeret, vt Dei naturam prorsus inuisibilem & spiritualem decebat, inuisibili & spirituali modo, nec is vispam in terris compareret, ac propterea nullus esse videretur, in mundi possessionem, quasi caducam & vacuam, dii multi inuolarunt, sibi que multi homines deos pro arbitrio vel finxerunt vel elegerunt; vt nulla gens reperiri posset in toto mundo non occupata ab aliquo eiusmodi deo. Hâc tantâ injuriâ sibi illatâ Dominus mundi dissimulatâ, eiusque vltione in certum quoddam tempus futurum mirabili eo que sapientissimo consilio dilatâ, interim gentem vnâ valdè exigua manu forti, brachio extento, multis miraculis, multis prælijs & victorijs ab injusto dominio redemit, sibi que vero & legitimo domino, veluti primitias generis humani, vendicauit; ac dum tempus illud expectaret, quo se aliis gentibus totique adeo mundo reuelaret quàm verè sit, ea que ratione omnes alios deos sua illa possessione quam usurparunt exueret, is sibi nomē proprium sumpsit, quo se totius mundi dominum esse insinuauit, nempe *Erit Deus*, vel concisius *Erit*: Eo enim significatum est, tandem aliquando tempus futurum, quo probatâ & demonstratâ Dei Israelis existentiâ, omnes alii dii omni iure, quod in mundum seu gentes habere videbantur, excidant priuenturque in perpetuum: quod est significare, Deum Israelis solum esse verum ac legitimum totius mundi Dominum.

XXXVIII. Hinc fortasse colligi potest ratio, cur nomini isti sæpenumero subiungatur nomen *Elohim*, id est, *Deus*, nonnunquam verò præmittatur *Adonai*, id est, *Dominus*. Nempe *Elohim* Deus, significat eum, qui potest vi sua operationes edere miraculosas, seu quæ naturæ vim superant: Et dicitur Deus eius vel populi vel hominis, quem in suam veluti fidem & clientelam recepit contracto cum eo fœdere. Id quod à nobis Deo dante probabitur alio loco. Hæc cum gentes omnes suis omnibus diis tribuerent, vna potissimum inter fideles & idololatrias versabatur controuersia, quis esset Deus? Iehuech, exempli gratia, an Bahal? quam controuersiam isto suo nomine Deus significat tandem aliquando certo tempore futuro definitum iri, seque causam victurum: tunc enim se futurum Deum, præter se verò ne-

minem. Adde quod si Israël cum alijs gentibus conferas, Deus quidem olim Israelis Deus erat, Gentium verò aliarum non item. Latebat igitur in eo nomine etiam vaticinium, fore, ut sancto nouo fœdere, cum ipsorum Iudzorum noua quadam ratione, tum aliarum gentium euaderet Deus. Ex quo intelligere est cum verbo illo *Erit*, & ita dicam, nominascente conuenientissimè nomen Elohîm sic junctum fuisse, ut illud præcederet, hoc sequeretur. Dispar verò ratio est nominis *Adonai*, quod *Dominum* significat: neque enim ea propriè fideles inter & idololatræ erant quæstio, vter esset totius mundi dominus, verbi gratia, Iehoua, an aliquis alius? Dominum enim absolutè siue totius mundi, vel nullum agnoscebant Idololatræ, vel vnum tantum putabant esse reliquorum deorum regem, ac propterea *ꝑ* Iehueh seu Iihueh, *Erit*, non subiungitur *Adonai* Dominus ut prædicatum, sed præmittitur potius ut subiectum, de quo prædicetur futura existentia, ut sit sensus, cum, qui iure totius mundi est Dominus, tandem aliquando futurum esse, hoc est, quàm verè sit ostensurum, quod fieri non potuit, quin eo ipso iure & usurpatione sua exciderent omnes alij dij, & malè esset idololatræ ac rebellibus, benè fidelibus ac pijs.

XX XIX. Patet ex dictis cum Domino absolutè, seu totius mundi, reciprocari hoc nomen. Atqui negare non possunt Adversarii, quin Dominus noster Iesus Christus sit Dominus totius mundi. Vocatur, ipsis consentientibus, *Dominus totius terra*, & iubentur *eum adorare omnes Angeli*. Psal. 97. 5. 8. Heb. 1. 6. cui *autem angelici parent exercitus*, inquit ipse Crellius, *quid non parent?* Habet omnem potestatem in cœlo & in terra. Præest toti mundo non tanquam alienæ domui, sed tanquam suæ, non tanquam vicarius Domini, sed tanquam Dominus, proprietarius, Patris Filius vnigenitus, ac hæres ex asse.

Apud
Volk.
lib. 1.
de vera
Rel.
cap. xi.
p. 79.

X L. Ad superiora hoc etiam accedit, quod, ut jam obseruauimus non sine singulari quadam prouidentia Dei factum est, ut Deo reuelato in carne legi & pronunciari desierit hoc nomen ab omnibus tam Iudæis quàm Christianis. Id enim superstitioni Iudzorum ascribi non debere ex eo colligi potest, quod ea superstitio, ut aliz omnes Iudaicæ, per Christum vel eius Apostolos sublata fuisset de Ecclesia. Quid enim obstare potuit, quominus Christus eiusque Apostoli id nomen æquè, ac Moses olim & Prophe-

et, vsurparent? aut Christianis exponerent? aut etiam, vt alia multa nomina hebræa, Nouo Testamento infererent? neque enim aut persecutionis aut scandali metu absterri solebant, quominus liberè superstitiones Iudæorum, etiam eas quæ parui momenti videri possent, reprehenderent. Cur igitur nomen istud non vsurparunt? cur loca Veteris Testamenti laudantes in quibus extat, illud *יהוה* reddiderunt quasi eius loco, & legisent ipsi pro Iudæorum more, & legi vellent *Adonai*? Non enim decebat Ecclesiam Christianam hac in re deteriolem esse Iudaicâ antiquâ, quæ id Dei nomen legere & pronuciare sciuit, & frequenter vsurpauit. Huius profectò rei alia ratio reddi non potest quàm ista, contineri in eo nomine vaticinium, quod Christi aduentu impletum fuit: Illud enim nomen propriè significare *Eris*: itaque Deum significare relatè ad certum quoddam tempus futurum, quo præsentè aut præterito obsolescere debuit, & in aliud mutari tempori illi conuenientius. Quod tempus diuina prouidentia anticipari voluit à græca versione, quam in græcorum, ad Euangelium suo tempore recipiendum præparandorum, gratiam concinnari curauit. Cum igitur in eo nomine prædictio contineretur de Domini nostri Iesu Christi, vt ita loquar, futuritione, non sine admirabili quadam Dei prouidentia accidit, vt hoc nomen veluti antiquaretur, eiusque loco Euangelii tempore id nomen summo omnium consensu legeretur, quod Christo non conuenit modò, sed singulari quadam ratione tanquam proprium vendicaretur. Vt quemadmodum olim nomen illud fidelium animos erigebat in expectationem futuri, sic nomen, quod eius loco nunc legitur, confirmet, eum qui erat futurus venturus, ac esse illum qui singulari ratione Dominus appellatur. Eadem Dei prouidentia oblato vero sacrificio, quo peccata mundi expiata sunt, curauit templum Hierosolymitanum dirui, & cauuit ne possent Iudæi sacrificia deinceps secundum legem offerre.

XLII. At, objiciet fortasse aliquis, nondum impletum fuit, quicquid eo nomine prædicebatur. Nempe, referebatur nomen illud, *Eris*, ad vtrumque aduentum Christi: Eius enim impletionem primo aduentu inchoari, secundo perfici oportuit. Porro Dominus ratione primi aduentus *facturus*, ratione secundi *uenturus* magis propriè dici potuit. Primo enim aduentu futurus erat id quod non erat, nimirum homo, necnon Deus omnium.

Heb.
10. 37.

gentium pacto eum eis nouo fœdere. Secundo verò aduentu nihil eius producet. Itaque nunc potius *ἐρχόμενος* *ueniens*, quàm *ἐσόμενος* *futurus* appellatur. Adde quod secundus aduentus est primi consequens ita necessarium, itaque clarè & diserte passim in Nouo Testamento prædicitur & inculcatur, vt fieri non possit, quin credat secundum, quicumque credit primum : ac propterea nihil opus fuit eiusmodi nominis vsurpatione futurum illum aduentum obscure iantere, sed satius multò fuit illius nominis, vt ita loquar, antiquatione Iudæos gentesque admonere, mundi Dominum & Seruatorem jam venisse : id quod omni genere argumentorum Deo confirmare placuit : Eaque de causa etiam illos typos abrogare, quorum veritas maxima ex parte pendet ex secundo Christi aduentu. Nimirum, vt dixi, qui primum aduentum credit, is necessariò etiam credit secundum. Et nomen illud, *Erit*, erat consentaneum œconomix Veteris Testamenti, quæ tota in futurum tendebat, ac proinde cum illa abrogandum : congruebat etiam cum statu illius, qui nondum sese quis esset clarè & distinctè ostendisset mundo; haud verò æquè cum statu illius, qui se quis esset contemplandum cuilibet exposuisset.

XLII. Ergo, inquiet aliquis, nomen illud, *Erit*, proprium fuit Filij? Sanè, sed non ita, quin tribui potuerit, & tributum fuerit persæpè Patri. Pater enim est in Filio, & Filius in Patre : Pater & Filius vnum sunt : nec facillè potuit alter ab altero sub œconomia V. Test. internosci. Quanquam etiam in luce N. T. ita proprium est Patris nomen *Dei*, vt tamen tribuatur etiam Filio & Filij nomen *Domini*, vt tamen tribuatur etiam Patri. Nihil enim impediēbat, quominus ab eo, quod peculiari quadam ratione proprium erat Filij, desumeretur nomen ad significandum Deum siue indistinctè vt Dominum, siue distinctè modò Patrem, modò Filium, modò etiam Spiritum sanctum pro locorum ratione & circumstantijs; præsertim cum id non ita proprium esset Filij, quin Patri etiam & Spiritui sancto tribui posset, licet minus propriè, & non sine aliquo ad Filium respectu. Atque hæc dicta sunt de sacrosancto illo nomine.

XLIII. Ne autem hæc sola disputatio sine certo Scripturæ testimonio abeat, duo loca subnectam : alterum è veteri, alterum è Nouo Testamento. Prior extat Ose. 1. 7. *Domus verò Iudæ miseretur, & serua eos per Dominum Deum ipsorum, & non serua;*

uabo eos per arcum, nec per gladium, nec per bellum, nec per equos aut equites. In quibus verbis distinguuntur duæ personæ: vna quæ miseretur & seruat; altera per quam illa seruat: vtraque appellatur Dominus (vulgò Ichoua.) Si consulis Euangelium, illa est Pater, hæc Filius. Seruat enim nos Pater per Filium: nam *non est in alio aliquo salus, nec enim aliud nomen est sub cælo datum hominibus, in quo oporteat nos saluos fieri.* Argumentum sic habet. Ille per quem Deus pater erat Ecclesiam seruaturus est Dominus Deus. Christus est ille per quem Deus pater erat Ecclesiam seruaturus. Ergo Christus est Dominus Deus. Aa:
4. 12.

XLIV. Quid potest responderi, nisi in loco illo Osee; aut non agi de salute spiritali; aut per Dominum Deum Iudæorum illum ipsum intelliigi qui seruaturus dicitur, vt sit sensus, Ego seruabo eos per me ipsum; aut denique per Dominum deum Iudæorum intelliigi posse Spiritum sanctum? Atqui horum nullum responderi potest. Non primum: Argumentabor enim à minori ad maius. Nam si salutis temporalis Iudæorum, quæ præ spiritali & æterna nullius est momenti, non modo causa quæ seruare debuit esse Dominus Deus, sed etiam causa media per quam salus fieret, quanto magis existimandum est salutis spiritalis & æternæ causam non modo eam quæ seruat, sed etiam eam per quam salus fit, esse Dominum Deum? Hoc primum. Deinde quæ salus temporalis intelligeretur? Annon ea præcipuè, qua Iudæi liberati sunt à rege Assyriorum Angeli opera? vel igitur Angelus ille erat Dominus Deus Iudæorum, vel non erat. Si non erat, quomodo dixit Deus, se Iudæos seruaturum per Dominum Deum ipsorum? Intelligere enim eum causam mediam, & vt ita dicam, instrumentalem verba quæ sequuntur docent, & *non seruabo eos per arcum, nec per gladium* &c. Si erat; non igitur erat naturâ angelus, seu angelus creatus: alioqui angelus creatus fuisset à Iudæis religiosè colendus & adorandus, & pro Domino Deoque suo habendus, duoque fuissent Domini (Ichouæ) diique Iudæorum totis essentiis diuersi, id quod quàm sit absurdum & pugnans cum Lege nemo, opinor, non videt. Præterea Deum loqui de salute spiritali, quæ in alio non est quàm in Christo, patet ex nominibus Iisrael, Lo-ruhamã, Lo-ammi & N. 10. ac seqq. necnon ex alijs vaticinijs, Esai. 45. 17. *Israël seruabitur per Dominum salutis aeternæ, Esai. 35. 4. Deus ipse veniet, &*

seruabit vos. Tunc aperientur oculi cecorum &c.

XLIV Non potest etiam responderi secundum: opponitur enim Dominus Deus hoc loco arcui, gladio, bello, equis, equitibus, *Servabo*, inquit, *eos per Dominum Deum ipsorum*, & *non servabo eos per arcum, nec per gladium, nec per bellum, nec per equos & equites*. Tenet igitur inter causas salutis cum locum Dominus Deus, quem tenerent equites, equi, bellum, immò gladius & arcus, si per eiusmodi instrumenta salus fieret. Tenet autem cum locum in salutis negotio, non ipse Deus pater, sed eius Filius. Pater non servat immediatè per semetipsum, sed servat mediatè per Filium. Filius igitur est ille Dominus Deus per quem Pater servat. Dicitur enim servaturus Iudæos per Dominum Deum ipsorum, ut excludat alias causas medias seu instrumentales, ut patet ex verbis sequentibus. Itaque significat Dominum Deum fore illud, ut vulgò loquuntur, medium, illud, ut ita dicam, instrumentum per quod servandi erant.

XLV. Tertium denique responderi non potest ab Aduersarijs: negant enim Spiritum sanctum Deum appellari in sacris literis. Deinde Spiritus sanctus distinguitur à Deo patre. Si igitur is est Dominus Deus Iudeorum, duæ erunt personæ distinctæ appellatæ Dominus Deus, Pater & Spiritus sanctus: (Est enim sine dubio Dominus Deus Iudeorum persona) & cum Filius soleat medius poni inter Patrem & Spiritum sanctum, & dicatur mittere Spiritum sanctum, & Spiritus sanctus esse Spiritus Filij dicatur, erit Filius medius inter Deum & Deum, & mitter Deum, & eius Spiritus erit Deus. quod quomodo esse possit, si Filius nihil est nisi homo seu creatura, haud sanè intelligo. Adde quod is qui proximè per Spiritum sanctum servat est Filius, ut enim Pater misit Filium, sic Filius misit Spiritum sanctum, & per eum Ecclesiam illuminat sanctificat consolatur regit.

XLVI. Alter locus habetur Rom. 10. 13. *Quicunque invocaverit nomen Domini servabitur*, quod oraculum petiit ex Ioele 2. 32. ubi est nomen tetragrammatum, quod Apostolus vertit *κύριος*, id est, *Dominum*. Si igitur probauero per *Dominum* eo loco Christum intelligi debere, probauero utique Christum esse, ut vulgò legunt, Iehouam. Id autem probò, quia idem sine dubio Dominus intelligitur *ψ. 13.* qui *ψ. 12.* proximo. Alioquin Apostolus paralogramum commisisset. Cum enim dixisset *ψ. 12.*

eundem

eundem esse Dominum omnium, diuitem in omnes à quibus inuocatur. Id probauit *N.* 13. testimonio Dei apud Ioëlem, cuius sunt hæc verba, *quicumque inuocauerit nomen Domini seruabitur.* Si igitur alius Dominus *N.* 12. alius *N.* 13. intelligendus esset, hinc, ut volunt Aduersarij, absque illo inuocari posset, peccaret argumentatio Apostoli ignorance Elenchi, in eaque essent quatuor termini. Iam autem *N.* 12. per Dominum intelligendum esse Christum, manifestum est: nam & nomen Domini, & quæ de Domino eo versu dicuntur Christo conuenire in confesso est; & tractabat Apostolus de fide in Christum; & quicquid de Domino dixit *N.* 12. id dixit ut confirmaret quod posuerat *N.* 11. proximè antecedente, *Quicumque credit in eum non pudebit,* per eum autem Christum intelligi patet cum ex verbis antecedentibus, tum ex illis ipsis verbis: petita enim sunt ex Esai. 28. 16. quo loco agi de Christo cuius perspicuum est.


XLVII. Addam velut cumulum tertium locum ex eodem Zacharia cap. x. *N.* 12. *Confortabo eos in Domino, & in nomine eius ambulabunt, dicit Dominus.* Quis enim non videt eum Dominum, qui hoc dicit, distinguere se à Domino, in quo sit eos confortaturus, tanquam ab alia persona? Cum enim dicit, *confortabo eos in Domino*, siue *per Dominum*, distinguit personam quæ confortat ab ea per quam confortat, ut in superiore loco, *seruabo eos in Domino Deo ipsorum*, siue *per Dominum Deum ipsorum*, distinguit personam quæ seruat ab ea per quam seruat, & utramque Dominum vocat. Deinde cum addit, *& in nomine eius ambulabunt, dicit Dominus*, clarius adhuc distinctionem personarum reuelat: distinguit enim sese pronomine *Eius* is Dominus qui loquitur ab eo Domino de quo loquitur, tam certè, quàm apud eundem Zachariam cap. 2. 8. Dominus exercituum, cuius hæc sunt verba, *Quoniam qui vos tangit, tangit pupillam oculi eius*, eodem pronomine *Eius* sese aperte distinguit à Domino exercituum, à quo se profitetur missum fuisse. Constat autem nos & in Christo seu per Christum confortari, & in eius nomine ambulare.



DISPUTATIO

TRIGESIMA TERTIA

De Arg. XXXIII. Ex Zach. 2. 8. &c. *Quoniam sic dicit Dominus exercituum, post gloriam misit me ad gentes, quæ spoliauerunt vos. &c.*

I.  AVDABO adhuc quædam testimonia petita è Zacharia. Primum habetur cap. 2. v. 8. *Quia, sic dicit Dominus exercituum, Post gloriam misit me ad gentes, quæ spoliauerunt vos: propterea quod qui tangit vos, tangit pupillam oculi eius: propterea ecce ego agito manum meam super eos, & erunt praeda servis suis, & scietis quod Dominus exercituum misit me.* In his verbis duæ personæ distinguuntur, vna quæ mittit, altera quæ mittitur, utraque appellatur Dominus (Iehoua) exercituum. Quæ mittit est Deus Pater, nonne? Quæ mittitur si non est Filius Dei, quænam est?

II. Huic testimonio alterum addo ex eodem cap. 2. v. 10. & 11. *Lauda & letare filia Sion, quoniam ecce ego venio, & habitabo in medio tui, ait Dominus: & adiungentur gentes multe ad Dominum in die illa, & erunt mihi in populum, & habitabo in medio tui: & scies quod Dominus exercituum misit me ad te.* Hic quoque Dominum (Iehouam) loqui manifestum est, & tamen is se missum profitetur à Domino exercituum.

III. His duobus testimonijs tertium adjungam ex cap. 4. v. 8. *Et factum est verbum Domini ad me dicens, Manus Zorobabel fundauerunt domum istam, & manus eius perficient eam; & scies quod Dominus exercituum misit me ad vos.* Poruitne clarius duarum personarum diuinarum distinctio proponi? Quænam autem persona diuina missa fuit vel ad hostes populi Dei subigen-

dos, vel ad gentes ad Dominum conuertendas, & sibi in populum foedere inito comparandas, vel ad Domum Dei ædificandam, vel ad omnia illa agenda? Annon Filius?

I V. Addi potest & quartum testimonium ex cap. 6. 13. *Hæc ait Dominus exercituum, dicens, Ecce vir, oriens nomen eius &c, & qui precul sunt venient & ædificabunt in templo Domini, & scietis quia Dominus exercituum misit me ad vos. Erit autem hoc, si audita audieritis vocem Domini Dei vestri. Negari enim non potest, quin verba, Et scietis quia Dominus exercituum misit me ad vos, eius sint cuius antecedentia: sunt autem antecedentia verba Domini exercituum, ut patet ex X. 13. Profitetur ergo Dominus exercituum se missum fuisse à Domino exercituum, nempe Filium à Patre.*

V. Quid respondet Socinus? *Breuitè, inquit, ex hoc argumento, si rectè conclusum esset, nihil aliud posset colligi, nisi duos esse, quorum vterque sit & vocetur Dominus, siue Iehoua exercituum; sed quod alter eorum sit Christus, nullo modo. Hoc verò jam multum est. Nam si duo sunt, quorum vterque sit & vocetur Dominus exercituum, falsa sunt Aduersariorum placita, solam Patris personam esse Dominum exercituum; nec esse nisi vnicam personam præditam essentia diuina; conciduntque omnes illæ rationes, quibus pluralitatem personarum diuinarum oppugnare soliti sunt.*

VI. Deinde longius progredior, & quæro, quis sit ille Dominus exercituum, qui se proficitur à Domino exercituum missum esse? Is sine dubio est aut Pater, aut Filius, aut Spiritus sanctus: inerus enim angelus non est Dominus seu Iehoua exercituum. Num igitur est Pater? *Nulla causa est, inquit Socinus, cur Pater ipse siue à Filio, siue à Spiritu sancto mitti non possit; si modo omnium & vniuersi ipsorum eadem per omnia est dignitas, potentia, atque maiestas; ut ipsi trinitarij contendunt.* Ponamus igitur Patrem missum dici hoc loco à Domino exercituum; siue ponatur missus à Filio, Filius erit Dominus exercituum, siue ponatur missus à Spiritu sancto, Spiritus sanctus erit Dominus exercituum; quod verumque pugnat cum Aduersariorum dogmate. Sed quominus per Dominum exercituum missum à Domino exercituum Patrem intelligamus, obstant duo. Vnum, quod à Patre missus Filius, missus Spiritus sanctus sæpè legitur, missus verò Pater à Filio aut à Spiritu sancto nunquam.

Resp.
Refut.
Cap.
iv.
Resp.
ad 7.
cap.
vujeki
Class.
2 Arg.
7

Ibidem

qui diceret missum fuisse Patrem, is non consentanea Scripturæ diceret, & à forma seu exemplari saniorum sermonum discederet. Alterum quod inuenteretur ordo naturæ, nec seruaretur decorum, si mitteretur Pater vel à Filio quem genuit, vel à Spiritu sancto qui ab eo procedit. Naturæ enim seu essentia æqualitas personarum nec originem tollit, nec consentaneum origini ordinem.

V I I. Estne igitur Spiritus sanctus? Is certè à Patre, immò à Filio missus est: Nec admodum refert eumne an Filium intelligas hoc loco. Nam si Spiritus sanctus est Dominus exercituum missus à Domino exercituum, Spiritus sanctus est persona, Spiritus sanctus est Deus; quod vtrumque negant Aduersarij. Hactenus igitur causam vicinias. Deinde si Spiritus sanctus est Dominus exercituum, isque, vt Euangelium docet, & Socinus agnoscit, mittitur à Filio, necesse est vt Filius etiam ipse sit Dominus exercituum. Quid enim? mittereturne creator à creatura, Dominus à seruo, Ichoua exercituum ab homine?

2. Resp. Refut. V I I I. Non contentus igitur prima illa responsione Socinus ad alteram confugit, & negat, istum, qui dicit, se esse missum à Domino exercituum, esse Dominum exercituum. Atque vt ad primum testimoniū ex quatuor illis quæ laudauimus, respondeat, obseruat, cum qui apud Zachariam ista verba pronunciat, *Hæc dicit Dominus exercituum, Post gloriam &c, esse angelum illum alterum, qui occurrit angelo loquenti cum Zacharia; quem etiam alloqui cœperat à v. 4. & pergit vsque ad finem cap: & in ipso sermonis initio facit mentionem Zacharia, cui vult vt dicat ea, quæ sequuntur, inquit, Loquere ad puerum istum, dicens, Absque muro, &c. Itaque apparet, quod præter illum, qui verba ista pronunciat, Hæc dicit Dominus &c, adsunt ibi, ipso sciante, cum quibus etiam loquitur, alij duo seu dua alia persone; nempe Zacharias, & angelus qui ab ipso prophetia initio cum ipso loquebatur. Hoc, quod apertissimum est, constituto, Dico, inquit, pronomen Me in verbis illis, misit me, non ad Dominum exercituum, sed ad alterum istum angelum, qqi verba illa, Hæc dicit Dominus, profert, referendum esse, qui quamuis Dominum exercituum loquentem videatur inducere, tamen re ipsa nihil agit aliud, nisi narrat, quid Dominus exercituum dicat; hoc nimirum pacto: Hæc (sive vt est in hebraeo Sic) dicit Dominus exercituum, quod post*

gloriam, &c. *Nam particulā Quod frequentissime in sacris literis subaudiendam esse, nemo est qui ignoret.* Hactenus Socinus, qui addit, *Misit positum esse pro Misit, præteritum pro futuro.* Hæc porrò eius interpretatio tribus aut quatuor argumentis refelli potest.

IX. Primum ipse sibi Socinus objecit, & sic se habet. Quotiescunque apud Prophetas pronunciantur verba ista, *Sic dicit Dominus*, toties id quod postea subjungitur Dominum dicere, ex ipsius Domini persona dicitur, ipseque Dominus reuera loquens inducitur. Hoc autem loco apud Zachariam prophetam pronunciantur verba ista, *Sic dicit Dominus misit me ad gentes &c.* id reuera ex ipsius Domini persona dicitur. *Respondeo*, inquit Socinus, *istud, quamvis alibi fortasse perpetuò fiat, hic nullo pacto potuisse fieri. Propterea quia, ut docui, dua alia persona aderant, ipso sciente & cum eis loquente, qui verba ista, Sic dicit Dominus &c. proferebat. Oportebat enim, si dominum ipsum loquentem inducere voluisset, ac discentem quod se missurus esset, ut ad hunc modum dixisset, Sic dicit Dominus exercituum, Post gloriam mittam te ad gentes, & addidisset, non quidem, ut nunc legimus, quæ spoliauerunt vos, sed quæ spoliarunt populum meum, aut aliquid simile. Hoc posterius inefficacius fuisset, nec bene expressisset, istos spoliatos pertinere ad Zachariam, eumque ex illorum numero esse, ut exprimit pronomen vos. Prius autem illud incertum reddidisset, quis esset ille, quem missurus esset Dominus exercituum; an scilicet angelus ipse, qui eius verba referebat, an verò alter eorum qui præter ipsum aderat, & vter ipsorum: sed præcipuè an alter ille angelus. Verum angelus qui Domini exercituum verba referebat, volebat (idque sanè velle, aut tacere debebat) istos duos qui aderant, certò scire se eum esse, quem Dominus exercituum missurus esset, & propterea coactus fuit seipsum expressè per pronomen *Me* nominare; quod facere non potuisset, si ipsum Dominum loquentem reuera induxisset, & non simpliciter, ut sine dubio fecit, quid diceret, retulisset. Subrifi cum vidi Socinum id probare aggredientem, quod probari non potest, & miratus sum hominis molimen aggestis tribus aut quatuor hypothefibus falsis aliam quandam fallicitatem superilligantis.*

X. Prima eius hypothefis est, eum qui apud Zachariam ver-

ba ista pronunciat, *Quoniam sic dicit Dominus exercituum*, non esse Dominum (Iehouam) quam hypotheseum falsam esse patet ex verbis antecedentibus & conjunctione causali *Quoniam*. Quæ enim antecedunt immediata sunt verba Domini, *O, ô, fugite de terra aquilonis, dicit Dominus, quia in quatuor ventos cæli dispersi vos, dicit Dominus. O Sion seruare, quæ habitas apud filiam Babylonis. Quoniam sic dicit Dominus exercituum &c.* Quis enim non videt, verba ista, *quoniam sic dicit Dominus &c.* eiusdem verba esse, cuius sunt antecedentia, *O Sion seruare &c.* & hæc eiusdem esse cuius sunt superiora *O ô fugite de terra aquilonis &c.* Secunda eius hypothesis est pronome *vos* in verbis *post gloriam misit me ad gentes quæ spoliauerunt vos*, Prophetam compellari, id quod etiam falsum esse verba illa antecedentia & conjunctio *quoniam* docent: apparet enim esse Apostrophem ad Sionem, hoc est, Ecclesiam apud Babylonios degentem: erat autem Propheta tunc in Iudæa redux à captiuitate.

Xt. Tertia hypothesis est, consilium eius, qui verba illa pronunciat, *quoniam sic dicit Dominus*, esse, exprimere istos spoliatos pertinere ad Zachariam, eumque ex illorum numero esse, idque exprimere prænomen *vos*. Hoc quoque falsum esse perspicuum est ex verbis proximè antecedentibus & causali *quoniam*. Manifestum enim est hæc verba, *quoniam sic dicit Dominus &c.*, rationem reddere, cur sit fugiendum Sion seu fidelibus ex Babylone, iisque regionibus in quas dispersi fuerant. Intelligitur autem Babylon non tam propriè, quàm figuratè & spiritualiter sic dicta, vt patet, primò ex promissione antecedente *N. 4. Absque muro habitabit Ierusalem pra multisudine hominum & Inuentorium in medio eius &c.* Tam enim post captiuitatem Babylonicam propriè dictam quàm antea terrena Ierusalem cincta muro fuit. Deinde ex promissione sequente *N. 10. Lauda & latere filia Sion: quia ecce ego venio, & habitabo in medio tui, ait Dominus: & applicabuntur gentes multe ad Dominum in die illa &c.* Hoc enim demum temporibus Noui Testamenti impleri cœptum est. Tum ex illis ipsis verbis, *O, ô, fugite de terra Aquilonis &c. O Sion fuge quæ habitas apud filiam Babylonis.* Reditus enim Iudæorum è Babylone typica in Iudæam fuga propriè non fuit. Denique ex subiecta ratione, *quia, sic dicit Dominus exercituum, Post gloriam misit me ad gentes, quæ spoliauerunt vos &c.* hoc est,

quia missus sum ad puniendas gentes quæ vos affligerunt, itaque fugite è medio earum, ut plagas quibus afficientur effugiatis, id quod in Apocalypsi cap. 18. *X. 4.* exprimitur his verbis, *Exite è Babylone popule mi, ne participes sitis peccatorum eius, & ne ex plagis eius accipiat. Id quod non video quomodo de Babylone propriè dicta commodè accipi potuerit. Adde quod illa verba, Post gloriam, non sunt temerè adjecta, sed ad missionis tempus, & ut ita loquat, naturam innuendam. Est enim Domini missio duplex, vna quæ gloriam eius antecessit, de qua passim in Euangelio, comparata duntaxat ad seruandum. Altera quæ glorificationem eius sequetur, de qua Act. 3. 20. comparata ad liberandos fideles afflitos, & affligendos eos à quibus affligebantur, ut liquet ex 2. Thess. 1. 6. 7. qui locus egregius est huius commentarius. Videatur etiam Luc. 17. 28. 32. Falli etiam mihi videtur Socinus, cum putat per puerum siue luuenem *X. 4.* Zachariam prophetam esse intelligendum. Intelligitur enim potius vir ille, quem Propheta viderat cum funiculo mensorio euntem mensum Ierusalem. Hoc duo docent, Primò Mandatum *curre*: opus enim erat cursu, non ut Prophetam stantem, sed ut virum illum euntem, & jam aliquo memorabili interuallo distantem assequeretur. Deinde id quod iubetur angelus ei dicere: videtur enim pertinere ad eum à proposito dimouendum: monet enim futuram Ierusalem adeo amplam, ut sub certam mensuram cadere non possit.*

XII. Quarta eius hypothesis est, verba, *quoniam sic dicit Dominus, &c.* non Domini, sed meri angeli verba esse, quæ prima est hypothesis jam conuicta falsitatis, sed ei aliam Socinus adjungit, nimirum, hunc angelum voluisse istos duos, qui aderant, certò scire se eum esse, quem Dominus exercituum missurus esset. Vnde quæso innotuit Socino angeli illius, si tamen angelus fuit, talem fuisse voluntatè? *Id*, inquit, *velle aut tacere debebat.* Itane, mi homo, tenes tam accuratè quod illius angeli officium fuerit? Vah, quàm sapiens es! Ut veritas illustrior fiat, demus (quantum id falsum est) sed demus tamen Aduersarijs, illum qui dicebat, *quoniam sic dicit Dominus*, nihil nisi angelum fuisse; Demus eum qui missus vel mittendus dicitur, nihil etiam nisi angelum fuisse; Demus illum ipsum angelum, cuius sunt hæc verba, *quoniam sic dicit Dominus, eum fuisse, quem Dominus missurus*.

erat. Cum nihil angelus bonus faciat nisi admodum prudenter; nihilquæd Prophetis scriptum fuerit nisi propter ædificationem Ecclesiæ; quæro cur iste angelus duos illos qui aderant, Prophetam scilicet, & Angelum qui cum eo loquebatur, voluisset certò scire, se eum esse, quem Dominus esset missurus? grauem enim profectò causam subesse oportuit, cur mallet perpetuam & nunquam antea violatam Scripturæ consuetudinem, non sine certo periculo conjiendi Ecclesiam in errorem momentosum, violari, quàm non certò sciri à duobus illis, se eum esse, quem Dominus missurus esset. Quid tamen id faceret ad ædificationem aut consolationem Ecclesiæ, illum Angelum mitti potius quam eum, qui cum propheta colloquebatur, aut alium aliquem, vel assequi nequeo, vel id tanti non videtur, vt propterea violari tam periculosè mos Scripturæ tam constans debuerit.

X I I I. His falsis hypothesibus Socinus alias falsitates superstruxit, videlicet non potuisse angelum duo illa exprimere, & de numero spoliatorum illorum esse Prophetam, & se eum esse quem Deus esset missurus, si ipsum Dominum loquentem induxisset; ac propterea coactum fuisse seipsum expressè per pronomen Me nominare. Non potuisse enim Dominum ipsum loquentem inducere, nisi ad hunc modum, *Sic dicit Dominus exercituum, Post gloriam mittam te ad gentes &c.* Falsa omnia. Dato enim quod meri angeli verba illa fuerint, *Sic dicit Dominus*, Et quod voluerit vtrumque illud exprimere, tamen potuit ipsum Dominum loquentem inducere & nihilominus vtrumque illud exprimere, hoc modo, sic dixit ad me Dominus exercituum, post gloriam mittam te ad gentes, quæ spoliarunt populum meum; quoniam qui tangit vos, tangit pupillam oculi eius. Sed pergamus.

XIV. Subnectit Socinus aliam rationem. *Quòd autem*, inquit, *nequaquam sit verissimile, nec meriò quemquam posse suspicari, pronomen Me ad ipsum Dominum exercituum referendum esse, vel hinc patet, quod alioqui non esset nominatus is, qui missurus esset, nec quis esset, liquidò constaret; id quod non modo ab usu prophetiarum in Vetere testamento penitus abhorret, sed ipsam per se absurdissimum omnino censei debet.* Falsa falsis cumulat. Primò falsum est id abhorre ab usu prophetarum. Ezech. 2. 9. *Et vidi, ecce manus missa est ad me, in qua erat inuolutus liber.* Dan. x. 11. *Sic in gradu tuo; nunc enim missus sum ad te, non nominatur is à quo*
manus

manus illa missa fuit ad Ezechielem; nec is à quo angelus iste missus fuit ad Danielelem. Sic huius ipsius prophetæ Zachariæ verba cap. 7. 2. multi ita vertunt, vt non sit nominatus qui misit, nominentur tantum qui missi fuerunt. Deinde falsum est id esse absurdum: cum enim de missione Domini, aut angeli agitur, facile Deus subauditur, cuius est ad populum suum vel liberatorem Deum, hoc est, Filium aut Spiritum suum, vel angelos, vel prophetas mittere, quique *אֵלֹהִים מִיְּמִינוֹ*, *אֵלֹהִים*, Ille, nonnunquam appellatur. Præterea falsum est Dominum exercituum non nominare hoc loco eum à quo sit missus. Nominat enim eum verfu sequente, & *sciētis*, inquit, *quod Dominus exercituum misit me.* id quod etiam repetit V. II.

X V. Subjungit Socinus tertiam rationem, si tamen ratio appellari debet, cum simpliciter, id absurdissimum esse dicitur, non ostenditur, quod Aduersarius pro verissimo habet. *Vt omitteam*, inquit, *quod nihil absurdius, aut magis ridiculum excogitari potest (quamvis Aduersarij sibi in eo valde placeant) quam ita Scripturam interpretari, vt ita dicatur ipse Dominus exercituum ab aliquo missi, & quidem ab ipso Domino exercituum.* Itane nihil absurdius, nihil magis ridiculum? O blasphemum os, id absurdissimum maximèque ridiculum appellare ausum, quod ita disertè & clarè docetur in Scriptura, vñ quod contradicat non habeat! Nouit scilicet melius quid Deo conueniat, quam ipse Deus! Sed pergamus.

XVI. Alterum argumentum, quo Socini interpretamentum refelli potest, petitur ab aduerbio *כֵּן* Sic: Nam si simpliciter scriptum esset, *Dicit Dominus, post gloriam misit me ad gentes*, posset fortasse, etsi non ex more Scripturæ, quod, subaudiri. Nunc verò cum sit scriptum, *Sic dicit Dominus, post gloriam misit me*, non potest quod subaudiri, nisi admodum ineptè. Habet enim hanc vim vocula ista Sic, vt qui verba illa pronunciat, *Sic dicit Dominus*, profiteatur se ipsa Domini verba referre, quæ tamen quominus recitet impedit illud Quodd, si subaudiatur. Ita enim qui verba illa pronunciat, *Sic dicit Dominus*, non ipsa Domini verba, sed mentem tantum alijs verbis, hoc est, non ipsis Domini verbis, sed suis, referret. Pugnat igitur particula *Sic*, quominus altera ista *Quodd* subaudiri possit.

XVII. Tertium argumentum ex eo ducitur, quod etiam si

Quod subaudiatur, nihilominus verba *misi me ad gentes*, erunt verba Domini, ut jam bis aut ter obseruauimus. Cohærent enim verba, *Sic dicit Dominus*, cum antecedentibus vi cōiunctionis, *quoniam*; ac propterea sunt verba eiusdem sermonem suum continuantis. Quæ autem proximè antecedunt verba esse Domini, *Dicit Dominus* ter inculcatum dubitare non finit. Cum igitur ille cuius hæc sunt verba, *Quoniam sic dicit Dominus exercituum*, sit Dominus (Iehoua,) quomodocunque accipiantur sequentia *Post gloriam misi me ad gentes*, necesse est ut sint verba Domini.

XV III. Quartum argumentum nobis quæ sequuntur apud Prophetam suppeditant, *Quia ecce ego ago manum meam super eas, & erunt præda seruis suis, & scietis quod Dominus exercituum misi me*. Cuius enim quæso sunt hæc verba? Angeli, an Domini? Certè sunt Domini rationem reddētis, cur hortetur fideles, seu Sionem, ut fugiant à Babylone, ijsque gentibus in quas dispersi fuerāt, ne participes fierent poenarū, quas gentibus illis erat inflicurus. Adde quod verba, *& scietis quod Dominus exercituum misi me*, sine dubio eius verba sunt, cuius antecedentia, *Ecce ego leno* (heb. *agito*) *manum meam super eas, & erunt præda his qui seruiunt ipsis*. Hæc autem cuius quæso sunt? Angeli tantum? Affirmat Socinus. *Certum enim est*, inquit, *& posse & solere à Deo mitti Angelos, non ut simplices nuncios, sed tali potestate præditos, ut ista, & maiora etiam de se affirmare possint*. Esto: at non solent angeli prædicere, comminari, vel polliceri apud Prophetas quid ipsi facturi sint. Id Dei proprium est, cuius serui & ministri sunt. Deinde quos compellat, cum ait, *& scietis, quod Dominus exercituum misi me*? Prophetam, & qui cum eo loquebatur, Angelum? non egebat, opinor, fides istius Angeli eiusmodi confirmatione, nec fortasse Prophetæ, saltem solus, aut magis quàm dispersi per gentes alij fideles, quos à Babylone & aquilone, is qui hæc dicebat, sublata voce euocabat, & in spem certam erigebat, fore, ut ipsis quidem afflictis relaxatio, gentibus verò affligentibus afflictio per se vnum à Domino exercituum eo fine missum retribueretur. Illi igitur fideles sine dubio compellantur: quomodo autem vel sciuerunt, si iam impletum est illud vaticinium; vel sciunt, si nondum impletum est, illum angelum quem vult Socinus, non autem alium aliquem à Domino exercituum missum fuisse?

XI X. Sed vis huius argumenti clarius cerni potest in *XI. 10. &*

11. *Lauda & latere filia Sion, quoniam ecce ego venio, & habitabo in medio tui, ait Dominus: & adiunguntur gentes multa ad Dominum in die illa, & erunt mihi in populum, & habitabo in medio tui: & scies quod Dominus exercituum misit me ad te.* Cuius enim sunt hæc verba, & scies &c? Annon eiusdem, cuius proximè antecedentia, & habitabo in medio tui? Hæc autem, confitente Socino, non nisi à Iehoua dici possunt. Quid ergo respondet Socinus? *Iehoua*, inquit, *verba durant usque ad illa, & scies &c. Vbi angelus ad suam ipsius personam redit.* At quominus ista commata, & habitabo in medio tui, & scies quod Dominus exercituum misit me ad te, ita distrahantur, ut prius sit Domini, posterius Angeli, obstant coniunctiones copulatiuæ, quibus inter se & cum antecedentibus, tanquam eiusdem sermonis continuatio, connectuntur: obstat verbum *scies* & pronomina *tui, te*, in textu hebræo fœminini generis, quibus eadem Sion compellatur: obstat denique ipsa rerum seu euentuum connexio & ieries: sic enim ordine sese membra illa seu commata sequuntur, ut posterius pendeat à priori, sitque illius consequens. Cum igitur tot appareat continuati ab eodem sermonis indicia, reddere rationem oportet Aduersarios, cur tam coniuncta diuidant: tamen nullam reddunt; nec aliunde arcessere vllam queunt, quàm à suo dogmate, cui Scriptura ista congruere non potest, nisi sic discerpatur.

X X. Clamabunt enim, alioqui sequi absurdum, nimirum, Dominum exercituum profiteri se à Domino exercituum missum esse. Magnum scilicet absurdum, si se Filius profiteatur missum à Patre! At absurdum est Filium appellari Dominum exercituum. Cur? Estne hoc nomen præstantius, quàm ut ei conueniat, cui conuenit nomen quod est supra omne nomen, quique est verè & propriè Deus, præditus omni potestate in cœlo & in terra, adorandus ab omnibus, non modò hominibus, sed etiam angelis? At Dominus exercituum nomen est proprium eius, qui est præditus essentia diuina. Rectissimè; indè enim colligo, Filium Dei, cum vocetur Dominus exercituum, esse præditum essentia diuina. Ergo, inques, duæ erunt personæ vna eadèq; numero essentia diuina prædita, quo nihil fingi potest absurdius. Id verò, modò tollatur vnitatis numericæ imperfectio haud congruens essentiæ Dei, adèd absurdum non est, ut sit prorsus necessarium. Qua de re Deo dante suo loco. Interim ut hanc Charybdin, quæ nulla est, vites inci-

dis in Scyllam, negans Filium eiusdem esse cum Patre suo naturæ: Quam enim absurdum tibi videtur duas personas vna numero essentia gaudere, tam debet absurdum videri, filium proprie dictum non esse eadem genere, immò specie, naturâ præditum cum patre. sed ea de re alias.

XXI. Postremò dicit Socinus, *Si quis Prophetarum verba velit ad exactas grammaticæ regulas reuocare, proferim lingua latine, aut alterius cuiuspiam præter Hebraicam, eum in infinita absurda denenturum.* Quem petat his verbis nescio. Nos enim quidem certè non sumus à grammaticæ latinæ, aut alterius cuiuspiam præter Hebraicam, regulis argumèrati, sed à vi verborum hebræorum & perpetuo Scripturæ vlu, & nunquam violata consuetudine. Qua in re quid possit reprehendi equidem non intelligo. Pergit, *Oportet enim, inquit, in illis intelligendis iudicio ac prudentia potius quàm regulis grammaticalibus, uti: ac diligenter animaduertere, ad quem quodque referatur, non tam ex ipsorum verborum sono atque ordine, quàm ex verborum sententia: ac propterea sæpius vel verbum vnum, aut plura subaudire, vel etiam verbis ipsis aliquam vim facere.* Quid hoc est nisi tacita quædam confessio, se verbis Prophetarum, vt ea ad hæresim suam inflectat, & addere aliquid, & vim facere? viderintigitur Aduersarij, quid responsuri sint ad verba Aguris, Prou. 30. 6. *Ne addas quicquam verbis illius; & Samuelis 1. Sam. 15. 23. Quasi peccatum ariolandi est repugnare, & quasi scelus idolatriæ, nolite acquiescere.* Iudicio quidem & prudentia vtendum est, fateor, ad intelligenda verba Prophetarum, non tamen sic vt eorum aut significationem, aut constructionem secundum grammaticam hebræam, & consuetudinem loquendi Scripturæ sacræ, euertamus, aut illis, quod ad explendum sensum in alia lingua necessarium non sit, quicquam addamus, aut vim vllò modo faciamus: sed meminisse nos decet, Prophetas actos à Spiritu sancto scripsisse sapientissimè prudentissimèque: itaque eorum verba reuerenter admodum tractanda esse; Eumque sensum esse veriorē, non qui magis congruit cum nostra opinione, sed qui magis congruit cum verbis, verborum constructione, stilo Scripturæ, antecedentibus, consequentibus, euentu ipso, &c.

XXII. *Vnum tantum*, subjungit Socinus, *de tam multis exemplis afferam (quippe quod locus sit non absimilis huic nostro) Hierem. cap. 27. in ipso initio; vbi sic legitur: In principio Regis Ioakim fi-*

lij Iosia Regis Iuda factum est verbum istud ad Hieremiam à Domino, dicens, Hæc dicit Dominus ad me, Fac tibi vincula, &c. *Quis erit, qui, si ipsa verba, ut sonant. accipere velit, non similiter, ut Adversarij in isto loco Zacharia faciunt, referat illud Me ad Dominum priore loco nominatum, ad quem Dominus nominatus posteriore loco ea dixerit, quæ sequuntur, Fac tibi vincula, &c. ? Et tamen, ut ex istis ipsis, quæ sequuntur patet, necesse est, ut pronomem Me non quidem ad Dominum priore loco nominatum, qui idem prorsus est cum Domino posteriore loco nominato, sed ad Hieremiam referatur.* Utinam plura eximproba Socinus protulisset ! Nam ad locum istum Hieremiæ quod attinet, is neque huic nostro Zachariæ similis est, &, ut extat in fonte hebræo, nihil habet difficultatis. Primum enim non dicitur Dominus sic locutus esse ad Hieremiam, aut verbum Domini factum esse ad Hieremiam, sed *factum esse verbum istud ad Hieremiam* יְהוָה אֵלֶיךָ à Domino: quæ locutio non flagitat, ut ipse Dominus inducatur tanquam ex sua ipsius persona loquens ea quæ sequuntur. Deinde in Hebræo est וְכַתְּבָהּ quod secundum regulas grammaticæ reddi potest, & debet eo loco, *ad dicendum, vel, ut diceret*: cuius rei Socinus admonere potuit versus eiusdem cap. quartus, ubi Vulgara versio illud idem vocabulum reddidit, *ut loquantur*, consentientibus alijs versionibus. Atque ut sic veritatur quàm grammatica patitur, tam res exigit. Nam & verbum rectius dici quàm dicere scribitur, & iubetur Propheta hoc dicere in principio regni Ichojakim, mandare verò executioni aliquot post annis regnante Sedecia; atque adeo vaticinijs, quod in illo mandato continetur, parte aliqua jam impleta, ex qua Iudæi intelligerent etiam alteram partem certissimè impletum iri.

XXXI I. Nunc hic locus totus accuratius explicandus est: sciet enim argumentis. Ducam initium à vers. 4. *Ierusalem habitabit* יְרוּשָׁלַיִם *pagos absque muris, vel, paga: im abique muris, propter multitudinem hominum & iumentorum in medio eius.* Quibus verbis triplex discrimen innuitur inter Ierusalem, ut ita dicam, legalem, quam Apostolus *τὴν νῦν ἱερουσαλὴμ* appellat, & Ierusalem euangelicam, quam idem Apostolus *τὴν ἀντὶ ἱερουσαλὴμ* vocat Gal. 4. 25. 26. Illa certi cuiusdam loci, haud sanè magni, finibus comprehensa & circumscripta fuit, Hæc nullo certo loco definitur. Illa muro cincta fuit & propugnaculis munita, Hæc nihil habet eiusmodi. Illa in medio sui templum habuit magnificentissimum

multaque regum & magnatum palatia, quibus in rebus sita fuit eius gloria, Hæc verò ad modum pagorum se habet muris & propugnaculis destitutorum, quos homines pauperes & ignobiles & pecuariam exercentes potissimum incolunt, ac proinde in quibus nihil est gloriosum, nihil magnificum.

XXIV. Num ergo spiritualis ista siue euangelica Ierusalem omni muro, omni gloria priuabitur? Minimè. *Ego ero ei, dicit Dominus, murus ignis in circuitu, & in gloriam in medio eius.* Carebit muro terreno quo se carnaliter tueatur, sed non carebit muro spirituali quo spiritualiter defendatur. Exposita erit persecutionibus hominum secundum carnem, sed tamen omni ex parte Deo, tanquam muro igneo, ita circumdabitur, vt ei nihil prorsus nocere possit. In medio eius non erit quidem Templum opera hominum magnificentissimè extructum, actotum auro collucens, sed erit ipse Dominus gloriæ, templo & arca fœderis infinitis partibus præstantior. Ex quo intelligitur, multò amplius rem, fortiorem, & magnificentiorem Ierusalem euangelicam, quàm legalem, futuram fuisse, sed in spiritu, non secundum carnem.

XXV. Iam quis est ille, quo, tanquam muro igneo, Ecclesia Christiana cingitur in circuitu, hoc est, omni ex parte? Nonne ille per quem vnum seruatur, in quo solo est salus, qui est omnia in omnibus fidelibus, qui dixit discipulis suis, Ecce ego sum vobiscum omnibus diebus vsque ad consummationem seculi, qui denique tenet in manu sua dextera omnes Ecclesiarum suarum pastores, immò omnes oues suas? Si igitur ille qui futurus erat Ecclesiæ Christianæ murus ignis in circuitu est Dominus (Iehoua) vt patet ex hoc vaticinio, Isque est Christus, vt liquet ex Euangelio, necesse est fateri Christum esse Dominum, seu, vt vulgò pronunciant, Iehouam. Certè urbem ingredienti murus primum occurrit, & in muro porta, per quam qui ingreditur intra murum se recipit. Itaque per fidem & regenerationem intranti Ecclesiam Christus vt murus ignis suos illuminans ac tuens, vt porta seu ostium, quo necesse est ingredi, sese primum omnium offert: ac quoniam non modò totam collectiue Ecclesiam cingit, sed vnumquemque etiam fidelem seorsim, etiam dum iter facit, omni ex parte veluti circumpositus, & vna mobilis cuctur ab omni injuria, etiam ab intrante in Ecclesiam

A&. 4.
12.
Col. 3.
17.
Math.
23. 10.
Apoc.
1. 16. &
2. 1.
Joh. 10.
28;

indui per baptismum dicitur : quæ vestis nec noctu exui, nec vîu atteri, nec vetustate consumi, nec à latronibus eripi potest, & cum nouo homine, hoc ipso quod spiritualiter carne & sanguine Christi vescitur, crescit, decens ac splendida omni tempore.

XXVI. Taceo murum esse vrbis partem, & Christum esse Ecclesiæ fundamentum, & se recipere intra Christum, vt sit in tuto, quicunque in eum credit; ac proinde Christum non modò Ecclesiæ suæ murum igneum esse in circuitu, sed hoc eius esse, si accuratissimè loqui uolumus, proprium. Sunt quidem angeli omnes circa Ecclesiam, sed veluti currus ignei, & equites, & milites Christi regis ac ducis nostri, iuxta murum vrbis excubias pro nobis agentes; verùm ipsi non sunt pars vrbis, nec nos tuentur à reatu peccati, à maledictione legis, ab ira Dei, à morte æterna: Hoc vni Christo Scriptura tribuit. Adde quod non potest vnus idemque totam Ecclesiam per vniuersum orbem dispersam intra se colligere sub alas suas, ac omni ex parte velut murus cingere & tueri, quin sit omnipræsentia, omniscientia, & omnipotentia præditus, proprietatibus diuinis, atque adeo essentiâ diuinâ.

XXVII. Dicitur etiam hoc loco Dominus futurus in gloriam in medio Ierusalem Christianæ, hoc est, in templum & arcam fœderis, & vt ipse loquitur apud Esaiam, cap. 8. *Y. 14. in sanctuarium*: erat enim terrenum sanctuarium honor & gloria terrenæ Ierusalem in eius medio, vmbra & typus gloriæ Ierusalem Christianæ. Iam autem Christus est sanctuarij terreni & arcæ fœderis, potissimum propitiatorij, corpus & veritas, & vt loquitur Simeon, gloria Israël. Nihil erat in medio Ierusalem terrenæ templo illustrius, sanctius, quodque ostenderetur ac videretur dignius, & quod alijs omnibus totius mundi vrbibus præstaret magis. Idem de Christo respectu Ecclesiæ Christianæ affirmari potest & debet. Is prædicatione Euangelij, & sacramentorum administratione & fidelium omnium confessione, immò vitâ ostenditur & monstratur, ad eum contemplandum omnes fideles ex omnibus regionibus confluunt, eum mirantur & adorant, in eo vno expiationem peccatorum, iustificationem, sanctificationem, benedictionem, Dei cultum & præsentiam salutarem reperiunt, denique de eo vno maximè gloriantur. Tota enim Ecclesiæ verè Christianæ excellentia & gloria, qua omnem

Jerem. aliam societatem religiosam longissimo superat interuallo, in vno
9. 24. Christo consistit. Itaque, cum non sit gloriandum nisi in Domi-
1. Cor. no, in Christo gloriandum est potissimum, immò vnicè.

1. 31. XXVII. Poterat ex dictis Ierusalem Christiana videri ni-
2. Cor. hil aliud futura, quàm multorum pagorum quædam quasi conca-
10. 17. tenatio, plus loci quàm vlla alia mundi ciuitas occupans in terra
Canaam. Cui carnali opinationi vt occurratur & clarius Ierusalem
Christianæ status describatur, Dominus clamat, se eam in qua-
tuor ventos cœli disperfisse. Itaque quasi eam in omnes gentes
disseminatam è longinquo videret, sublata voce eam ex omnibus
Mundi plagis euocat ad se. *O, fugite de terra aquilonis, dicit Do-
minus, quia in quatuor ventos cœli dispersi vos, dicit Dominus.* Ex
quo intelligitur, Christianam Ierusalem nihil aliud esse, quàm
innumerabilem quandam multitudinem hominum, vbique terra-
rum disseminatorum, vnius Domini verbo euocatorum, vt inde
fugiant non quidem corpore, sed corde, non locum mutando,

2. Cor. sed animum, Iuxta illud, *Exite de medio eorum, & separamini,*
6. 17. *dicit Dominus* &c. Ac quoniam futurum erat, vt potissimum
habitaret inter illas gentes, quarum caput spiritualiter Babylôn ap-
pellatur in Scriptura, idcirco Dominus vocationem suam repetit
expressa mentione Babylônis, ac compellata Ecclesia sua vera no-
mine Sionis, & mutato verbo fugiendi in seruandi, prudentissi-
mè, *O Sion serua re, qua habitas apud filiam Babylonis.*

XXIX. Iam quis sic Ecclesiam euocat? Si consulis Pro-
phetam, is est Dominus (Iehoua,) si Euangelium, & euentum, est
10h. II. Christus. Hic enim vnus venit vocatum peccatores, & *ut filios*
31. *Dei, qui erant dispersi, congregaret in vnum.* Itaque eius vox ad
omnem gentem peruenit.

XXX. Rationem cur fugere debeant è gentibus subiungit,
Quoniam, inquit, Sic dicit Dominus exercituum, post gloriam misit
me ad gentes, que spoliarunt vos, &c. Queniamodum qui vocat &
fugere iubet non est angelus proprie dictus, sed Dominus; sic ra-
tionem subiicit petitam non à missione cuiusdam angeli, sed à
missione Domini secuta eius gloriam. Congruit cum vaticinio
euentus. Vocantur enim filij Dei dispersi è mundo, è gentibus, è
Babylone, cuius voce seu Euangelio: certè vnius Domini Christi,
non verò angeli; Iisque organis ad vocem suam per omnes gen-
tes deferendam vsus est Apostolis, non autem Angelis. Itaque
frequens

frequens vocantis, vocatorum, vocationis in Euangelio mentio: frequentia etiam mandata, *Saluamini à generatione ista praua. Fugite à simulacrorum cultu. Exite de medio eorū, &c. Exite è Babilone popule mi, &c.* Horum autem mandatorum & similium ratio nunquam à missione alicuius angeli petitur, sed à missione Domini quæ glorificationem eius sequitur, vt gentibus quæ fideles affligerunt afflictionem retribuat, vt à nobis iam fuit obseruatum §. XI. Ab hac enim missione præmiorum & pœnarum distributio, bonorumque & malorum resurrectio dependet.

AR. 2.
40.
1. Cor.
10. 14.
2. Cor.
6. 17.
Apoc.
18. 4.

XXXI. Sequitur apud Prophetam *Ysa. ix. Quia ecce ego agito manum meam super eos, & erunt præda his qui seruebant sibi, & cognoscetis quia Dominus exercituum misit me.* Primum verbis illis, *cognoscetis, &c.* compellantur iidem qui antecedentibus, *O, o fugite, &c., & O Sion seruare, &c.* ac propterea de tempore Noui Testamenti, vt superiora & sequentia, accipi debent. Deinde oportet hanc missionem dogma esse in Ecclesia Christiana maximi momenti, cuius prædictio tantò antè, proposita est Ecclesiæ ab hoc Propheta, & iterata, atque inculcata aliquoties. Hunc enim missum esse, qui loquens inducitur hoc loco, vult Deus credi & cognosci, quasi ea cognitio ad Ecclesiæ ædificationem multum conducatur, sitque dogma, aut negatum, aut vocatum in dubium, aut non satis firmiter & accuratè creditum & cognitum ante illum euentum qui prædicatur. Iam autè mitti quidem a Deo in ministerium omnes angelos propter eos qui hereditatem accipient salutis, dogma est religionis Christianæ; missum verò esse vnum aliquem certum angelum, qui scilicet hoc loco id prædixerit, nullum dogma est: Sed omnium dogmatum præcipuum, maximèque docendum, inculcandum, confirmandum istud est missum esse a Deo Patre Filium ejus Dominum nostrum Iesum Christum: hinc enim pendet fides & salutis Ecclesiæ. Id autem secunda Christi missione seu aduentu, quo retribuet afflictionem his qui nos affligerint, ita fiet manifestum, vt reuocari amplius in dubium non possit.

XXXII. Interim quoniam futuro illi suo iudicio nonnunquam, vt ita loquar, prolusit: atque aliquot illius veluti specimenibus missionem suam futuram & præteritam confirmauit, quæ verbis illis innuuntur, *Ecce ego agito manum meam &c.* ea quam vim habeant ad confirmandum & demonstrandum, missum fuisse

a Deo patre, non jam certum quendam angelum, sed Dominum glorię paucis explicandum est.

XX XI I I. Prima gens, quę post glorificationem Christi populum eius afflixit, Iudaica fuit. Quapropter super eam Dominus manum suam ita agitavit, ut eius vrbes destruxerit, templum funditus diruerit nunquam instaurandum, gentem totam sedibus suis reuulsam in omnes gentes horribili iudicio disperferit. itaque a sexdecim ferè seculis jacet gens illa misera, sine templo, sine rege, sine prophetis, sine sacerdotibus, sine vrim & thummim, sine sacrificijs, sine patria, altarũ gentium Iudibrijs exposita, necdum vlla ei affulget liberationis aurora. Cur? nisi quia horrendum quoddam scelus admisit, cuius eam nondum pœnituit? nempe Messiam promissum, Dei Filium, Dominum glorię Seruatorem suum non agnouit, sed reiecit, immò cruci per summum nefas suffixit, ac in sua illa contumacia & execranda nequitia ad hunc vsque diem perseuerat. Aliud enim gentis illius peccatum a quo nondum resipuerit, tantum, ut propterea tam horrendum in modum tractanda a Deo fuerit, nullum appareret: ut nunc taceam vtramque prædictam fuisse a Prophetis, & reiectionem Iudæorum, & reiectionis illius hanc causam, nimirum Messię seu Domini tam suauiter ad se eos vocantis reiectionem Dan. 9. 26. Esai. 6. 9. 11. & 8. 14. & 65. 12. & 66. 4. & Prou. 1. 24. &c. Quinetiam gens illa quę Christianis dominata fuerat, eosque multis occisis spoliauerat, tandem redacta est in potestatem Christianorum. Cur, si Christum, si Apostolos Christi, si Christianos persequendo & occidendo rem fecit gratissimam Deo? Num ille sic zelum legis & suum, quo correpti Iudæi Euangelium rejecerunt, remuneratus fuisset, siquidem ipsi fuisset gratus & acceptus?

XX X I V. Post Iudæos Ethnici Romani Christianos, hoc est, populum Dei multis modis vexarunt & persecuti sunt. Itaque etiam in eos manum suam Dominus, cuius vnus est iudicare orbem, agitavit, eosque tandem Christianis quos oppresserant subjecit, magnum missionis Domini argumentum. Nam si is fuisset, ut blasphemant Iudæi, impostor, qui potuisset homo ex infima plebecula, Iudæus, habens pro discipulis paucos quosdam pisces & publicanos, ab omnibus ordinibus gentis suę damnatus, à præfide romano actus in crucem, ignominiosum Romanis,

execrabile Iudæis supplicium, post mortem, inuitis & obnixè repugnantibus Deo Iudæorum & Iudæis, dijs Romanorum & romanis ipsis, sibi tantum nomen comparare, quantum alius nemo ante aut post eum assequi vnquam potuit, atque adeo pedibus suis potentissimos hostes tandem subicere, non armis carnalibus, sed, ut loquitur Apostolus, *demonstratione Spiritus & virtutis?* 2 Cor. 2.4.

XXXV. Post Romanos ethnicos surrexit imperium quod prædicatur & describitur Apoc. 13. & 17. & 2. Theff. 2. &c. veræ Ecclesiæ infestissimum, cuius jam aliquam partem ijs quibus dominatum fuerat Christus subiecit, totum tandem aliquando subiecturus & aboliturus; vnde facile perspicui potest, eum reuera missum à Patre fuisse, qui quod per se & Apostolos suos tam disertè prædixerat, tam apertè implet, nec veritatem suam finit opprimi. His iudicijs succedet tandem vltimum, quo omnes Christi & verè Christianorum hostes subicientur pedibus eius, & punientur in æternum. Quæ omnia missionis Christi veritatem confirmant, non verò cuiusdam angeli.

XXXVI. Sequuntur apud Prophetam hæc verba, *Lauda & latare filia Sion: quia ecce ego venio, & habitabo in medio tui, ait Dominus. Et adiungentur gentes multa ad Dominum in die illa, & erunt mihi in populum, & habitabo in medio tui, & scies quia Dominus exercituum misit me ad te.* Rursus eius qui loquitur missio proponitur Ecclesiæ credenda, quasi eam credi & cognosci ad gloriam Dei & fideliū salutem maximè intersit. Quibus autem argumentis eam probatum iri prædicit? Aggregatione gentium multarum ad Dominum, & habitatione Domini in medio filiarum zionis, hoc est, veræ Ecclesiæ. Hæc certè argumenta missum fuisse à Patre Filium probant, non verò missum fuisse certum quendam angelum. Aggregatio quidem gentium ad Dominum: Ea enim, cum toties prædicta fuerit in Vetere Testamento tanquam maximum bonum, sit autem per Christum data effecta Annon manifestum est, Christum, cum se dixit à Deo patre missum, haudquaquam mentitum fuisse? Quis enim credat, quod Moses, quod Prophetæ toties prædixerunt opus præclarissimum, & optimum, & maximum, id fuisse perficiendum, à pseudopropheta, ab impostore? Num potest in dubium reuocari, quin ea ratione Dei Israël imperium, & gloria valde amplificata fuerint, & diabolorum atque idolorum altaria & cultus &

gloria in toto Imperio Romano alijsque regionibus destructa? Num hoc fieri potuit à seductore, Dei hoste, diaboli mancipio? Nonne ut id fieret, vinci oportuit oratorum eloquentiam, philosophorum subtilitates, tortorum sæuitiam, pontificum rabiem, imperatorum potentiam, totius generis humani imperum, immò ipsorum diabolorum vim & astuciam? qui potuit id fieri ab impostore, plebeio, conspirantibus ad eius condemnationem Iudæis & Romanis ignominiosissimè crucifixio, post mortem suam, absque ullis artibus, opibus, armis humanis? Nonne hîc digitus Dei agnosci debet?

X X X V I I. Habitatio quoque Domini in Ecclesia, in fidelibus hoc ipsum probat. *Lauda*, inquit, & *latare filia Sion: quia Ecce ego venio. & habitabo in medio tui, dicit Dominus*. Quis venit? Cuius aduentus est materia lætitiæ & exultationis Ecclesiæ? Nonne is est Dominus, Christus? *Et adiunguntur gentes multe ad Dominum in die illa*. Cuius quæso aduentus vocatio seu aggregatio gentium ad Dominum consequens, immò effectum fuit? Nonne Domini gloriæ, Seruatoris mundi aduentus id effecit? Nonne venit ut habitaret in medio Ecclesiæ? Certè. Nam corpore quidem reliquit mundum, & abiit ad Patrem; sed Spiritu venit ad suos. Est cum suis vsque ad consummationem seculi. Vbicunque fuerint duo aut tres congregati in eius nomine, ibi est in medio eorum. Habitat in cordibus nostris per fidem. *Ecce*, inquit, *stans ad ostium & pulso. Si quis audierit vocem meam, & aperuerit ianuam, intrabo ad illum, & cœnabo cum illo, & ipse mecum*. Et alio loco, *Si quis diligit me, sermonem meum seruet, & Pater meus diliget eum, & ad eum veniemus, & mansionem apud eum faciemus*. Quid? ista habitatio Domini, nonne certissimum eum in quo est reddit de veritate missionis Domini à Patre in mundum? sentitur nempe à fideli intus habitans Christus. Per sentiscitur præsens numè in cordis penetralibus Spiritu promissionis sancto obsignati & arrhabone cœlestis hæreditatis donati. Quid? nonne seie ista Domini habitatio prodidit olim in Ecclesia plurimis & varijs donis extraordinarijs & miraculis illustrissimis, veritatis Euangelij atque adeo missionis Christi argumentis euidentissimis. Nonne ea se prodit, etiam ordinariè, in verè fidelibus, luce cognitionis Dei, sanctitate vitæ, charitate constante, patientia inuicta, mansuetudine animi, &c? quæ certè, cum à mundo, à carne, à diabolo

Ioh. 14.

18.

Matth.

28.

Apoc.

3. 10

Ioh. 14.

22.

proficisci nullo modo possint: (ijs enim rebus per fidem & mundus vincitur, & diabolus fugatur, & caro mortificatur) Euangelij veritatem confirmant, donec Christus visibiliter iterum veniat, & habitet in Ecclesia, eaque ratione omnem dubitationem, si qua reliqua fuerit, ei prorsus eximat. Non modò igitur nobis fauet grammatica, sed etiam res ipsa, quæ nullo modo pati potest vt de missione cuiusdam angeli, aut alterius quàm Christi, verba ista intelligantur.






DISPUTATIO

TRIGESIMA QVARTA

De Arg. XXXIV. Ex Zachar. cap. 3. v. 2. *Et dixit Dominus ad Satan, Increpet Dominus te Satan; increpet te Dominus qui eligit Hierusalem.*

I. UPERIORIBVS testimonijs addendum etiam est istud, quod habetur apud eundem Zachariam, cap. 3. v. 1. *Ostendit mihi Dominus Iesum sacerdotem magnum, stantem coram Angelo Domini: & Satan stabat à dextris eius ut aduersaretur ei. Et dixit Dominus ad satan, Increpet te Dominus osatan, increpet te Dominus qui eligit Ierusalem.* Hic Dominus (Iehoua) dicit ad Satan, increpet te Dominus (Iehoua:) atque ita duæ personæ proponuntur, quarum vtraque Dominus (Iehoua) appellatur. Harum autem sine dubio altera est Pater, altera Filius. Filius igitur est Dominus, Iehoua.

r. Resp. II. *Respondeo*, inquit Socinus, *primum, ut ad superius argumentum, Non posse ex loco isto ullo pacto concludi, alteram ex duabus istis personis, quarum vtraque appellatur Iehoua, esse Christum: sed tantum duos esse, quorum uterque sit Iehoua; si modo ex appellatione liceret semper ipsam essentiam colligere.* Non repetam ea quæ ad Vvjecki hanc Socini responsionem superiore Disputatione § v. vi. vii. Class. 2. diximus. Tantum, ut ne hoc nostrum argumentum præcedenti nitatur, sed suum habeat proprium pondus, ita argumentabor. Aut duarum istarum personarum, quarum vtraque appellatur Iehoua, altera est Christus; aut neutra. Si prius, falsa est responsio. Si posterius, duæ sunt personæ diuinæ Christo, si quoad

substantiam tantum homo est ut volunt Aduersarij, multò digniores: id quòd Euangelio aperte repugnat, Filium, vno Patre excepto, omnibus alijs personis antepONENTI. Deinde quænam erunt duæ illæ personæ? vna sine dubio erit Pater. Quis erit altera? Spiritus sanctus? At hunc nolunt esse personam Aduersarij deinde est Spiritus Christi, ab eo mittitur, de eo quod est Christi accipit, Christum glorificat, Christus solet post Patrem ante Spiritum sanctum nominari, etiam in solemnibus baptismi formula, Christus dat Spiritum sanctum, quomodo ista vera esse possunt si Spiritus sanctus est Dominus (Iehoua) Christus verò non est Dominus (Iehoua) si Spiritus sanctus est persona prædita essentia diuina, Christus verò persona prædita tantum essentia humana, si ille est creator, hic creatura? Quod si harum personarum altera neque Filius, neque Spiritus sanctus dicatur esse, erit persona diuina à Patre, à Filio, & Spiritu sancto distincta, Christi lumine non modo non reuelata, sed obscurata, immò extincta prorsus, quo nihil fingi potest inagis absurdum. Nam in N. T. non cõparer.

III. Adde quod Dominus qui sic loquitur, *Incepit te Dominus osatan*, causam Ecclesiæ suscipit aduersus satanam, & contra eum pugnat, ut hominum mediatorem & intercessorem deceret, orando Patrem. Intercedit quidem etiam Spiritus sanctus pro fidelibus, sed ut Christi mediatoris nostri spiritum decet, efficiendo ut precemur. Idem etiam Dominus is est qui *Mat. 5.* dicit Iesu siue Iehoscuæ, *Ecce abstuli à te iniquitatem tuam, & indui te mutatorijs.* Quis autem quæso auferret iniquitatem, & quidem à summo sacerdote, qualis erat Iehoscuæ? præter Deum Patrem & eius Filium Dominum nostrum nemo occurrit in Scriptura, cui hoc tribui possit. Neceffe est igitur, ut duorum istorum, quorum vterque est Dominus, Iehoua, quàm vnus est Pater, tam alter sit Filius.

IV. Præterea isti Iesu summo sacerdoti legali satan stans à dextris aduersatur. Cui cum resistere non posset obstante iniquitate sua, quam sacrificijs lege præscriptis auferre non potuerat, Dominus ei fert opem, primò intercessione sua apud Dominum qui elegit Ierusalem, qua repellit satanam; deinde auferendo à Iehosua iniquitatem, ne posset amplius accusari à satana: sic victoria de satana reportata est. Ex quo intelligitur, summum sacerdotem legalem, etiam pium, qualis erat Iehoschua, eguisse alio, qui iniquita-

tem eius auferret; eumque sua intercessione tutum à satana præstaret: qui alius esse non potuit quàm Dominus noster Iesus Christus, solus hominum mediator apud Deum & seruator, verus summus sacerdos, id quod à Leuitico adumbrabatur quidem, sed præstari non poterat, peccata verè auferrens & satanam vincens.

V. At, inquit Socinus, *In ea visione Iesus sacerdos, si aliqui Christi typus erat, Christi personam representabat, nec videtur fieri posse, ut in ipsa eadem visione, eodem temporis momento, quis & in sua propria persona verè, & in altera representatiuè seu adumbratè appareat, alterâ ab alterâ manifestè distinctâ, ut in hoc loco euenit.* Primum in ea visione Iesus sacerdos, Christi personam non representabat: stabat enim coram Angelo Domini, non poterat per se ipsum satanæ resistere, erat peccato inquinatus, egebat alio qui iniquitatem ipsius auferret, qui pro ipso intercederet, qui ipsum à satana defenderet; quibus eius imperfectionibus Christi perfectiones prorsus dissimiles, imò oppositæ adumbrari non potuerunt. Deinde quid prohibet eodem temporis momento corpus & vmbra, veritatem & typum apparere? Cur enim in visione videri non potuit, quod extra visionem reuera visum est? Nonne enim Christus eodem momento videbatur olim in templo & in sua propria persona verè, & in persona summi sacerdotis ab eo manifestè distincta representatiuè seu adumbratè? Nonne in eadem cœna videbatur verè in sua propria persona, & typicè in agno paschali?

VI. Refutata prima responsione Socini, veniamus ad secundam. *Respondeo, inquit, secundo loco, appellari quidem hoc loco duos nomine Iehouæ: sed tamen unum tantum ex illis esse reuera Iehouam.* Quandoquidem is, qui, Iehoua appellatus, allocutus est satanam, est vel angelus, qui ab initio cum Zacharia locutus est, vel angelus ille Iehoua, coram quo Iesus sacerdos stabat. Et paulò post addit, *Angelum illum, qui ab initio cum Zacharia loquebatur, Iehouæ nomine satis aperte appellari, idque sæpius, videlicet cap. 1. 7. & 20. & cap. 4. 8. & 6. 9. &c.* Qua responsione magis confirmat argumentum nostrum quàm euertit. Nam si duorum, qui nomine Iehouæ hoc loco appellantur, alter etiam angelus Iehouæ nominatur, tantò clarius & certius persona eius ab altera illa, quæ Iehouæ etiam vocatur, distinguitur. Si is qui angelus Iehouæ dicitur, nomine Iehouæ appellatur, non semel atque iterum, sed sæpius, tantò apertius significatur, eum reuera Iehouam esse. Eundem enim Christum

stum esse volumus, & Iehouam, & Iehouæ id est, Patris angelum: illud natura, hoc officio, quia Patris sui nuncius seu legatus est. Nuntium enim, ut iam aliquoties monui, nomen Angelus propriè significat, cum Iehoua nihil significet præter Deum Israelis. Nihil igitur quod argumento nostro officiat hæc responsio continet.

VII. Quod si neget Aduersarius hunc angelum, qui Iehoua sæpius appellatur, verè Iehouam esse, malumus Deo id affirmanti, & quidem sæpius, credere, quàm Socino neganti. Potuit-ne disertius docere Scriptura, eum verè Iehouam esse, quàm cum Iehouæ nomine sæpius appellando? Quorsum enim pertinet huius appellationis repetitio & inculcatio frequens, nisi ut ne dubitemus, eam reuera Iehouam esse? rem enim quæ repetitur in Scriptura, & magni momenti, & certissimam esse repetitio confirmat. Mirum profectò est, nobis in Scriptura duos proponi, accuratèque inter se distingui, insignitos, idque sæpius, eodem nomine Iehouæ, proprio vnus. Dei creatoris cœli & terræ. Cur enim id fit, si non sunt duæ personæ diuinæ, si nefas est existimare, duas esse personas diuinas, si vna tantum persona verè est Iehoua? Equidem quorsum id pertineat non video, nisi ad præparandos hominum animos ad recipiendum dogma de diuinitate Filij Dei, deque diuinarum Trinitate personarum. Duo credimus, distinctionem personarum & vnitatem essentia. Nonne autem distinctio personarum satis apertè significatur, his verbis, *Dixit Dominus ad Satan, increpet te Dominus ô Satan*, & cum horum duorum, qui Domini nomine appellantur, vnus alterius angelus nominatur? Nonne rursus vnitatis essentia, plusquam specifica, clarè docetur, cum vterq; eodem nomine proprio, absque vlla additione vel limitatione, absolute, subiectiue, atque adeò tanquam vtriusque proprio, designatur? Neminem enim latere potest, nomen Iehoua soli Deo Israelis impositum fuisse, cuiusque proprium esse, eoque ab omnibus alijs distingui, itaque dogma fuisse præcipuum in Veteri Testamento, vnum tantum Iehouam esse. Constat ergo personarum diuinarum distinctio cum vnitatem.

Deut.
6. 4.
Marc.
12. 29.

VIII. Hic, ne superiora repetam, neue ijs nitatur hæc disputatio, vno argumento nondum a me explicato probabo ipsum angelum, qui Iehouæ nomine appellatur, non esse de numero Angelorum. Nam si esset de numero Angelorum, non video qui poterit auctor Epistolæ ad Hebræos concludere, Chri-

Hcb. 1.

4

tum esse præstantiorem Angelis, quia præstantiori nomine seu elogio ornatur in Scriptura veteris Testamenti. Quomodo enim *excellētius pra illis sortitus est nomen*, si eorum vnus aliquis Iehouæ nomine appellatur, & quidem sæpè? isto enim nomine nullum est excellentius, immò ipsum excellentius est omni alio nomine. Afferit autem primo loco is auctor, tanquam nomen excellentius, nomen Filij Iehouæ. At tantum est, aut plus etiam, Iehoua: n dici quàm Iehouæ filium. Dignitas enim elogij huius non est a nomine filij, quod commune est multis, sed à nomine Iehouæ, quo ab alijs, qui filij dici possunt, distinguitur.

IX. Respondebunt fortasse Aduersarii, nomen Iehouæ tribui Angelo, non quatenus considerabatur in propria sua persona, sed quatenus alienam, scilicet ipsius Dei, personam sustinebat: loqui autem Apostolum de nomine Christi in sua ipsius propria persona considerati. Itaque bonum esse ipsius argumentum. Verum quo argumento probabunt nomen Iehouæ tributum fuisse Angelo illi ob alienam, quam sustineret, personam? Cerrè hoc loco ei nomen Iehouæ non tribuitur, nisi cum orans Iehouam aduersus satanam inducitur: in qua actione orandi non sustinebat alienam Dei patris personam, vt cuius manifestum est. Deinde in testimonio psalmi secundi, quod Apostolus laudat, tribuitur Christo elogium Filij Dei attributiue, cum in hoc Zachariæ loco, & alibi sæpè, tribuatur nomen Iehoua Angelo isti subiectiue: id quod quin plus sit, non diffitebuntur Aduersarij, pluris enim apud eos sit nomen Dei subiectiue quàm attributiue de aliquo vsurpatum, vt suo loco videbitur. Tum Filius Iehouæ raro dicitur in Veteri Testamento Christus, cum Angelus iste, ipso Socino confitente, Iehoua appelletur sæpius. Adde quod Iehoua nomen est proprium Dei Israelis, quod in alium transferri non potest, quin in eum pariter transferatur honor & cultus Deo Israelis debitus. Id quod sine grandi piaculo fieri nequit.

X. Præterea nunquam in Scriptura nomen vnus proprium alteri, quod illius personam sustineat, tribuitur. Quis igitur in ea credat, nomen Dei proprium tributum fuisse mero angelo, & quidem sæpè, ac cum certo periculo Ecclesiæ in errorem grauem conijciendi? Si quis etiam reponat Aduersarijs, etiam Christum ob regiam illam dignitatem, qua Patris personam singulari & eximiam ratione sustinet, Filium Iehouæ dici eo psalmo, non habebunt

quod id refellant, & argumentum Apostoli defendant, siquidem suis hypothefibus stare volunt. Denique quo creatura magis Deum Israelis repræsentat, eo sine dubio præstantior est. Si igitur Angelus ita Deum Israelis repræsentauit, ut eodem cum eo nomine proprio maximèque alijs incommunicabili appellaretur & quidem sæpè, certè is Deum Israelis magis repræsentauit quàm ille qui nunquam eiusmodi nomine cohonestatus fuit. Ac proinde excellentior fuit Christo, qui, si fides Aduersarijs habetur, nunquam eo honore affectus fuit.


X I. Cur ergo, inquit forsitan Aduersarius, Auctor Epistolæ ad Hebræos non potius nomen Iehouæ, quàm elogium Filij Dei, adhibuit ad probandam Christi præ Angelis excellentiam? quia eadem opera & psalmum secundum illustrauit, & affirmando nomen Filij Dei excellentius nomen esse quàm sit ullum nomen alicui de numero Angelorum tributum in vetere Testamento, eo ipso non obscure insinuauit, cum nomine Iehouæ appellatus occurrit Angelus, intelligendum non esse Angelum de numero Angelorum, sed Filium Dei potius, qui ob munus dicatur Angelus, ob naturam Iehoua. Cæterum præmissis aliquot testimonijs & elogijs tandem eò deuenit, ut etiam ipsum Iehouæ nomen & creatoris cæli & terræ tribuat Christo, laudato deque eo exposito Testimonio è ps. CII. quod testimonium Heb. 1. vindicauimus ab Aduersariorum exceptionibus lib. I. Arg. 10. XXXI. & hoc lib. Arg. XII.



DISPUTATIO

TRIGESIMA QUINTA.

De Arg. XXXV. Ex Psal. II. *¶* 12. *Oscula-
mini Filium, ne forte irascatur, & pereatis via:
cum exarserit paululum ira eius. Beati
omnes qui confidunt in eo.*

I. UPERIORIBVS testimonijs vnum tantum
è Psalmis adiungemus, de quo nos præcedens
admonuit. Id extat Psalmo 2. *¶* 12. & 13. *Oscu-
lamini Filium, ne forte irascatur, &c.* Hinc ge-
nium oritur argumentum. Prius ipse Socinus
sic concepit.

Resp.
ad 7.
cap.

Vrjekl
Classi.
Arg 1.

Solus verus Deus habet imperium vitæ & mortis. Messias seu
Christus habet imperium vitæ & mortis. Ergo Christus est ve-
rus Deus. Quid ergo Respondet?

I. Resp.
Refut.

*Respondeo, inquit, hinc nihil contra nos concludi; quippe qui fatea-
mur, Christum esse verum Deum.* Fatentur Christum esse verum
Deum, & tamen negant eum esse natura seu essentia diuina prædi-
tum, perinde ac si quis affirmaret metallum quoddam esse verum
aurum, & tamen illud negaret prædictum esse auri natura. Potest
ne apertior fieri contradictionis implicatio? Sed ne nunc de ver-
bis dispuemus, verus Deus à nobis is demum intelligitur, qui
præditus est essentia diuina, qui est ille vnus Deus Israelis.

2. Resp.
Refut.

II. Itaque respondet Socinus, *plus hinc assumi quàm ex psalmo
secundo desumi possit. Ibi enim, inquit, habetur, perituros illos,
quibus Messias irascitur, & beatos fore, qui in illo confidunt: Hinc
verò, Messiam habere imperium vitæ & mortis; quod multò plus est,
quàm illud.* Quid? negatne Christum habere imperium vitæ &
mortis? Non, inquit; modo id rectè intelligatur, neque extra fines

regni ipsius Christi extendatur. Quorsum igitur tendit ista responsio? Modò enim assumptio vera sit, siue ea possit elici e psalmo secundo, siue non possit, solidum est argumentum. Ea autem plusquam sexcentis Scripturæ locis firmari potest. Re vera tamen etiam ex Psalmo 2. desumitur. Quid enim? Is qui gentium & finium terræ possessor est & Dominus, qui potest gentes, tanquam figulina vasa, scepro ferreo confringere & comminuerè, cui Reges & Principes subicere se debent, & cauere ne ipsis irascatur, quoniam, si vel minimum eis irascatur, futurum sit ut pereant in via, hic non habeat imperium vitæ & mortis? Si beati sunt qui ei confidunt, necesse est ut possit, quoscumque velit seruare, quomodo autem seruare potest, si non habet vitæ & mortis imperium?

II. Sed quid sibi vult Socinus hac limitatione, *modò id non extra fines regni ipsius Christi extendatur?* Ostendant enim nobis quælo Aduersarij, qui aut vbinam sint, in quos Christus non habeat imperium vitæ & necis. Extra mundum sint necesse est: Is enim habet omnem potestatem in cælo & in terra, hoc est, in toto mundo; quomodo omnem, si non vitæ & mortis? vbinam ergo sunt illi? In morte aut inferno? Etiam mortis & inferni ipse claues habet. Nec mirum; Iudex enim est viuorum & mortuorum absque vlla exceptione omnium, nec ab eo datur prouocatio.

I. V. Fallitur igitur Socinus, cum subijcit (quæ tertia eius responsio videri possit) *In eo differentiam apparere inter Christum & Deum in mortis & vitæ imperio; cum Deus nullis omnino finibus circumscriptum istud imperium habeat, Christus autem sui regni & eorum, quæ quouis modo ad illud pertinent, aut pertinere possunt, finibus habeat circumscriptum.* Itane Christus habet imperium circumscriptum? vbi hoc legit Socinus? O miram hominis temeritatem & audaciam & ingritudinem audentis non modò Filio Dei vigenito Seruatori suo naturam diuinam detrachere, sed etiam eius imperium certis limitibus circumscribere! Non repetam quæ modò dixi, Filium Dei habere omnem potestatem in cælo & in terra: tenere claues mortis & inferni: Iudicem esse viuorum & mortuorum sine exceptione omnium. Non obseruabo, Christum esse tam absolutè vnum Dominum, quàm Pater est vnus Deus: omnia quæcumque sunt Patris esse Filii: Christum esse hæredem omnium: æqualem Patri: ab omnibus Angelis, & Regi-

3. Resp.
Refut.

Matth.
28. 18.
Apoc. 1.
18.
1. Cor.
8. 6.
Ioh. 16.
15 & 17.
10.
Heb. 1.
2.

bus adorandum. Tantum lectorem meum rogabo, ut verba illa Apostoli apud se perpendat. Eph. 1. 20. *Eum sedere fecit ad dextram suam in caelestibus; supra omnem principatum, & potestatem, & virtutem, & dominium, & omne nomen quod nominatur non solum in hoc seculo, sed etiam in futuro. Et omnia subiecit sub pedibus eius.* Heb. 2. 8. *In hoc enim quod omnia ei subiecit, nihil omisit quod ei subiectum non sit.* Itaque ei, qui est caput omnis principatus & potestatis, omnis omnino creatura ubicunque sit laudem & gloriam, perinde ac Patri tribuit Apoc. 5. 13. ut à nobis est obseruatum Disp. 12. § 4. & necesse est, ut in nomine Iesu curnetur omne genus caelestium, terrestrium, & infernorum, ac propterea fatendum est tam late patere imperium Filij quam Patris, neque esse aliquod imperium Patris, quod non sit etiam Filij.

Phil. 2.
10.

4. Resp.
Refut.

V. Addere videtur Socinus & quartam responsionem, cum subnectit hæc verba, *Præter id, quod Deus à nemine imperium habet: Christus verò, ex ipsius dono & largitate. Quod ipsum, inquit, per se satis est ad argumentum Adversariorum conuellendum; cum propositio illa, Solus vnus Deus habet imperium vitæ & mortis, si vera esse censenda est, non aliter intelligi debeat, quam illa, quæ à Paulo Apostolo testimonium habet: videlicet, Solum vnum Deum habere immortalitatem: cum tamen & Angeli habeant immortalitatem, & nos in resurrectione istorum habituri simus; id est, ut de vitæ ac mortis imperio accipiatur, quod quis à nemine acceptum in seipso naturaliter & essentialiter habeat.* Primum non potest ista limitatio ijs testimonijs adhiberi, quibus huiusce nostri argumenti maior nititur. Iacob. 4. 12. *Vnus est Legislatores & Index, qui potest perdere & seruare. Tu quis es qui indicas alium? Limitatio illa, à semetipso, naturaliter aut essentialiter, ad scopum Iacobi nihil facit, sed obest potius. Sic enim Iacobus non negaret alios posse perdere & seruare: tantum negaret alios posse perdere & seruare à semetipsis; cum tamen eius consilium sit potestatem perdendi & seruandi alijs omnibus detrudere, vni legislatori seu Iudici vendicare. Enimvero ille solus est legislator, reliqui omnes illius legibus parere debent: Ille solus Iudex est, reliqui omnes ab eo iudicandi sunt: solus legislator & Iudex perdere & seruare potest, reliqui omnes eius lege & sententia perduntur, vel seruantur. Itaque alius nemo sibi sumere debet legislatoris aut iudicis partes legem aut fratrem iudicando.*

V I. Porro quis est iste legislator & Iudex? Deus pater prae-
cisus a Filio? Non certé. Filius enim etiam legislator est. Esai. 42.
4. *Legem eius insula expectabunt.* 1. Cor. 9. 21. *subiectus legi*
Christi. Gal. 6. 2. & *ita complete legem Christi.* Psal. 78. 1. *Aus-*
culta popule mi legem meam: inclinate aurem vestram verbis oris
mei: Christi enim verba esse, qui ab Asaph loquens inducitur,
patet ex sequentibus, *Aperiam in parabolis os meum, eructabo*
abscondita ab initio, laudatis a Mattheo, & vindicatis Christo
Matth. 13. 35. nec non ex illis ipsis verbis, *Ausculata popule mi*
legem meam; sunt enim magnificentiora, quam ut Asaph can-
tori, immò quam ut mero homini convenire possint. Id quoniam
ad propositum nostrum pertinet, probandum quidem est, sed
breuiter.

V II. Primum compellatio illa, *Popule mi,* Deum potius
quam hominem decet. sic enim solet Deus compellare Eccle-
siam suam Ierem 51. 45. *Exite de medio eius popule mi.* Mich. 6.
X. 3. *Popule mi quid fecisti.* & X. 5. *Popule mi recordare quæso*
&c. Homo vero merus Ecclesiam vniuersam nunquã sic compel-
lat. Deinde qui sic Ecclesiam compellat, iubet eam attendere,
Attende popule mi, quod etiam Dei proprium est Psal. 50. 8. &
81. 7. *Audi popule mi.* Esai. 51. 4. *Attendite ad me popule mi.*
David quidem ita affectus fuisse dicitur primores populi Israeli-
tici cum filiis & seruis suis præcipuis, 1. Paral. 28. 2. *Audite*
fratres mei & popule mi: sed primum rex erat populi illius, cum
huius psalmi scriptor fuerit Asaph vnus è leuitis cantoribus; de-
inde præmisit illud *fratres mei;* Tum non alloquebatur Ecclesiam
vniuersam ad consummationem vique mundi, ut sit hic, sed eos
tantum qui aderant, quosque in locum vnum conuocauerat. Sed
quod caput est qui sic Ecclesiam compellat ei legem suam com-
mendat, *Attende popule mi legem meam.* Non dicit legem Dei,
sed legem meam. Loquitur tanquam totius Ecclesiæ doctor &
legislator cui auscultare & parere debeat. Nemo in Scriptura, sic
loquitur præter Deum, & Sapientiam primis libri Prouerbiorum
capitibus, quam esse Filium Dei probauimus lib. I. Arg. XVIII.
Cum enim Ecclesia sit Dei populus & domus, ea quatenus talis
est, subesse debet legi vnus Dei, non verò legi alicuius meri ho-
minis. Neque sit nobis verissimile vllum merum hominem de se
modestè & humiliter, uti par est, sentientem ausurum fuisse Ec-

clesiam Dei ita coram Deo & Angelis affari, *Attende popule mi legem meam*. Non potest enim ipse Deus loqui maiestati suæ congruentius.

VIII. Adde quod cum eius qui sic loquitur consilium sit audientiam sibi facere, & attentionem populi sui conciliare, ad eam rem multò aptius efficaciusque fuisset, legem Dei quàm suam appellare, siquidem Deus non esset. Obligat enim ad attentionem & obedientiam lex Dei, non quatenus est lex hominis, sed quatenus est lex Dei, ac propterea solent Prophetæ Deum ipsum loquentem inducere, aut saltem eius nomine & autoritate vaticinijs suis fidem conciliare. Cum igitur iste cuius sunt hæc verba, *Andi popule mi legem meam*, satis in se vno dignitatis & auctoritatis esse arbitretur, nec alia vlla sibi opus esse ad commendandam doctrinam suam, & excitandam Ecclesiæ attentionem, annon hoc ipso se prodit Deum esse? loquitur enim cum auctoritate, ac tanquam populo suo, hoc est, Ecclesiæ suæ quis sit notus esse debeat, & quæ sit eius autoritas perspecta, manifestumque sit, aut saltem esse debeat, legi suæ attentionem & obedientiam deberi propterea quod sua sit: cò enim vno nomine eam commendat, tanquam nullum esse deberet Ecclesiæ Dei notius, charius, sanctius, & ad impetrandam ab ea non vulgarem attentionem efficacius: significat etiam ea ratione legem suam non posse, quatenus sua est, contemni absque graui peccato, ac debere eo nomine fidelibus esse commendatissimam omni seculo.

IX. Quoniam autem res est maximi momenti, & homines naturâ sunt increduli, non contentus compellatione illa, *Attende legem meam popule mi*, instat & vrget, eandemque attentionem alijs verbis exigit, *Inclinate aurem vestram ad verba oris mei*. Deinde ne putetur lex intelligi quæ lata fuerat olim è monte Sinai, significat se legem intelligere ferendam non latam, verba pronuncianda non verò jam pronunciata, duoque innuit inter legem olim latam & suam istam discrimina, quibus obseruatis sua agnoscere possit, meritòque attentionem singularem requirat. *Aperiam in parabolis os meum: eruñtabo abscondita ab initio*. Magna est emphasis in verbis *Aperiam os meum*, necnon in verbo *Eruñtabo*, sed major in re ipsa: significat enim & quo modo & quid sit loquuturus.

X. Modum scire vis? *Aperiam*, inquit, *in parabolis os meum*,
innuens

innuens se legem suam traditurum non vulgari nec consueto modo, sed extraordinario. Nihil enim causæ erat cur hoc prædiceret & promitteret, si eo modo aut semper, aut forè semper Deus, Moses, & Prophetæ locuti essent. Talis enim præmonitio seu prædictio, nisi vehementer fallor, alibi non extat in Scriptura. Non dicit autem usitata phrasi sumam aut assumā parabolā, quod in Scriptura, factum quidem fuisse à quibusdam narratur, facturum vero se nemo, quantum meminisse possum, prædicit: videri enim potuisset prolaturus *verba* seu sententias, quales haberentur in libro Prouerbiorum: sed inusitata, *Aperiam in parabola os meum*, vt magis docendi modum, quàm res docendas innueret, eumque non vulgarem. Ac propterea id accipi non potest de eo quod fit in reliquis huius psalmi versibus, in quibus ab usitato docendi modo nullo modo discessum est, nihilque occurrit singulare, quamobrem tali tamque insolita & magnifica præfatione commendari præ reliquis psalmis hic psalmus debuerit. Exponi igitur debet, vt ab Euangelista Matthæo factum est, de Domino nostro Iesu Christo, qui aliter turbas docere non fuit solitus quàm aperiendo in parabolis os suum, qui proprius eius docendi modus tam singularis & extraordinarius, vt cætera, prædici debuit in Veteri Testamento. Alibi tamen prædictus non est; nec potuit verbis magis proprijs & disertis prædici, quàm fit hoc loco. Prædictum est igitur sine dubio hoc loco.

XI. Quid autem eo modo dicturus erat? *Eruſtabo*, inquit, *anigmata ab initio*. Significat ex pectore suo tanquam ex fonte ebullitura ænigmata non recens excogitata, sed concepta ab initio, & veluti ad diuinandum Ecclesiæ propoſita, nec dum intellecta. Ac proinde legem suam fore & nouam & antiquam, positam in reuelatione copiosa mentis diuinæ & mysteriorum occultorum ac ænigmatibus involutorum. Quod & erat ad conciliandam attentionem aptissimum, & neque in hoc psalmo, neque ab alio quàm à Christo Mundi luce factum est.

XII. Ne porro putaretur legem suam pronunciaturus terribili & miraculosa voce, quali lex vetus promulgata est è monte Sinai, qui inductus est loquens vt Deus singulariter & magnificè versu primo, is versu tertio inducitur vt homo de semine Abrahami oriundus plurali numero loquens; vt significaret se hominem factum iri, & locuturum humano ore & voce, & sibi adiuncturum

de eadem gente Israelitica alios quosdam qui conjunctim eadem doceant, doceant, inquam, Israelitarum posteros qui nascentur citra vltima tēpora. Quoniam autem illi futuri erant paternarum traditionum admodum tenaces, & majorum suorum admiratores, eaq; de causa legem nouam contēpturi, pollicetur se & suos traditiones verē diuinas non modò non reiecturos, sed inculcaturos diligenter, relatè nimirum ad earum legitimum vsum & finem, qui alius esse non potest, quàm vt discant posteri suam in vno Deo collocare fiduciam, non autem in humanis traditionibus, aut operibus suis. Alioqui cauendum esse diligenter ne maiores suos imitentur qui fuerunt increduli & rebelles in deserto & in terra Canaam, nec vllis miraculis & beneficiis adduci potuerunt, vt sicut par est, fidem haberent Deo; ac propterea castigati sunt à Deo sēpè, reiectusque est ille locus in quo & primo & diu arca fœderis mansit, nec non ea tribus quæ prima & longo tempore honorem illum habuit, electusque est alius locus, qui dum arca erat in Scilo tenebatur à Iebusæis: qua vna in re latius explicanda reliquum psalmi consumitur, idque pluribus docetur, quod paucioribus dicitur psalmo 95. *V. 8. Hodie si vocem eius audieritis, nolite obdurnare corda vestra, sicut in exacerbatione, in die tentationis, in deserto, ubi tentauerunt me patres vestri &c.* Ex his apparet Dominum nostrum eundem esse Deum & hominem, nostrumque legislatorem & iudicem, qui potest perdere & seruare.

XIII. Alter locus, quo præcipuè major Argumenti nostri nititur, habetur Deut. 32. 39. *videte nunc quod ego, ego sum, & non est Deus mecum. Ego occidam & viuificabo, vulnus infligam & ego sanabo, & non est qui de manu mea possit eruere.* Non potest in his Dei verbis limitatio illa Sociniana subaudiri, *Ego occidam & viuificabo*, scilicet a meipso, essentialiter & naturaliter: non enim Deus occidit & viuificat essentialiter, sed pro liberrimo suo beneplacito; nec potest antecedentibus aut sequentibus verbis eiusmodi limitatio accomodari. Non antecedentibus, & *non est Deus mecum*: Sic enim non excluderentur Dij gentium, quos ne esse quidem a seipsis sui cultores arbitrati sunt. Nec sequentibus, *Es non est qui de manu mea possit eruere.* Sunt enim sine vlla limitatione verissima, essetque ridiculus qui diceret, esse qui de manu Dei possit eruere, non quidem a seipso naturaliter aut essentialiter, sed tamen qui possit de manu Dei eruere. Undecunque

enim is talem haberet potentiam, esset Deo potentior; Deusque non esset omnipotens, atque adeo non esset Deus. Manifestum etiam est Deum eo loco sese probare & demonstrare Deum esse, & quidem solum, hoc argumento, quod nunc videant eum pro suo arbitrio occidere & viuificare, nec esse alium Deum qui idem possit, aut qui possit eos de manu sua eruere: ac proinde necesse esse ut ad suam vnus misericordiam confugiant, si velint seruari. Id quod ipsa quoque antecedentia Dei verba confirmant, *Et dices, ubi sunt dii eorum, petra in qua fiduciam suam collocabant? &c. surgant, & opulentur vobis, & sint vobis in latibulum. Videte nunc quod ego sum &c.* significat enim præter se vnum neminem posse eos seruare.

XIV. Deinde intelligi non potest, quomodo diuinum imperium diuino modo administrandum communicari potuerit non communicatâ diuinâ naturâ. Opus enim est ad rem tantam facultatibus intelligendi volendi & agendi plane diuinis, quæ a diuina natura separari non possunt. Nam, exempli causa, humanum imperium humano modo exercendum frustra cum bruto animali communicaretur, nisi cum eo etiam humanæ facultates intelligendi volendi & loquendi communicarentur, quibus ei inductis non amplius brutum, sed rationale animal, id est, homo natura rationali seu humana præditus esset. Aut igitur Dominus noster præditus est intellectu voluntate & vi agendi diuinis, aut non. Si ijs præditus non est, quomodo potest imperium planè diuinum in cælum & terram, in Angelos & homines, in viuentes & mortuos diuino modo tenere & exercere? Si præditus est, quomodo possunt in eo diuina mens, diuina voluntas, & diuina vis agendi absque diuina natura consistere? Sic igitur argumentor. Quicumque præditus est diuino intellectu, diuina voluntate, diuina vi agendi, is præditus est diuinâ naturâ seu essentia. Quicumque autem habet imperium diuinum seu absolutum vitæ & mortis in omnes creaturas, is est præditus diuino intellectu, diuina voluntate diuinaque agendi vi. Quicumque igitur habet imperium vitæ & mortis absolutum in omnes creaturas is est præditus essentia diuina.

XV. Distinctio originis personarum quidem distinctionem inducit, qua fit ut alia Pater, alia Filius dici possit; sed non facit, ut specie aut genere differat natura Patris a Filij naturâ. Doccant

ergo nos Aduersarij, quomodo potuerit Pater imperium suum communicare cum Filio, nec tamen potuerit cum eo communicare facultates suas intelligendi volendi agendi ad tantum imperium administrandum necessarias. Aut si has potuit communicare cur non potuerit pariter naturam suam cum eo communicare? Filius enim habet a patre non minus naturam suam quam imperium. *Sicut enim Pater habet vitam in seipso, sic dedit & Filio habere vitam in seipso.* Qualis igitur est vita Patris, talis est vita Filij: & ut illa pertinet ad naturam Patris, sic ista pertinet ad naturam Filij. Discrimen inter vtriusque vitam nullum obseruari potest, nisi originis ad distinctionem personarum Patris & Filij prorsus necessarium: habet enim vterque vitam in seipso, qua non modo viuit, sed potest etiam quos vult viuificare, & a mortuis suscitare. Hinc ita argumentor. Personarum quarum imperium non differt nisi origine, sunt ejusdem speciei. Patris & Filij imperium non differt nisi origine. Pater igitur & Filius sunt ejusdem speciei. Si sunt ejusdem speciei sunt præditi eadem specie naturâ. Si igitur Patris natura est diuina, etiam Filij natura diuina est.

XVI. Ergo, inquiet fortè aliquis, alia est numero natura seu essentia Patris, alia Filij. Non sequitur. Non enim differt numero imperium Patris ab imperio Filij. Idem enim numero vtriusque regnum est, idem thronus, iidem ministri & subditi, eadem gloria &c. Et tamen imperium habet Filius a Patre communicatum. Sed hac de re alio loco disputandum erit diligentius.

XVII. Cæterum quod ait Socinus, Deum Patrem habere imperium *essentialiter & naturaliter*, id quomodo verum sit dispicere oportet. Est enim Dei imperium duplex, vnum naturale, alterum acquisitum. Illud est in omnes creaturas, Hoc in Ecclesiam. Illud nititur Dei excellentia & creatione Mundi, Hoc redemptione. Eodem iure nititur Filij Dei imperium. Primum enim quâ Filius hæres est Patris. Deinde Mundi Dominus est iure creationis, quia *per eum factus est Mundus, per eum facta sunt secula, per eum sunt omnia, per eum creata sunt omnia.* Tum Dominus est Ecclesiæ, quia eam sanguine suo redemit sibi que acquisiuit. Ut igitur naturam suam habet a Patre (alioqui Filius non esset) & tamen naturam suam habet in se essentialiter & naturaliter; sic quod imperium habet a Patre, id non impedit, quominus dici possit illud habere naturaliter & essentialiter, hoc est, tanquâ naturæ seu essentia suæ consequens

Joh. 1.
10. Heb.
1. 2.
1. Cor.
3. 6.
Col. 1.
16.

quoddam necessarium. Ad illud autem quod Apostolus dixit, *Solum Deum habere immortalitatem*, iam responsum est. Arg. XX. § 2. Arg. XXI. § 2. & 3.

XV III. Posterius argumentum sic Socinus formauit. *Soli vero Deo confidendum est. Sed Messia seu Christo confidendum est. Igitur Christus est verus Deus.* Propositionem Bellarminus & Vviekus firmauerant loco Hierem. 17. 5. 7. ubi Maledictus dicitur quicumque confidit in homine, & benedictus qui confidit in Deo: Assumptionem vero vltimis verbis psalmi secundi, *Beati omnes qui confidunt in eo.* Quid respondet Socinus? Negatne propositionem? Non. *Propositio*, inquit, *si recte intelligatur, est Verissima.* Negatne assumptionem? Minimè; *libenter enim*, inquit, *nos quoque postrema psalmi verba ad Christum, seu Filium referimus.* Quid ergo respondet? Primò negat propositionem ex Hierem. cap. 17. 5. 7. probari posse. At siue ex eo loco probari possit, siue non possit, modo sit, vt fatetur Socinus, verissima, nobis sufficit.

XI X. Age tamen quid ad illum locum respondeat videamus. *Propositio est*, inquit, *Soli vero Deo confidendum est, Productum verò testimonium habet, maledictum esse hominem, qui confidit in homine: & beatum esse qui in Deo confidit. Atqui reperitur, qui nec homo est, nec ille Deus, de quo hic agitur. Quare non sequitur ex testimonio isto, soli vero Deo confidendum esse. Non excludit, inquam, istud testimonium verbi gratia, angelos, quominus in illis quis confidere possit, nullus enim angelus est homo: etiamsi nullus eorum similiter sit ille Deus.* Extra oleas fertur: non enim de angelo agitur in hac controuersia, sed tantum de Deo & de homine: ac propterea modò particula exclusiua in propositione hominem excludat, ad propositum nostrum satis est.

XX. Quinimo possumus ex hoc Ieremix loco rectà argumentari, hoc modo. Qui confidit in homine est maledictus. Qui confidit in Christo non est maledictus. Ergo qui confidit in Christo non confidit in homine. Confidit tamen in homine, si Christus tantum homo est. Est igitur Christus ita homo, vt sit etiam aliud quid quàm homo. Est igitur aut angelus, aut Deus. Non est autem angelus. Est igitur Deus. Sic ex verbis maledictus vir qui confidit in homine, conclusum est quod probare institueramus.

XXI. Potest Etiam ex sequentibus verbis, *benedictus qui confidit in Domino*, aliquid argumenti colligi. Aut enim Domini nomine Christus comprehenditur, aut non. Si comprehenditur, est Dominus, seu, ut vulgò pronunciant, Iehoua, Deus Israelis. Si non comprehenditur, benedictus est qui confidit in Domino, etiamsi non confidat in Christo. id quod falsum esse clamat Euangelium. Idē quoque sic potest cōcludi. Aut Dominus, qui hoc loco intelligitur, tota natura differt a Filio, aut non. Si non differt, cum Dominus sit præditus natura diuina, eadem naturâ præditum esse oportet Filium. Si differt, potest aliquis in eo confidere, nec tamen confidere in Filio. Quid enim prohibeat, aliquem confidere in Domino & non confidere in eo qui non est Dominus, confidere in creatore & non confidere in mera creatura? Attamen implicat contradictionem aliquem confidere in Domino & non confidere in Filio. Simul enim esset benedictus, quia *benedictus est qui confidit in Domino*, teste ipso Domino Ierem. 17. 7. Et non benedictus sed maledictus, quia *qui non credit in Filium iam damnatus est* teste ipso Filio Ioh. 3. 18. & toto Euangelio. Qui autem non confidit in Filio hunc non credere in Filium manifestum est.

XXII. Frustrâ distinguunt Aduersarii tempora Euangelii a temporibus quæ promulgatum Euangelium autecesserunt. Primum enim mirum est non posse hoc tempore quenquam Deo Israelis fidere, qui Christo non fidat, si Deus Israelis & Christus totis essentis differunt, nihilque iste est nisi creatura illius. Deinde, quid impedit quominus de vtrisque temporibus idem iudicium fiat? An quia Filius tunc non erat? At fuisse tot argumentis probauimus, quot extant in hoc & superiore libro. An quia reuelatum non erat, confidendum esse Filio? At id reuelatum est apertissimè hoc, de quo agimus, loco Psal. 2. 12. Tum posita illa distinctione pugnabit cum his oraculis Euangelium. Clamat Dominus apud Ieremiam maledictum esse qui confidit in homine, Euangelium contrâ benedictum esse qui confidit in homine. Clamat Dominus apud Ieremiam benedictum esse qui confidit in Domino, Euangelium contrâ maledictum esse qui confidit in Domino nisi simul confidat in homine: Saltem enim cum fide in hominem reciprocari Ioh. 3. 18. 36. &c. Conciliatio nobis facilis est, hominem illum nihil esse, nisi ipsum Dominum, qui sumpta hominis, immò serui, forma sese hominibus ostendit, vel

ut verbis utar Apostoli Iohannis, *Deum factum carnem*, & Pauli Ioh. 1:
Deum patefactum in carne: Itaque qui in eo confidit, non in ho- 1. 14. 1.
 mine, sed in Domino confidere. Aduersariis verò, nisi vehemen- Tim. 3.
 ter fallimur, conciliatio difficilis, immò impossibilis est. 16.

XXIII. Nunc pergat Socinus. *Iam*, inquit, *quod ad Christum attinet, de quo est questio, is eiusmodi est, ut quamuis non sic ille Deus & sit homo, talis tamen sit homo, ut merito dici possit, eum non simpliciter esse hominem, sed diuinum hominem: præsertim post ipsius glorificationem; post quam reuera cœpit habere locum id, quod psal. 2. de ei confidendo dictum est.* Hoc non est respondere, sed diuinum oraculum eludere. Nam cum hominum alii nihil nisi communem naturam habere, alii supra aliorum sortem euecti videantur, dicent huius seculi homines, illis qui nihil nisi homines sunt maledictum esse qui confidit, non verò istis qui non simpliciter sunt homines, sed diuini homines, quales ij sunt, qui Heroes & semidei, & *isōdeoi* a poetis vocantur, nec non supremi magistratus, qui etiam dij appellantur in Scriptura, & si qui alij vel robore, vel prudentia, vel opibus, vel numero exercitu, vel sanctitate eminent inter homines. Centé posita illa distinctione nihil prohibuit, quominus fiducia reponeretur in Iohanne Baptista: *Non potest enim negari, Iohannem Bapt: fuisse virum diuinum*, inquit Sualcius Paraph. in Ioh. 1. 6. Sim Iohanne Baptista, multò magis in Apostolis, immò in quolibet ciue regni cælorum: *minus enim in regno cælorum maior est Iohanne Baptista teste ipso Christo Matth. 11. 11. Cæterum confidendum fuisse Christo, etiam antequam glorificatus esset, ipse Christus docuit Ioh. 14. 1. Creditis in Deum, etiam in me credite. & Ioh. 3. 18. Qui credit in eum non condemnatur. Qui verò non credit iam condemnatus est, quia non credidit in nomen vnigeniti Filij Dei, & passim alibi.* Non intelligo autem quomodo credat in Filium Dei, qui ei non confidit.

XXIV. His præmissis Socinus paulò diligentius testimonium ipsum expendit, & recitato versiculo 5. integro, *Maledictus homo qui confidit in homine, & ponit carnem brachium suum, & a Domino recedit cor eius*, ait non simpliciter pronunciari hęc maledictum hominem illum, qui in homine confidit, sed qui ita confidit, ut ponat carnem brachium suum, id est, in ipsis humanis viribus spem suam collocet, seu in homine ipso per se, citra spiritus ac virutis

diuina opem. Accipit igitur verba, *Et ponit carnem brachium suum &c* tanquam limitationem seu restrictionem antecedentium, *qui confidit in homine*; cum tamen reuera nihil sint, nisi eorum expositio accommodata ad rationes insinuandas, cur sit maledictus qui confidit in homine. Ponere enim aliquem brachium suum & ei confidere phrasæ sunt æquipollentes. Caro autem hominem significat, & pro eo usurpatur passim, ut Gen. 6. 12. Deut. 5. 26. plal. 56. 5. & 65. 3. Esa. 40. 5. & 49. 26. Hierem. 25. 31. & 45. 5. Ezech. 21. 5. &c. Ponere igitur carnem brachium suum & ponere hominem brachium suum seu homini confidere, idem sunt, nec differunt, nisi quod phrasis illa aptior est quàm ista ad retegendam eiusmodi confidentiæ inutilitatem & vanitatem. Vno verbo, cum homo caro sit, quicumque confidit homini confidit carni, nempe, inquit Aduersarius, *si in ipsis humanis viribus spem suam collocet, seu in homine ipso perse, citra spiritus ac virtutis diuinæ opem.* At inquam, si spem tuam in spiritus ac virtutis diuinæ ope collocat, eam non iam in homine reponit, sed in Deo cuius est illa virtus, quique homini illi adest opemque præstat. Christus autem voluit in se credi, non tantum in Deum patrem. *Creditis in Deum,* inquit, *etiam in me credite. Amen amen dico vobis, qui credit in me habet vitam æternam. Quicumque contemplantur Filium & credit in eum habet vitam æternam, & suscitabo eum ego ultimo die. venite ad me omnes qui laboratis &c.*

XXV. Responderi non potest, nec hominem ab illa virtute diuina nec virtutem diuinam ab homine seorsim spectari debere, sed coniunctim, vt sit obiectum fidei ac fiduciæ homo ille diuina instructus virtute. Nam virtus illa diuina consideratur vel vt virtus aliena, Dei videlicet, qui homini illi fert opem; vel vt virtus hominis illius propria, in ipso residens & posita in potestate arbitrii ipsius. Si prius, rectè in Deum fertur & recumbit fides, nec homini illi confidendum est, sed Deo, qui pro beneplacito suo liberrimo homini illi adest, eique virtute sua opitulatur. Si posterius, Quid sit illa virtus diuina considerandum est. Nam si est substantia, duz fuerunt hominis seu personæ illius substantia, vna nobilior quæ spiritus & virtus diuina appellatur, altera inferior quæ caro, hoc est, natura humana imbecilla & caduca vocatur. Voluntne igitur Aduersarij Dominum nostrum præditum fuisse duabus eiusmodi substantijs, quarum altera posset facere quicquid

quid vellet, cæcorum oculos aperire, mortuos ad vitam reuocare &c; altera posset pati quicquid ei malorum infligere homines impij vellem? Hoc si concederent, confecta res esset. Facile enim euinceremus substantiam eiusmodi nonnisi diuinam esse naturam. Si vero dicatur esse accidens hominis Christi, quandoquidem Christus caro fuit, summa vis summaque imbecillitas, res admodum oppositæ, eidem carni, eidem, vt loquuntur, subiecto *quo* in hæserunt eodem tempore. Quod cum recta ratione conciliare Adversarios non puto posse. Sequentur etiam alia absurda, quæ hic commemorare nihil opus est.

XXVI. Pergit Socinus. *Additur, inquit, postremò expressè, & a Domino recedit cor eius. Vt scilicet intelligatur, Deum habiturum aliquam rationem illorum, qui, licet homini cupiam plus æquo confidant, humanis viribus id tribuentes, quod ipsius Dei est proprium, tamen interea ab ipso Deo non deficiunt, nec mentem ab ipso auersam aut alienam gerunt.* Hic Socinus pugnantia dicit. Humanis enim viribus id tribuere quod ipsius Dei est proprium magna est iniustitia, & aduersus Deum ingratitude, & iniuria sacro eius nomini illata, immò idololatria; ac propterea qui id facit ab ipso Deo, si non pro toto, vt loquuntur, saltem pro tanto, deficit, & mentem auersam gerit. Si quis potestatem ipsius Regis propriam alicui ex eius subditis tribueret, nonne eo ipso a Rege deficere putandus esset? Deus riualem ferre non potest. Non colitur cum coluntur, vna cum eo diu alieni. *Nemo potest, inquit ipse Dominus, duobus dominis seruire: aut enim unum odio habebis, & alterum diliges, aut uni adharebis, & alterum contemnet. Non potestis Deo seruire & Mammonæ.* Nemo igitur potest Deo adhærere & homini, Deo confidere, & homini. Cui enim quis confidit huic adhæreret & seruit. Itaque mihi Socinus ita loqui videtur vt mulier adultera, quæ id alij tribuendo quod mariti proprium esse debet, negaret se a marito suo deficere, aut mentem auersam vel alienam gerere.

XXVII. Non sunt igitur in hoc oraculo, *Maledictus homo qui confidit in homine, & ponit carnem brachium suum, & a Domino recedit cor eius,* verba posteriora priorum restrictiones, sed, vt dixi, explanationes, quibus redduntur rationes. cur sit qui homini confidit homo maledictus, nempe primò nritur re cædūca & imbecilla, quæque seruare non potest, carne videlicet: omnis

Rr

emm homo est caro. Deinde quatenus confidit homini non confilit deo, sed ab eo recedit cor eius; ac proinde se necessario priuat fundamento & auxilio, Dei que iram in se protulcat. Qui confidit in homine, is domum suam ædificat super arenam. Qui autem ædificat super arenam, is non ædificat super petram. Quapropter cadere eam tandem aliquando necesse est. Atqui, inquit, qui Christo confidit non nititur carne, nec deficit à Deo. Certe; nam Christus est Deus patefactus in carne. Itaque adherere Christo est adherere Deo, seruire Christo est seruire Deo, confidere Christo est confidere Deo.

XXVIII. Progreditur vterius Socinus, & hoc idem oraculum in Bellarminum & Vvilkum retorquet. Dicant mihi, inquit, obsecro, ipsi, inquam, Pontificij, Annon virgo Maria Christi mater corpore & anima, ut ipsis placet, in cælum assumpta est homo? An fortasse excellentior homo est quàm necesse sit Iesum ipsum Christum esse, si non est ille vnus Deus? Non dicent opinor. Quomodo igitur, cum ipsa non sit ille vnus Deus, eam tamen (ut cætera pratercam, quibus demonstrant, se in illa confidere) spem suam vocant? Quid enim est in aliquo confidere, si hoc non est, eum spem suam esse stinere? Annon coguntur, si velint hoc suum factum tueri, ostendere non esse simpliciter vetitum in homine confidere? Hæc retorsio nullo modo nos tangit, qui virginem Mariam, Christi τὴν γὰρ οὐρανὴν matrem, beatam quidem prædicamus, præclarèque de ea sentimus & loquimur, ei tamen, cum Deus non sit, non confidimus. Ab ea autem quomodo se tueri possint Pontificij equidem nullus video.

XXIX. Putat igitur Socinus, eos necessariò responsuros, Non omnem fiduciam in homine collocandam prohiberi: sed eam, qua, ut in nostra felicitatis auctore, (id est, ut mox exponit, sola & prima causa) collocetur. At quis est si Atheos & Epicureos seponas, qui vsque adeò insaniant, ut putet hominem solam & primam causam esse felicitatis hominis? Illi ipsi qui equis & armis & militibus confidunt, siue Christiani sint, siue Iudæi, siue Mahometani, siue Ethnici solent numinis opem implorare: Nec est quisquam ita amens qui non confiteatur, vires humanas, quibus nititur & confidit, a Deo esse: Eluditur igitur ea responsione hoc Dei testimonium, redditurque elumbe & inutile.

XXX. Eam autem responsionem Socinus pluribus persequitur, & ad Mariam virginem primum ex Pontificiorum, ut ipse

pūtat, sententia, deinde ad ipsum Christum accommodat, eaque dicit ex quibus, ut rem in pauciora contraham, talis colligitur solutio argumenti nostri. In solo Deo Confidendum est, scilicet, *ut in nostra felicitatis auctore, id est, sola & prima causa.* Atqui in Christo confidendum est, scilicet, *non alia ratione, aliamne ob causam, quam ut in secunda seu instrumentali efficiente felicitatis nostra causa, & ob id, quod ab illo uno Deo nobis absolute felicitandis, hac conditione, ut illum pro tali habeamus, perfectus fuit.* In qua responsione multa peccat. Primo discedit a forma tanorum sermonū & stilo Scripturæ quæ constanter fiduciam nostrā ab hominibus alijsq; creaturis abstrahit, nulla eiusmodi distinctione vsu spiam insinuata. Deinde illis qui auro argento equis equitibus hominibus, alijsque id genus rebus, confidunt excusationem suppeditat peccati: dicent enim se illis non cōfidere, nisi ut causis secundis & instrumentalibus. Tum non attendit quanti sint momenti verba, *Maledictus est homo qui confidit in homine.* Cum enim in ijs de summa rerum nostrarum agatur, cum nihil sit magis euitandum quā maledictio, cum constet ipsius Dei verba esse, qui contrā affirmat, non esse maledictum hominem qui confidit in homine, hunc oportet propositionem suam auctoritate Scripturæ confirmare; aut si distinctionem vel limitationem verbis Dei adhibet, eam ē Dei mente esse necessario aliquo argumento clarum facere, ut quā constat, propositionem, *Maledictus est qui confidit in homine*, diuinam esse, tam etiam constet, diuinam esse propositionis illius distinctionem seu limitationem, qua fiat, ut propositio opposita, *Maledictus est qui confidit in homine*, pro vera haberi debeat. Alioquin enim tutum non esse limitationes aut exceptiones pro ingenio comminisci, aut iis, qui eius quod Deus affirmant oppositum docent, fidem habere, testes sunt illustres historię Saulis & viri Dei, quarum altera 1. Sam. cap. 15. altera 1. Reg. cap. 13. habetur.

XXXI. Præterea si potest homo confidere homini malè & bonè; malè, si ei ut auctori seu primæ causæ, bonè, si ei ut causæ secundæ & instrumentali felicitatis confidit, circuncidendum fuit fiduciæ in homine præputium, nosque à mala fiducia ad bonam reuocandi fuimus: quod tamen in Scriptura, quæ perfectissimam doctrinam perfectissimè continet, non fit vsu spiam. Damnat illa perpetuò fiduciam quæ collocatur in homine, nec ei per-

proprietatibus diuinæ naturæ, idololatra est ac iniuriam Deo maximam facit qui confidit in homine seu mera creatura; vt mirum videri non debeat, si clamat Scriptura, Maledictum esse hominem qui confidit in homine. Quare cum non prohibeamur confidere in Christo, sed iubeamur potius, immò id à nobis sub pœna damnationis exigatur, eo ipso professio à nobis exigitur, vt cum pro omniscio, omnipotente, & omnipræsente, hoc est, Deo diuina essentia prædico habeamus.

XXXV. Quapropter falsum esse oportet quod affirmat Socinus, Dominum auctorem non esse, sed tantum causam secundam seu instrumentalem efficientem felicitatis nostræ. Causam enim tantummodo instrumentalem si persona est, nihil nisi seruum esse necesse est. Dominus autem seruus quidem fuit, quatenus cum esset in forma Dei, nec rapinam duceret esse se æqualem Deo, semetipsum exinaniuit sumpta serui forma, reuera autem seruo opponitur vt Filius, vt Dominus, vti patet ex Heb. 3. 5. 6. & Socinus confitetur Disp. de Adoratione Christi cum Christiano Francken. Num. 60. Immo, inquit, *Christus homo est Dominus omnium nostrum, adeoque angelorum omnium. Sic, vt nunc non modò seruus noster simpliciter dici nequeat, quod nec unquam potuit, sed ne Dei quidem ipsius seruus propriè dici posse videatur. Vnde verba illa Pauli I. Cor. 15. Tunc & ipse filius subiectus erit ei, qui subiecit ipsi omnia, vt sit Deus omnia in omnibus. Hinc enim apertè constat, Paulum sensisse, non posse Christum hominem, cui Deus omnia subiecit, hoc tempore propriè Deo subiectum dici; quare neque etiam propriè eius seruum.* Si igitur propriè non subijcitur Deo, nec est seruus Dei, quomodo propriè nihil est, nisi creatura, nisi instrumentum Dei? causa enim secunda & instrumentalis primæ & principali subijcitur & seruit.

XXXVI. Si virtutes ad nos seruandos & beandos necessarias spectes, non pauciores nec minores quàm Pater, Filius exeruisse videtur, summum erga nos amorem, summam authoritatem, summam potentiam. Si laudem & gloriam quæ ex tanto opere confurgit, ea ad Filium non secus ac ad Patrem pertinet. Emit ipse nos si Patri, etiam sibi Apoc. 14. 4. Tit 2. 14. Si illis omnibus qui ipsi obediunt auctor est salutis æternæ vt Mediator, primus & summus est, immo vnicus Mediator: Si vt Sacerdos, in eo munere nemini subordinatur: Si vt Rex & Dominus, non modo non

est Dominus secundus primi vicarius, sed quod magis est, solus est Dominus. Sed ne sim longior, si Filius non est nisi causa secunda & instrumentalis salutis nostræ, quomodo ipse Pater, Angelis, & tota Ecclesia audientibus clamat & inculcat, se esse *Alpha & omega, primum & ultimum, principium & finem*? Hæc enim sunt elogia causæ primæ & principalis, non verò illius, quæ nihil nisi secunda sit & instrumentalis.

XXXVII. His duobus argumentis, quibus frustrâ occurre conatus est Socinus, tertium subnectam, quod sic habet. Soli Deo Israël confidendum erat tempore Davidis. Filio confidendum erat tempore Davidis. Filius igitur est Deus Israël. Negabunt Aduersarij minorem. Ea probatur ex verbis istis psal. 2. *beati qui confidunt in eo*. Non enim dicit in futuro, qui *confident*, sed in præsentî qui *confidunt*; cur, si eo tempore nec poterant nec debebant in eo fideles confidere? cur etiam illorum seculorum hominibus miseriam suam sentientibus & beatitudinis sitientibus canebatur illud, & legendum identidem offerebatur, *Beati qui confidunt in eo*, nisi ut rationem cognoscerent, qua beati fieri possent? Quis enim credat hominibus beatitudinem appetentibus rationem beatitudinis consequendæ diuinitus propositam fuisse, quæ ad eos nullo modo spectaret, & ad quam nullo modo aspirare possent? Quorsum enim id pertinuisset?

XXXVIII. Hoc idem confirmat collatio versus ultimi psalmi secundi cum versu primo psalmi primi. Sunt enim dux duntaxat consequendæ iustificationis seu beatitudinis rationes: vna ex merito, altera ex gratia; illa fœdere legali, ista Evangelico; illa perfecta obseruatione legis, ista fide in Christum nititur. Tertia non datur, Ac, ut verbis Crellij comm. in Rom. cap. 1. §. 11. utar, *Nullus alius restat iustificationis modus. Nam vel operum meritis iustificatio querenda est, quem modum Lex prescribit: vel per fidem, quem modum & Euangelium proponit, & Veteris Testamenti scripta commendant & promittunt*. Prior modus proponitur psalmo primo, *Beatus vir qui non abiit in consilio impiorum* &c. Sed, quoniam nemo ita à malo abstinere & bonum facit, quin peccet interdum; omnis autem peccator Legis sententiâ maledictus est, ac propterea ex operibus Legis nulla caro iustificabitur in Dei conspectu, statim sequente psalmo alter iustificationis & beatitudinis obinendæ modus retegitur & declaratur,

Eccl. 7.
21.
Rom. 3.
9. 10.
Gal. 3.
10.

nempe fides in Filium Dei, cui, teste Petro, *omnes Prophete testimonium perhibent, remissionem peccatorum accepturum per nomen eius omnem qui crediderit in eum. Per eum enim, ut verbis utar Pauli, quicumque credit ab omnibus iustificatur, à quibus per legem. Moyses iustificari non potuit*, cur igitur hominibus, qui priore modo iustificari, atque adeo beati fieri non poterant, statim secundus proponitur, nisi ut eum amplectantur, tanquam alteram post naufragium tabulam, aut potius nauem, qua turd ad portum felicitatis appellantur? Ex quo, quamvis exiguum sit, specimine colligi potest, psalmos non esse temerè in vnum volumen coniectos, sed magno delectu, magnaue prudentia in optimum ordinem digestos ac dispositos.

XXXIX. Denique rationem consequendæ iustificationis seu beatitudinis per fidem in Filium, quæ psalmo secundo reuelatur, ad fideles, qui seculis illis vivebant, pertinuisse, ex eo liquet, quod illi sine dubio iustificati seu beati fuerunt: vel igitur per legem, vel per fidem in Filium Dei iustificati fuerunt. Non per Legem. Id enim Apostolus quinque primis Ep. ad Rom. capitibus, necnon Epist. ad Gal. abundè demonstravit. Ergo iustificati fuerunt per fidem in Filium Dei; Aut tertius iustificationis seu beatitudinis adipiscendæ modus excogitandus erit ab Aduersarijs, fortiter reclamante Scriptura.

XL. Sunt alij Psalmorum loci quibus diuina Domini nostri essentia probari possit. Cuiusmodi est, exempli causa, Psal. LXXXII. V. 8. *Surge Deus, indica terram: quoniam tu in hereditatem accipies omnes gentes*. Quis enim surget, iudicabit terram, hæreditario jure gentes omnes possidebit, nisi Filius, qui est venturus ad iudicium, & cui datæ sunt gentes in hæreditatem? Sed mihi tempero, ac, quantum possum, breuitati consulo.

est is quem Iudæi prouocarunt ad Zelotypiam. Christus est sponsus seu Maritus Ecclesiæ teste Iohanne Baptista Ioh. 3. Ergo Christus est is quem Iudæi prouocarunt ad Zelotypiam.

I V. Quartum argumentum ex eodem versu eruitur, *Ipsi me prouocarunt in eo qui non est Deus, & irritauerunt vanitatibus suis, Et ego pronocabo eos in eo qui non est populus, & in gente stulta irritabo illos.* Quemadmodum Iudæi Deum prouocarunt conuertendo se ad alium Deum, sic Deus Iudæos prouocauit conuertendo se ad alium populum, hoc est, ad gentes. Pœna est Talionis. Quia Iudæi Deum dereliquerunt, Deus eos dereliquit. Quia religiosè coluerunt eum qui non erat Deus, Deus complexus est eum qui non erat populus eius. Id factum est vocatione gentium, nec fieri potuit alia ratione. Hinc ita argumentor. Ille qui Iudæos prouocauit ad æmulationem seu Zelotypiam conuertendo se ad gentes, tanquam ad aliam uxorem, est Deus Israël. Is autem est Christus. Est igitur Christus Deus Israël. Majorem negari non patitur hic locus; nec minorem Euangelium. Cuius enim fuit Iudæos sic prouocare? Annon eius vnus, qui Ab. 21. erat populi Iudaici Deus & maritus? Quis autem sic eos prouo- 21. 2. cavit? Certè Christus vnicus Ecclesiæ sponsus. Is enim Aposto- 11 Cor. lum Paulum, aliosque seruos suos misit ad gentes sibi, tanquam 2. 2. sponsam sponso, conciliandas & adjungendas.

V. Quintum argumentum elicitur ex v. 39. *Videte nunc quod ego, Ego sum, Et non est Deus mecum.* q. d. Noluistis antehac mihi seruisque meis nuntiantibus ac testantibus, *quod ego sum*, credere, ac propterea abscondi faciem meam à vobis, conuerti me ad alium populum, vos per multa secula grauissimis calamitatibus affeci &c. Nunc verò videte, oculis vsurpate, (ita enim clarè reuelatum est, vt possit videri) quod ego, Ego, inquam, sum, & non est Deus præter me. Hanc enim esse verborum illorum sententiam, qui non prorsus oscitanter diuinum illud canticum perlegerit, facile agnosceret. Sic igitur argumentor. Ille quem Iudæi noluerunt agnoscere & habere pro Deo, atque ob eam causam reiecti sunt, & in eorum locum suffectæ gentes, est Deus Israël, vt patet ex hoc v. 39. collato cum antecedentibus. Atqui Christus est ille quem Iudæi noluerunt agnoscere & habere pro Deo, atque ob eam causam reiecti sunt &c, vt patet ex Nouo Testamento. Christus igitur est Deus Israël. Dixerat Iudæis

Christus, Ioh. 8. 24. *Moriemini in peccatis vestris. Si enim non credideritis quod ego sum, moriemini in peccatis vestris.* Hoc illi non crediderunt. Itaque abscondit se ab eis, illudque prædixit, quod scriptum extat Matth. 23. 38. 39. & Luc 13. 35. diuini huius carminis vaticinio consentaneum.

VI. Sextum argumentum ex eodem versu oritur. Negari enim non potest, quin referri debeat ad tempus futuræ conuersionis populi Iudaici. Eam autem Christus efficit tam clarè reuelando & ostendendo populo illi quod ipse sit, vt populus ille eum videat & agnoscat. Ille igitur qui sic eos tum temporis alloquens inducitur, *videte nunc quod ego, ego sum* &c. alius esse non potest quàm Christus. At, inquit fortè aliquis, negat alium Deum esse præter se. Id cum fide nostra congruit, qui Patrem & Filium vnum Deum esse credimus, haudquaquam verò cum errore aduersariorum Patrem & Filium duos deos esse opinantium. Nam si sunt verba Filij, quomodo negat Filius vllum Deum esse præter se, si præter ipsum est alius Deus, nempe Pater? Si verò sunt verba Patris, quomodo negat Pater vllum Deum esse præter se, si præter ipsum est alius Deus, nempe Filius? Quomodo etiam Pater negaret vllum alium esse Deum præter se, iuberetque vt id videant & agnoscant Iudæi, quo eos conuerteret ad Filium agnoscendum, (in qua agnitione fita erit Iudæorum conuersio) & pro Deo suo habendum? Nonne perinde faceret ac si quis eius quod probare instituisset negationem afferret pro argumento?

VII. Septimum denique argumentum ex eodem illo versu fluit. *Videte nunc, quod ego, ego sum, & non est Deus præter me. Ego occidam & viuificabo, vulnus infligam & ego sanabo, & non est qui eripiat de manu mea* &c. Quis non videt verbis illis, *Ego occidam* & sequentibus argumentum contineri; quo qui loquitur docet, & probat, & quasi videndum proponit, se Deum esse, & præter se alium neminem. Iam autem negari nequit, quin possit Christus eadem illa verba de semetipso vsurpare. Negari igitur nequit, quin Christus sit Deus, & quidem eo sensu, quo is qui sic loquitur, *videte nunc quod ego, ego sum* &c, se Deum esse profitetur.



DISPUTATIO

TRIGESIMA SEPTIMA

De Arg. XXXVII. Ex Gen. cap. i. v. 26. & iii. v. 22. alijsque locis, Ex quibus plures esse personas diuinas colligi potest.

I. **I**N prælo descripta erat præcedens disputatio, cum mihi aliud argumentum succurrit ductum à diuinarum, vt ita loquar, pluralitate personarum. Id superioribus visum est, tanquam cumulum, addere. Sic autem habet.

Si plures sunt personæ diuina essentia præditæ, vna ex illis est Filius. Prius autem est verum. Ergo & posterius.

Propositionem, opinor, non negabunt Aduersarij. Nam si Patris personam seponas, nulla occurrit in Scriptura dignior Filio, qui ad dexteram Patris sedens Patri æqualis regnat. Spiritus enim Sanctus nec persona esse ab Aduersarijs creditur, & à Filio mitti, Filijque Spiritus esse dicitur, vt si is diuina persona sit, vti sine dubio est, etiam Filium diuinam esse personam oporteat. Itaque omnis nostra opera in probando antecedente, seu Minore, collocanda est.

II. Principiò mihi pluralitas aliqua videtur in natura diuina insinuata nomine *Elohim*, quod esse numeri pluralis, terminatio, & singulare *Eloah*, & constructio cum adiectiuis & verbis pluralis numeri, & ad plures vel Angelos, vel iudices, vel falsos deos significandos vsurpatio satis testantur. Hoc posito dico non temerè accidisse, quod in ea lingua, quæ Deum singulari ratione authorem habet, & in qua sunt multa Dei nomina singularis numeri, nomen plurale ad Deum significandum adhibitum fuerit, & quidem omnium frequentissimè. Multa enim lingua illa præ se fert sapientiarum auctoris sui illustria argumenta. Sed malo eâ missâ

Scripturæ, quæ verbum est Dei, autoritate niti. Multa apud eam occurrunt Dei nomina, sed nullum frequentius isto plurali. Cur magis delectatus est Deus plurali nomine quàm singulari, si vnica tantùm est maximèque singularis persona diuina? Nodum hunc arctius constringam. Historia creationis aliunde haberi non potuit quàm à reuelatione diuina. Itaque omnium historiarum, quæ à Mose sunt scriptæ, diuinissima est, nihilque in ea temerè aut frustra positum esse, spectatà auctoris immensâ sapientiâ, firmiter credendum est. Atqui ad eam historiam primo Genesios, atque ad eam totius Scripturæ, capite prudentissimè describendam plurale istud nomen adhibitum est non modò primum, sed, quod plus est, solum. Puras-ne, pie lector, casu, temerè, sine ratione, nullo consilio ex omnibus Dei nominibus istud vnum plurale ad eam rem à Deo sapientissimo selectum esse, & omnibus nominibus diuinis numeri singularis prælatum? cur autem id factum sit, nisi vt pluralitas aliqua insinuetur?

III. Vñtatum est in lingua Hebræa, vti in reliquis linguis, cum suo nominatio verbum numero congruere. Idque ipsa rerum natura exigere videtur. Toto tamen capite primo Genesios nomen istud plurale *Elohim* cum verbo singulari construitur constanter triginta duabus vicibus, deinde capite secundo vñdecim continuis vicibus ei præfigitur nomen tetragrammatum numeri singularis. Huius rei causam aliquam esse oportet. Non enim id Deo imprudenti, & quidem tam sæpè, excidere potuit. Nonne igitur ex eo quod de Deo verbum singularis numeri tam sæpè vsurpatur, rectè colligitur, ei conuenire pluralitatem? cur igitur similiter ex eo quod de eo tam sæpè vsurpatur nomen pluralis numeri, non colligitur ei conuenire pluralitatem? Cur etiam ex eo quod plurale istud nomen cum verbo singulari tam sæpè construitur, non colligitur inter eiusmodi vñtatem & pluralitatem optimè conuenire, nec alteram alterâ euerti, sed stabiliri potius? Quemadmodum enim si omnis vñtas aliena esset à Deo, verbum singularis numeri aut non omnino de Deo vsurparetur, aut non tam sæpè, sic, si omnis pluralitas aliena esset à Deo, nomen pluralis numeri, aut non omnino vsurparetur de Deo, aut non tam sæpè. Quod si, cum de Deo non agitur, contingit aliquando plurale nomen cum singulari verbo vel adiectiuo construi, id & rarò fit, & cur fiat ratio est penè obuia. Sic, exempli gratia, Pri-

mum Decalogi præceptum, si verbum pro verbo reddas, conceptum est, *Non erit tibi dy alieni coram me*, ut omnis aliorum deorum singularitas & pluralitas prohiberi intelligatur, siue vnus colatur, siue plures, ut ut putentur subordinati aut consentientes vel est Ellipsis, *Non erit tibi quisquam deorum alienorum coram me*. Sic Gen. 9. 15. ad verbum, *Non erit ultra aque ad diluuium* nempe diluuium multarum aquarum superiorum & inferiorum conspiratione & coalitione in vnā massam factum est. Itaque huiusmodi constructionibus perpetuò aliqua vnitas, aliquaque pluralitas innuitur.

- I V. Non est autem plurale *Elohim* accommodatum ad plures eiusdem Dei vel potentias vel operationes, quarum nulla Deus appellatur aut appellari potest, innuendas: formaliter enim eius singulare Deum significat, non potentiam, aut operationem vel influxum Dei, & ipsum plurale adhibetur nonnunquam ad significandum plures Angelos, Iudices, idola. Nec fert, ut ego existimo, vllius linguæ consuetudo, ut nomen personam significans numero multitudinis efferatur ad significandas vnus personæ plures operationes vel potentias. Dixit quidem eleganter Syl-la in vno Cæsare plures esse Marios, sed nemo vnquam propter varietatem virtutum vel operationum Cæsaris eum plurali numero homines, aut Cæsares, aut Marios vocauit. Innuit ergo nomen *Elohim* personas, & quidem, cum non sit duale sed plurale, duabus plures, hoc est, ad minimum tres, non tamen inter se diuisas & separatas, quales sunt personæ creatæ finita natura præditæ, sed, ut infinitam essentiam decet, indiuisas, & *ex se*: atque ob eam causam ferè semper cum verbo numeri singularis iungitur. Sicut autem nomen *Schamaïm*, quamuis, quia duale est, plures esse celos innuat, de vno tamen cælo non rarò vsurpatur; sic nomen *Elohim* quamuis ad pluralitatem personarum diuinarum innuendam sit comparatum, de vna tamen persona diuina vsurpatur nonnunquam: quæ siue Enallage numeri, siue synecdoche, eò magis consentanea videri debet, quod personarum diuinarum ea est vnitas, ut aliæ in alijs sint, vnaque posita reliquæ ponantur.

V. Reponent sine dubio Aduersarij, Deum numero multitudinis *Elohim* appellari honoris causa. *Hebraos enim ea nomina multitudinis numero efferre consueuisse, quæ autoritatis ac domina-*

VVo
de ve
Rel.li

5. cap. 9. *ius continent significationem, quantumvis unico tantum cuiusque attributa, ut in vocibus Adon, & Baal videre est.* Reuera duæ illæ voces de Deo pluraliter usurpantur, & quidem prior sæpissimè id quod argumentum nostrum confirmat. Non enim id fieri honoris causa multa suadent. Primum, cur igitur similiter alia Dei nomina אֱלֹהִים, &c. de Deo plurali numero honoris causa non efferuntur? cur similiter alia nomina, quæ autoritatis & dominatus continent significationem, ut מֶלֶךְ *Rex*, שׁוֹפֵט *Index*, אב *Pater* &c, numero multitudinis de Deo aut de vno homine nunquam dicuntur? cur cum inferior compellat superiorem, præsertim Regem, nunquam eum plurali nomine appellat, ne tum quidem cum eum maximè honorificè alloquitur? Quis etiam credat Deum de hero serui aut bouis pluralia vocum *Adon* & *Baal* usurpare voluisse honoris causa Exod. 21. 4. 6. 8. 32. 29. &c. & non potius quia sæpissimè contingebat eiusdem serui, vel bouis, plures esse dominos? Nam vel proximus dominus erat alterius Domini seruus, ut Tisba, cui erant viginti serui, seruus erat Mephiboseth, vel domini nomine comprehenduntur cum patrefamilias etiam eius vxor, & filij, præsertim primogenitus.

VI. Præterea pluralia illa ad Deum significandum passim usurpantur siue Deus hominem alloquatur siue homo Deum, siue Deus de se ipso aliquid narret siue homo de Deo. Id quod etiam ab earum linguarum usu abhorret, in quibus vsuuenit ut pluralis numerus usurpetur de vno honoris gratia. Nunquam enim quisquam Regis aut Imperatoris historiam scribens, vt vt eum honorare voluerit, plurali nomine eum insigniuit, ne semel quidem, nedum sæpissimè. Adde quod in Nouo Testamento, quo Deus magis quàm vetere honoratur, nullum tamen nomen de Deo pluraliter usurpatur. Nimirum reuelatis distinctè tribus personis diuinis, Patre Filio & Spiritu Sancto, nihil opus fuit obscura illa pluralitatis personarum diuinarum per numerum eiusmodi pluralem insinuatione. Nam si honoris causa Deus esset plurali nomine appellatus in Veteri Testamento, cur eiusmodi honore priuaretur in Nouo?

VII. Hæc eadem personarum diuinarum pluralitas apertius innuitur eodem cap. 1. Genes. 1. 26. & dixit Deus, *Faciamus hominem ad imaginem nostram secundum similitudinem nostram &c.* Cohortatio est ad alias personas creatrices. Vtitur enim & verbo

& affixis seu pronominiibus pluralis numeri. Non dicit faciam, sed faciamus; non imaginem meam, sed imaginem nostram; non similitudinem meam, sed similitudinem nostram, neque isto loquendi modo tam dissimili præcedentibus vitur temerè, sed certo consilio, ut nobis, in quorum gratiam scripta est illa historia innuat aliquid, quod meditando & ruminando attentè perpendamus. Ut enim in historia Melchisedeci quæ Gen. cap. 14. habetur, sic in ista diuinissima historia, nihil est frustrà. Ne quod igitur relinquatur Aduersarijs effugium, sic diuidendo procedamus.

VIII. Aut Deus verbis illis personam aliquam alloquitur, aut nullam. Nullam nemo sanus dixerit. Agit enim rem maximè seriain. Non alloquitur nihil. Non alloquitur creaturas brutas, quæ neque sermonis intelligentes, neque creationis Adamî causæ efficientes, neque exemplaria ad quorum imaginem homo crearetur fuerunt; sed alloquitur sine dubio & cohortatur ad opus absoluendū hominis creatione eas personas, quæ creationis mundi causæ fuerunt. Vel igitur suam ipsius vnicam personam sic cohortatur, vel alias. Prius Aduersarijs maximè placuisse videtur. Eorum igitur responsiones audiamus.

IX. Schlichtingius orditur ab objectione. *Si verbum*, inquit, *singularis numeri de Deo usurpatum, cuius rei innumera sunt exempla, unitatem personæ diuinæ non arguit; quid iuris habebit verbum plurale, ut plures personas in Deo designet?* Mirum est si non vidit hoc quicquid est posse retorqueri. Si verbum plurale de Deo usurpatum pluralitatem personarum diuinarum non arguit, quid iuris habebit verbum singulare, ut unitatem personæ diuinæ designet? Si verbi singularitas personæ unitatem significat, cur non similiter pluralitas designabit pluralitatem? Cæterum si verbum singularis numeri unitatem personæ perpetuò significaret, profectò Pater & Filius, vna essent persona: verbum enim singularis numeri de ijs duobus conjunctis interdum usurpatur, ut 1. Thess. 3. 11. Apoc. 11. 15. &c. Necnon ob eandem causam Machabæus & Esther Esth. 9. 29. 31. vxor & eius liberi Exod. 21. 4. Maria & Aaron Num. 12. 1.

X. Respondet autem his verbis. *Num verò*, inquit, *nonum est & inusitatum, ut una persona pluralem de se numerum usurpet?* Quod scimus, inquit Christus de seipso, loquimur, & quod vidimus testamur; & testimonium nostrum non accipitis. Ioh. 3. cui.

Sf 4.

Disp.
aduer-
sus Me-
isnerū
pag. 170

assimilabimus Regnum Dei? *Mar. 4. 30. confer cum loco Lucae 13. 18. Sic Paulus de seipso, Rom. 1. 5. Per quem accepimus Apostolatam in obedientiam fidei inter omnes gentes. Heb. 13. 18. Confidimus quod bonam conscientiam habeamus, in omnibus honestè volentes conuersari. Plena sunt eiusmodi locutionum omnia: inprimis autem talis Enallage locum habet, quoties loquuntur, aut loquentes inducuntur persona, qua cum aliqua auctoritate & dignitate constituta sunt, quæque sunt cum imperio? Non est id quidem certè nouum & inusitatum apud Græcos & Latinos, sed notum est & inusitatum apud Hebræos, apud autores Veteris Testamenti, cuius nunc auctoritate pugnamus. Nullus in eo homo, nulla persona in auctoritate & dignitate constituta, nullus sacerdos, nullus Iudex, nullus Rex de se solo plurali numero loquitur.*

XI. Quorcirca mirari satis non possum breuem Hugonis Grotij ad hunc *N. 26. Faciamus &c* annotationem. *Mos est, inquit, Hebrais de Deo, ut de Rege loqui. Reges res magnas agunt de consilio primorum. 1. Reg. xii. 6. 11. Paral. x. 9, Sic & Deus 1. Reg. xxii. 20. Paucis enim istis verbis multa peccat. Primò Deus non inducitur sic loquens more Regum Hebræorum. Nemo enim Regum, ut dixi, in libris Veteris Testamenti de se loquitur numero plurali. Deinde verbis, Faciamus hominem, non continetur deliberatio aut consultatio, sed cohortatio tantum. Tum loca 1. Reg. xii. 6. 11. Paral. x. 9. non sunt huic nostro similia. Illic Roboam petit consilium à senibus primùm, deinde à Iuuenibus, hic Deus omnino consilium non petit. Et quis ei à consilijs fuisset? cum quo inisset consilium? Denique locus 1. Reg. xxii. 20. nec similis est loco 1. Reg. xii. 6. nec isti Gen. 1. 26. Non illi: Deus enim non dicit circumstantibus, ut Roboamus, date consilium quid sim dicturus aut facturus, sed duntaxat, quis decipiet Achab &c. Non exquirat consilium sed explorat voluntatem. Nec isti. Illic enim visio prophetica proponitur, hic narratur res gesta: illic omnis exercitus cælorum à dextris. & à sinistris Dei sterisse dicitur, hic nihil tale memoratur: illic Deus Angelos bonos & malos alloquitur, hic vero nihil alloquitur præter Deum creatorem hominis: illic tentat creaturarum voluntatem, præsertim malarum, hic non tentat, non explorat quemquam, sed cohortatur duntaxat, & quidem etiam semetipsum, Angelos vero neutiquam.*

Esai.
40. 13.
14.
Rom.
xi. 34.

XII. Testimonia quæ laudat Schlichtingius ad rem nihil faciunt duabus de causis. Primò quia petita sunt è Nouo Testamento græcè & ad græcos scripto; ac propterea non possunt infirmare argumentum ductum ab vñu linguæ Hebrææ & stilo Veteris Testamenti. Secundò quia reuera in illis pluralis numerus de vna sola persona non vsurpatur. Nam quod attinet ad primum, quemadmodum verba, *testimonium nostrum non accipitis*, non de solo Nicodemo, sed de eo & socijs eius Phariseis vel doctoribus accipienda sunt, sic antecedentia, *Quod scimus loquimur, & quod vidimus testamur*, non de solo Christo, sed de eo & alijs eiuldem veritatis si delibus testibus intelligi debet, quos sibi Christus plurali numero vtens adiungit, ne posset obijci, nec vnus testimonium validum esse, nec mirum esse si nouum eius vnus inuentum doctor Israëlitis Nicodemus nesciret. Marc. 4. 30. *cui assimilabimus Regnum Dei*, Ego scilicet, & vos. Communicatio est rhetorica ad excitandos auditores, quos alloquitur, accommodata, quam figuram Marcus expressit, Lucas omisit. Rom. 1. 15. *Per quem accepimus Apostolatam in obedientiam fidei inter omnes gentes*. Accepimus ego scilicet & collegæ: commune est plurium beneficium plurali numero cum vitandæ arrogantix causâ, tum firmandæ fidei gratia, insinuatâ testium pluralitate, significatum. Heb. 13. 18. *Confidimus quod bonam conscientiam habeamus* &c., scilicet ego & ουνεργοι; Itaque vsus est verbo πιστάμεν *confidimus*, haud satis, si de se solo loquutus fuisset, accommodato.

XIII. Poterat Schlichtingius similes locos ex antiquo Instrumento proferre. Gen. 29. 27. *Exple hebdomadem huius; postea dabimus tibi hanc*, Ego scilicet vxor & fratres mei. Vt eximat omnem dubitationem Iacobo suam & aliorum, quorum intererat, voluntatem præstat. Alij singulari numero vertunt, 70. *δίδωμι*, vulg. *dabo*, vatab. *locabitur*, Munst. *dabitur* &c. 2. Sam. 16. 20. Dixit Abicalom ad Achitophel, *inite consilium*, nempe tu & alij consiliarij, *quid agere debeamus* ego & viri Israëlitis qui sunt mecum. 1. Reg. 22. 3. *Dixit Rex Israëlitis ad seruos suos, ignoratis quod nostra sit Ramoth Galead, & negligimus eam tollere de manu regis Syria. Nostrum & negligimus* dixit modestè seruos suos tecum negligentix blandè accusans, quod rem non suam vnus tantum, sed totius gentis communem, urbem nimirum Israëlitis, urbem persequij sibi à Syris creptam recuperare neglexissent. Iob.

18. 2. 3. *Quando tandem imponetis finem sermonibus? Attendite & postea loquemur. Cur reputamur ut iumenta & immundi sumus in oculis vestris?* loquitur Bildad Suhites & ad Iobum ac socios eius ut exprimit Elihu Iob. 35. 4. & de se & socijs suis. Dan. 2. 36. *Hoc est somnium, interpretationem quoque dicemus coram Rege,* Ego scilicet & socij mei Sidrach, Misach, & Abdenago, quorum precibus adjutus fuerat X. 17. 18. quosque Deo gratias agens jam sibi adiunxerat X. 23. Cantico cant. 1. 4. *Trabe me post te curremus &c* Ego scilicet & puellæ meæ, vel de se pluraliter loquitur sponsa, id est; Ecclesia, quia non est vna tantum persona, sed multarum collectio.

XIV. Vno verbo nullus occurrit locus in Scriptura, in quo vna persona de se sola plurali numero loquatur. Abhorret Scriptura ab istiusmodi Enallage. Aut igitur hoc loco est Enallage numeri & ponitur pluralis pro singulari, aut non est Enallage, sed reuera pluralis numerus plures significat. Prius dici non potest obstante more perpetuo Scripturæ. Posterius igitur verum est Reuera enim Deus sic pluraliter loquitur, ut se accommodet, aut ad usitatum apud homines loquendi morem, aut ad rem ipsam. Non prius. Homines enim nunquam sic de ipsis loquuntur in Scriptura. Non est eorum hic mos loquendi. Posterius igitur dicendum est. Atque hoc est primum argumentum, quo huiusmodi Enallagem ab his Dei verbis depellimus.

XV. Secundum argumentum ex eo peti potest, quod nunquam pluralis numerus de vnico singulari usurpatur, nisi cum singulare illud habet commune cum alijs nomen, communemque naturam aut conditionem secundum quam spectatur. Hoc clarum faciam paucis exemplis. Matth. 2. 20. *defuncti sunt enim qui querebant animam pueri.* Illi enim plures fuerant, Herodes videlicet & satellites eius. Illo autem sublato, causa principali, hi eius instrumenta esse desierunt. Matth. 9. 8. *Glorificauerunt Deum, qui dedit potestatem salem hominibus.* plurale *hominibus* positum est pro singulari *hominī*: plures enim sunt homines, & Christus spectabatur secundum naturam humanam illiusque conditionem pluribus communem, cuius ratione nihil ab alijs hominibus differre videbatur. Matth. 27. 44. *Id ipsum autem & latrones qui crucifixi erant cum eo exprobrabant ei.* Non posuisset latrones pro latrone, nisi reuera & duo fuissent latrones crucifixi cum Christo

& id vnus ex illis fecisset secundum communem sibi cum socio prauitarem & nequitiam, quam ab altero singulari priuilegio & misericordia Christus abstulit, alioqui similiter conuiciaturo. 1. Cor. 15. 19. *Aliqui quid facient qui baptisantur pro mortuis, si omnino mortui non resurgunt?* mihi videtur esse Enallage numeri, pro mortuis id est, pro mortuo. Nam si omnino mortui non resurgunt, Christus vnus est ex mortuis, nihilque ab alijs mortuis differt, neque ab eo plus boni sperandum est quàm à quouis alio mortuo, ac propterea non minus & stulti & miseri sunt qui eius causa baptisantur, quàm si propter quemuis alium mortuum baptisarentur, quod vt insinuaret Apostolus plurali illo vsus esse videtur. Non enim solet pluralis numerus pro singulari vsurpari, nisi cum vnus è pluribus significatur, & quidem indefinitè, aut saltem secundum communem quandam naturam vel conditionem. Id quod Gen. 1. 26. locum non habet. Nam si Deus vnica est persona, & plures esse personas diuinas implicat contradictionem, nihil eo loco memoratur pluribus commune, nec spectatur Deus secundum naturam aut conditionem pluribus communem villo modo. Nomen enim Deus, quo sensu hic accipitur, eius vnus proprium est, sicuti etiam natura diuina, & ratio creatoris. Quare non est eo loco enallage numeri.

XVI. Tercium Argumentum mihi Dei sapientia suppeditat huius historiae autoris, Is enim nihil temerè, nihil frustra facit. Non igitur vsus est inutili & periculosa Enallage numeri. Inutilem dico; quis enim eius est vsus? quæ ratio afferri potest, cur satius fuerit eo loco pluralem numerum pro singulari, quàm singulare pro seipso ponere? Non enim propter Deum id scriptum est, sed propter nostram instructionem & ædificationem. Nulla autem ex eiusmodi Enallage seu permutatione numeri ad nos utilitas redire potest. Addo periculosam: implicat enim lectorem, & peregrinitate sua remoratur, & ad credendam pluralitatem personarum diuinarum, vt experientia docet, inducit, multumque negotij Iudæis & Aduersariis nostris eam confiteri nolentibus facecit. Quis igitur credat Deum prudentissimum in tam excellenti historia, in loco tam illustri, figuram alias raram sine ratione, sine villo vsu, (nam ne quidem ad ornatum sermonis quicquam confert) ac cum periculo seducendi lectorem, vsurpare voluisse?

XVII. Dicent sine dubio Aduersarij, Deum sic de se solo plurali numero, quoniam vnica sit persona, locutum esse; quia ut ita loqueretur poscebat linguæ cuiusvis vsus, vel etiam necessitas. Nam (quæ secunda est ad locum Gen. 1. 16. Schlichtingij responsio) *vsitatissimum est*, inquit, *in omnibus linguis, ut is qui aliquid apud se ipsum decernit, & sese ad aliquid faciendum cohortatur, licet vnus tantum sit, plurali numero subiunctiui utatur; cum singularis Imperatiui primæ personæ nullus detur. Itaque illius loco omnes utuntur plurali subiunctiui primæ personæ: nam singularis cum futuro conuenit. Exempla passim occurrunt. Sic Hannibal apud Liuium venenum hausurus; liberemus diurna curâ populum Romanum. Sic Patus Thrasea apud Tacitum, cum mori iussus sanguine humum resperisset; libemus, inquit, Ioui liberatori. Quo modo vsitatissimum est, si in sacra Scriptura, cuius vnus testimonijs & auctoritate nitimur vtrique, non est vsitatum? Quomodo exempla passim occurrunt, si ne vnum quidem proferre potuit è sacris literis Schlichtingius? Quomodo etiam id dicit esse *vsitatissimum in omnibus linguis*, cum sint linguæ multæ, Hebræa imprimis, quæ ne subiunctiuum quidem habeant?*

XVIII. Multæ aliæ sunt inter Hebræam & Latinam linguam differentiæ: Hæc comprimis, quod Latine licet de se vno loqui plurali numero, Hebraicè non item. Itaque frustra laborant Aduersarij, cum exempla petunt è lingua latina: Et tamen quæ duo ex Tito Liuiio & Cornelio Tacito colligere potuerunt, ea de pluribus exponi possunt. *Liberemus diurna cura Populum Romanum*, Ego scilicet & vos, vos afferendo & præbendo mihi, venenum, ego illud hauriendo, sunt enim verba Hannibalis poscentis venenum, seruosque suos aut amicos alloquentis, *venenum*, inquit Liuius, *quod multò antepreparatum ad tales habebat casus, poposcit. Liberemus, inquit, diurna cura Populum Romanum &c.* Similiter Thrasea cum pronunciaret ista verba, *Libemus Ioui liberatori*, non se vnum alloquebatur, sed se simul & consulis quæstorem. *Accepto*, inquit Tacitus, *Senatusconsulto Heluidium & Demetrium in cubiculum inducit, porrectisque vtriusque brachij venis, postquam cruorem effudit, humum super spargens; propius vocato quæstore, Libemus, inquit, Ioui liberatori: specta Iuuenis &c.* Libemus, Ego & tu. Alludit ad sacrificia Romanorum. Libabat enim non solus sacerdos, sed post eum etiam astantes. Ominatur

Decad.
iv. lib.
9.

Annal.
lib. xvi.

quæstori similem casum, eumque exemplo suo confirmat.

XI. Sed fortasse scilicet pugnat Schlichtingius ratione quàm exemplis. Is enim responsioni suæ rationem quandam inferuit his verbis, *cum singularis Imperativi prima persona nullus datur. Itaque illius loco omnes utuntur plurali subiunctiuo prima persona: nam singularis cum futuro conuenit.* Qui omnes? Hebræi? de his enim solis quæstio nunc est. Atqui, ut iam dixi, ne subiunctiuum quidem modum habent, pro eo utuntur ut plurimum futuro, uti etiam ab ipso Deo factum est hoc loco: *וַיֵּבְרָא* enim, quod per subiunctiuum *faciamus* redditur, est prima pluralis futuri, qua utuntur Hebræi cum se & alios alloquuntur & hortantur. At cum persona una apud se aliquid decernit, aut se solam cohortatur, utitur prima singulari futuri, ut Exod. 3. 3. Esai. 5. 1. Ier. 5. 5. Hos. 2. 7. Cantic. 3. 2. Ps. 39. 1. &c. Ipse etiam Deus eandem primam singularem eodem modo de seipso usurpat passim, ut Gen. 2. 17. & 6. 7. & 18. 21. Deut. 32. 20. Psal. 12. 6. &c. Aberrat igitur vehementer Schlichtingius & à veritate, cum asserit vñtissimum esse in lingua Hebræa, ut is qui aliquid apud se decernit &c. plurali numero subiunctiuo utatur, & à scopo cum exempla, aut rationem affert è lingua Latina. *Singularis*, inquit, *Imperativi prima persona nullus datur.* Quid tum? Ergo ei, qui aliquid faciendum apud se decernit, aut se ad aliquid faciendum hortatur, utendum est plurali numero subiunctiuo? Non sequitur. Potest enim uti prima singulari subiunctiuo; aut potius, si Hebraicè loquitur, Futuri. At prima *singularis* subiunctiuo *cum futuro conuenit.* Ita quidem in tertia & quarta conjugatione verborum Latinorum, Sed quid hoc impedit, quominus Hebræi æquè prima singulari ac prima plurali Futuri pro subiunctiuo utantur?

XX. Si quis reponat, Deum de se solo sic plurali numero honoris causa locutum esse; Primum id iam à me refutatum est. Deinde recurrit quæstio, quamobrem Deus sic de seipso honoris causa loqui voluisset hoc loco, potius quàm ijs locis, in quibus de se ipso loquitur honorificentissimè, ut cum exempli gratia, Legem promulgat, cum auctoritatem sibi summam conciliat, cum magnificenter se describit apud Prophetas? Tum, qui de se solo plurali numero loquitur, id modestæ potius quàm honoris causa facere videtur. Est enim modestiæ sic de te loqui, quasi tibi ipsi soli nihil vendices, quasi que alij tibi fuerint præcla-

ris de eo loqui quasi à pluribus productum esset, minuit magnitudinem opificis de eo loqui quasi ab alijs adjutus fuisset. Plus enim laudis ineretur qui se solo maximum opus perficit, quàm qui pluribus adjuuantibus. Itaque exaggeratur virtus Dei & gloria amplificatur, cum dicitur solus extendere cœlos Esai. 44. 19. solus facere mirabilia Psal. 72. 19. solus nosse corda hominum 1. Reg. 8. 31. solus esse Deus 2. Reg. 19. 15. Esai. 37. 15.

XXIII. Adde quod neque homines vti solent plurali numero pro singulari, cum rei de qua agitur gravitatem & magnitudinem exaggerare volunt, neque Deus item; qui cum de rebus maximi momenti frequentissimè loquatur, vt cum legem fert, cum homini præscribit officium, cum promittit, cum comminatur, cum se describit, cum operum suorum magnitudinem exaggerat, cum de redemptione nostra, quo nullum est præclarius opus, verba facit &c singulari numero vtitur perpetuò, non solum in veteri, sed etiam in Nouo Testamento, haud existimans de se pluraliter vel honorandi sui, vel exaggerandæ rei causa sibi loquendum esse. Præterea si rei de qua agebatur gravitas exaggeranda fuit, annon satis exaggeratur ijs rebus quæ de homine dicuntur, vt quod sit ad imaginem Dei conditus, & reliquorum animalium dominus constitutus &c? Quid igitur opus erat, vt ad eam exaggerandam Deus isto scilicet exaggerandi modo, tam incerto, tam obscuro, tam insolito, tam periculoso sine vlla necessitate vteretur?

XXIV. Pergam igitur argumentari. Nemo, opinor, inficias ibit, quin pluralis numerus comparatus sit ad pluralem numerum, singularis ad singularem significandum; ac proinde non esse sine graui necessitate, aut singularem pro plurali, aut pluralem pro singulari accipiendum: sunt enim illi duo numeri & natura sua & hominum vsu inter se, non distincti modo, sed oppositi etiam. vt igitur pluralem numerum pro plurali potius quàm pro singulari accipiamus, satis est causæ, eam esse pluralis numeri propriam, vsitatam, naturalem significationem, à qua, nisi contactum, discedere interpretem haud decet. Vt verò pluralem pro singulari accipiamus, hoc est, oppositum pro opposito, causam esse oportet grauem, imò necessariam, & quæ aliquo modo cogat. Quam igitur causam habent Aduersarij, cur nolint hoc loco pluralem numerum pluraliter exponi? Sunt enim verba Dei de

re admodum graui loquentis, ac propterea summa cum religione & demissione animi tractanda, non vexanda, nec licenter interpretanda, præsertim cum de Deo dicantur, non aliunde quàm ex Dei verbis, salutariter noscendo. Aliam certè nullam habere possunt, quàm hanc vnam, quia nimirum plures esse personas diuinas impossibile sit. Quibus verò argumentis probant id esse impossibile? Testimonijs Scripturæ? nullo modo, sed rationibus philosophicis. Ita illis in hac de Deo controuersia Theologica summus iudex, hoc est, norma seu regula, non est Scriptura, sed philosophia. Afferunt enim philosophia præjudicia quædam, seu opiniones præconceptas, ad quas ipsam Scripturam exigunt, & si minus congruit, vi quadam intorquent. Haud satis sani homines, qui Deum immensum pede & modulo creaturarum metiri volunt! qui cum ea ipsa, quæ oculis ipsorum quotidie obuersantur, perspecta non habeant (cui enim hominum id contigit?) tamen, quasi Deum haberent animo perceptum & comprehensum, malunt suo ipsorum ingenio, suis ratiocinijs philosophicis, quàm Dei sese reuelantis verbis (hæc enim ad illa exigunt, non contrà) fidere! Cæterum illorum rationes philosophicas suo loco Deo dante refutabimus. Interim nobis, qui nunc quidem in exquirenda Scripturæ sententia occupamur, satis sit, nostram sententiam cum Scripturæ verbis ad amissim congruere, à quibus sententia Aduersariorum ita discordat, vt cogantur plurale, repugnante eius propria & vsitata significatione, singulariter exponere.

XXV. Denique diligenter expendendum esse, quo numero Deus loquatur, plurali an singulari, docet nos Apostolus exemplo suo Gal. 3. 16. obseruat enim cum Abrahamo dictæ sunt promissiones, & Semini eius, Deum non dixisse, & *seminibus, vt de multis, sed vt de vno, & semini tuo, qui est Christus.* Quemadmodum igitur Deus, quoniam vnum quoddam singulare semen, non autem multa, intelligi voluit, constanter singulari numero vsus est, nunquam plurali; sic si voluisset vnicam tantam personam diuinam intelligi, nullo modo plures, singulari numero de se constanter loquutus fuisset, nunquam plurali. Cauisset enim pro sua summa prudentia & charitate, ne quam nobis errandi ansam præberet. Cum igitur videamus Deo tribui nomina, verba, pronomina, adiectiua singularis numeri, colligimus

mus Deo conuenire vnitatem & singularitatem quandam. Rursus cum videamus ei tribui nomen pluralis numeri omnium primò & frequentissimè, necnon etiam interdum verba, pronomina, & adiectiua itidem pluralis numeri, colligimus similiter Deo conuenire pluralitatem quandam. Pluralitas autem intelligi non potest attributorum aut effectuum, sed personarum. Nam & nomen personam significans, in plurali numero plures personas significat, non autem plura eiusdem personæ attributa vel effecta; & verba quoque & pronomina, & adiectiua, cum de persona versantur, in plurali numero personas plures arguunt, non vnam tantum.

XXVI. His refutatis Aduersarij ad responsiones Iudæorum fortasse confugient, quorum alij Deum se & terram cohortari volunt, alij Angelos. Neutri rectè. Non illi; cohortatur enim causas efficientes hominis, cuiusmodi causa terra non est vlllo modo: ex ea quidem humani corporis materia sumpta est: sed materia patitur tantum, nihil efficit. Itaque ridiculus foret architectus, sutor, figulus, qui lapides, pannum, terram ad efficiendam domum, vestem, ollam cohortaretur. Deinde homo non est factus ad imaginem terræ, sed Dei, vt patet ex versu sequente; nec communis est vlla Dei & terræ imago ad quam homo sit factus, & eò pertinuit illa effectio, vt qui origine materię suæ terra erat, terræ perquam dissimilis fieret. Ac denique quominus terra intelligi possit obstat versus sequens, quo verborum illorum, *Faciamus hominem ad imaginem nostram* &c, executio describitur. Quos enim qui dixit *faciamus hominem*, hortatus est ad faciendum hominem, illi fecerunt hominem. Pluribus istam responsionem non refutabo: nimis enim mihi absurda videtur, quàm vt ab Aduersarijs probari possit.

XXVII. Nec isti. Primum enim altum est in historia creationis de Angelis silentium. Cur, si ad eam intelligendam sunt necessarij? si fuerunt causæ efficientes hominis? si verbis illis *faciamus hominem ad imaginem nostram*, Deus eos compellauit? Cur etiam sacer autor non dixit, *Et Deus dixit ad Angelos, Faciamus* &c. siquidem ad Angelos hoc dixit, & dixisse ad eos intelligi voluit? Sic enim & quod res fuisset dixisset, & illis, qui pluralitatem personarum diuinarum agnoscere nolunt, non fixisset hoc in loco crucem. Deinde cur se & Angelos ad faciendum hominem ex-

circasset & hortatus esset, si Angeli hominem nullo modo fecerunt? Eos enim hominem non fecisse ex eo intelligi potest, quod id nullo loco Scripturæ affirmatur. Nunquam creatio vel mundi, vel hominis angelis tribuitur. Quod tam constans & perpetuum silentium maximè fieri debet, præsertim à nobis, quibus Scriptura merito suo regula est credendorum perfectæ. Non modo autem illa Angelis non tribuitur, sed quod plus est soli Deo vindicatur, & quidem interdum plurali numero usurpato, ut Esai. 54. 4. *Quoniam mariti tui, factores tui, Dominus exercituum nomen eius.* Psal. 149. 2. *Letetur Israël in factoribus suis; filij Sion exultent in Rege suo.* Iob. 35. 10. *ubi est Deus factores mei, dans cantica in nocte?* &c.

XXVIII. Scripturæ ratio succinit. Intelligi enim non potest quid ad creationem hominis conferre potuerint Angeli, vires creaturarum exsuperantem. Nec decet nos gloriam creationis generis humani absque expresso Dei testimonio vel mandato, creaturis tribuere. Meminisse enim nos conuenit, Deum gloriam suam alteri non dare. Quod si Angeli nos vna cum Deo creassent, essemus illorum opus, illisque eo nomine & gratias agere deberemus, & honorem exhibere. Quod tamen officium neque vllus Propheta vel Apostolus commendasse vnquam legitur, nec sine manifesto idololatriæ periculo fieri posset.

XXIX. Sed nihil opus est argumentis aliundè conquisitis. Ipsa enim Dei verba hoc commentum respuunt. *Faciamus*, inquit, *hominem ad imaginem nostram.* Sumus ne igitur ad imaginem Dei & Angelorum facti? Dei; affirmat constanter vtriusque testamenti Scriptura, Angelorum nunquam. Et sequitur continuò apud Moysen executio his verbis, *Et Deus creauit hominem ad imaginem suam*, verbo & pronomine singularis numeri cauens, ne angeli intelligantur, seu personæ ab vno Deo diuersæ. Deinde aut eadem est Dei & Angelorum imago, aut diuersæ. Si diuersæ, dixisset Scriptura imagines, non perpetuò & constanter imaginem. Si eadem, esset eadem Dei & Angelorum natura. Quorum enim est eadem imago, eorum etiam est eadem natura.

XXX. At factus est homo similis Angelis; & brutis etiã animantibus priùs creatis, ad quorum tamẽ imaginem factus dici non potest. Si ipsi etiam Angeli ad imaginem Dei creati fuerunt (quod tamẽ in Scriptura disertis verbis non dicitur) mirũ videri non debet,

fi, cum vtrique ad eiusdem Dei imaginem conditi fuerint, inter utroque similitudo intercedit non exigua. Sunt enim sine dubio inter se valdè similes ab eodem exemplari æquè immediatè expressæ imagines, quauis propriè loquendo altera alterius nec exemplar, nec imago sit. Ita porro ad imaginem Dei creati fuerunt Angeli & homines, vt tamen non eodem prorsus modo se habeat imago Dei in Angelis & in hominibus, sed satis diuerso. Id quod explicare non est huius loci, Equidem hanc gloriam Deo creatori meo me debere arbitror, vt cum solum credam generis humani causam fuisse, vt finalem, sic efficientem, & exemplarem: *Ex eo enim, & per eum, & in eum sunt omnia. Ei sit gloria in secula seculorum. Amen.*

XXXI. Hic gradationem quandam deprehendere mihi videor. Primum enim Deo tribuitur nomen pluralis numeri, quod, ne plures Deos significare putetur construitur cum verbis singularis numeri. Deinde Deus inducitur tanquam imperans alij personæ, quæ, ne putetur à Deo specie differre, etiam ipsa Deus vocatur. Tum Deus inducitur pluraliter loquens, ac se & alias personas creatrices ad hominem creandum excitans & cohortans; quæ, ne videantur aut Angeli esse, aut plures dii, statim nomine plurali *Elohim* iuncto cum verbo & pronomine singularis numeri comprehenduntur. Denique, ne quis Enallagen numeri, aut tale quid, coningat, tam apertè pluralitas personarum significatur, vt omnis pertinacia expugnari possit, cum cap. 3. V. 22. *Dominus Deus dicit; Ecce Adam quasi vnus ex nobis factus est sciens bonum & malum.* Nègabuntne Aduersarij verbis, *vnus ex nobis*, pluralitatem personarum significari? Nonne jam vident Enallagem numeri, qua tanquam clypeo, aut potius ficulneis folijs se regi sperabant, non esse de mente Dei?

XXXII. Nondum tamen cedunt veritati. *Intelligendum præterea est*, inquit V Volkelius, *eadem verba ex Hebraico sic legi posse*: Adam factus est tanquam vnus ex se sciens bonum & malum: vt sensus sit, *eum factum esse vnum eorum, qui ex seipsis sciunt bonum & malum.* At, inquam, quominus sic legi aut verti possit, obstat primò vox *vnus*. Dixisset enim simpliciter *quasi ex se sciens*, non verò *quasi vnus ex se sciens*. Quorsum enim illud *vnus*? Siccine vel Hebræi, vel Græci, vel Latini loqui solent? Cum etiam Adami nomine ipsa quoque Heuæ comprehendatur,

Lib. 4.
de vera
Rel. c.
9. p.
408.

poscere videbatur non modo linguæ paritas, sed etiam res ipsa, ut vox *vnus* omitteretur? Deinde obstat vox sequens ממנו, quæ vel ablatius est pluralis pronominis primæ personæ אני, & significat *ex nobis*; vel ablatius singularis pronominis tertię הוא, & significat *ex eo*, nunquam *ex se*, ne apud Rabinos quidem: vtuntur illi potius vocibus מנפשו & מעצמו. Deinde obstat constructio. Ita enim ממנו construeretur, non cum antecedente אחד, sed cum sequente לדעת, quod bis absurdum est. Nam, & ablatius, cui præfixa est præpositio מן, positus immediatè post nomen numerale אחד, cum eo construi debet, ut inductione probari potest; & idem si construi debuisset cum לדעת, ei fuisset postpositus. Si quid etiam intelligo, non dixisset Deus לדעת, sed sic potius concepisset illam sententiam כאחד מידעי מהם *quasi vnus ex scientibus à seipsis*.

XXXIII. Non modo autem eiusmodi versioni verba quibus Deus vsus est, & verborum constructio repugnant, sed res etiam ipsa. Affirmat enim VVolkelius, Deum, cum ad hunc modum loqueretur, ad illa serpentis verba respexisse: *eritis sicut Dij scientes bonum & malum*: in quibus nihil est quod respondeat verbis *ex se*. Non dicit serpens scientes ex vobis, sed simpliciter *scientes*. Immò pollicetur fore ut sciant bonum & malum non tam *ex se ipsis*, quam vi arboris scientiæ boni & mali. Ac propterea istud *ex se* à re qua de agebatur alienum censi debet. Addi etiam potest, si accuratè loqui velimus, præter vnum Deum scire bonum & malum ex se neminem. Quid enim boni habent Angeli & homines quod non acceperint? Innueretur igitur illis verbis, Adam factum esse quasi Deum summum. Id quod idem VVolkelius negat serpentem promississe.

XXXIV. Missa igitur ista tam absona responsione, ad alteram venio. *Hic quidem*, inquit Schlichtingius, *arguit plures personas, sed nequaquam in vno Deo. Nonne Deus sui & Angelorum respectu istud dicere inre potuit, Sicut vnus ex nobis, intellige Dij, bonum & malum scientibus? quemadmodum etiam serpens promisserat fore: Aperientur oculi vestri, & eritis sicut dij scientes bonum & malum*. Quæritur nunc quidem inter nos quas secum personas Deus verbis illis, *vnus ex nobis*, intelligat? Angelos affirmant Aduersarij, nos negamus. Sua cur affirmant argumenta proferant prius. Nos cur negemus nostra subiciemus. Vtra meliora

sint tū, candide lector, judica. *Deus*, inquit Schlichtingius, *sui & Angelorum respectu istud iure dicere potuit*. Quid si dicam similiter, *Deus*, id est, Pater sui & Filij sui ac Spiritus sancti respectu istud iure dicere potuit? id enim Aduersarios aut confiteri oportet, aut refellere quæcunque isto & superiore libro disputauimus. Non quæritur quid potuerit *Deus* dicere, sed quid dixerit. Quid enim est quod *Deus* si velit non possit? Rationes cur istud non possit aut debeat de *Deo* & *Angelis* exponi, mox afferam: Nunc pergat Schlichtingius. Ille nos interrogationum aculeis pungere conatur. *Num vero*, inquit, *Angeli Dij non sunt?* Non certè, inquam. Vnus enim tantum est *Deus*, reliqui omnes sunt eius creaturæ & serui. Alioqui vicerint Ethnici contententes, plures esse *Deos*, vnum summum, reliquos inferiores: Et *Angeli*, si sunt *Dij*, colendi erunt & adorandi religiosè. Quis est enim, qui quod *Deum* esse credit, adorandum non putet? At *dij* appellantur nonnunquam in Veteri Testamento. Fateor, sed improprie & figuratè: vti etiam supremi inter homines magistratus, quorum tamen si se *Dei* nomine aliquis, aut ipse appellaret, aut appellari ab alijs pateretur, grande piaculum esset, vti patuit in Herode Act. 12. 22. 23.

XXXV. *Num*, addit, *bonum & malum nesciunt?* Nunc quidem scire malum arbitror: id enim in hominibus & diabolis videre potuerunt. Tunc verò sciuisse cum serpens Euam tentaret, mihi videtur temerarium affirmare. Equidem ad negandum sum propensior. Nam tunc primum fortasse malum esse incipiebat: quod, si, antequam fieret, ab omnibus angelis probè cognitum fuisset, non intelligo quò potuissent angeli quidam malum bono antepone: id enim magnam boni & mali ignorantiam arguit.

XXXVI. Pergit Schlichtingius interrogare. *Quid*, inquit, *non Angelis potius hac in parte quàm ipsis diuinis personis assimilandum homo fuerat?* Neutris profectò. Mentiebatur enim serpens. Eius arboris scientiæ boni & mali hominem fecit similem, non personis diuinis, nec bonis angelis, sed diabolis tantum, Et quidem in peccato & miseria duntaxat. Ita enim factum est, vt experienciâ suâ quid sit malum culpæ & pœnæ miser didicerit. Hanc eandem rationem, si tamen ratio est, Volkelius his verbis proponit, *Nimis etiam à recta rationis indicio alienum videtur summum illum Deum, qui inexplicabili sapientia præditus, omnisque*

scientia primus autor est, hominem ex terra puluerēque procreatum, boni malique scientiā secum ipso nominatim equare voluisse. Do totum, addoque etiam abiectum videri, Deum hominem boni malique scientiā per peccatum & diabolum producta cum bonis angelis aquare voluisse.

XXXVII. Atqui *Deus*, inquit, *hoc in loco seriam orationem habet, nec per ironiam quandam Adamo veluti illudit.* Seriam orationem habere, nec illudere Adamo concedo, ironia non uti nego. Non potuit enim magis seriò stulta ambitio Adami reprehendi, quā n factum est illā ironiā. At, inquit, id duabus rationibus probari potest. Primò enim constat, arborem illam, scientie boni & mali arborem cō appellatam fuisse, quòd haud aliter illius fructu boni ac mali cognitio parabatur, quā ex arboris vitæ usu ætatis propagatio proficiebat. Quomodo igitur Deum lusisse existimabimus, cum dixit, Ecce Adam factus est sicut vnus ex nobis, ad sciendum (ita enim sonant Hebræa) bonum & malum. *h. e. ita ut sciat bonum & malum?* Hæc ratio primū malè concludit: Deus enim cum id dixit non lusit, irati & punientis ironia lusus non est, sed grauis & aculeata reprehensio. Deinde nulla est. Non enim constat ex arboris vitæ vñ ætatis propagationem profluxisse. Potuit enim illa arbor nihil nisi vitæ sacramentum fuisse, cuius vtendi facultas ius viuendi, data indultu n, denegata ademptum significaret. Quo posito, arbor scientiæ boni & mali typus fuit seu symbolum peccati, rei quam vnā Deus prohibet, quamque gustare homo non potest, quin tandem aliquando quod peccando amisit bonum, & contraxit malum verè sentiat & cognoscat. Fac tamen arborem vitæ vi quadam physica præditam fuisse sanitatis & vitæ prorogandæ, non erit consequens, arborem scientiæ boni & mali simili facultate scientiæ boni & mali vel producendæ vel augendæ ornatam fuisse: illud enim agendo in corpus, istud non nisi agendo in mentem fieri potuit. Agere autem in corpus quidem manducata arbor potuit, in mentem verò non item.

XXXVIII. Deinde (quæ altera est VVolck. h. ratio) si *Deus ex animo minimè locutus est, nequaquam quæ subiiciuntur verba, rectè ex his, de quibus agimus, apta nexaque sunt.* Sic enim ibidem statim subiungit: Nunc ergo, ne fortè mittat manum suam, & sumat de ligno vitæ, & viuat in æternum, &c. *Neque enim vllam aliam ob causam Deus illa verba pramissit: Ecce Adam factus*

est tanquam vnus ex nobis, ad sciendum bonum & malum, *quam* *ut* rationem quodammodo redderet, quare à fruenda arbore vitæ Adamum prohiberet, nempe quia boni & mali scientiâ polleret, & ideo tum arboris istius vim, tum quantum in ea ponendum esset, probè intelligeret; & porro nequaquam vitæ suæ tam negligens esset futurus, quin fructum arboris decerperet, comederetque, & sic vitam viveret maximè diuturnam. Hæc est fallacia à non causâ pro causa. Primum an verbis *Ecce Adam factus est &c.* rationem Deus reddat, quare à fruenda arbore vitæ Adamum prohibeat, in dubium vocari potest: quod enim vulgata Latina vertit *Nunc ergo*, in Heb. est *וְעַתָּה*, id est, *Et nunc*, ut etiam reddunt hoc loco 70. Interp. Et plerique omnes Latini. Deinde Adamum boni & mali scientia polluisse, vnde habet Aduersarius? quî potuit arbor corporea & materialis in mentem Adamî immaterialem, vi sibi insita & inhærente, agere? quî potuit eam tanta scientia donare? quî potuit ei vim latentem in alia arbore reuelare? Si eâ scientiâ vi comestæ illius arboris Adamus polluit, si quasi Deus factus est, vera fuit promissio serpentis, & Deus videri potuit summam illam perfectionem inuidisse homini, quo nihil potest frangi absurdius. Quis credat Adamum lapsu suo ascendisse ad altiore perfectionis & scientiæ gradum, sibi que lucem non tenebras, acutiorem visum non cæcitatem comparasse? Quomodo ergo verba illa cohærent cum sequentibus? ridet Deus & redarguit Homini stultitiam verbis illis, & quominus eam alterâ cumulet prospiciendum docet verbis sequentibus. Quid opus est maiore connexionè?

XX X I X. Denus tamen Aduersarijs non esse ironiam. Num hoc iuuabit eorum causam? perimet potius. Cui enim factus est Adam similis? Diabolis? Hos, opinor, Deus non consociat secum pronomine *Nobis*. Angelis bonis? His dissimilis potius factus est, cognitione; lapsus enim est in errorem, sanctitate, factus enim est peccator, fœlicitate: factus enim est miser. Deo absolutè spectato? Huius imaginem, ad quam creatus fuerat, magna ex parte lapsu suo amisit. Itaque non dicit Deus, factus est sicut angeli, aut sicut Deus, aut sicut nos, sed sicut vnus ex nobis. Nempe non est factus sicut Pater, nec sicut Spiritus sanctus, sed perfectò factus est sicut Filius Dei. Negabis? Non potes. Duobus enim modis spectari potest Adamus, vno secundum rationem propriam, qua differebat ab Eâ & reliquis homi-

nibus: altero secundum rationem communem cum Eua & reliquis peccatoribus resipiscenibus. Vtroque respectu factus est sicut Filius Dei.

XL. Et priore quidem: factus enim est umbra seu typus Christi, teste Apostolo Rom. 5. umbra autem similis est corpori suo, typus rei quam adumbrat. Posteriore verò: Nam Adamus agnouit nuditatem suam, & remedium quæsiuit: Deus egit seuerè cum serpente, clementer cum Adamo: maledixit serpenti, maledictionem ab Adamo transtulit in terram, Denuntiauit serpenti exitium, homini liberationem per semen mulieris. Quam promissionem fide amplexus Adamus, ac sibi & vxori applicans, vocauit vxorem suam *Euam*, quod esset futura mater omnium viuentium, habita nimirum ratione seminis illius contrituri caput serpentis, in quo omnes viuificantur. Quam ob fidem Deus quasi placatus medicatus est ipsorum nuditati; vestesque pelli- ceas illis & fecit & induit. Quo perfectò jam ait, Adamum factum esse similem vni ex personis diuinis, hoc est, Filio Dei ad sciendum bonum & malum: Nam & solus Dei Filius vt nos seruaret mala nostra expertus est & didicit, nosque bona sua docuit & videre partim fecit, partim faciet, & quos Deus prænouit, hos etiam prædestinauit conformandos imagini filij sui: vt sit primogenitus inter multos fratres, qui ipsum induunt, vnicum nudita- tis nostræ spiritualis remedium. Ita, si cognitionem experimen- talem species, non Pater, non Spiritus sanctus, non Angeli sci- uerunt bonum & malum, sed solus Filius Dei Seruator, & ho- mines qui per eum seruantur. Ille est exemplar cuius imagini hi sunt conformes. Hinc intelligitur, cur mentio nominis Eue impositi sententiam diuinam statim sequatur, cur Deus tam mis-ericorditer Adamum tractarit; cur hanc beneuolentiæ testificatio- nem excipiant hæc verba. *Ecce Adam factus est &c;* cur Deus dixerit *vnus ex nobis*; cur Adamum solum nominauerit non Euam cum eo; cur denique sequantur illa, *Nunc ergo ne foris mittas manum tuam &c.*

XLI. Vltimum enim istud primum typi ratio flagitabat. Nam, vt Adam è paradiso terrestri emissus est ad colendam ter- ram de qua sumptus fuerat, sic Filius Dei è paradiso cœlesti missus est ad colendam Ecclesiam è qua secundum carnem sumptus est, &, vt collocati sunt Cherubim & lamina gladij flammea ad custodien-

custodiendum iter arboris vitæ, ita vt non posset Adamus ad illam arborem aspirare nisi per mortem cruentam & initum cum illis cherubim prælium; sic ea quæ custodiebant viam ad arborem vitæ cœlestis seu gloriosam immortalitatem eiusmodi erant, vt ad eam nobis peccatoribus obtinendam necesse fuerit Filium Dei per mortem cruentam, per maledictionem legis Angelorum ministerio traditæ, per exercitus diabolorum victorem penetrare ad paradysum cœlestem. Deinde hoc ipsum exigebat conformitas seruandorum cum Seruatore. Cum enim huius & paradysus & vita & felicitas terrena non sit sed cœlestis ac spiritalis, adimenda illis spes omnis fuit vitæ animalis prorogandæ in perpetuum, & reuertendi in paradysum terrestrem, necnon etiam typo adumbrandum, non nisi per varias tribulationes iter patere in paradysum cœlestem. Hæc obiter perstringimus hoc loco, accuratius explicanda in disputationibus de typis, si eas continuare clementissimus Dominus nobis dederit.

XLII. Conatur etiam alio argumento V. Volkelius probare, Deum verbis illis Angelos esse allocutum. *Consentaneum enim est, inquit, Deum, cum ad hunc modum loqueretur, ad illa serpentis verba respexisse: Eritis sicut Dij, scientes bonum & malum. Quibus verbis cum serpens ille, ad vescendum fructu arboris boni ac mali, primos parentes nostros planè incendere studuerit, haud verissimile est, si summo illi Deo eos pares fore persuadere instituisset, simplici Deorum nomine eum usurum; & non multò luculentius altissimum illud numen expressurum fuisse, præsertim cum simplex Deorum commemoratio summum illum Deum necessario minimè contineat.* Mira ratio! quasi verò nomen vllum aptius esset ad significandum Deum verum, seu, vt loqui amant, summum, quàm nomen istud *Elohim*, quod ad eum significandum, & omnium frequentissimè adhibetur in Scriptura, & solum usurpatum fuit à Mose in historia creationis describenda Gen. 1. immò à serpente ac Eua in hoc eorum colloquio!

XLIII. Triâ igitur peccata hoc loco committere mihi V. Volkelius videtur. Primò nomen *Elohim* in his serpentis verbis, *Eritis sicut Elohim*, aliter accipit quàm in superioribus *scit Elohim* &c, cum tamen causa nulla sit, cur aliter accipi debeat. Deinde ponit, Euam credidisse plures Deos, vnum summum, multos subalternos, & hos etiam sciuisse bonum & malum: quæ tamen duo

probari non possunt, neque auctoritate Scripturæ, neque vlla ratione. Denique promissionem serpentis veram fuisse putat, illique assentitur. Concludit enim, *tum Deum, tum serpentem, nihil aliud dicere voluisse, quàm Adamum, quod ad boni malique intelligentiam attinet, non amplius reliquis terrestribus animalibus, sed generatim loquendo cœlitibus, quorum malum à bono dignoscere proprium erat, similem esse, aut fore.* Eva igitur, si VVolkelio fides habetur, rectè fecit cum credidit serpenti; quippe scilicet vera dicebat, & pollicebatur: Et hoc ipso quod Adamus interdictum diuinum violauit grauissimèque peccauit, factus est multò quàm antè perfectior, ac dijs similior, sibi què scientiam comparauit bonum dignoscendi à malo. Non pudet Aduersarios huius suæ tam absurdæ, ne dicam impiæ, opinionis? Mentiebatur profectò vt iam dixi, & seducebat serpens; neque ex huiusmodi seductione aliud per se oriri poterat, quàm error, ignorantia, cæcitas. Sed Deus serpenti iratus, & hominis misertus admirabili misericordia & sapientia hominem ita in Christo instaurauit, vt contra mentem serpentis, ac nequicquam ringente & fiendente diabolo, primùm scientia boni & mali, deinde sanctitate ac tandem felicitate & gloria Filio Dei similis factus fuerit. Id quod quia iam erat, non modo Dei consilio immutabili decretum, sed etiam in Adamo adumbratum, immò aliquomodo per eius fidem inchoatum, potuit causa fuisse, cur Deus sic loqueretur, *Ecce Adam factus est sicut vnus ex nobis*, longè aliter quàm serpens: hic enim simpliciter dixerat *sicut Elobim*, hoc est, Deus, vel dii, non *sicut vnus ex Elobim*.

XLIV. Nihil aliud assert VVolkelius. Pergat igitur interrogare Schlichtingius. *Quid, inquit, non Angelis potius hac in parte quàm ipsis diuinis personis assimilandus homo fuerat?* Si vim hærentem in arbore scientiæ boni & mali, si inobedientiam Adami, si serpentis mentem spectes, neutris certè assimilandus fuerat. Mentiebatur enim & decipiebat, vt dixi, serpens. Sed si Dei gratiam spectes, assimilandus erat vni ex personis diuinis, nempe Filio, Angelis verò non ita propriè. Fuit enim Adamus typus, non Angelorum, sed Filij Dei; nec assimilandus per fidem angelis, sed Filio Dei; nec futuri sunt fideles Angelis similes, nisi quia futuri sunt similes Filio Dei, cui Angeli etiam similes sunt quibusdam in rebus.

XLV. Addit rationem, *Nam*, inquit, *Angelis Deum stipatum fuisse cum res ipsa eiusque suprema maiestas requirit, tum sequentia ostendunt.* Si quis Auctori Epistolæ ad Hebræos Melchisedecum sic describenti, *sine patre, sine matre, sine genealogia, neque initium dierum, neque vitæ finem habens*, objiceret, Melchisedecum sine patre, matre, initio dierum non fuisse rem ipsam ostendere, quid esset respondendum? Nonne hoc, Non debere considerari Melchisedecum ut fuit in seipso, sed ut describitur à Mose patrem eius, matrem, initium dierum &c destinato consilio occultante. Idem respondemus Schlichtingio, Deum non debere in hoc loco considerari nisi ut se ostendit in hac historia: sic autem eum sese in hac historia ostendere & reuelare, ut Angeli, siue ijs stipatum fuerit, siue non fuerit, prorsus non appareant; ac propterea eos eodem loco à nobis haberi debere in ista historia explicanda, ac si nulli fuissent. Fit quidem in ultimo capitis versu mentio cherubim & aciei gladij, sed illis Cherubim stipatum Deum fuisse nullo modo dicitur. Fuerit tamen Deus Angelis stipatus, quid inde sequitur? Deum Angelos fuisse alloquutum, aut designasse pronomine *nobis*? nullo modo. Id vidit Schlichtingius. Itaque subiungit, *Neque hoc solum, sed etiam Deum ad Angelos sermonem suum convertisse docent.* Itane hunc sermonem de quo est quæstio, *Ecce Adam factus est sicut unus ex nobis?* frustrà laborat si alium intelligit. Audiamus igitur eius ratiocinationem. *Postquam enim*, inquit, *dixisset*; Ecce homo factus est sicut unus ex nobis ad sciendum bonum & malum; *statim subiicit.* (*provisurus ne homo etiam de arbore vitæ comedit: & sic in seculum vitam producat:*) Et nunc, ne fortè mittat manum suam, & sumat etiam de arbore vitæ, & comedit & viuat in seculum. *Quæ verba cum adhuc imperfecto sensu pendeant, necesse est aliquid intelligamus additum.* *Quid autem aliud, quàm Deum id iussisse quod statim Moses subiicit fuisse factum?* Rem ipsam pro rei iussu ac decreto, brevitatis causa, statim referens. *Quid verò factum fuit, & quæ ratione Deus illi rei, quam fieri volebat, occurrit?* Et emisit, inquit, Dominus Deus hominem de horto Heden &c. & collocavit ab oriente cherubim & aciem gladij, ad custodiendum viam arboris vitæ. *Duo fecit: hominem ex horto eiecit, & cherubinos viam arboris vitæ custodire iussit.* Quocirca post illa verba, quid aliud intelligendum est, quàm dixisse Deum; *vos o Angeli vel Cherubim; ne*

exactus redeat, custodite arboris vitæ viam. Quorsum ista? aut quid ad rem faciunt? Dixerit Deus post illa verba tale quid Cherubinis, an inde sequitur Deum superiora illa *Ecce Adam* &c dixisse Cherubinis, aut in superioribus illis verbis Cherubinos pronomine *nobis* esse significatos? miseret me tam inanis conatus Schlichtingij.

XLVI. Ut igitur argumentari pergam, sic colligo. Deus verbis illis *vnus ex nobis*, aut angelos intelligit, aut personas diuinas. Prius dici non potest, id quod probo his argumentis. Principio non negabunt Aduersarij, quin quas personas Deus alloquebatur cum diceret *Faciamus hominem ad imaginem nostram*, easdem alloquatur his verbis *Ecce Adam factus est sicut vnus ex nobis.* Atqui illis verbis *Faciamus hominem* &c, non alloquebatur Angelos, vti à nobis probatum est §. 37. 38. 39. Ergo his quoque verbis Angelos non alloquitur.

XLVII. Deinde qui loquitur hoc loco appellatur *Iehoua Elohim*, quod nomen maximè proprium est vnus Dei creatoris cœli & terræ. Si igitur in Veteri Testamento duæ vel tres personæ occurrunt, quarum vnaquæque non modo *Elohim*, sed etiam *Iehoua* appellatur, consentaneum est rationi, vt illæ potius personæ intelligantur hoc loco, quàm aliæ, quibus Ichouæ nomen conuenire non potest. Prius autem est verum, vt patuit ex disputationibus superioribus; Ergo & posterius.

XLVIII. Sed ne jam probatis nitamur, Si Deus verbis illis, *Ecce Adam factus est sicut vnus ex nobis*, Angelos alloquutus est, secum sociauit, sociatosque à nobis intelligi voluit, cur diuinus autor id nullo modo innuit? Cur non scripsit aperte, *Et Dominus Deus dixit ad Angelos*; Aut cur saltem Deum non induxit sic loquentem, *Ecce Adam factus est sicut vnus ex vobis*? vel *sicut vnus ex Angelis*? Quid enim erat causæ cur Angelos silentio regeret? quis eiusmodi occultationis vsus esse poterat? ostendit plures personas nomine *Elohim*, quod Deum significat, dignas, ac interim Angelos veto silentij operuit. Quorsum, nisi vt ne putemus Angelos intelligi? Cur Matth. 17. 8. obseruatum est, cum oraculum illud ederetur, è nube, *Hic est filius meus dilectus* &c. Apostolos Petrum, Iacobum & Iohannem neminem vidisse nisi Iesum solum, nisi vt innueretur, illud non de Mose, aut Elia, sed de Iesu solo dictum fuisse? Sic hoc loco cur Angeli latent, cur ni-

hil præter Deum comparet, cum verba illa proferuntur *sicut unus ex nobis*, nisi ut ne personas intelligamus angelicas, aut Dei nomine & natura non comprehensas?

X L I X. Fit quidem non multò post mentio Cherubim, quo nomine Angelos significari volunt Aduersarij: Sed id causæ nostræ admodum fauet. Primum enim eos diuinus autor non vocat Deos, nec Angelos, sed *Cherubim*, quod nomen nec quid significet satis liquet, nec relationem ullam habet vel ad promissionem serpentis *eritis sicut Deus*, vel ad verba Dei *factus est sicut unus ex nobis*, vel ad scientiam boni & mali. Deinde illis adjungit laminam seu aciem gladij. *Collocauit*, inquit, *à plaga orientali Cherubim & laminam gladij versatilis*, quam sine dubio verbis, *sicut unus ex nobis*, non intellexit. Tum ministerium illis attribuit planè seruile, quod nec Deos decere videtur, nec Dei consiliarios aut præcipuos ministros, dies scilicet & noctes in regione orientali horti ad viam arboris vitæ custodiendam & ab ea hominem arcendum consistere. Cauere nimirum omni ratione prudentissimus autor voluit, ne Deus alloqui Angelos videretur, & sibi, quasi Dij essent, sociare.

L. Præterea, Si Deus verbis illis *unus ex nobis* secum consociat Angelos, is secundum id quod ipsi est aliquomodo eum Angelis commune, & sese ipse considerat, & vult à nobis considerari? qui factum est igitur, ut hoc loco non contentus nomine *Dei, Elohim*, quo solo passim appellatur, quodque rarissimè quidem, sed tamen nonnunquam ad significandos Angelos transfertur, voluerit ei adjungi & præmitti nomen Domini *Iehouah*, quo (præsertim sequente Elohim) ab omnibus Angelis maximè distinguitur, & separatur? Neque enim duorum istorum nominum diuinorum facta est hoc loco temerè & sine vlla ratione consociatio: ut enim in mundo, sic in Scriptura, immensa Dei sapientia & prouidentia ad res omnes, etiam minutissimas, pertinet, eiusque uestigia, etiam in minimis, elucet & cerni possunt. Cur igitur Deus, cum verba ista pronunciat, *Ecce Adam factus est sicut unus ex nobis*, appellatur *Iehoua Elohim*, quo nomine maximo ab Angelis separatur naturæ & dignitatis interuallo, nisi ut intelligamus, verborum illorum hunc esse sensum, *unus ex nobis*, qui nimirum Iehoua Elohim sumus; non verò *unus ex nobis*, qui Iehoua Elohim & Angeli sumus?

L I. Adhæc, quid significat illud *unus ex nobis* ? quilibet ex nobis ? æquat igitur sibi personas quas alloquitur, quasi inter se & illas nihil, aut ferè nihil interesset. Non alloquitur igitur Angelos, sibi valdè & naturâ, & dignitate, & scientiâ dissimiles. Certus quidam vnus ex nobis ? si sic vnum quendam certum angelum designare voluisset, dixisset potius *ex vobis*, quàm *ex nobis*. Is enim qui hæc dicebat non erat angelus, nec de Angelorum numero.

L II. Denique Deus vel ironia vtitur, vel non. Si ironia vtitur, alludit ad verba serpentis *eritis sicut Elohim*. Quod nomen ego de Deo, Aduersarij de Angelis interpretantur. Vtra expositio melior ? Annon ea, quæ & vsitatam illius vocis significationem retinet, & nihil ponit, nisi quod constat reuera fuisse, jure suo anteponenda est ei, quæ, & ab vsitata nominis illius significatione discedit, & ponit quædam, quæ an fuerint sciri non possunt ? Talis est nostra. Solet enim ferè semper nomen illud Deum, vt loquuntur, summum significare, nec alio sensu à Mose, ab Eva, à serpente vsurpatum eousque fuerat, aut vsurpatur in sequentibus. Ponit etiam nostra interpretatio Euam cognouisse, Deum esse, scire bonum & malum, & appellari Elohim ; quæ quin cognouerit nemini potest esse dubium. Aduersariorum verò interpretatio, vt jam obseruavi, & ab vsitata nominis Elohim significatione recedit, & ponit Euam tunc temporis scuisse Angelos esse, scire bonum & malum, & vocari Elohim. Quod neque Scripturæ auctoritate, neque ratione probari potest. Si sine ironia loquutus est, considerandum est cui Adamus peccator similis factus fuerit. Si Scripturam consulamus, vnus nobis occurreret Dei Filius, cuius typus factus est Adamus. Consentaneum est igitur, vt cum hoc loco intelligamus.

L I I I. Sunt alia nonnulla Veteris Testamenti loca, quibus diuinarum pluralitas personarum non obscurè innuitur, vt Gen. xi. 6. 7. *Et dixit Dominus &c, Agite descendamus & confundamus sibi linguam eorum*. Gen. 20. 13. *Et fuit cum errare me fecerunt dy à domo patris mei*. Ios. 24. 19. *Non poteritis seruire Domino (Iehouah) quoniam dy sancti ipse est*. 2. Sam. 7. 23. *Et quæ est sicut populus tuus, sicut Israël, gens vna in terra, ad quam inierint Dy redimendam sibi in populum &c*. Sic enim, si verbum pro verbo reddere velis, verti debent illa loca. Sed illis & similibus vt-

gendis, studio breuitatis, supersedeo. Tantum obseruo non posse elabi Aduersarios consociando Angelos cum Deo summo: istam enim consociationem apertissime respuunt duo ista postremo à me laudata loca. Prius quidem: in eo enim ratio redditur, cur non possent Israëlitz seruire Ichouæ; eaque petitur ab eius summa sanctitate; Et sequuntur pronomina & elogia singularis numeri, ne videatur induci pluralitas, vt personarum diuinarum, sic etiam Deorum. Posterius verò: nam & illud præcessit versu proximè antecedente, *Non est similis tui, Nec est Deus præter te*; sequitur autem, *ad redimendum sibi in populum, & comparandum sibi nomen &c*, quæ de Angelis dici nequeunt. Adde quod eiusmodi consociatio pugnaret cum scopo Dei, cuius consilium fuit docere populum suum, se esse Deum, & præter se neminem, iuxta illud Deut. 4. 35. *Tu per visiones edoctus es, quod Dominus (Ichouah) ipse est Deus (Elohim) nec est alius præter eum.*

L I V. Plura testimonia Veteris Testamenti non laudabimus. Adeò enim nobis impares in hac causa sunt Aduersarij, vt ne vnum quidem è Vetere Testamento contra fidem nostram testimonium afferre possint, ita constanter nobis fauet tota illa Scriptura. Id quod magnum est argumentum veritatis sententiæ nostræ, cui cum multa sint in antiquo testamento quæ faueant aperte, nihil est prorsus quod, vel in speciem, repugnet: Et tamen Scripturam illam diuinissimam ipse Christus, eiusque Apostoli nobis admodum commendarunt, tanquam quæ nos possit ad salutem sapientes reddere per fidem, quæ est in Iesu Christo: eiusque testimonij Religionis Christianæ dogmata cum ipsi confirmarunt oppositoque errores confutarunt, tum nobis vt idem, cum opus erit, faciamus exemplo suo autores fuerunt.

Ioh. 5.

39.

2. Tim.

3. 15.

Hic igitur finis esto huius Sectionis, immò Libri. Quoniam enim hic liber superiore numero argumentorum jam superat, & paginarum serè æquat, visum est Testimonia Noui Testamenti conferre in librum sequentem. Deo Patri & Domino nostro Iesu Christo eius filio vnigenito Creatori & Seruatori nostro sit gloria in secula seculorum. A M E N.

F I N I S.



A D D E N D A

Ad Arg. XIX. Ex Esai. Cap. LIV. v. 3.
petitum.



IBRVM hunc penè absolueram, cum mihi legenda-
rum Socini ad amicos Epistolarum peropportune
copia facta est. Eas dum percurro, incidi in Episto-
lam ad Valentinum Smalcium octauam, in qua cona-
tus est respondere ad Argumentum ex cap. LIV.
Esaiæ peticum, quod nobis est in hoc libro decimum
nonum. Quoniam autem eius responsiones, nec tum videre mi-
hi contigerat, & simul ac legifalsæ visæ sunt, non abs re erit eas
hoc loco expendere & refellere.

I. Argumentum nostrum sic ipse Socinus format & confir-
mat non incommodè. *Quicumque est Ecclesia maritus est unus
ille Deus Israël. Sed Christus est Ecclesia Maritus. Christus igitur
est ille unus Deus Israël. Maioris probatio propositionis, qua
tota argumentatio nititur, petitur ex loco isto Esaiæ, iuncto eo quod
inter omnes constare videtur, Ecclesia maritum non posse esse nisi unum
quemadmodum femina alicuius vnus tantum vir esse potest. Ille si-
quidem unus Israël Deus isto in loco ait se esse, aut certè fore ma-
ritum illius sterilis qua non pariebat. Nam hanc esse supernam Ie-
rusalem, id est, Ecclesiam, interpretari videtur Paulus ad Gal. cap.
4. v. 26. & 27. De veritate minoris propositionis, constat ex ijs qua
leguntur cap. 5. Epist. ad Ephes. v. 22. & deinceps. Vnde etiam id
confirmatur, quod ad maioris propositionis comprobationem diximus,
unum tantum esse posse maritum Ecclesia, ut mulieris alicuius vnus
tantum vir esse potest. Nam ex ijs qua ibi dicuntur, apparet Chri-
sti cum Ecclesia coniugium, in eoque coniugio summam, ut sic dixe-
rim, unionem adumbratam fuisse in maris feminaque coniunctio-
ne, & porro in viri & uxoris coniugio, quod Deus ipse ab initio
instituit.*

II. Ad hoc argumentum ut respondeat vertit se in omnes partes. *Primum*, inquit, *negandum est, sterilem illam qua non pariebat esse Ecclesiam.* Lege quæso, Lector candide, totum illud caput Esaia 1. v. nec non cap. iv. Ep. ad Gal. à X. 22. ad finem usque, & miraberis hominis audaciam id quod sole meridiano clarius est negantis.

Refut.
1. Resp.

III. Negationem tamen istam suam fulcire conatur tribus rationibus, sed quæ nituntur eodem falso fundamento, ut mox patebit. *Quomodo enim*, inquit, *sterilis Ecclesia noni fœderis tunc dici potuit, cum nondum esset? aut quando unquam sterilis hæc Ecclesia fuit, aut dici ullo modo potuit, nisi fortasse multis post Christum natum seculis? Atqui Esaia verba ad ea tempora, qua statim post Christum exhibitum extiterunt omnino pertinere.* & Pauli locus, antea pro argumento confirmando citatus, aperit docet, nec quisquam est qui neget, qui vaticinium istud ad noni fœderis tempora spectare velit. Tunc quidem sterilis dici Ecclesia non potuit, cum nondum fuit. At non fuisse Ecclesiam antequam Christus veniret in carne falsissimum est. Vaticinium Esaia ad tempus exhibitum Christi pertinet: est enim de mira fecunditate eius Ecclesiæ quæ mater est omnium fidelium. Ea autem demum aduentu Christi facta est fecunda, cum antea sterilis fuisset.

I V. Præterea, addit Socinus, *allegorica ista mulier desolata esse dicitur, id est, viro destituta, ut ex eo quod per antithesim statim subiungitur liquido constat. Id quod ad Ecclesiam siue sub veteri, siue sub novo fœdere, accommodari nequit. Veteri quidem accommodari non posse illi ipsi fatentur, qui volunt mulierem istam esse Ecclesiam. Idem enim volunt alteram coniugatam mulierem, cum qua illa confertur esse veterem Ecclesiam. Nova autem non posse accommodari id manifestè docet, quod simul atque ipsa extitit, suum virum habuit Christum, quo nunquam postea destituta fuit.* Ante aduentum Christi quemadmodum duplex fœdus fuit teste Apostolo Ep. ad Gal. cap. 3. X. 17. Vnum quod ratum factum est à Deo in Christum; ac propterea Euangelicum appellari potest. Alterum quod quadringentis & triginta post annis cœpit, & vocari solet fœdus legale; sic duplex fuit Ecclesia: una antiquior nitens ad salutem priore illo fœdere: Altera minor natu, quæ nitetur fœdere posteriore. Illa cum suo fœdere adumbrata fuit in Sara, ista in Agarè. Illa, ut Sara, diu sterilis fuit expectans semen

promissum, in quo benedicendæ erant omnes gentes. Ista dum expectabatur semen illud promissum, vt Agar, superaddita fuit. Sicut igitur conuerso Abrahamo ad Agarem mansit Sara desolata cubili vacuo, sine conjugè, sine liberis; sic conuerso Marito Ecclesiæ ad fœdus legale, eamque Ecclesiam, quæ illo nitebatur, fœcundabatur illud fœdus, illa Ecclesia, & pariebat in speciem quidem ad libertatem & spem hæreditatis, sed reuera ad seruitutem tantum: ac interim fœdus illud prius cum ea spirituali Ecclesia quæ eo nitebatur, quasi neglectum & desertum iacebat, nec gignebat semen illud tantò antè promissum, tamque diu expectatum.

V. *Adde*, inquit Socinus, *quod Deus fatetur, se mulierem istam ad breue tempus dereliquisse, qui tamen nunquam Ecclesiam dereliquit.* Immo eam eo modo dereliquisse dici potest, quo modo Abraham dereliquit Saram, cum derelicto Saræ cubili venit ad Agarem, eamque, derelictâ Sarâ solâ, in sinum suum recepit, & conjugalem beneuolentiam ad eam transtulit. Sic enim Deus Ecclesiam, quæ fide in promissionem ad justificationem suam nitebatur, dereliquisse dici potest, quatenus sese ad Legem ferendam, fouendam, vrgendam, inculcandam applicuit, eamque Ecclesiam, quæ legi addicta fuit, ornauit & fœcundauit, deditque operam gignendis Legis filijs. Ita manserunt quidem simul in eadem domo Abrami, hoc est, Patris excelsi, nimirum Dei, Sara & Agar, Promissio & lex, fides & opera Legis, Ecclesia fide & promissione præcipuè nitens, & Ecclesia præcipuè nitens lege & operibus. Illa origine sua libera, hæc serua; Illa mansura perpetuò in domo patris excelsi, hæc ex illa tandem cum liberis suis ejicienda; Illa jure domina, hæc famula: Sed tamen ita vt dum expectatur tempus implendæ promissionis, pater excelsus sese à fide & promissione, quam olim summo cum affectu commendarat & inculcauerat, conuerterit ad Legem & Legis opera commendanda, vix aliqua Promissionis & fidei mentione injecta. Cum igitur in eo quod Ecclesia sterilis, desolata, derelicta dicitur, allusio fiat manifesta ad Saram, aliter exponi Epitheta illa non possunt, quàm quemadmodum à nobis exposta sunt.

VI. Quænam est igitur ex Socini sententia sterilis ista, cuius se ipse Deus profiteretur esse maritum, si Ecclesia non est? *Dicimus*, inquit, *illam, quatenus uaticinatio ista Esaia ad Christi tem-*

pora, & sic ad argumentum ex ea formatum propriè pertinet, Gentiles, sine incircumcisum populum esse, qui eo in loco Iudaico sem circumciso populo opponitur, & præ illo sterilis mulier, destituta viro, à Deoque derelicta meritissimo & Esaia tempore, & postea etiam usque ad Christi aduentum atque Apostolorum predicationem, immò etiam ante Esaie seculum, per complura secula dici potuit. Nulli enim Deo filij ex incircumciso populo, iam inde ab Abrahamo, qui primus omnium circumcisus fuit, præsertim verò post legem circumciso populo datam, nascebantur; quippe quem Deus quodammodo reieccisset, sine quo, tanquam mulier sine viro, ipsi Deo filios parere non poterat. Hæc verò expositio à mente Apostoli & Prophetæ longè abit, apertè fallà & absurda. Nam ad Apostolum quod attinet, is vt probet iustificari & hæredem esse eum, non qui nitor operibus Legis, sed qui nititur fide & promissione, argumentum ducit planè inuietum à typo duarum mulierum Saræ & Agar: quarum Ista typus fuit fœderis Legalis è monte Arabiæ Sina profecti & promulgati, necnon illius Ecclesiæ quæ eo fœdere ad iustificationem suam nitebatur, qualis fuit terrena illa, quæ tunc erat, Ierusalem, cum filiis suis persequentibus fideles è domo mariti ejicienda: Illa verò typus fuit fœderis gratiæ habentis promissiones, è monte Sion qui tangi non potest profecti & promulgati, necnon illius Ecclesiæ, quæ fœdere illo & promissione fide firmiter apprehensa nititur, & vocatur ciuitas Dei Hcb. 12. viuientis, Ierusalem quæ supernè est, in monte illo Sion ædificata, ac in æternum mansura. Vt igitur Ierusalem seu Ecclesia legē nitens sine promissione fœcunda fuit simul ac maritum habuit, vt Agar; sic Ierusalem quæ supernè est, quamuis legitima esset atque vnica Patris excelsi sponsa, & promissiones haberet sæpius repetitas seminis in quo benedicendæ essent omnes gentes, tamen diu præ altera illa sterilis fuit, nec aliosquàm alterius illius filios habere videbatur. Quæ typi cum re adumbrata egregia analogia prorsus corrumpitur, si sterilis ista, cuius maritus esse dicitur Deus, verus pater excelsus, non est Ecclesia respondens Saræ, sed gentes incircumcisæ & idololatræ, quibus semen benedictum non fuerat promissum.

VII. Id autem, vt nimirum Ecclesia, non verò populus gentium incircumcisus, intelligatur, flagitat non modò insignis huius typi analogia cum re significata quam Apostolus vrget, sed

etiam connexio *X. 26.* cum hoc *27.* sic enim se habent duo illi versus apud Apostolum. *Illā verò quæ sursum est Ierusalem, libera est, quæ est mater omnium nostrum. Scriptum est enim, Latere stérilis quæ non parit. Erumpe & clama quæ non pariturus, quoniam plures erunt liberi deserta, quàm eius quæ habet virum, τὴν ἄνδρα.* Quis, nisi præiudicio excecatus fuerit, non videt, eandem ab Apostolo mulierem seu Ecclesiam intelligi, quæ ut Sara, perpetuo libera, diu stérilis, tandem mater facta est fecundissima? Quænam iubetur latere, erumpere, clamare, annon ea quæ dicitur mater omnium nostrum, hoc est, fidelium tam ex gentibus quàm ex Iudæis? Quænam alia quàm Ecclesia aut pro marito Deum habet, aut liberos parit Deo verè liberos ac hæredes? Num gentes incircuncisæ quæ non sunt Ecclesia Dei, pariunt Deo filios? num fideles quatenus sunt filij Dei eas pro suis habent matribus? Contrà est. Quominus enim fœdus gratiæ & Ecclesia illi fœderi respondens ex gentibus filios Deo pareret obstiterunt quantum potuerunt gentes; Et qui ex gentibus crediderunt, illi eo ipso deserunt gentes esse gentiumque filij, & facti sunt filij Ierusalem quæ supernè est, oppositi gentium filiis. Quod si filij intelliguntur qui sunt filij Ecclesiæ, consentaneum est ut eorum mater esse Ecclesia intelligatur. Alioqui mira quædam erit æquiuocatio, malèque cohærebit id quod pro ratione affertur ab Apostolo cum eo quod probare instituit.

VIII. Huic postremæ rationi obuiam it Socinus. *Paulini loci*, inquit, *sententia hæc est, supernam Ierusalem, quam facillè concedo Christi Ecclesiam significare, esse matrem omnium fidelium, & sic tunc temporis ad ipsam, tanquam filios eos etiam pertinuisse, qui ex gentibus crediderant; quandoquidem iam prædictum erat, ex gentibus multo plures fideles existuros, quàm ex Iudæico populo.* Consilium igitur Apostoli, si Socino credimus, fuit prolato hoc Esaiæ vaticinio probare, plures ex gentibus quàm ex Iudæis credidisse aut credituros fuisse; cuius tamen conclusionis probandæ neque vola neque vestigium apparet in verbis Apostoli; nec mirum; nihil enim facit ad scopum, ad quem collimat Apostolus in versibus antecedentibus & consequentibus. Apostoli autem, quæ sunt admirabili sapientia præditi, solent omnia, etiam illa quæ per parenthesis nonnunquam inserunt, ad scopum suum prudentissimè dirigere, nec ab eo vel latum, ut

aiunt, vnguem aberrare.

I. X. Ad superiora illud etiam accedit, quod quæ compellatur, sterilis appellatur. Sterilis autem dici non potest quæ virum non nouit, quæ non est vlllo matrimonij fœdere cum viro iuncta, qualis erat populus gentium incircuncisus, idolorum quidem scortum admodum fœcundum, Dei verò nullo modo conjunx: quippe, *quod ad fœderapromissionis attinet extraneus, spem non habens, & absque Deo in mundo.* At inquiet aliquis, deserta vocatur ista mulier & opponitur habenti virum. Nempe vocatur deserta scilicet à viro suo, & opponitur habenti *non virum*, scilicet virum desertæ. Allusio est, vt dixi, ad Saram, cuius virum ad tempus Agar possedit, manente interim in eadem viri domo Sara quasi deserta, sed tamen neque repudiata, neque infideli. Itaque iubetur exultare, lætari, præ gaudio clamare, quoniam sit breui paritura, numerosæque prolis mater futura. Quid enim lætius accidere potuisset sterili, cupiditates, & vt ita loquar, siti prolis propè enectæ?

Ephes.
2. 12.

X. Ad Prophetam quod spectat, clarius est apud eum Ecclesiam compelli toto illo cap. LIV. quàm vt negari possit. Sic enim sterilem illam affatur *X. 2. dilata locum tentoriij tui & pelles tabernaculorum tuorum extende &c.* nimirum Ecclesia fœcundata latius multò quàm dum esset sterilis habitauit, eiusque limites valde dilatati sunt. Id quod de populo gentium incircunciso qui Ecclesia non est dici non potest. Sed ne sim longior in re manifesta probanda, quid clarius verbis illis *X. 11. 12. O afflictæ, præcellis agitata, consolatione destituta: Ecce ego collocaturus sum cum ornamento lapides tuos & fundaturus te saphiris, & disponam pyro specularia tua, & portas tuas lapidibus carbunculi, denique totum terminum tuum lapidibus speciosissimis.* Nonne hæc descriptio est Ierusalem eius quæ supernè est? Et quæ sequuntur, *Et omnes filij imedocti erunt à Domino &c.* verane sunt de omnibus filiis gentium quæ non sunt Ecclesia? aut de solis fidelibus vocatis è gentibus, & non vel maximè de fidelibus Iudæis, deque ipsis Apostolis, qui nullo modo filij fuerunt populi incircuncisi?

XI. Verùm fingamus non intelligi Ecclesiam, sed, vt vult Socinus, gentes incircuncisas. Quid sequeretur? Nonne hoc absurdum, Deum Patrem fuisse maritum gentium incircuncisarum quandiu fuerunt idololatræ, à fœderibus diuinis alienæ, & abs-

que Deo in mūdo; simul ac autem ab idolis conuersæ fuerunt ad Deum viuum, & diuinum fœdus viua fide amplexæ Deum Patrem desisse earum maritum esse, easque Filio meræ, si audiuntur Aduersarij, creaturæ cessisse? Ita longè potiores erunt Filij quàm Patris, creaturæ quàm creatoris partes. Pater siquidem fuerit maritus populi Idololatriæ, Christus Ecclesiæ, quæ multò est quàm populus idololatricus dignior, Ille adulteræ, hic castæ; Ille perituræ, hic futuræ in æternum beatæ. Hocine Aduersarijs placet? Sic refutata est prima Socini responsio.

XII. Alteram sic ipse concipit. *Nihil, inquit, cogit, ut vox Ref. Hebraica Bahal quæ ibi legitur virum seu maritum significet, cum 2. Resp. ea non minus Dominum significare queat; ut quidem tam Græca editio, cum vulgata Latina habet. Id quod alterius responsionis loco ad argumentum ipsum esse volumus. Quid? An cogi oportet Aduersarios ad proprias & vsitatas vocum Hebraicarum significationes admittendas? Ego verò contrā putabam ab ijs discedendum non esse, nisi quid cogat. Est autem propria & vsitata, inimò perpetua vocis Hebraicæ Bahal, quotiescunque de muliere agitur, significatio, ut virum seu maritum significet: Et verbum Bahal de matrimonio vsurpatur, inimò de actu venereo Deut. 21. 13. & 24. 1. ac vtrumque & nomen & verbum de Sara & Abrâhamo dicitur Gen. 20. 3. videturque בעל dici quasi בא על, quæ duæ voces ad significandum actum maritalem adhibentur Gen. 19. 31. & hoc ipso cap. Esai. 54. 1. בעולה vertente Apostolo est, η ἡ ἄρχὴ τοῦ ἀνδρός,*

XIII. Adde quod huius loci circumstantiæ aliam interpretationem ferre non possunt. Quæ enim compellatur, ea primùm sterilis fuisse, & ad aliquod tempus deserta à viro dicitur 1. 1. Id quod maritam arguit. Deinde proles ei numerosa ac legitima promittitur 2. & 3. sine dubio ex legitimo viro. Tum, quoniam quæ diu steriles fuerunt cum conceperunt, verecundia quâdam timidæ esse solent, ut de Elizabetha matre Iohannis Baptistæ annotatum est à Luca cap. 1. 24. subjungitur 4. hæc hortatio, *Ne timeto, quia non erubesces, & ne ignominia confusa esto, quia non pudebit te &c.* Ratio affertur 5. quia, inquit, *Maritus tuus est factor tuus: nomen eius est Dominus exercituum &c.* Itaque causa non est cur te concepisse & peperisse pudeat, nec etiam cur sis de tam numerosa prole educanda & inter tot ho-

res conseruanda sollicita; nam & ex legitimo viro concepisti, & is satis diues ac potens est, vt te conjugem filiosque tuos & suos alat, deffendat, ac tandem honore & fœlicitate maxima beet.

XIV. Præterea subnectit, se eam ad breue tempus, vt solebat vxorem vir iratus, dereliquisse, negat autem se illi in posterum iratum fore, aut eam derelicturum. Denique pollicetur se liberos illius, vt patrem decet, edocturum *X. 13.* quæ omnia apertè significant, Deum sese hoc loco maritum eius quam compellat, hoc est, Ecclesiæ profiteri. Id quod alibi facit tam apertè, vt satis mirari non possim Socini obliuionem & incogitantiam. Fac enim isto loco vocem Bahal maritum non significare, Nonne in alijs multis locis Deus Israël se disertis verbis testatur esse maritum Ecclesiæ, vt Esai. 50. 1. Hof. 2. Ierem. 3. Ezech. 16. & 23? Hoc autem ad argumentum nostrum satis est. Inde enim sequitur, aut eiusdem vxoris duos esse maritos, Patrem & filium, quo nihil fingi potest absurdius; aut Patrem fuisse maritum Ecclesiæ Iudaicæ, Filium Christianæ, quod ipsum quoque absurdum est; aut denique Filium esse illum Deum Israël qui se maritum esse Ecclesiæ testatur. Relegatur, si placet, Disputatio nostra decima nona. Sic etiam refutata est responsio secunda.

XV. Sed inquit Socinus, *tertiopræterea loco responderi ad argumentum istud potest, non eandem esse rationem metaphoriarum appellationum & propriarum: nec si propriè Maritus appellatus vnus tantum alicuius vera mulieris esse potest, similiter metaphoricè appellatum maritum vnum tantum alicuius vicem mulieris explentis esse posse, concludendum vllò modo esse.* Et paulò pòst, *Nihil verat, quominus Ecclesia plures maritos habere possit, cum necesse sit, quemadmodum ipsa est metaphorica mulier, sicut etiam quisquis eius maritus sit, cum esse ipsius metaphoricum maritum.* Sanus ne erat Socinus cum hæc scribebat? Non magis enim aduersus nos disputat, quàm aduersus ipsum Deum. Deus enim hoc idem in ista metaphorica Mariti & vxoris appellatione vrget, quod nos vrgemus. Itaque gentem Israëliticam adulterij accusat & damnat quod viro suo Deo non contenta ad alios se conuerterit. Cum igitur clamet & inculcet, non posse Ecclesiam alij adherere quin eo ipso fiat adultera, cum se profiteatur Zelotypam esse, nec posse patiualem, cum ad exaggeranda peccata populi sui ytatur ista mulieris similitudine adulterio se polluentis, omnino docet istam.

Ref.
3. Resp.

metaphoricam appellationē mariti, nonminus quàm si esset propria, pluralitatem maritorum excludere, legantur loca jam citata Ier. 3. Ezech. 16. & 23. Os. 2. &c. Nam si eo sensu quo Deus se maritum Ecclesiæ vocat, possent esse eiusdem mulieris vicem explentis mariti plures, posset illa sine crimine adulterij cum pluribus maritis consuescere, & potuisset autore Socino gens Iudaica Deo eam tanquam mulierem adulteram accusanti & grauiter reprehendenti respondere, se quidem non posse absque crimine adulterij plures maritos habere propriè sic appellatos, sed maritos metaphoricè sic dictos, & quidem metaphora minus plena, quomodo Deus ipsius maritus appellatur, posse plures habere, nec propterea adulteram esse. Id enim teste Socino inter istam metaphoricam mariti & propriam appellationem discrimen intercedere, vt nullo modo concludi possit, adulteram esse quæ metaphorico illo sensu plures viros habeat. Non puto ita inuerecundos esse Aduersarios, quin eos iam huius suæ tertix responsionis pudeat, ipsi Deo tam repugnantis.

XV I. Quoniam autem eam Socinus illustrare conatus est vñico exemplo, quo aptius nullum reperire potuit, id quàm sic ineptum paucis ostendendum est. *Exemplum sit, inquit, in patris appellatione, quæ quamuis vni tantum propriè accepta conueniat, respectu vnius: tamen metaphoricè accepta pluribus, vnius tantum licet respectu, conuenire inuenietur.* Id docet exemplo veritatis, quæ propriè sic dictum patrem nullum habet, cuius ait, vulgo patrem metaphoricè dici tempus; quod quidem intelligendum est, quatenus tantummodo illa apparet atque agnoscitur. Atqui secundum hanc ipsam rationem nemo negauerit, Denm quoque veritatis Patrem dici posse, idque multò pleniore metaphora: cum multò magis veritatis patefacienda auctor & causa Deus sit quàm tempus, cui non nisi per accidens hoc idem tribui potest. Hoc exemplum duplici de causa ineptum est. Primò quia falsum est, patris appellationem vni tantum propriè acceptam conuenire respectu vnius: possunt enim esse, immò sunt, eiusdem filij plures patres propriè dicti, vnus proximus, plurimi remoti, patris nempe & matris patres, aui, proau, abau, atau &c. Immò plures proximi, vnus naturalis, alter adoptiuus, tertius socer, quartus olim is defunctus cui ex vidua frater hæredem gignebat. Itaque nihil est absurdi si vnus idemque filius plures homines patres suos appelleret, immò id fit persæpè

perſæpe decenter. At ſi mulier aliqua plures viros appellaret maritos ſuos ſiue propriè, ſiue metaphoricè, illa eo ipſo ſeſe vel adulteram eſſe profiteretur vel adulteræ ſimilem, malèque admodum id ſonaret caſtis auribus: quia nimirum nihil tam caſtitati mulierum repugnat, quàm maritorum, aut eorum qui vices mariti expleant, pluralitas; hæc enim reciprocatur cum adulterio, propriè dicta quidem cum propriè dicto, metaphoricè verò dicta cum dicto metaphoricè. Altera cauſa cur ſit inſuſum hoc exemplum eſt, quod Deus ipſe, vt jam obſeruauī, ſibi iſtam mariti appellationem eo ſenſu tribuit, quo maritorum pluralitatem excludit. Alioqui accommodata non fuiſſet ad ſpiritualia Eccleſiæ Iudaicæ & Iſraëliticæ adulteria arguenda & exaggeranda, quem ad vſum ab ipſo Deo adhibetur locis laudatis.

XVII. Videtur præterea Socinus nescio quid reſponſionis addere velle. *Quid plura?* inquit, *Deus ante natum hominem Chriſtum Ieſum, ſeipſum non obſcurè maritum facit, cum Iſraëlis, tum Iude apud Ierem. cap. 3. Quanto igitur magis potuerit Deus, citra humana Ieſu Chriſti naturæ conſiderationem, & eccleſiæ maritum ſe apud Eſaiam vocare? Quod ſi ita eſt, quomodo quaſi ex iſto Eſaiæ loco, etiam ſi diſerte ibi ille vnus Deus Iſraëlis ſe Eccleſiæ maritum appellaeſſet, concludi poſſet, Chriſtum Ieſum ob eam cauſam, quod Eccleſia eſt maritus, eſſe vnum illum Deum Iſraëlis, cum ſine vlla controuerſia Chriſtus Ieſus citra ſua humanæ naturæ conſiderationem, non ſit, nec eſſe poſſit ille Eccleſiæ maritus ſenſu ſponſus, quem ipſum eſſe ſacra teſtimonia docent?* videtur potius his verbis contra argumentari quàm reſpondere. Vt vt ſit, quod affirmat, Deum ante natum hominem Chriſtum Ieſum, ſeipſum non obſcurè maritum facere, cum Iſraëlis, tum Iudæ apud Ierem. cap. 3. verum eſt, & confirmat argumentum noſtrum. Nam vel idem eſt Eccleſiæ Chriſtianæ maritus qui fuit olim Eccleſiæ Iudaicæ; vel non. Si idem eſt, cum certum ſit filium eſſe vnicum maritum Eccleſiæ Chriſtianæ, fatendum eſt eundem Filium fuiſſe olim maritum Eccleſiæ Iudaicæ. Hunc autem conſtat fuiſſe Deum. Fatendum eſt igitur Filium antequam homo fieret Deum fuiſſe. Si non eſt idem, dignior fuit Eccleſia Iudaica quàm Chriſtiana, quippe dignioris vxor, videlicet Patris: & nunc, aut in reſurrectione, cuius eſt aut erit vxor? durat enim poſt mortem & reſurrectionem, immodò maxime viget, ſpirituale Filij & Eccleſiæ conjugium. Eruntne

Ref. iv.
Reſpo.

tunc duæ sponſæ, duo ſponſi, & non potius ex omnibus fidelibus qui vnquam fuerunt, vna conſtabit Eccleſia, vna ſponſa, vna cœleſtis Ieruſalem vni viro Domino noſtro æterno ſcœdere juncta? Tunc dubitabile non erit, quin ipſius etiam Eccleſiæ Iudicæ maritus ſit Chriſtus.

XVIII. Quod inde deducit Socinus, *Quanto igitur magis poterit Deus, citra humane Ieſu Chriſti nature conſiderationem, Eccleſiæ maritum ſe apud Eſaiam vocare?* ex eo nullo modo ſequitur. Deus enim appellatus non eſt maritus Eccleſiæ, niſi ratione ſcœderis cum ea initi. Nullum autem cum ea ſcœdus inije citra conſiderationem naturæ humanæ Chriſti vel futuræ vel exiſtentis.

Gal. 3. 17. Nam & ſcœdus cum Abrahamo contractum ratum factum eſt, teſte Apoſtolo, *ἐν Χριστῷ*, & in promiſſionibus quæ datæ ſunt Adamo & Patriarchis mentio facta eſt ſeminis contrituri caput ſerpentis, & in quo benedicendæ erant omnes gentes, nec eſt inchoatum ſpirituale iſtud matrimonium abſque conſenſu & fide Eccleſiæ promiſſiones illas amplectentis, & ipſum ſcœdus legale pædagogus erat ad Chriſtum, in eumque vt in ſuum finem tendebat. Taceo ſine expiatione peccatorum nullam eſſe poſſe hominũ reconciliationem cum Deo. Nullam autem eſſe realem & veram peccatorum expiationem præter eam quæ facta eſt Chriſti ſacrificio. Ac proinde omnem hominum peccatorum cum Deo veram reconciliationem & conſociationem fundatam fuiſſe in ſacrificio Chriſti vel futuro, vel exhibito, quod ſine humana Chriſti natura nec eſſe, nec intelligi potuit. Adde quod non ſit villo modo veriſſimile, Patrem contrahere matrimonium cum gente peccatrice abſq; interuentu Mediatoris. Eſt autem Mediator vel typicus vel realis: ille Moſes, hic Chriſtus. Per mediatorem typicum non poteſt contrahi matrimonium niſi typicum, cuiuſmodi eſſe non potuit matrimonium Dei Patris cum Eccleſia, ita enim vt matrimonium illud fuiſſet typus matrimonij Chriſti & Eccleſiæ Chriſtianæ, ſic Deus Pater fuiſſet typus Chriſti, & Eccleſia Iſraëlitica typus Eccleſiæ Chriſtianæ. Per realem autem Mediatorem, qui alius eſſe non poteſt quàm Chriſtus, aliud nullum ſpirituale matrimonium contrahi potuit quàm ipſius Chriſti cum Eccleſia reale & perpetuum ac prorsus indiſſolubile, cuius Matrimonij typus ab ipſo mundi exordio adumbrari cœpit in Adamo & Eux matrimonio. Deinde additis alijs typis multis & varijs paulatim expolitus eſt,

& perfectus ita, vt nihil possit in matrimonio Christi & Ecclesiæ obseruari, cuius non extet aliqua in Vetere Testamento adumbratio, fiatque ex omnibus eiusmodi typis inter se collatis tam perfecta repræsentatio, vt nihil vel desit vel superfluat. Ex quo perspicuum est æternum illud matrimonium, & ad illud perficiendum necessariam naturam humanam Christi Deum ab initio mundi quoties sædus cum Ecclesia contraxit, ob oculos habuisse.



Responsio ad objectiones quasdam Socini.

I.  **B**SO LVTO superiore addicamento incidi in fragmenta duo Socini, quorum altero naturam Christi diuinam oppugnare, altero ad vltimum nostrum argumentum respondere conatus est. In priore legi hoc argumentum. *Si Iesus Christus Dei filius seruator noster, esset ille Iehoua vnicus Israëlitarum & Christianorum Deus, manifestè, vt omnes fatentur, consequeretur, Deum hominem fuisse factum, quod, quum ab humana ratione penitus abhorreat, id quidem disertis verbis, vt ita esse credamus, oporteret, & non in vno tantum, sed in quàm plurimis sacrarum literarum locis scriptum extare, quod in omnibus, quæ paululum modò ad credendum difficilia sunt, factum fuisse conspiciamus. &c. At vero tantum abest, vt stupenda isthec Dei metamorphosis à sacris auctoribus identidem nobis aperte predicata fuerit, vt ne vno quidem loco obscure saltem significata deprehendatur. Quo fit, vt eius assertores, non clavis diuinarum literarum testimonijs, imo ne testimonijs quidem ullis, sed potius meris quibusdam consecutionibus sententiam suam adstruere conentur &c.* Quàm hoc verè ab eo as-firmeretur, jam, opinor, patet ex septuaginta istis testimonijs, quæ hoc & superiore libro ab Aduersariorum exceptionibus & deprauationibus Dei beneficio vindicauimus. Id etiam vti spero patebit ex ijs, quæ dante Deo laudabuntur à nobis in libro sequente, quibus omnibus cum responsum ab Aduersarijs fuerit solidè (quod nisi vehementissimè fallor, neque vnquam fiet, neque fieri potest) tum licebit eis de suo isto argumento gloriari. In quo si-

bi valdè placere videtur Socinus dilatando & perpoliando, ac loca quædam Noui Testamenti percurrando, non quæ à nostris citari solent (qualia sunt inter cæteros Ioh. 1. 14. & Phil 2. 6. 7. vbi disertis verbis mirabilis ista metamorphosis (si tamen eo nomine appellari potest) apertè traditur & celebratur: ex quibus locis argumenta duo duximus, quintum nimirum & sextum libri primi) sed alia quædam, in quibus pro sua sapientia, quæ sæpè à diuina longissimè abit, putat hoc mysterium debuissè ab Euangelistis & Apostolis, siquidem id credidissent, apertè doceri; vt cum Euangelistæ Matthæus & Lucas describunt natiuitatem Domini nostri, cum Petrus ad populum Hierosolymitanum, ad Seniores populi, ad Cornelium conciones habet, cum Paulus in Antiocheni Pisidiana synagoga Iudeos hortatur, Athenis in Areopago concionatur, & Cæsareæ coram Agrippa rege & Festo præside aduersus Iudæos se defendit. Omisit callidè concionem Pauli quam Mileti ad Presbyteros seu episcopos Ecclesiæ Ephesinæ habuit, in qua disertis verbis dicit, *Deum Ecclesiam acquisivisse suo sanguine dicitur id est id est dicitur.*

Act. 20.
28.

II. Primum autem meminisse Socinum oportebat, Euangelistas & Apostolos mysteria & dogmata religionis Christianæ non temerè & quolibet loco, & tempore, & quibuscumque profundere sed prudenter admodum administrare, atque aliter apud Iudæos, aliter apud Græcos, aliter apud nondum conuersos, aliter apud jam conuersos, aliter apud Christianos infirmos & lætentes, aliter apud adultos & perfectos agere, exemplo ipsius Domini, qui ad tempus mortem suam futuram celauit Apostolos suos, eisque edixit, ne cui dicerent, ipsum esse Christum, & suam illam in monte metamorphosin patefieri alijs discipulis suis, antequam resurrexisset, noluit. Dabunt autem nobis, opinor, Aduersarij Euangelistas & Apostolos sapientiores Socino fuisse & melius eo sciuisse, quando, & quibus, & quomodo de Christi Deitate &c. vt vulgò loquuntur, incarnatione sibi dicendum esset. Satis nobis est præstantissima ista dogmata passim in Euangelijs & reliquis Noui Testamenti libris micare, eumque fulgorem emittere, quem qui non agnoscat, spontè cæcutire mihi videtur. Nos certè illa, etiam in conceptionis Christi descriptione, & concionibus quibusdam Petri & Pauli, sed præcipuè in eorum Epistolis cernere nobis videmur.

1. Cor.
3. 1. 2.
Heb. 5.
12.
Matth.
14. 20.
Matth.
17. 9.

III. Hoc vno argumento tot telis partim jam à nobis confosso, partim libro sequente confodiendo, contentus Socinus ad alia transit, & conatur probare, *istam Dei conjunctionem nullà ratione fieri potuisse*: agnoscit autem id denum à Deo fieri non posse, quod contradictionem implicat. Quomodo igitur demonstrat vnionem personalem naturæ humanæ cum diuina persona contradictionem implicare? *Primum*, inquit, *si illud verum est, quod Theologi omnes passim affirmant, Deum videlicet esse immensum & substantia infinitum, certè, cum homo materialis & suis dimensionibus constet, & substantia finitus sit, res autem finita ad infinitam, ut dicitur, nulla sit proportio, nemo non videt Deum cum materiali homine nullo pacto ita coniungi potuisse, ut ex utroque vnum, ut vocant, suppositum factum fuerit.* Verius dixisset nemo videt, quàm nemo non videt. Qui enim hoc videre se putant præ illis qui non vident pauci sunt, nec profectò vident quod videre se opinantur. quis enim quod non est id possit videre? Negamus personam infinitam vnire sibi personaliter non potuisse naturam humanam finitam. Proba si potes contrarium. Hoc enim ipsum est quod nunc inter nos queritur, vtrum potuerit persona infinita naturam finitam, videlicet humanam sibi hypostaticè vnire? Non potuisse contendis, & demonstraturum te polliceris. Quo igitur argumento vteris?

IV. Hoc fortasse. Oportet inter res vniendas esse proportionem. Atqui inter rem infinitam & rem finitam nulla est proportio. Nullo igitur modo vniri possunt res finita & infinita. Nonne vides hoc eodem argumento probari posse, primò rem finitam non posse ab infinita produci: oportet enim proportionem esse inter causam & effectum. Atqui inter causam infinitam & effectum finitum nulla est proportio. Nullo igitur modo effectum finitum fieri potest à causa infinita. Secundò, Deum non posse à nobis cognosci: proportionem enim aliquam inter objectum & facultatem intercedere necesse est, quæ tamen inter objectum infinitum & facultatem finitam nulla est. Tertiò, nullam esse communionem fidelium cum Deo, quid dico fidelium? immò ipsius Christi: qui potest enim communio & amicitia inter eos locum habere, inter quos nulla est proportio? Quid adhuc potest responderi, nisi hoc vnum, non esse quidem inter rem infinitam & rem finitam proportionem magnitudinis, sed hanc minimè vel ad vnionem,

vel ad creationem, vel ad cognitionem, vel ad communionem esse necessariam. Id quod vel ex eo intelligi potest, quod cum Deus sit summum bonum creaturæ rationalis, nihil magis expecti debet à creatura rationali, quàm ut uniatur cum Deo. Quod si Dei infinitas & hominis finitas, non impediunt, quominus aliqua intercedere possit inter Deum & hominem unio, quo argumentò demonstrare poterit Aduersarius, eas impedire, quominus natura humana diuinæ personæ hypostaticè uniri possit?

V. Hoc fortasse demonstrat verbis sequentibus, *oportet enim, inquit, vel materialem hominem immensum & substantiam infinitam euasisse; vel Deum dimensionibus obnoxium & substantiâ finitum factum fuisse, quæ nemo non videt, quàm non absurda modo, verum etiam impossibilia sint.* Si intelligit hominem euadere infinitum mutata natura sua finita in infinitam, & Deum similiter euadere finitum, mutata natura sua infinita in naturam finitam, reuera id absurdum est & impossibile, sed tantum abest ut ad unionem hypostaticam humanæ naturæ cum persona diuina sit necessarium, ut contrà cum ea consistere nullo modo possit: Id enim esset naturam humanam destruere & conuertere in diuinam non verò vnire diuinæ: Et similiter naturam diuinam destruere & conuertere in humanam non verò vnire humanæ. Hoc potest hominis exemplo illustrari, qui duabus naturis præditus est, vna immateriali, spiritali, inuisibili, immortalis; altera materiali, corporea, visibili, mortali. Vniuntur duæ illæ naturæ personaliter in eodem homine, sed ita ut neque immaterialis mutetur in materialem, nec materialis in immaterialem. Retinet suas quæque natura proprietates: alioqui unio non esset spiritus & corporis, sed alterius in alterum conuersio.

VI. Addit Socinus, *Substantiam autem infinitam, & substantiam finitam in vnum coaluisse, aut coalescere potuisse, quis sano mentis vnquam dixerit, utraque naturam & proprietatem suam retinente, quæ inuicem penitus dissident, neque vlla ratione conuenire possunt.* Si in vnum coalescere nihil illi significat, nisi vniri, omnes aut propè omnes Christiani hoc dixerunt multis seculis constantissimè: nec tamen, opinor, nulli aut fere nulli Christiani sanæ mentis fuere. Proprietates quidem naturæ infinitæ & proprietates naturæ finitæ valdè diuersæ sunt, sed tamen inter se non pugnant: alioquin aut nullam naturam finitam infinita creasset, aut

creatam jam pridem destruxisset. Cum igitur infinita finitam producat, conseruet, augeat, ornet, amet, & vice versa finita infinitam amet, colat, & placere ei vnice studeat, quomodo dici possunt inter se dissidere? Aut quamobrem non possunt vlla ratione conuenire? Nam assertiones quidem video Socini nostræ sententiæ oppositas, & principij, vt loquuntur, petitiones, sed demonstrationes, quas pollicitus erat, nullas prorsus video.

V II. Cæterum non existimamus personam infinitam, & naturam finitam ita vnitas fuisse vt coaluescent in vnum quoddam tertium, quomodo anima rationalis & corpus coalescunt in vnum tertium nempe hominem, qui neque est anima neque corpus, sed compositum quiddam ex vtroque. Sed sine mutatione personæ infinitæ finita natura ei veluti innata atque vnita est. Id potest illustrari exemplo personæ humanæ, cui jam existenti & completæ dens innascitur, qui profectò suppositum non est per se, sed vnitur personæ illi hypostaticè, nec tamen persona illa propterea aut definit persona esse, aut mutatur in aliam personam, aut coalescit cum illo dente in vnum quoddam tertium, quod neq; sit illa persona, neque dens ille. Dices, persona illa non appellabitur dens aut contrà dens persona illa, cum tamen ob vnionem hypostaticam Iesum Deum appelletis hominem, & hominem Deum. In promptu est responsio. Dens non est nomen concretum sed abstractum potius: rem enim significat, non habentem illam rem. Abstracta autem nomina quæ talia de suppositis non prædicantur in casu recto. Itaque homo non dicitur dens, sed dento vel dentatus, id est, habens dentem aut dentes. Deus verò & homo nomina sunt concreta: Deus significat eum qui habet deitatem seu qui præditus est diuina natura, & homo similiter significat eum qui habet humanitatem seu qui præditus est natura humana. Itaque mirum videri non debet si persona diuina, cui personaliter humana vnita est natura, homo appellari possit & vice versa homo ille Deus.

V III. Obijciat fortè aliquis non posse eandem personam eodem tempore infinitam & finitam dici. Fateor secundum idem, nego secundum diuersas naturas. Quid enim prohibet eam dici infinitam secundum naturam diuinam & finitam secundum naturam humanam si vtræque naturæ prædita est? Succurrat nobis exemplum illius viri qui apparuit Abrahamo Gen. 18. & Iehoua.

Joh. 5.
18.
Joh. 10.
33.

septies appellatur. Num Abrahamus, si præjudicijs istis Socinianis altissime, ut solent Aduersarij nostri, imbutus fuisset, cum ut Deum supplex orasset? Dixisset potius, tu homo es materialis & finitus, Deus autem seu Iehoua est infinitus. Tu igitur non es Deus. Impossibile est enim substantiam infinitam & substantiam finitam in vnum coalescere. Videntur certè Iudæi, degeneres Abrahami filij, id ipsum quod Socius sensisse; aiebant enim Iesum blasphemare, quod Patrem suum dicendo Deum æqualem se faceret Deo; quodque homo cum esset, faceret seipsum Deum. Putabant enim impossibile esse, ut idem simul esset Deus & homo.

I X. Age verò hoc argumentum Socini in Aduersarios nostros retorqueamus, & quidem ea ratione ut nulla arte istus declinari possit. Si illud verum est quod Theologi omnes passim affirmant, Deum videlicet esse immensum & substantiâ infinitum, certè, cum homo materialis, & suis dimensionibus constet, & substantiâ finitus sit, rei autem finitæ ad infinitam, ut dicitur, nulla sit proportio, nemo non videt Deo infinito hominem finitum nullo modo æqualem esse posse. Quomodo igitur volunt Aduersarij hominem Iesum, tantum hominem, Deo immenso secundum naturam humanam materialem & finitam, (aliam enim nullam eum habere patiuntur) æqualem esse? Distinguere enim non possunt proportionem magnitudinis quæ inter rem infinitam & rem finitam nulla esse potest, à proportionem necessaria ad vnionem. Cum enim æqualitas ratione magnitudinis dicatur, sublata omni proportionem secundum magnitudinem omnis æqualitas tollitur, remanente ea proportionem, si tamen proportio appellari debet, quæ ad vnionem requiritur, nihil autem requiritur, cum Deus sit omnipotens, nisi non-repugnantia, seu non-implicatio contradictionis. Quamquam etiam inter personam diuinam & naturam humanam ea potest obseruari proportio, quæ est inter causam & effectum, actum & potentiam; est enim natura humana respectu diuinæ personæ nihil nisi potentia. Quantum enim natura humana pati potest, tantum pati potest à persona diuina: & quantum habet entitatis tantum accepit à persona diuina. Quid est igitur cur personæ diuinæ, hoc est, principio, & causæ suæ vniri non possit? Dicant verò nobis Aduersarij, qui ratione sua etiam ipsum Deum metiri volunt, quomodo natura humana ma-
terialis

terialis & finita naturæ diuinæ immensæ & infinitæ æqualis esse possit, cum finiti ad infinitum ne proportio quidem vlla sit? potestne æqualitas inter illas res esse, inter quas ne proportio quidem est?

X. Quo modo sese ex hoc argumento expedient Aduersarij? Objicientne, ex Christi cum Deo æqualitate sequi euerfionem sententiæ nostræ: *Æquale enim semper aliam habere essentiam ab eo, cui æquale est. Alias idem sibi ipsi æquale esset: cum tamen æqualia relata, ac porro opposita sint.* Hoc enim nos Crellius argumento oppugnat. Non reponam tritum illud, contrā argumentari non esse respondere. Dicam tantū, nunc quidem, nihil prohibere, quominus idem sibi ipsi æquale esse dicatur. *Nihil malo,*

Cic lib.
9. Ep.
ad Attic. 19.

dicēbat Cæsar in quadam Epistola ad Ciceronem, *quā & me mei similem esse, & illos sui.* Et Socrates apud Platonem in Parmenide, Marfilio Ficino interprete, *Si illi dissimilitudo ad alia competit, nonne ad seipsum similitudo conueniet?* Et paulò pòst, *Ob hanc causam oportet uni similitudinem ad seipsum adesse. Oportet.*

2. Cor.
10. 12.

Si potest idem sui simile dici, cur non & æquale? *Ipsi,* dicebat Apostolus, *seipsos seipsis metiuntur, & semetipsos sibi metipsis comparant.* Si potest idem sese seipso metiri, sese sibi metipsum comparare, quid est cur non possit dici sibi ipsi æqualis? Nonne similia æquæ sunt relata & opposita ac æqualia? Nonne qui metitur, & quem metitur, & quo metitur iidem sunt relata & opposita? Sed quando jam philosophamur, audi rursus Socratem, *quibus consideratis dicemus, ut arbitror, nihil unquam maius minusve fieri vel mole, vel numero, quandiu sibi ipsi æquale permanet, nonne ita?*

Plat. in
Theæt.
tet.

Thea. Ita prorsus. Potest igitur teste Platone aliquid sibi ipsi æquale dici: nec mirum, est enim ut verbis utar Iulij Scaligeri *æqualitas in mathematicis, quasi quadam unitas magnitudinum. At unitas ab unitate non differt. Est enim quantitas æqualitas idem quod identitas substantiarum.* Quid igitur prohibet idem sibi ipsi dici æquale? Certè audientem affirmari, non esse idem sibi ipsi æquale, subit statim cogitatio, num igitur sibi ipsi est inæquale?

De subtilitate
Ex. xc.
320.

num se ipso majus, aut minus est? Nam si idem se ipso neque majus, neque minus est, videtur sibi ipsi esse æquale. At æqualia sunt relata ac porro opposita. Argutiola nihili! quasi verò non possit idem ad seipsum aliquo modo referri! nonne patiens & agens, mouens & mobile, sciens & scibile, amans & amatum sunt

relata? Attamen nihil prohibet, eundem hominem eodem tempore, & quidem sui ipsius respectu, esse patientem & agentem, motorem & mobilem, scientem & scibilem, amantem & amatum. Potest enim idem agere in seipsum, & seipsū mouere, & cognoscere, & amare. Ipse Dominus noster Iesus Christus nonne idem fuit Sacerdos & victima, is qui obtulit, & is qui oblatas est? Miror Aduersarios in rebus tanti momenti solidius non disputare.

XI. Quid ergo tandē respondebunt? Non negabunt Christum, etiam antequā glorificareretur, æqualem Deo fuisse. contradicerent enim & sibi ipsis id antehac sæpe confessis, & Paulo testanti Christū
 Phil. 2. non duxisse rapinam esse æqualem Deo, & ipsi Christo affirmanti,
 Ioh. 16. *omnia quæcumq; Pater habet sua esse*, & sic Patrem alloquenti, *omnia*
 15. *mea tua sunt, & tua mea*: qua æqualitate inter personas eiusdē spe-
 Ioh. 17. *ciei major nulla concipi solet, aut potest. Multò verò minus nega-*
 10. *bunt Filium post glorificationē suam Patri esse æqualem. Sepositā*
 enim originis consideratione, à qua Patris & Filij distinctio pēder, quæ potest nunc inter Patrem & Filium inæqualitas obseruari? vterque vitam habet in seipso, vterque scrutatur corda & renes, vterque viuificat mortuos quoscumque vult, vterque habet omnem potestatem in cœlo & in terra, vtrumque adorare tenentur omnes creaturæ, etiam angelicæ, vterque regnat cum summa auctoritate. Si Pater est infinitus & Filius tantum finitus, & finiti ad infinitum proportio nulla est, quomodo tanta est inter Patrem & Filium proportio immò æqualitas? Num mutata est natura Filij finita in infinitam? Non igitur amplius natura humana est sed merè diuina, nec est Filius amplius homo sed Deus tantum: quænam enim natura seu essentia infinita est aut esse potest præter diuinam? Hoc igitur non dicent Aduersarij, quod & cum suo dogmate pugnaret, & naturam humanam Christi destrueret, & naturæ infinitæ creationem & multiplicationem induceret, quod cum recta ratione pugnat, vt quod maximè. Quid ergo dicturi sunt? Si quid conjicio, Insuper habito Socini argumento eò deuenient, vt negent Deum esse immensum & infinitum. id quod meâ sententiâ est Deum negare esse Deum. Si aliter, Lector, sentis, lege si placet duas nostras disputationes de Deo immenso, & vide an argumentis quibus Deum esse infinitum probamus, aut etiam demonstramus, respondere solidè possis.

XII. Pergit argumentari Socinus, Deinde, inquit, *enim esse*

Deum, eamque ipsius substantiam, omnes & Philosophi & Theologi pro comperto habent, cui nihil unquam accidere possit, aliique nec primus solus, & sempiternus motor, nec omnis prorsus alterationis (illorum voce utimur) & corruptionis expers suapte natura foret, denique summus omnium rerum princeps Deus non esset. At verò mortalem hominem ita vel induisse, vel assumpsisse, ut unà cum eo in tertium aliquid euaserit, non solum esset aliquid ei, eiusque substantiæ accidisse, sed maximi momenti rem accidisse. nam & de eius substantia id nunc verè predicari posset, quod antea nullo modo poterat, videlicet illi hominis substantiam inharere, & ei homo, hoc est, res quæ sui naturæ à Deo quàm longissimè abest, individue coniunctus fuisset. Primum laborat hoc argumentum ignoracione Elenchi. Quid enim eo concludi potest? nihil profectò nisi hoc vnum, Deum mortalem hominem ita vel induisse, vel assumpsisse, ut unà cum eo in tertium aliquid euaserit, falsum esse. Quæ conclusio saluà sententiā nostrā à nobis concedi potest. Nolumus enim Deum induisse vel assumpsisse hominem, sed humanam naturam. Nolumus Deum cum humana natura, quam sibi vniuit, in tertium aliquid euasisse; eiusmodi enim tertium propriè neque Deus neque homo esset. id quod à sententia nostra vehementissimè abhorret. At de eius substantia id nunc verè predicari posset, quod antea nullo modo poterat. Quid tum? quis nescit multa de Deo nunc verè prædicari, quæ ante conditum mundum prædicari non poterant, actiones nimirum multas, &, quæ in actionibus fundantur, relationes?

XII. Quid porrò de illius substantia, hoc est, persona nunc verè prædicari posset, quod antea non poterat? *videlicet, inquit, illi hominis substantiam inharere.* Si inharere intelligit, quo sensu accidens inharere subjecto suo dicitur, negamus personæ diuinæ humanam inharere substantiam: nam neque hæc accidens, neque illa subjectum inhaesionis esse potest. Si verò inharere nihil illi significat hoc loco, nisi personæ diuinæ ita vnitam esse humanam substantiam seu naturam, ut hæc ab illa sustentetur, & vi illius subsistat, id confitemur, & negamus esse absurdum. Addit Socinus, *& ei homo,* (rectius dixisset humana natura) *hoc est, res, quæ sui naturæ à Deo quàm longissimè abest, individue coniunctus fuisset.* Hoc rursus nego absurdum esse. Quid enim absurdi est, si dicatur natura humana Deo, hoc est, Dei Filio in-

diuiduè conjuncta? Est-ne in eo aliquid quod Dei sapientiæ, potentiæ, iustitiæ, bonitati repugnet, aut quod non sit ipsi illi naturæ humanæ, inmodò toti generi humano honorificentissimum? At illa à Deo quàm longissimè abest. Locone? Contrarium docet Apostolus Act. 17. 27. 28. & David Ps. 139. voluntate? Illa cum Deo, ipsis Aduersarijs testibus, vnum est voluntate. Similitudine? Nulla creatura Deo similior est, aut esse potest. quomodo igitur longissimè abest à Deo, cum, ipsis Aduersarijs fatentibus, Deo sit conjunctissima, tantùm negant illi conjunctam esse personaliter? Si longissimè abesse nihil significat Socino, nisi diuersitatem qua natura finita à persona infinita distinguitur, recurrit perpetuò quæstio, cur finita natura humana vniri non potuerit infinitæ personæ, hoc est, principio & fonti, vnde ipsa manauit, & fini cui vehementissimo amore, qui est affectus seu appetitus vnionis, agglutinetur?

XIII. Fortasse illud nobis aliquis reponet, Deo nihil vnquam accidere posse: Accidisse autem aliquid, si ei humana vnita fuit natura. Respondeo, reuera nullum accidens propriè dictum naturæ diuinæ inhærere, aut ei de nouo accidere posse: Deumque omnis prorsus alterationis, & corruptionis, expertum esse: Nihil etiam eius respectu accidere posse non ab ipso præuisum & prædecretum, multumque absumus ab opinione Aduersariorum Deum existimantium vno tempore aliquid determinatè nescire, alio scire, eiusque scientiam augeri quotidie, & quædam interdum ab eo non præscita euenire, quibus cognitis mutet quædam sua decreta. Sed si nihil vnquam accidere posse Deo, vñtupatur pro nullam naturam finitam ei vnquam vniri potuisse, hæc obiectio putida quædam petitio est, vt loquuntur, principij. Nam, & natura humana accidens aut qualitas non est, & non video cur illa Deo vniri non potuerit absque vlla naturæ diuinæ mutatione, alteratione, aut corruptione: sese enim Deus ad illam vnionem producendam actiuè tantùm habuit. Si magnes potest ferrum ad se trahere & sibi coniungere, non se, sed ferrum mouendo, quid est, cur Deus infinita sapientia & potentia præditus non potuerit naturam quandam humanam sibi iungere, non se, sed naturam illam producendo & afficiendo, atque adeo ei ab ipso ortu propensionem quandam naturalem ad se multò maiorem & fortio rem, quàm ea sit quæ grauià feruntur in centrum, eique

quàm possunt arctissimè adhærent, inferendo, sic ut natura illa omnem suam existèntiam, vitam, motus, & actiones, à diuina illa persona eam intimè, tanquam organum sibi natum, omni ex parte penetrante, conseruante, mouente, regente, viuificante à principio existentiæ suæ in omnem æternitatem accipiat. factum est enim ea ratione, ut natura illa sit perpetuum symbolum præsentia personæ illius diuinæ, & organum naturaliter, inimè essentialiter (loquor de propria naturæ illius, quatenus est talis, essentia) illi conjunctum & accommodatum, multò perfectiùs, quàm membra corporis nostri sunt organa naturaliter animæ adjuncta & aptata. Itaq; quicquid natura illa humana vel agit, vel patitur, id persona illa diuina meritò agere & pati dicitur. Quid est quæso in hac nostra sententia, quod videri debeat impossibile, aut sese ipsum contradictione implicare, aut cum Dei immutabilitate pugnare?

XIV. Subjungit Socinus aliud argumentum. *Adde quod, inquit, isthac coniunctio, vel inanis penitus & superuacanea fuit, id quod mox planum faciemus, vel illud effecit, quod etiam cogitare horremus, Deum scilicet verè & reipsa, non autem imaginariè, ut ita dicam, & per idiomatum communicationem passum fuisse, & humanas miseria mortemque ipsam expertum esse.* Prius illud, istam conjunctionem esse penitus superuacaneam falsissimum est. Posterius verò, Deum scilicet verè & reipsa & non imaginariè passum fuisse, videlicet secundum naturam humanam sibi conjunctionem, nos quidem certè firmiter credimus & cum summa diuinæ sapientiæ & misericordiæ admiratione confitemur. Cur enim ab ea locutione abhorreremus cum Socino, à qua Apostolus non abhorruit? *Deus, inquit, Ecclesiam sibi suo sanguine acquisiuit, sicut tñ idis dicitur & per proprium sanguinem.* Ne ipse Deus qui- A. 10.
dem ab ea abhorruit Zach. 12. 10. *aspicient, inquit, ad me quem* 23.
transfixerunt. ex quo loco ductum est Argumentum huius libri septimum. Verba etiam illa Apostoli 1. Cor. 2. 8. *nunquam Dominum gloriæ crucifixissent*, idem mihi sonare videntur ac si dixisset, nunquam Deum crucifixissent.

XV. Quod verò sequitur apud Socinum legens cohorrui. *Quod si, inquit, Christianorum Deus is est, cui hæc accidere possint, minimè mirandum videtur, si & Turcæ à Deo defecerunt, & indei adhuc ei obfirmatis animis reluctantur atque obedire recusant. Nos autem, qui ipsius Christi verbis indubitatam fidem adhibemus, illi-*

que nomen dedimus; omnium miserrimi sumus, quorum salus & vita, inter tot mala, totque mortis genera, que subire coacti sumus, non aliunde, quàm ab eiusmodi Deo pendeat, qui verè non secus ac nos & affligari & mori poterit. Quid audio? Non credidit igitur Socinus Christum esse verè & propriè loquendo Deum? Non credidit à Christo salutem suam pendere? Ego verò beatos nos esse prædico, quorum salus & vita, inter tot mala, non aliunde quàm ab eiusmodi Deo, nempe Christo, pendet, qui verè, το κατὰ σάρκα, non secus ac nos & affligari & mori potuerit, atque adeo mortuus fuit pro nobis. tantùm enim abest ut propterea minus ad nos seruandos Deus ille noster sit potens, ut salus nostra tota sit in eius morte fundata. tantùm abest ut mors eius nobis videatur iustum argumentum scandalì Iudæis aut Turcis præbere, ut contrà nobis videatur veritatis Euangelij argumentum esse certissimum.

XVI. His paucis argumentis, (si tamen argumenta dici merentur, quæ nihil nisi principij petitiones fuerunt) contentus Socinus, quasi re foeliciter confecta, triumphum agit. *Satis*, inquit, *demonstratum esse videtur*, (multa enim, que ad idem comprobandum afferri possent, ne nimium philosophari videamur, consilio omittimus) *quam Dei cum homine. siue substantia diuine cum humana coniunctionem in Iesu Christo factam fuisse asserunt*, inter ea recenseri debere, que fieri omnino non possunt. Si validiora omnisit, desidero in eo iudicium. Si minus valida, cum tam debilia fuerint quæ attulit, quid de omissis illis iudicandum sit nemo non videt.

XVII. Interim tamen ita triumphat, ut præ suis istis, tam nullis, demonstrationibus verbi Dei testimonia nullo loco habeat. Sic enim ille ratiocinatur. *Quomodo enim nec pænitere Deum, nec contristare sese, nec irasci, nec descendere, nec accedere, nec recedere verè & propriè dicere audeamus, licet horum omnium & satis frequentia, & apertissima extant sacra testimonia, nempe quod nihil eorum in Deum cadere posse persuasionibus & argumentis sumus, sed diuina verba, in quibus hac vel ijs similia clarissimè exprimi videntur, ita interpretamur, ut commodior sensus, quàm quem ipsa præ se ferunt, inde eliciatur, eaque propterea ab usitata, & magis propria significatione deflectere non veremur, sic etiam si aliqua in diuinis monumentis loca reperiantur, ubi disertè scriptum extaret, Deum*

hominem factum fuisse, aut humanam carnem induisse, vel assumptisse, quod tamen, ut diximus, nunquam in eis traditum reperies, non statim ita, ut sonant, verba accipienda essent, cum id divina maiestati prorsus repugnet, sed ea ratione exponi deberent, ut per figuram a loquendi usu non penitus abhorrentes, & aptior sententia nobis constaret, & ipsa natura funditus non emerteretur.

XVIII. Hoc argumentum quæ ac superiora leue est. Non enim eadem est ratio locorum quæ Deum pœnitere, irasci, descendere &c dicunt, & eorum quibus probamus eundem Christum esse Deum & hominem. Primum enim, sunt argumenta necessaria, quibus probari potest, Deum propriè loquendo neque perturbationibus iræ, tristitiæ, pœnitiæ &c esse obnoxium, neque loco moueri. Ego verò contendo nulla esse argumenta quæ probent, Deum non potuisse hominibus apparere in vera forma seu natura humana, quam in eum finem produxerit, & sibi accommodarit. vertant se in omnes partes Aduersarii, id nunquam demonstrabunt esse impossibile. Deinde alijs locis Scriptura testatur disertis verbis, Deum non pœnitere, Deum non mutari vlllo modo, Deum esse immensum & replere cœlum & terram. Itaque cum verbum Dei secum non pugnet, necesse est figuratè ea loca accipere, quæ eum pœnituisse, descendisse, ascendisse &c dicunt. At nulla prorsus extant loca Scripturæ, quæ vel disertis verbis, vel per consequentias doceant, Deum non potuisse sumpta vera hominis forma hominibus ad eos docendos & seruandos apparere. Sunt contrà quæ id doceant valdè multa, & Deus ei rei ne putaretur aut impossibilis, aut minus maiestatem suam decere, multis apparitionibus olim, ut ita dicam, prælusit. Præterea, quæ locis illis accommodari solet expositio eiusmodi est, quæ neque locorum illorum circumstantijs, neque alijs locis Scripturæ, neque rationi, neque fidei analogiæ vlllo modo repugnet: cum expositiones locorum pro diuinitate Domini nostri & eius incarnatione laudatorum, quas Aduersarii commenti sunt, pugnent sæpenuero & cum illorum ipsorum locorum circumstantijs, & cum alijs locis Scripturæ, & cum recta ratione, & cum analogia fidei. Ego jam aliquoties affirmavi, & iterum affirmo, sententiam Aduersariorum de Domino nostro Iesu Christo, si quis eam penitus introspiciat, non posse vlllo modo cum recta ratione conciliari: cuius rei specimen quoddam in hac ipsa responsione ostendi.

XIX. His etiam illud accedit, quod cur verba pœnitendi, irascendi, descendendi, ascendendi, &c vsurpentur de Deo, causa est in promptu, sunt enim hæ locutiones sumptæ de medio vsu vitæ humanæ. Deus alloquens homines simplices & rudes demittit sese ad eorum captum, & quasi homo esset humanos affectus & motus sibi accommodat, vt tantò magis eos afficiat, & illi effecta Dei illis planè similia, quæ ab huiusmodi humanis perturbationibus & motibus proficisci solent, facilius percipiant animo. sic soliti sunt qui puerulos alloquuntur sese ad eorum captum accommodare. Alioqui si Deus homines verbis diuinis, modo diuino, phrasibus ad suam naturam, non autem ad infirmitatem humanam accommodatis alloquutus fuisset, quis eum intellexisset? Profectò vix possibile est aliter homines de Deo loqui, quàm vsurpando de eo verba humana, quæ Deo tributa *ἀνθρώποις*, quantum pati potest humana infirmitas, intelligi debent *θεοῦ*. Id quod & Christiani omnes, & ipsi etiam Iudæi confitentur. Horum verò locorum, quæ pro diuinitate aut incarnatione Christi citamus, longè alia est ratio. Non possunt exponi per *ἀνθρώποις*. Non exigebat humana infirmitas, vt sic loca illa conciperentur. Non sunt ab hominibus mutuatz illæ locutiones quas vrgemus; quin etiam ab eorum vsu abhorrent nonnunquam. Nec intelligi potest quem vsu habeant, aut cur sint vsurpatæ, si vera non est nostra de diuina Christi natura sententia. Denique omnium illorum locorum, in quibus Deo pœnitentia, tristitia, ira, descensus, ascensus, &c tribuitur, eadem est expositio omnibus illis egregiè congruens. Locorum verò, quæ nos citamus, expositiones excogitarunt pro ingenio suo Aduersarij admodum varias, & nonnunquam inter se pugnantes, easque sæpe coactas, & vim verbis diuinis apertè inferentes. id quod est Scripturas, vt loquitur Apostolus Petrus, ad suam perniciem *πρὸς βλάβην*. Cauerat Deus eiusmodi locorum & multitudine & varietate, ne possent faciliè aliò detorqueri: Sed homines ingeniosi omne suum studium, omnem operam in illis inflectendis & contorquendis consumpserunt, nec tamen res illis successit ex voto.

XX. Cæterum, vt loca jam laudata & vindicata raceam, conjunctas esse in Christo naturam diuinam & naturam humanam, Nouum Testamentum passim docet apertè. Vocatur enim Christus homo, & vocatur etiam Deus: appellatur sæpe filius hominis,

hominis, appellatur etiam, & quidem sapius, filius Dei; tribuitur illi forma hominis & tribuitur forma Dei; tribuuntur illi proprietates humanæ, & proprietates etiam diuinæ; actiones humanæ & actiones etiam diuinæ; infirmitates humanæ, & virtutes diuinæ; opera humana & opera planè diuina; perpeſſiones humanæ, & gloria ac maiestas prorsus diuina; mors humana & vita diuina viuificans mortuos; denique ignominia humana, & cultus verè diuinus; vt quibus argumentis eum esse hominem mihi persuasum est, iisdem mihi persuadeatur, eum etiam esse Deum. Hæc nostra persuasio seu fides frustra ridetur à Socino, & stultitia non sine blasphemia appellatur. Certè si stultitia est, ei stultitia est qui non capit ea quæ sunt Spiritus Dei. Si stultitia est, Dei stultitia est, quæ sapientior est quàm homines. Nos autem de tali stultitia gloriamur in Domino. Sed pergamus.

1. Cor.

2. 14.

1. Cor.

1. 25.

XXI. Conatur deinceps Socinus hanc admirabilem Dei incarnationem omnino *supernatantem* fuisse ostendere. Quo argumento? Certè, inquit, *si velimus istam substantia diuina cum humana coniunctionem frustra omnino factam non fuisse, fateri oportet, per eam aliquid effectum fuisse in alterutra, siue utraque partum substantiarum. sed quia in humana nihil hac ratione effectum est, ut statim demonstrabitur, sequitur, ut in diuina hoc contigisse dicamus.* Primò negamus consequentiam. finis enim huius conjunctionis fuit non ipsa diuina aut humana natura, vt aliquid in utraque vel alterutra produceretur, sed, vt Christus omnes Mediatoris functiones ad salutem & redemptionem nostram necessarias, vel utiles obire posset. Sic hominis functiones, quarum aliæ per animā, aliæ per corpus fieri debent, finis sunt conjunctionis animæ & corporis. Deinde potest etiam negari minor. Nihil quidem prorsus in ipsa diuina natura conjunctione illa productum est. tantum eā factum est, vt persona diuina quæ antea sola natura diuina prædita erat, prædita fuerit etiam natura humana, sibi ad opus redemptionis nostræ peragendum necessariā. Sed pergat Socinus.

XXII. *Illud verò, inquit, aliud esse non potest, quàm humana substantia siue natura qualitates eam suscepisse, adeò vt saltem aliqua ex parte vel alterari, vel corrumpi posuerit, quod quidem, uti supra diximus, horribile plane est.* Negamus naturam diuinam humanæ qualitates suscepisse, aut potuisse alterari, vel corrumpi.

Bbb

id nullo modo ex vnione naturæ humanæ cum persona diuina consequitur, sed hoc tantum, de persona illa diuina prædicari naturam humanam, vt loquuntur, in concreto, &, secundum illam naturam humanam, omnes illius qualitates actiones & passiones. id quod negamus vllō modo absurdum esse. Itaque non potuit diuina illa persona alterari vllō modo aut corrumpi secundum naturam suam diuinam, potuit tamen alterari & mori secundum naturam suam humanam. suas vtrique naturæ sine vlla confusione conseruamus proprietates. Redeamus ad Socinum.

XXIII. *In humana, inquit, substantia siue natura, nihil per coniunctionem istam cum diuina effectum fuisse ex eo manifestè apparet. quod in homine illo Iesu Christo, nihil, excellentissimum licet & diuinissimum, & humanam naturam longè transgrediens, reperiri potest, quod ab ipsius patre, cuius personam minime ea ratione cum homine coniunctam fuisse, omnes fatentur, illi datum non legamus.* Quid sibi vult istis verbis Socinus? Num sic colligit, Nihil habet Iesus Christus, quod non ei sit à Patre datum. Ergo nihil in natura eius humana per ipsius cum diuina coniunctionem effectum est? Hoccine est eius argumentum? prorsus, si quid video. Nego igitur consequentiam. Quis enim ferat sic ratiocinantē, Ego nihil vnquam boni habui, quod mihi datum à Deo non fuerit. Ergo nihil in corpore meo effectum est per eius cum anima mea conjunctionem. Ridiculus mihi ipse videar si sic colligam. Notum illud est tritum in scholis, *subordinata non pugnant.* Non loquitur Scriptura de Christo Deo & Christo homine tanquam de duabus personis, quarum ista ab illa præstantiam suam acceperit; sed tanquam de vnica persona, quæ, quia Filius est Dei, Patri, vt Filium decebat, (præsertim eum, qui sumpta forma serui sese vltro exinaniuisset, vt Patris legatum in terris ageret, & gloriam eius quæreret) omnia sua refert accepta. id quod non impediuit, quominus vim naturæ suæ diuinæ in natura sua humana quatenus opus fuit, exereret. Adde quod *quicquid facit Pater, id facit Filius similiter: & quicquid est Patris, est etiam Filij.* itaque cum Filius accepit de eo quod est Patris, accepit de suo, vt ipse satis apertè docet Ioh. 16. 15.

Ioh. 5.
19.

XXIV. At inquit Socinus, *Nemo in se ipso aliquid efficere, vel sibi ipsi quicquam dare potest.* Itane? Non potest aliquis in anima sua & actiones inmanentes & habitus efficere? Non potest

sibi ipsi, si velit, mœrorem, laborem, dolorem, immò mortem dare, & corpori suo manus violentas inferre? Non potest, si peritus sit medicinæ, semetipsum sanare? Nihil accipit corpus ab anima, aut etiam anima à corpore? quid enim attinet cum Seneca disputare, an possit aliquis sibi ipsi beneficium dare, & gratiam referre? appella quocunque nomine volueris, satis mihi est multa ab anima in corpore, & à quolibet homine in semetipso effici posse.

Lib. 4.
De Be-
nef.
Cap 7.

XXV. Vitur Socinus alia quadam ratione. *Accedit eò, inquit, quòd frustra id fieri, & supernacantum esse rectè id dicitur, ex quo nihil efficitur, quod commodiore & magis compendiarie quadam via effici non poterit.* Hoc verum est. Pergat. *Quare licet hominem illum Iesum Christum, seu maius eius humanam naturam atque substantiam, à divina sibi incredibili illo modo copulata, omnia præstantiora quæ habet accipere potuisse, constaret, cum tamen ex sola divina virgine ac potentia, sanctique spiritus operatione idem fieri potuisset (id quod vel ex eo, quod factum fuisse probauimus, satis cuilibet patere potest) quid opus fuerat, Deum ipsum ineffabili quadam ratione illi continētum esse, & suæ ipsius quodammodo maiestatis & gloria oblitum, seu potius prodigum & desertiorem, humanam naturam despectam atque contemptam, infinitisque malis obnoxiam induere?* Nego sola diuina virtute absque vnione naturæ humanæ cum persona diuina, quicquid effectum est effici potuisse, nedum vt commodiore & magis compendiarie quadam via effici potuerit. Verbi gratia absque illa vnione effici non potuit vt homo ille idem esset Deus, Filius Dei (quo sensu hoc ei nomen tribui solet) Seruator mundi, propria virtute mortuos viuificans, corda & renes scrutans, æqualis Deo Patri, summa cum potestate quicquid vult in cœlo & terra faciens &c. Ostendant Aduersarij absque ista admirabili conjunctione, loca Scripturæ quæcunque laudauimus, & quæcunque laudaturi sumus, commodum sensum habere posse, ac nostras omnes rationes solidè diluant, quibus probauimus, & Deo benè fauente, probaturi sumus, Filium Dei esse reuera Deum præditum essentia diuina, ac tum cerre probauerint absque illa vnione quicquid effectum est effici potuisse. Alioqui argutando operam perdeni suam. Cæterum quod Dei Filius, cum esset in forma Dei, Deo æqualis, exist- Phil. 2.
manuit seipsum formam serui accipiens, in similitudine hominum 6.

factus, & figura inuentus ut homo humiliavit seipsum, factus obediens usque ad mortem, mortem autem crucis, id. cum ab infinita quadam bonitate profectum, & Deo gloriosissimum, ac nobis summè necessarium & salutare fuerit, summis laudibus, ut gratos decet, celebrare debemus. Nam si suæ majestatis & gloriæ, ut loquitur irreuerenter Socinus, oblitus, prodigus, desertor fuit, in gratiam Patris & nostri id fecit, ea virtute, quam Angeli & homines satis admirari nequeunt, & quâ nulla major animo concipi potest.

XXVI. Progreditur in ista sua ingratitude & impietate. longius Socinus, & *ad rem ipsam*, ut loquitur, *propius accedens*, conatur probare, *nominatim ad salutem generis humani hypostaticam illam diuinam humanaque substantia coniunctionem non inanem tantummodo, verum etiam planè inutilem futuram.* Quomodo id præstat? refutando argumentum, quo illius conjunctionis necessitas demonstratur, petitur à satisfactione, quam, & ad expiationem peccatorum necessariam fuisse. & absque hypostatica naturæ diuinæ & humanæ conjunctione fieri non potuisse firmiter credimus. At multas etiam alias ob causas necessaria fuit illa conjunctio, quas Socinus alto silentio præterit. Vin' tibi illarum specimen aliquod exhibeamus? Est Christus, ipsis Aduersarijs confitentibus, summus noster Propheta, & Sacerdos, & Rex. Ad Propheticum munus quod attinet. Is est doctor noster vnicus, adeoque perfectissimus. opus autem fuit natura humana ut homines doceret & verbo perquam familiariter ac suauiter & exemplo. Is enim demum perfectè docet qui docet utroque illo modo. Opus etiam fuit ut doctor noster præditus esset natura diuina, primùm in genere, ut esset omnium doctorum præstantissimus. quis enim doctor sicut Deus? Omnium autem præstantissima docendi ratio est, cum Deus sumptâ formâ humana homines dignatur familiari colloquio, & cum eis prandendo, ambulando, &c se illis & audiendum & contemplantum præbet: quomodo olim docuisse legitur Patriarcham Abrahamum. nihil potuit accidere hominibus aut vtilius, aut honorificentius. Hanc igitur docendi rationem cum fuissetum secutum credibile est, cum perfectiore modo, quàm vnquam antea, Ecclesiam suam docuit.

XXVII. Deinde in Christi munere prophetico consideranda sunt præcipuè hæc quatuor, quid docuit, quomodo docuit, qui-

Matth.
23, 10.

bus argumentis confirmauit doctrinam suam, quomodo eam accepit à Patre. Prædicauit Christus; sed præcipuè semetipsum. reuelauit & ostendit Deum, sed reuelando & ostendendo semetipsum. vocauit homines, sed ad seipsum. Iussit credere, sed in seipsum. Pollicitus est vitam æternam, sed quam ipse daturus esset in seipsum credentibus. Salutem miseris peccatoribus annunciauit, sed in se vno repositam. Metum incussit iudicii futuri, sed quod ipse vnus exerceret. Remissionem peccatorum obtulit, sed credentibus in seipsum; & quam pro sua autoritate indulgeret. Promisit resurrectionem mortuorum, sed quam ipse vi sua effecturus esset; & regnum cælorum, sed quod iis ipse daturus esset qui ipsius ratione habuissent. Nonne tum vt sic doceret Deum esse oportuit? Nonne merus homo homines à se ad Deum amandasset, & caussit diligenter, ne quam vel minimam diuinæ gloriæ particulam ad se transferret. Sic enim sese reliquit omnes & Prophetæ, & Apostoli, & fideles doctores gesserunt.

XXVII. Hoc ipsum verò quomodo docuit? Cum duplex sit ratio docendi: vna humana, quæ fit ore humano, & voce extrinsecus aures pulsante, altera merè diuina, quæ fit mentem ipsam auditoris aperiendo & intus afficiendo. Vtramque Christus adhibuit. quàm autem ad illam necessaria fuit natura humana, tam ad istam necessaria fuit diuina. vt enim illa humano ore, humanis organis fieri debuit, sic ista alia vi fieri non potuit quàm merè diuina. Quàm autem organa humana absque natura humana esse non possunt, tam vis diuina absque diuina natura esse non potest. Hanc docendi facultatem agnouerunt Apostoli, *Dominè, in-* Luc. 17.
quiunt, adauge nobis fidem, quam orationem Dominus non im-
probauit, nec respondit vt olim Iacobus, qui perentii Racheli vt Gen.
sibi daret liberos, ira excanduit, & respondit, *Num pro Deo ego* 30. 1.
sum &c? Itaque Dominus postquam à mortuis resurrexit, *ape-* Luc. 24.
ruit illis mentem vt intelligerent Scripturas. Idem *aperuit cor* E.
dia, vt attenderet his quæ dicebantur à Paulo: ac è summo cælo die 49.
14.
Pentecostes Spiritum sanctum in Apostolos suos insufflauit, eos-
que diuinissima ratione docuit; atque ita non è monte con-
trectabili Sina, sed è monte Sion, non è terra sed è cælo, vt
Deum decebat, in Apostolis suis loquens, & prædicationem eo-
rum efficacia sua prosequens Ecclesiam suam vbique locorum
docuit. Heb. 12. 25.

Matth.
9. 18.

XXIX. Ad doctrinam autem suam persuadendam vsus est miraculis & plurimis & maximis, quæ, non aliena virtute vt Prophetæ & Apostoli, sed a uâ ipsius edidit, id quod vt crederent ab hominibus exegit, *creditis*, inquebat, *me posse hoc facere?* Dicant mihi Aduersarij, vis illa infinita qua hominum cogitationes videbat, omnis generis morbos puncto temporis sanabat, cæcorum oculos aperiebat, mortuos uiuificabat, diabolos abigebat &c; quoniam in subiecto hærebat? In eius corpore seu carne? Erat igitur & finita, & materialis saltem aliquo modo, & quo modo ex eadem carne non expellebat imbecillitatem & mortalitatem? quomodo etiam, carne Christi absente, & procul ab illa sese nonnunquam exerebat? In eius anima? vtrum igitur in intellectu, in voluntate, in phantasia, in appetitu sensitiuo, in facultate locomotrice, an immediatè in ipsa animæ rationalis essentia? vbicunque locetur, fuisset anima Christi admodum diuersa ab animabus aliorum hominum, & haud satis conueniens inter subiectum & suum accidens proportio, & quomodo egressum fuisset accidens illud ex anima Christi, vt procul ab ipsa in aliorum hominum corporibus sese exereret? quanquam cur accidens vocem nescio. qui potuit enim tanta facere merum accidens? Quod si fuit substantia, duæ fuerunt in Christo substantiæ, humana vna, & altera multò quàm humana, immò angelica, potentior; atque adeo planè diuina. Hæc tantum obiter hoc loco attingo, alio loco, Deo dante, diligentius expendenda.

XXX. Dominus autem, quemadmodum decebat eum, qui sese voluntariè inaniuisset sumptu serui formâ vt seruum & legatum Patris ageret, doctrinam suam Patriascribit. Sed quomodo eam à Patre accepit? Legiturne aliquando, verbum Dei ad illum factum fuisse? aut Deum illi apparuisse? Notaturne ab aliquo Euangelistarum aut Apostolorum tempus, aut modus, aut sermo, quo Deus cum eo egerit? Nullo modo. Cur id factum non est, si Dominus nihil nisi creatura, nihil nisi homo fuit? Ipsa Dei consilia & decreta intima Dominus reuelauit, & quidem tanquam illorum perfectè conscius, & testis *dominus*. quomodo autem & quando fuerint ei à Patre reuelata non exprimitur: Cur quæso, si nihil nisi homo fuisset, id tacitum fuisset, quod ad fidem eius testimonio conciliandam plurimum valuisset? Nam si nihil nisi homo fuit, Deus se illi patefecit certo quodam & tempore, & lo-

co, & modo, & sermone. quæ omnia notari & literis mandari potuerunt. At si persona diuina fuit eadem cum patre essentiâ prædita, ea Patris decreta & consilia perpetuò nota habuit & vidit immediatè, nec vlla eiusmodi inter eam & Patrem vel communicatio, vel communicationis circumstantia obseruari potuit. Eadem per humanas suas facultates & organa omnia illa, prout expediebat, cum discipulis suis communicauit, cuius communicationis circumstantias omnes, Euangelistæ, vti par erat, annotarunt satis diligenter.

XXXI. Venio ad Sacerdotium Christi. Ei necessaria fuit natura humana ob eas causas, quas commemorat autor Ep. ad Heb. cap. 2. *N.* 14. & 17. necnon natura diuina, vt typo Melchisedeci responderet, qui *absque initio dierum & sine vita* fuisse dicitur Sacerdos æternus Heb. 7. 3. typus æterni Filij Dei, facti Sacerdotis *secundum potentiam vite indissolubilis* *N.* 16. ac propterea hominibus infirmis oppositi *N.* 28. Et etiam ad sacrificium suum opus fuit, & corpore quod offerret semel, & *spiritu æterno* per quem offerret. Heb. 9. 14. Non fuisset victima si homo non fuisset sanctus & immaculatus, nec Sacerdos si Deus non fuisset, qui pro sua sapientia & potentia omnia quæcunque fuerunt ad ipsius immolationem necessaria administraret, & adhiberet, & regeret, instrumentis ad eam rem vtens prouideret. Est enim victima pati, Sacerdotis agere. Præterea si homo non fuisset, non habuisset sanguinem quem funderet, & fusum inferret in sanctum sanctorum cœleste. Et rursus si Deus non fuisset, non potuisset vi sua, vt Sacerdotem decebat, immolatâ victimâ in atrio tabernaculi (alibi enim nefas erat sacrificare) eius sanguinem in locum sanctissimum inferre, hoc est, in supremum cœlum ascendere, Heb. 9. 24 omnibus alijs cœlis trajectis. Quid enim absurdius, quàm cogitare Summum Sacerdotem, qui vi sua in tabernaculum suum ingredi non possit?

XXXII. Dicam aliquid amplius. Idem Christus qui est summus Sacerdos, est mediator noui fœderis. Iam autem tabernaculum opus est Mediatoris. Vt enim se habuit Mediator typicus ad tabernaculum typicum, sic se habere debuit Mediator verus ad tabernaculum verum. Atqui Mediator typicus, hoc est, Moyses, construxit tabernaculum typicum Exod. 2. 6. 1. illudque crexit: Exod. 40. 16. Mediator igitur verus suum tabernaculum facere:

& erigere debuit. Id quod Apostolus conferens Dominum cum Mose qui fecit tabernaculum Heb. 3. 3. 4. & cum Aarone qui illud figebat Heb. 8. 2. aperte docet. Itaque non dubitauit idem autor affirmare, & *per eum facta esse secula*, & *cælos* (sunt autem cæli tabernaculum noui fœderis) *esse opera manuum eius*. Et quomodo per eum non esset factum tabernaculum Noui Testamenti per quem facta sunt omnia, & per quem sunt omnia, & per quem quæcunque sunt in illo tabernaculo, facta & creata sunt? Mediatori igitur & summo sacerdoti nostro necessaria fuit natura diuina, ut vi sua non modo ingrederetur tabernaculum suum, sed etiam ut illud construeret, & figeret. Itaque ut prius fuit Mediator Moses & Sacerdos Aaron quàm esset tabernaculum ita prius etiam Filius fuit quàm tabernaculum cœleste; Et, ut Sacerdotes & Leuitæ tabernaculum cum opus erat, detrahebant, & eius aulaa circumuoluebant; Sic, cum opus erit, Sacerdos noster *cælos* tabernaculi sui aulaa *velut amictum*, *circumuoluet*, teste eodem auctore Heb. 1. 12. ipso interim permanente, sicut permanebant Sacerdotes tabernaculo dissoluto.

XXXII. Sacerdotis est expiare peccata oblatione victimæ, quæ loco peccatoris mortem perpetiatur, & ita Dei iustitiæ pro peccatoribus satisfacere. id quod omnibus sacrificijs expiatorijs adumbratum est sub lege. Itaque Sacerdos est fœderis *ἱερεύς*, & tenetur portare iniquitatem populi. Hinc ducitur argumentum inuictum, Oportuit Sacerdotem nostrum pro nobis apud Deum satisfacere, alioqui nequaquam seruandis. Non potuisset autem verè & re ipsa pro peccatis nostris satisfacere, nisi simul Deus & homo fuisset. Oportuit igitur eum simul & Deum & hominem esse. Hoc vnum argumentum Socinus delegit, quo soluendo ostenderet conjunctionem naturæ diuinæ & humanæ in Christo esse prorsus superuacaneam. Quid igitur Respondet? Negatne necessitatem satisfactionis? Negat quidem, sed quoniam res illa, *ut in clarissimam lucem proferretur longiore disputationem requireret &c.* eam, inquit, *illis in presentia demus*. Subjungit tamen statim, nos eam *miserè deceptos, diminisis oculis licet undique reclamantibus, ipsaque ratione penitus abhorrente, confinxisse*. quo certè nihil dici potuit falsius. Eam enim & Scriptura multis locis inculcat, & ratio agnoscit & probat, & nihil est in Scriptura, quod reclamet, aut in recta ratione quod ab ea abhorreat. Sed decep-
tus

tus Socinus ratiocinijs quibusdā falsis, ut opinionationem suam tueretur, multis Scripturæ locis vim apertam intulit. Omittamus igitur, nunc quidem, quando ita visum est Socino hoc loco, prolixam illam disputationem, & accipiamus quod dat, quanquam id dat fide sublesta: statim enim auferre conatur quod dedit.

XXXIV. *Oportuit igitur, ut ipsi autem, inquit, divina iustitia de hominis sceleribus cumulate satisfieri. Quid sum? An ipsemet Deus eas pœnas persolvere debuit?* Non debuit certè quidem, sed tamen solus potuit. Itaque necesse fuit, ut aut ipsi periremus, aut ille earum persolvendarum onus in se susciperet, iuxta illud *Dominus providebit.* id quod aliundè quàm ab infinita misericordia proficisci non potuit. At inquit, *Primum id fieri nullo pacto potuit.* Nullo igitur, inquam, pacto fieri potuit ut servaremur. Hoc enim consequitur positā necessitate satisfactionis, quam nobis Socinus hoc loco dedit. *Deus enim, addit, neque dolore affici, neque perpassiones aliquas experiri potest.* nempe quā Deus, seu secundum naturam diuinam. Atque hæc causa est cur oportuerit eum sibi vñire naturam humanam patibilem & mortalem. Id quod nos Auctor Ep. ad Heb. cap. 2. *14.* docuit, *Quoniam igitur, inquit, pueri participes sunt carnis & sanguinis, ipse quoque consimiliter participes factus est eorumdem, ut per mortem destrueret eum qui habebat mortis imperium, id est, diabolum.* Quomodo minori potuisset, si tantum Deus fuisset? aut per mortem destruere diabolum qui mortis robur tenebat, si tantum caro seu homo infirmus & mortalis fuisset? fortiozem enim eum esse oportuit diabolis omnibus.

XXXV. *Verum, inquit Socinus, eodem renolui videntur; nam neque adhesio ista aliquid momenti allatura fuit, si humana tantum natura verè pati poterat, cuius cruciatus omnes, vnicunque eos consideres, finitos prorsus ac terminatos esse oporteres; quum infinitatis cuiusdam, ut ipsimet apertè profitentur, pœnas, qua infinita divina iustitia satisfaciendi causa persolvuntur, necesse sit esse participes.* Distinguo. Pœnæ, quas Dominus secundum naturam suam humanam perpassus est, qualque diuinæ iustitiæ satisfaciendi causa persolvit, duobus modis considerari possunt. Primò Physicè seu Metaphysicè, ratione entitatis quam habuerunt. Sic finitæ fuerunt, nec esse infinitæ potuerunt, aut debuerunt. Secundò forensi ratione seu æstimatione, quo modo esse infinitæ & debue-

runt, & reuera fuerunt. Cum enim de satisfactione forenfi disputemus, finitas vel infinitas pœnarum intelligenda est secundum æstimationem forensem, quæ nullam habet rationem entitatis, ut patet in peccato, quod interdum nullam entitatem habet, neque formaliter, neque materialiter (cogor uti vocibus vñtatis in schola) ut, verbi gratia, omisso officij; & tamen in foro magni æstimatur, immò, cum de officio erga Deum infinitum agitur, aliquomodo infinite. Quo enim major est eius qui offenditur dignitas, eo pluri æstimatur offensa: eo enim minus offendi debuerat, plusque adeò est in offensa indignitatis.

XXXV I. Quamuis igitur pœnæ, quas Dominus noster in natura sua humana perpeffus est, si entitatem earum spectes, finitæ fuerint, tamen reuera infinitæ fuerunt æstimatione forenfi propter vnionem illam personalem naturæ humanæ cum diuina persona. Quo enim major est eius qui punitur dignitas, eo pluri æstimatur pœna quam perpetitur. eo enim minus puniri debuerat. plusque adeò est in pœna indignitatis. Iam autem personæ diuina essentia præditæ dignitas est infinita. Si igitur in forma visibili seu natura assumpta puniatur, pœna erit forenfi æstimatione infinita. Entitas Estheræ, cum Assuero nupsit, aucta non est, sed aucta est tamen & multiplicata mirum in modum eius dignitas: & tamen eius cum Assuero conjunctio, nec personalis, nec ei naturalis, nec indissolubilis fuit. Quis igitur dubitare possit, quin naturæ humanæ dignitas aucta & multiplicata fuerit in immensum, cum est vnita Personæ dignitatis prorsus infinitæ, vnione, qua nulla cogitari potest maior & perfectior, personali, & indissolubili, ac perpetua, & ipsi illi naturæ naturali possent igitur perpeffiones Christi ob istam naturæ eius humanæ dignitatem tantam aliquo modo infinitæ æstimari, sed tamen in æstimandis perpeffionibus seu pœnis ferè tantum dignitatis personæ quæ patitur aut punitur ratio haberi solet & debet, potius quam naturæ aut partis secundum quam persona patitur aut punitur. Actiones enim & passionibus, ut vulgò dicunt, sunt suppositorum, non autem naturarum.

XXXVII. Quo autem pluri fieri debuerunt perpeffiones, cruciatus, ignominia, mors denique maledicta quam Christus pro nobis passus est, eo pluri etiam fieri debuit charitas Patris, qui filio suo proprio & vnigenito pro nobis non pepercit, & Fi-

lij, qui posuit animam suam pro nobis & peccata nostra in corpore suo portauit. itaque ea nobis in Scriptura tanquam summa & infinita & *omni notitia supereminentior* vehementissimè commendatur. Eo etiam majoris fieri debuit exinanitio & obedientia Christi. Itaque eam Apostolus vt immensam, & infinitam, & summam describit Phil. 2. 6. institutâ inter illius, vt ita loquar, terminum à quo & terminum ad quem comparatione & oppositione. Quo enim maior erat dignitas eius qui se demisit & obediuit, eo maior fuit eius demissio & obedientia. Erat autem summa & infinita dignitas Christi. Nam quæ potest forma dignior esse formâ Dei? Atqui Christus erat in forma Dei. quæ dignitas maior dignitate Dei? Atqui Christus erat æqualis *ἰσα τῷ θεῷ* æqualitates, prorsus æqualis, Deo. Is autem sese vique eò exinaniuit, vt oppositam formam sumpserit, scilicet serui; nec eo gradu exanitionis contentus infra eum sese ad eam obedientiam demisit, quam nemo exigar à seruo, luitque vltro atrocissimum & ignominiosissimum & lege Dei maledictum supplicium crucis, vt Patri obediret & nos redimeret à maledictione legis. Itaque nihil ad infinitam pœnæ æstimationem desiderari iure potuit.

XXXVIIII. Pergit Socinus, *neque*, inquit, *vt delictorum conscientia humanos animos amplius non excruciet, propter satisfactionem istam, in qua salutis suæ spem positam habeant, Deum ipsum cui satisfaciendum erat, ad eam peragendam aut absolueudam propriâ personâ vlla ratione concurrisse dicendum est. necesse est enim omnino satisfaciendæ personæ, ab eius, cui satisfit, disungi ac separari, alioqui veram satisfactionem factam fuisse, nemo sibi ipsi penitus persuadere poterit.* Fallitur vehementer Socinus. Contrâ enim prorsus res se habet. Seposita enim ista satisfactione non videmus quî possit sedari æstus conscientie. Obuersatur enim animo & recarrit cogitatio iustitiæ Dei, qui cum sit Iudex mundi iustissimus, omnis iusti iudicis exemplar perfectissimum, intelligi non potest, quî id faciat, quod, & pugnat cum officio iusti iudicis, & Deo abominationi esse Spiritus Sanctus testatur, & ipse Deus seuerè prohibuit, hoc est, quî absoluat impios & iniustos & sceleratos absque vlla legi & iustitiæ satisfactione, non quidem per ipsos (id enim illis erat prorsus impossibile) sed per aliquem vadem pro ipsis præstirâ. Hanc cogitationem altera acuit diuinæ veritatis. Quoties enim peccator cogitat legis comminationes

diuinas, vniuersales, absolutas, verissimas, fieri non potest quin trepidet, nisi succurrat alia cogitatio, illis esse pro nobis à sponsore seu vade nostro satisfactum plenissimè.

XXXIX. Quod enim aiunt, de suo quemque iure, quantum velit, cedere posse, id de eo iure, quod in officio positum est, verum non est. Non enim potest Iudex de eo iure, quod habet violatorem legis conuictum puniendi, aut legis obsequentem remunerandi, cedere pro arbitrio. Vt enim lex violatur, cum is, cuius est mandatum legis exequi, id non exequitur, aut facit oppositum; sic etiam lex violatur, cum is, cuius est legis comminationes & promissiones executioni mandare, id non facit, sed oppositum porius. Vt enim lex mandatis obligat ad obedientiam eos qui legi subiecti sunt, sic comminationibus & promissionibus obligat ad earum executionem Iudices. Inde enim tota pendet eius autoritas & maiestas. Et quemadmodum eorum qui legi subijciuntur iustitia posita est in actionum cum mandatis legis conformitate, sic iustitia Iudicis quatenus iudex est, consistit in conformitate actionum eius cum comminationibus & promissionibus legis, ad quas, tanquam ad normam, sententiam suam & sententiarum executionem exigere tenetur. alioqui & legis & legislatoris veritatem & Maiestatem, quæ ipsi sacrosanctæ esse debebant, violat, & abolet.

XL. At ex altera parte, inquiet fortè aliquis, securas de sua iustificatione conscientias satis reddunt promissiones diuinæ. Certè, sed quando inter comminationes maledictionis & promissiones benedictionis, inter iustitiam Dei & eius misericordiam, inter officium Iudicis mundi & eius clementiam tanta pugna apparet, vt nulla ratione conciliari posse videantur, fluctuare necesse est conscientiam, & inter saxum & sacrum, vt dicitur, stare. Cuius enim comminationes inanes esse videntur, eius promissiones minus firmæ & ratæ esse facile creduntur. Omnis verò dubitatio tollitur & conscientiarum eiusmodi æstus sedatur, cum intelligitur legis comminationi plenissimè satisfactum fuisse ab homine fidelium vade & capite, qui mortem maledictam, quam lex omnibus peccatoribus comminabatur, pro omnibus luit & vicit. Eo enim vno

a. Cor.
5. 14.
Rom.
6. 7.

pro omnibus mortuo, omnes mortui sunt. Qui autem mortuus est, hoc est, qui pœnam lege denunciatam in vade & capite suo luit, is iustificatus est à peccato, nec potest amplius lege damnari.

Itaque nulla est condemnatio ijs qui sunt in Iesu Christo, eo per fidem induti, in eius mortem per baptismum consecuti; cuius rei argumentum certissimum est eorum à servitute peccati per Christi resurrectionem virtute spiritus eius vivificantis liberatio. Rom. 8. 1.

XL I. At fortasse dubitationem & anxietatem aliquam affert hæc cogitatio, ad istam satisfactionem peragendam personam divinam aliquid contulisse. Contrà est. Nam si ab homine tantum homine peracta diceretur, non haberet eam infinitatem æstimationis & valoris, quam ad satisfactionem pro tot hominibus & peccatis nemo non videt fuisse necessariam. Nunc verò, cum ad infirmitatem humanam ad patiendum necessariam infinitam personæ divinæ dignitatem & potentiam accessisse videamus, quid est quamobrem de perfectione, & ut ita loquar, sufficientia illius satisfactionis amplius dubitemus?

XL II. At, inquit Socinus, *necessè est omnino satisfaciens personam, ab eius, cui satisfacit, distinguere ac separare, alioqui veram satisfactionem factam fuisse, nemo sibi ipsi penitus persuadere poterit.* Equidem sum in sententia duersa. Quo enim satisfaciens persona ei cui satisfacit conjunctior est, eo mihi facilius persuadeo, satisfactionem ab eo cui satisfacit non repudiatum iri. At non erit vera satisfactio. Cur? quia oportet *satisfaciens personam ab eius cui satisfacit distinguere & separare.* Hoc quis dicit? Deus? ubi? Socinus? illi non credo. modò enim id fiat quod. lex. exigit ab eo qui sustinet peccatoris personam, siue is sit à iudice distinctus & separatus siue non, satisfactum est legi, & quia legi, etiam iudici, id quod satis est. Non enim agitur de solutione pecuniæ, aut reparatione damni, aut priuata satisfactione, sed de eaduntaxat, qua legis comminationi & iudicis officio satisfacit. Nichil enim prohibet, quominus transgressor legis impunè abeat, & peccatum ei condonetur, præter legis comminationem, quam sine iniustitia violare iudex non potest.

XL III. At, inquit, fortè aliquis, Iudex est Deus, autor & Dominus legis. Tanto, inquam, minus violabit legem à se latam. Ut enim creaturas obligavit ad exequenda mandata sua, sic se iudicem obligavit ad exequendas promissiones & comminationes suas: non enim illæ falsæ & inanes fuerunt, & vana quædam terricula, seu *φορμαλυσίαι*. Annon apud Deum Iudicem satisfacta esse debet Dei legislatoris veritas, auctoritas, maiestas,

Nonne Deus suipsius summam rationem habere debet? At potest abrogare legem quam tulit. non, opinor, naturalem illam quæ sine euerfione ipsius naturæ aboleri non potest, quandiu naturam vult conseruatam. Sic tamen ita. at quandiu lex viget fieri non potest, quin qui eam violat in pœnam lege denunciata incurrat. Itaque non potest Iudex, nisi aliqua ratione pro eo legi satisfiat, eum absolueret. Alioqui faceret injuriam Legislatori, cuius auctoritatem vel non agnosceret, vel contemneret.

X L I V. Verum, inquit Socinus, Nemo potest sibi ipsi satisfacere. Primùm satisfecit pro nobis, non eadem persona sibi, sed Filius Patri, & quidem Filius non præcisè quâ Deus, sed potius quâ homo, humani generis membrum, & caput, & vas. Sed hic homo, quia idem Deus fuit infinita dignitate & virtute præditus, tantum pondus atroci & maledictæ morti, quam perpeffus est, dignitate infinita personæ suæ conciliauit, vt plus fuerit eum ad breue tempus pati, quàm si omnes homines in æternum passi fuissent. Quod enim ad dignitatem attinet, nulla inter eum ab omnibus hominibus & Angelis adorandum & homines peccatores est proportio. Idem etiam infinitâ suâ virtute mortem, ad quam traditus fuerat, deuicit, partaque de morte & diabolo victoria, acceptis mortis & inferni clauibus, resurrexit & triumphauit.

X L V. Cauellatur Socinus nos sic respondendo, *querere diuerticula.* Nonne, inquit, & filij personæ iuxta illorum doctrinam satisfaciendum erat, in quam non minus quam in personam Patris homines peccauerant? Non intellexit Socinus, de satisfactione à nobis agi, non qua satisficit personæ offensæ quâ persona offensa est, sed qua satisficit comminationi legis atque adeo Iudici quâ Iudex est, siue is sit pars offensa, siue non. Potest enim pars offensa, quâ talis cedere de iure suo & offensas condonare, sed iudex legis violationem remittere, reumve conuictum absolvere, sine iniustitia non potest. Quandoquidem igitur Patris & Filij personæ distinctæ sunt, opus non fuit alia persona quàm Patris ad sustinendam Iudicis personam, nec al.â quàm Filij facti hominis ad sustinendam hominum reorum personam.

Rom.

2. 14.

1. Cor.

6. 18.

1. 10h.

3. 20. 21.

X L V I. Deinde quid est, cur hoc genere satisfactionis non possit sibi ipsi aliquis satisfacere? Nonne potest aliquis sibi ipse *esse, se accusare, de se indicare, in se peccare, se condemnare, immò seipsum punire, vt ille apud Terentium* *ἑαυτὸν τιμωρεῖσθαι*?

Cur igitur non potest sibi ipsi satisfacere? videtur certè posse, & quidem etiam cum de reparando damno agitur; ut, exempli gratia, si quis vel negligentia, vel infœlici alea damno aliquo se affecerit, potest sibi multam dicere, vel ieiunium, vel parciozem & viliozem cibum, vel laborem cum alioqui se quieti daturus fuisset, vel laboris conduplicationem, donec damnum sit ea ratione refarcitum & reparatum. Potest etiam aliquis ut se à praua aliqua consuetudine abstrahat, verbi gratia, iurandi, se, quoties iurasse contigerit, aliqua pecunia multare, vel in pauperes eroganda, vel in publicos usus. Sic sibi, ut priuatus iudici, ipse satisfaciât. Quid? nonne potest contingere, ut iudex ipse reus fiat legis violatæ? Fac igitur eum alioqui ita iustum esse, ut semetipsum damnet, tunc certè ipse sibi, tanquam reus iudici, reuera satisfaciât. *Nemo*, inquit Socinus, *sibi ipsi aliquid soluit*. Esto: non enim agitur hoc loco de pecunia soluenda, sed de pœna luenda. Quid est autem cur non possit aliquis ut legis comminationi & iudicis officio satisfaciât, sibi ipsi pœnam lege denunciata vel per se vel per alios infligere, aut vtrò sese verberandum vel interficiendum hostibus tradere? Cum Attilius Regulus Carthaginem rediit, & ad exquisita supplicia vtrò profectus est, is fidei suæ, iurijurando suo, sibi que adeo ipsi profectò satisfecit. Sed nimium fortè immoror in refutanda ratione, aut potius affirmatione Socini, quam ille, neque probauit, neque probare conatus est, ac propterea æquè simpliciter à nobis negari, ac ab illo affirmari, potuit.

XLVII. Sed, inquit Socinus, *dum Iesu Christi personam adeo sublimem atque excelsam effingere student, ut sui sanguinis fusione tantum es alienum omnium nostrum nomine dissoluere poterit, non animaduertunt, se illum, qui debitor potius quam creditor esse potuisset (potest enim debitor, si soluendo sit, & pro se & pro alijs satisfacere) ipsummet creditorem facere, qui ex persona sua non nisi gratuita condonatione debitores liberare potest, gratuita inquam; quòd non solum ab iisdemmet debitoribus nihil repetat. verum etiam quòd neminem pro illis quidquam sibi soluere velit. Nam si alium sibi solutionem facere vel postulet, vel patiat, non quidem ex persona sua, sed ex aliena eos liberabis.* Varia continentur in hac accusatione seu reprehensione, quibus ordine respondendum est. Primum illud est; quòd ait, nos Christum facere ipsummet creditorem. At si

Christus teste auctore Ep. ad Heb. est *mediator Novi Testamenti*, Heb. 8. 6. & 9. 15. & 12. 24. & *vas* Heb. 7. 22. & *testator* Heb. 9. 16. Quid est cur non possit diuerso respectu & vas debitorum & creditor esse? Ipse certè non obscurè innuit se creditorem esse Luc. 7. *W.* 41. & seqq. Matth. 25. 14. &c. Nec mirum: nam si eius sunt quæcunque sunt Patris, etiam quæ Patri debentur, ei debentur. Adde quod qui soluit pro alio, is creditoris ius in debitorem sibi acquirit. Itaque Christus etiam dum ageret in terris pro sua auctoritate peccata remisit, id quod vnus Dei proprium esse cum Scribæ & Pharisei credebant, tum ipse Dominus non negauit, tantum affirmauit & probauit se ea auctoritate prædicitum esse. Luc. 5. *W.* 20. & seqq.

XLVIII. Alterum est, quod Socinus pro confesso ponere videtur, inter peccata & debita nihil interesse, cum tamen plurimum intersit. Possunt enim peccata referri vel ad partem offensam præcisè consideratam, vel ad legis comminationem & iudicem. Respectu partis offensæ præcisè consideratæ eandem ferè rationem habent quam debita respectu creditoris, sed ad istam veluti priuatam relationem accedit publica, quatenus sunt legis violationes, cuius veritas & maiestas tam comminationes quam promissiones exequendo iudex tueri debet, etiam si pars offensæ, quatenus eius, quæ talis, interest, offensam condonauerit. Dispar est ratio debitorum propriè dictorum: cum enim violationes legis non sint, non prohibet legis comminatio, quominus remittantur debitoribus absque vlla satisfactione.

XLIX. Tertium quod Socinus affirmat est, creditorem, si alium sibi solutionem facere vel postulet, vel patiatur, non quidem ex persona sua, sed ex aliena debitores liberaturum. Id quod verum est si duo ponas: vnum agi de creditore & debitis propriè dictis; alterum, alium istum qui solutionem faciet totà essentia distinctum esse à creditore. Nos autem hoc loco de peccatis agimus, ut jam monui, non relatè ad partem offensam præcisè spectatam, quo respectu debitis similia sunt; sed relatè ad comminationem legis & officium Iudicis, quo respectu à debitis differunt. Deinde is qui satisfecit legis cōminationi pro nobis & Dei filius est & Deus, idque fecit Patre mittente iubente & vehementissimè probante. Itaque quod nobis remittuntur peccata *in nomine Filij* 1. Cor. 6. 11. *per nomen Filij* Act. 10. 43. *propter nomen Filij* 1. Ioh.

2. 12. charitati & gloriæ Patris nullo modo officit. Tantum autem abest ut hæc satisfactio misericordiam Dei obscuret, aut remissionem peccatorum efficiat minus gratuitam, ut immensum in modum eam commendet. Cum enim Deus duas veluti personas in hoc negotio sustineret, vnam partis offensæ, alteram iudicis, is, quatenus pars est offensæ, odium, iram, cupiditatem vindictæ omnino deposuit, versaue in misericordiam irâ, quoniam quominus peccatores resipiscerent iustificarentur impediabat legis comminatio & officium iudicis, quod posita lege necessarium est, constituit hoc impedimentum tollere. quod, cum aliter fieri non posset quàm transferendo pœnam lege denunciata in Filium suum unigenitum, tanquam in hominum peccatorum vadem, id potius elegit quàm homines peccatores punire. Potuitne major animo concipere clementia & misericordia erga homines? Itaque in ea prædicanda & celebranda vix sibi satisfaciunt sacri autores. Magnum est partem offensam non odisse eum à quo offensæ sit grauissimè, Maius est illum amare, illius misereri, Maximum magnis beneficijs illum afficere, sed multo adhuc majus est, ut à morte maledicta redimatur, cum aliter legi satisfieri non possit, filium unigenitum & dilectissimum, vel etiam semetipsum, ad mortem, & quidem talem, tradere. Hic summus est amoris & misericordiæ partis offensæ erga eos à quibus offensæ est gradus, omnem humanum longè superans. Ita cum summa iudicis iustitia summa partis offensæ misericordia erga genus humanum conciliata est mirabiliter & facta est Dei iustitia misericors erga credentes & misericordia iusta. Nam alioqui misericordia, quæ legis comminationem & officium iudicis euertit, in vicio ponitur, & ab ipso Deo damnatur Deut. 13. 8. & 19. 13. 21. & 25. 12.

L. Sic reprehensis nobis Socinus deinceps consulit. Itaque, inquit, præstabat à veritate non omnino discedentes, Iesum Christum non ipsummet unicum Deum nostrum opinari, sed divinissimum hominem agnoscere, tanta dignitate pollentem, ut tantum onus subire meritis posuisset, neque enim ut ea, quæ humana natura decorant, supplerentur, si modo, quod ad propositum attinet, suppleri poterant, necesse erat Deum hominem fieri, sed satis fuisse, divina potentia atque virute, cui omnia sunt in manu, & cui nihil difficile est, eam penitus perpurgarî, ac numeris omnibus absolutam reddi, eique infinitam vim, cuius participes omnes eius operationes forent, communi-

Ddd

Ioh 3.
16.
Rom 5.
8 & 8.
32.

cari. atque eo casu, quemadmodum si quis ab alio ita ditatus fuerit; ut ea, quorum illius benignitate plenam possessionem & dominium habet, summam illi à ceteris quibuscunque debitam, aestimatione vel aequent, vel etiam superent, posset is profectò, si vellet, cunctorum debitorum nomine de suo eidem illi verè ac plenè satisfacere. sic etiam homo Christus Iesus, ipsimet Deo, à quo hanc facultatem dono accepisset, quicquid ei ceteri homines debent, persolvere potuisset, id quod nequaquam fieri potuit, si Deus facultatem hanc Christo homini plenè largitus non est, sed eam, vel eius saltem partem aliquam solus ita retinuit, ut ad solutionem perficiendam ipsius persona omnino opus fuisse dicamus, cum nullus creditor de pecunia sua, quam nemini donavit, sibi ipsi debitorum nomine satisfacere aliqua ratione queat.

L I. Hoc consilium Socino dignum est, hoc est, eo qui non satis quid dicat attendit. Nam præterquam quod ita perpetuò loquitur, ac si de reparatione damni & solutione pecuniæ ageretur, (id quod est peccare ignorantia elenchi) quid per vim infinitam intelligit, cum vult *natura humana infinitam vim, cuius participes omnes eius operationes forent, communicari?* Intelligitne illam ipsam vim infinitam eandem numero, quæ in Deo est, an diversam, creatam scilicet? Si prius eligitur, Primum quomodo potest ipsa vis infinita Dei eadem numero communicari naturæ humanæ non communicatâ essentia diuinâ, à qua vis illa, si quid intelligo, nihil differt, & quidem ita communicari, ut illius *plenam possessionem ac dominium habeat?* Deinde quid potest ipsa Dei vis infinita, quæ in ipso est & quam retinet, ad aliquid necessaria esse & concurrere, ad quod ipsa Dei persona necessaria non sit, nec concurrat? Hoc enim est vim naturæ diuinæ essentialem à natura diuina, potentiam naturalem personæ à persona separare. id quod, nisi vehementer fallor, contradictionem implicat. Si posterius placet, Primum ponetur vis infinita creata, id quod mihi videtur prorsus impossibile. Deinde cur non æquè multiplicari poterit natura infinita ac vis infinita? poterunt igitur esse plures naturæ diuinæ, plures dii; si duo, cur non tres, quatuor, quinque, & ita in infinitum. Tum, si potest creari & multiplicari vis infinita, ea utique abstrahi potest ab existentia, & conuenit cum vi, quæ Deo inest, specie, differt numero. Ex quo sequitur vim infinitam essentialiter siue à se ipsa non existere, nec implicari;

contradictionem si Deus negetur esse. quo posito sequitur, Deum non esse.

LII. Præterea est ne vis illa infinita substantia, an accidens? Si est substantia, duæ erunt in Christo substantiæ, vna infinita, altera finita, id quod negant Aduersarij. porro substantia infinita necessarîo est intelligens & completa, ac propterea persona. vis enim infinita non est, quæ intelligere, quæ velle, quæ per se existere non potest. Si est accidens, primum non est infinita: potest enim vis infinita creare substantias finitas, & quidem in instanti. itaque neque ipsa, neque eius actio subjecto, cui inhæreat, indiget. Quod si ita imbecilla sit, ut ipsa per se existere seseque conservare, & veluti sustentare non possit, quomodo vis infinita esse dicitur? vis infinita est ens infinitum, omnem entis perfectionem in sese formaliter vel eminenter continens, nullaque est actio siue substantialis, siue accidentalis, finita, quam producere non possit: alioqui vis infinita non est, sed finita & limitata. Adde intelligi non posse, quomodo vis infinita communicari possit & inhærere subjecto finito, cum quo nullam habet proportionem. vix enim mare vniversum contineri non potest in exiguo vasculo, sic vis infinitæ capax non est subjectum finitum. Proportionem enim aliquam esse oportet inter capacitatem subjecti & id quod subjectum recipit, quodque illi inhærêt. Personam quidem infinitam vnire sibi potuisse humanam naturam finitam pro mea tenuitate vtcunq; intelligere mihi videor. vim verò infinitam communicari potuisse naturæ humanæ finitæ tanquam subjecto cui inhæreat, equidem intelligere non possum. Non capio etiam quomodo in eodem subjecto & parte subjecti simul esse potuerit vis finita & infinita, vis limitata & vis illimitata. Nos quidem facimus, eandem personam, eodem tempore, vim habere infinitam & finitam, infinitam secundum naturam diuinam, finitam secundum naturam humanam. Sed eandem personam, eodem tempore, & secundum eandem naturam, immo naturæ partem, vim habere finitam & infinitam, adeoque finitam & infinitam esse, id nobis apparet impossibile. Hæc veluti obiter & cursim attingo, ut, vel ex hoc exiguo specimine, intelligant Aduersarij minus secum, quam putant, rectam concordare rationem.


LIII. Nam, ut aliquid etiam de munere Christi Regio dicam, quomodo, quæso, id absque vi infinita exerceri potest? Primum

Iudici & Regi nostro vincendi fuerunt omnes hostes nostri, mundus, peccatum, mors, diabolus; quam ad rem quanta vi opus fuerit nemo non videt. deinde opus ei fuit vi intelligendi planè infinita. Quid enim est in cœlo & in terra, quod eius oculis non pateat, qui scrutatur corda & renes? Tum opus etiam ei fuit vi agendi prorsus infinita, qua omnia sibi subicere, omnes mortuos ad vitam reuocare, miracula quælibet patrare, fideles vbique terrarum regere, & protegere, ijs omni loco & tempore adesse, opem ferre &c, denique omnia quæcunque vult in cœlo & in terra facere possit. Quæ enim est vis infinita, si hæc non est? Quid potest Pater, quod Filius non possit? Quid facit Pater, quod Filius non faciat similiter? Est ne aliquod opus tantum, vt fieri à Filio non possit? Accedit ad hæc autoritas & maiestas infinita, & cultus contentaneus. Oportuit igitur Regem nostrum esse infinitum. Quomodo autem infinitus est, si natura non est prædita nisi finita? aut quomodo potuit natura eius finita fieri infinita, absque eius mutatione & conuersione in aliam naturam? Est enim natura illa sine dubio infinita, quæ prædita est infinita vi intelligendi, volendi, agendi. Natura autem infinita plusquam genere differt à finita. Quod si ponatur ita infinita euasisse vt permanserit finita, illa eodem tempore, & secundum eandem partem, multo maior erit se ipsa, immò ad semetipsam nullam habebit proportionem. quæ si concoquunt Aduersarij, cur rejiciunt vnionem personæ infinitæ cum natura humana finita, multò magis & Scripturæ & rationi consentientem? Satis ex his, opinor, liquet, naturæ diuinæ & humanæ in Christo conjunctionem non esse superuacaneam. Nonnihil addit Socinus de Mediatore, quod reprehensionem quidem meretur, sed hoc loco minimè necessarium.



A D D E N D A

Ad Arg. XXXVII. Ex Gen. Cap. 1. v. 26.
& similibus locis petitum.

I.  N posteriore Fragmento Socinus respondere conatur ad argumentum ex Gen. 1. 26. & 3. 22. & locis consimilibus petitum, quod est in hoc libro xxxv 11. Orditur autem à responsione, quam, quia apud eum, aliosue eius sequaces nondum legere contigerat, non refutavi. Certè à V Volkelio & Schlichtingio prætermissa est ob nimiam eius, ut ego arbitror, infirmitatem. Ea est, *non minùs ex locis illis concludi posse, Dei personam unam numero esse, essentias verò plures, quàm unam numero essentiam, plures verò personas.* Id quod mihi videtur ab eodictum, ut alia multa, valdè inconsideratè. Nam si verba Scripturæ spectes, seu ducatur argumentum à nominibus pluralis numeri, quale est Elohim, nomina illa, cum sint, ut loquuntur scholastici, concreta, subjecta seu supposita significant, non præcisè naturas. Seu ducatur à verbis pluralis numeri, *Faciámus, descendámus, inveniunt dii* &c. cum actiones non sint naturarum sed suppositorum seu personarum, pluralitas personarum ijs significatur, non verò naturarum. Significatur enim pluralitas eorum, quorum sunt illæ actiones. Seu ducatur à pronomine pluralis numeri, *in imagine nostra, secundum similitudinem nostram*, quis nescit, pronomina personas significare, non autem præcisè naturas? loqui personas, non autem præcisè naturas? Seu denique ducatur ab illis verbis, *Ecce Adam factus est sicut unus ex nobis*, mente captum esse oporteat, qui non intelligat vocibus *unus ex nobis* plures personas significari. Vertant se in quasunque voluerint partes Adversarij, non aliam pluralitatem ex verbis illis elicient, quàm personarum.

I. I. Itaque inepta est ratio quam Socinus subjungit, *Neque*

Ddd 3,

enim, inquit, minus absurdum est, ubi una numero essentia est, plures personas, quàm ubi una numero est persona, plures essentias constitinere. Nos enim argumentamur, non à re ipsa in se spectata, sed à verbis Scripturæ, quæ si pluralitatem aliquam significant (significant autem certè) personarum utique pluralitatem significant. Si igitur quod ad rem ipsam, aut ad rationem attinet, nihil interest, utrum plures sint personæ vna essentia, an plures essentia vna persona, prius potius, cum sit verbis Scripturæ consentaneum, eligi debet, quàm posterius, quod ab illis abhoret.

III. Cæterum absolutè loquendo neutrum putamus esse impossibile: nam & tres personas diuinas confitemur eadem essentia seu natura diuina præditas, & vnā personam duabus præditam naturis, diuinā scilicet & humana; sed tamen facilius pluralitatem personarum diuinarum cum vnitatem essentia diuinæ conciliamus, quàm pluralitatem naturarum diuinarum cum vnitatem personæ diuinæ. Subjicit quidem Socinus, à se in superiore libro probatum fuisse, fieri non posse, ut in una numero essentia plures distinctæ suis proprietatibus persona inueniantur. Sed si per superiorem librum superius fragmentum intelligit, quod cum isto in vnum volumen compingi solet, in eo probatio illa tota desideratur. Sin alium aliquem librum, is ad meas manus nondum peruenit. Id quidem probare conatus est Crellius lib. 11. de vno Deo Patre, Sect. 1. corrasis vnde cumq; potuit aliquot argumentis, Sed ea, cum nihil ferè nisi sophismata sint, nec difficile est soluere, & soluentur à nobis, Deo dante, in alio libro. Decet enim nos prius Deum in Scripturis loquentem consulere, quàm rationem humanam, quæ Deo subijci debet, non autem opponi, &, si credimus Aristoteli, se habet ad lib. 11. metaph. cap. 1. ea quæ sunt naturā omnium manifestissima, sicut oculi vesperilionum ad lumen diurnum.

IV. Necessè est vt credamus, aut vnā personam diuinā & plures naturas, aut vnā personam & vnā naturam, aut plures personas & plures naturas, aut plures personas & vnā naturam. Quominus primum credamus obstant Primò omnia illa argumenta, quibus plures esse personas diuinas euincimus. Deinde illa omnia, quibus pluralitas naturarum seu essentiarum diuinarum refelli potest. denique illa etiam omnia, quibus probari potest, Deum propriè loquendo non esse compositum, & plures essentias completas naturaliter constituere plures personas.

V. Quominus secundum amplectamur impediunt omnia illa testimonia & argumenta, quæ pluralitatem seu trinitatem personarum diuinarum demonstrant. Possunt autem illa reuocari ad tres classes. Prima locos Scripturæ continet, in quibus de Deo, tanquam de pluribus personis, loquitur, tribuens ei nomina, pronomina, epitheta, verba, pluralis numeri. Secunda classis continet illa Scripturæ testimonia & argumenta, quibus probamus Dominum nostrum Iesum Christum esse diuinam naturam præditum. Cum enim constet Patrem & Filium esse duas personas, & Patrem esse Deum, hoc ipso quod probamus Filium esse Deum diuina essentia præditum, probamus etiam duas esse personas diuinas. Huiusmodi autem testimonijs & argumentis scatet & micat tota Scriptura, vt partim ex hoc & superiore libro jam patet, partim ex sequenti aut sequentibus fiet manifestum. Tertia continet ea Scripturæ loca & argumenta, quibus probamus, Spiritum Sanctum esse personam à Patre & Filio distinctam, eundemque diuinam præditum esse naturam.

VI. Quominus tertium admittamus, obstant illa argumenta, quibus vnitas naturæ seu essentiæ diuinæ demonstrari potest. Pecuntur autem illa partim è Scriptura, partim è Philosophia. Nam, & Scriptura vnitatem Dei multis locis inculcat, & Philosophia eam necessarijs argumentis demonstrat, & nihil est, vel in Scriptura, vel in Philosophia, quod ei possit opponi, præter pluralitatem personarum diuinarum, quæ videtur cum vnitatem essentiæ diuinæ consistere non posse. Sed cum, & constet inter nos, & multis ijsque necessarijs argumentis demonstrari possit, Scripturam esse diuinitus inspiratam, eaque plurimis locis & pluralitatem personarum diuinarum & vnitatem diuinæ naturæ doceat & inculcet, omnino fatendum est, pluralitatem illam vnitatem istam nequaquam euertere. Non enim sibi Deus contradicit vnquam, nedum tam sæpè. Ex quo sequitur, omnia illa argumenta, quibus pluralitatem personarum diuinarum repugnare vnitati naturæ diuinæ probare student Aduersarij, falsa esse, nec nisi suam ipsorum culpam, illis vera videri posse.

VII. At verò, inquit Socinus, cum non persona essentiam tantum ratione res aliqua vna esse dici possit, si minime statueremus pluralitatem personarum in Deo, quid prohibet, quominus, cum sacra literæ Deum vnum esse dicunt, id non ad essentiam, sed ad vo-

luntatem pertinere existimemus, ita ut non unam numero in Deo essentiam, sed unicam voluntatem, id est, in illis pluribus divinis personis, summam indissolubilemque consensionem atque concordiam, esse agnoscamus? Absurdum quidem esse statuimus pluralitatem divinarum essentiarum inducere, ac impossibile planè est, ubi plures sint persone, ibi unam numero essentiam esse. Prohibent primò sacræ illæ literæ, quæ Deum vnum esse dicunt. Nam, ut cætera nunc omittam, quis mentis compos, cum legit illa verba, *non est Deus nisi vnus*, vel, *Ego sum Deus & non est amplius*, & similia, solam voluntatum plurium consensionem significari intelligit? Deinde prohibent ea omnia, quibus vnitas naturæ diuinæ demonstrari potest. Denique ista ipsa voluntatis vnitas essentia vnitatem vel arguit vel facit. Quomodo enim naturaliter & essentialiter erit vna voluntas, si vna natura seu essentia non est? Quod si non est essentialiter vna voluntas, non implicabitur contradictio, si non sit vna, hoc est, si ponantur esse plures naturæ diuinæ, plures dij discordes, ac inter se pugnantes contrarijs voluntatibus. quo nihil potest fingi absurdius. Rursus, suntne personæ illæ diuinæ finitæ an infinitæ? si finitæ, quomodo sunt præditæ natura diuina? hæc enim certè infinita est. si sunt infinitæ, sese igitur aliæ alias penetrant: sese etiam aliæ alias & cognoscunt & amant perfectissimè, immò infinitè. est autem amor appetitus vnionis. vniuntur igitur quàm possunt perfectissimè. Præterea, vel vnus scit aliquid quod alius nescit, aut amat aliquid quod alius non amat, aut potest aliquid quod alius non potest, vel non. Si prius, quomodo sunt dij? Deus enim omnia scit, omnia potest. Si posterius, non modo eorum est vna voluntas, sed etiam vna mens, vna potentia, vna eademque scientia, vnus amor. Nunc cogita plures naturas eiusdem rationis sese mutuo penetrantes, ac summa quadam eâque æternâ propensione sese complectentes & vnientes, ita ut, & nulla ratione à se inuicem disungi possint, & sit earum eadem cogitatio, voluntas, actio, nonne eo ipso intelliges, illas in vnâ euasisse naturam, nec vllum amplius superesse discrimen, nisi fortè positum in modis existendi, qui, quia, quatenus tales, se totis diuersi sunt, confundi non potuerunt? Vides nos vnitatem voluntatis ad vnitatem essentia deduxisse. id quod mirandum non est: non enim voluntas diuina res est ab eius natura seu essentia diuersa.

VIII. At, inquit, *impossibile planè est; ubi plures sint persona ibi unam numero essentiam esse*. Ego verò multò magis impossibile esse duco, plures numero diuinas essentias esse. Inde enim sequerentur absurda multa, verbi gratia, plures Deos esse, plura infinita, plures omnipotètes, plures sùmos, plures causas primas, plures fines vltimos. quid dico plures? immò infinitos. Item, posse Deum Deo repugnare: cur enim necesse sit, quod eorum deorum quilibet pro sua libertate velit, id reliquos omnes velle? Itè, Deum esse compositum Metaphysicis compositionibus ex genere & differentia, aut saltem ex specie & differentia indiuiduali, ex esse & essentia &c. Item, Deum non esse à se, non esse necessariò: non enim vlla esset necessaria connexio inter essentiam diuinam & hanc huius Dei differentiam indiuidualem & existentiam. hanc enim negatà non continuò negaretur essentia diuina, quippe quæ absque illa differentia & existentia in alijs indiuiduis seu dijs conseruaretur. Item sequeretur, Deum non esse omnipotentem: plus enim plures dij possent quàm vnus. Item Deum posse pati: quid enim prohiberet eiusmodi Deos naturis diuersos in se inuicem agere? mitto reliqua.

IX. Sit, inquiet fortè aliquis, pluralitas naturarum diuinarum planè impossibilis. Eam Dei beneficio nemo nostrum credit. At quandiu illud fixum manet, itide n *impossibile planè esse; ubi plures sint persona, ibi unam numero essentiam esse*, fieri non potest, quin hanc quoque pluralitatem personarum rejiciamus. At inquam, vnde habes hoc esse planè impossibile? è Scriptura? Id ex ea nulla arte elici potest? è Philosophia, vel ratione? Quomodo ea potest certò iudicare de eo quod non capit? aut quomodo ita insanit, vt putet se cum sit finita infinitum, cum sit exigua immensum capere posse, & suo tam curto pede metiri? Innumera sunt in natura, quæ esse certò scimus, quomodo sint nescimus, quæ miramur magis quam capimus, quæ si attentius introspicere conamur & penetrare, retunditur acies mentis nostræ, quæ si explicare volumus, hæret nobis aqua, spinisque difficultatum omni ex parte constringimur. Vocabula personæ, essentiæ, vnitatis numericæ, distinctionis realis, vix satis percipimus cum de hominibus dicuntur. Quomodo igitur illa perfectè caperemus, cum ab hominibus ad Deum, à rebus finitis ad infinitum translata & accommodata, modo, non amplius humano, sed diuino infinito

Ece

que, ac propterea nobis ignoto accipi debeant? Nos pueri sumus, 7. Cor. immò lactentes τὸ λόγον ἄδολον γάλα ἐπιποδῶντες, & de mysterijs 13. 11. istis tam sublimibus, quæ nunc per speculum in ænigmate cernimus, pro nostro puerili captu & modo loquimur. itaque mirum 12. videri non debet, si in modo concipiendi & loquendi nostro aliquid sit imperfectionis, quod rationi nostræ facceit negotium. 1. Pet. Quod non ideo à me dicitur, quòd aut minimè aut admodum difficulter solui posse videantur subtilitates illæ Aduersariorum, quibus sacrosanctam Trinitatem oppugnant: sunt enim illæ, vt jam aliquoties monui, vitro similes, quod leui ictu frangitur. Sed ideo à me dicitur, ne humanæ rationi, præsertim cum de Deo agitur, qui à nobis vti in se est cognosci neque, nedum comprehendi, plus tribuamus quàm ipsi Deo in Scripturis loquenti, vt facere videntur Aduersarij qui falsis ratiocinijs fidentes audent contorquere verbum Dei.

X. Præmissa hac responsione tanquam velite, Socinus sese ad alias conuertit, & ad argumentum ductum ex plurali numero nominis Elohim Respondet, *apud Hebraeos vsitatum esse, in nominibus pluralem numerum pro singulari vsurpare, præsertim verò in ijs, quæ imperium, dominationem, potentiam, gubernationem, & aliquam declarant, vt patet in nominibus Adon & Baal, quorum prius Dominum aut sustentatorem, alterum verò & dominum, & possessorem, & virum seu maritum significat. Quæ nomina licet planè appellatina, & in sacris literis frequentius hominibus, quàm Deo tributa, numero tamen plurali, præsertim verò prius, sapissimè efferuntur, tunc etiam cum de vno hominè est sermo.* Primum autem id non fit nisi in duobus istis nominibus *Adon & Baal*, Deinde id rarò fit cum de hominibus agitur, & cum id fit, potest ferè semper cur id fiat ratio reddi.

XI. Attulit Socinus pluralis *Adonim* in statu absoluto pro singulari positi exempla tria. 1. Reg. 22. V. 17. *Lo Adonim Lael-leh*; Ad verbum, *Non domini illis*, id est inquit, *Non habent dominum.* At cur Deus eo loco pluralem numerum vsurparit causa erat grauis, quam quia non obseruarunt interpretes putarunt pluralem numerum positum fuisse pro singulari. Nimirum eo plurali significare voluit, nullum illis dominum esse vel fore qui exercitum in officio contineat & bellum inceptum persequatur: nam & statim extinctum iri regem, & nullum fore vel à rege con-

stitutum, vel ab exercitu electum ducem, qui rege extincto exercitum regat, & obsidionem Ramoth Galaad continuet. Itaque futurum esse ut absque omni domino seu duce populus reuertatur, ut quisque poterit, in domum suam.

XII. Esai 19. 4. *Et tradam Egyptum in manum Adonim Kascheb*, id est, *dominorum duri, pro Domini*, inquit Socinus, *dominorum dictum est*. At cur sic Deus loquutus sit causa est in promptu. Voluit enim innuere se traditurum Egyptum in varias factiones diuisam in manus plurium dominorum, qui ita numero plures erunt ut tamen duritie vnum sint. contingit enim nonnunquam ut regis ministri, & qui ab eo prouincijs & vrbibus præficiuntur sint duri cum ipse rex sit mollis & clemens, aut contra ut rex durus sit, molles præfecti: sed cum & rex, & præfecti, & ministri regis omnes pariter duri sunt & intractabiles, tum extrema est populi seruitus & miseria, id autem est quod Deus Egypto comminatur & prædicit eo loco Esaiæ.

XIII. Malach. 1. 6. *Filius honorat Patrem, & seruus Adonau Dominos suos*. Si ergo Pater ego sum, ubi honor meus? si etiam Adonim Domini ego sum, ubi est timor mei? In vno, inquit Socinus, & eodem versu, & cum affixo, & in statu absoluto habetur idem nomen in numero plurali pro singulari. Verum quod Deus se plurali numero Dominos appellat, id argumentum nostrum confirmat. Quod autem seruum dixit honorare dominos suos potius quam dominum suum, factum est ab eo prudenter, ut vim augeret argumenti sui. Erant enim sæpissimè, ut obseruatum est sup. p. 324. §. 5. eiusdem serui plures domini, paterfamilias, materfamilias, filius, & nonnunquam alius seruus. Omnes honorabat & timebat seruus. Si igitur, inquit Deus, seruus honorat & timet dominos suos herum, heri filium, heri vxorem, præfectum sibi ab hero seruum &c, nullo excepto, Ego autem sum Dominus, imò quicquid habetis dominorum, ubi est timor mei?

XIV. Verum quicquid sit de illis locis & similibus, (nolim enim ea de re cum quoquam acrius contendere) illud negari non potest quod jam notauimus, idem in alijs nominibus vsu non venire. Deinde si nomen *Adon* plurali numero vices in Scriptura de vno homine dicitur, id plurius centies & vices eodem numero vsurpatur de Deo. Immo plurale *Adonai* vnum est è nominibus Dei maxime proprijs. id quod mirabile est, si Deus nonnisi vnica est

persona, cum sibi aptasse, tanquam propria, nomina pluralis numeri, eoque numero magis quam singulari delectatum fuisse. Subesse certe ea in re mysterij aliquid oportet, idque memorabile, quod tam frequenti pluralium istorum nominum *Elohim* & *Adonai* repetitione tam sæpe Deus ob oculos lectoris reponit. id enim præ se fert aliquid veluti peregrinum, & à loquendi v. u. aliquomodo abhorrens. Nulla enim alia vna, vel res, vel persona plurali nomine, tanquam proprio, gaudet. Mirum est perfectò singularia *Eloah* & *Adon* de Deo rarè usurpari, cum de eo pluralia *Elohim* & *Adonai* frequentissimè usurpentur seu ipse de se, seu homines de eo, vel ad eum loquantur.

XV. Sed, inquit Socinus, *Eloah*, quod est singulare nominis pluralis *Elohim*, quamvis *עֶלֹהַי* summi illius rerum omnium moderatoris potentissimi, quodammodo proprium factum sit, appellatum tamen vere est nomen, non secus atque *Deus* apud Græcos, & *Deus* apud Latinos, & iudicem sine gubernatorem, potentemque significat. Vnde hoc habet? legitur alicubi in Scriptura singulare illud *Eloah* de iudice, gubernatore, aut potente homine viurpatum? Quomodo igitur audet id affirmare, quod ne vno quidem exemplo firmari potest? Fortasse plurale *Elohim* de iudicibus seu gubernatoribus, potentibusque frequenter dicitur. Dicitur fortasse de illis, non quibuscumque, sed in terris supremis, quinquies aut sexies, cum plusquam vices centies de Deo usurperetur. Virum igitur ex quinque aut sex locis propria illius nominis significatio æstimari potius debet, quam ex duobus locorum milibus, aut etiam pluribus, in quibus aliud significat? Quis ex eo quod nonnunquam leo pro forti & generoso, vulpes pro astuto & callido ponitur, concludat, duorum illorum nominum alterum fortem & generosum, alterum astutum & callidum propriè significare?

Pl 18. XVI. Quod si vel singulare *Eloah*, vel plurale *Elohim*, iudices, gubernatores, aut potentes propriè significaret, Num illud
32. Bfai. vitrumque Deo Israël, tanquam proprium, vendicaretur in
44. 6. 9. Scriptura, negareturque disertè, & sæpe vlli alij convenire? Cum Deus primo Decalogi mandato populum suum vetat alios habere Deos, vetatne alios habere iudices, gubernatores, potentes? Nonne si ea esset propria nominis illius significatio, propriè loquendo iudices, præcipuè autem reges, *Elohim*, hoc est, dii appellari possent? Nemo tamen iudicum aut Regum Israël vel Iu-

deus appellatur in Scriptura, Nemo potest appellari sine scelere. Si Iudices dicuntur dii in duobus aut tribus locis Scripturæ, id fit communiter non autem distributiue, attributiue, vt loquuntur, non subiectiue, figuratè non propriè, ob quandam potestatis & autoritatis similitudinem, vel etiam quia Deus censetur sedere in medio eorum, & illi tanquam eius assessores, aut potius organa, eius nomine & cum eo iudicare; vt totus ille confessus, quia Elohim in medio sui habet, ab eo, quod est in eo præstantissimum, Elohim appelletur: qua cogitatione nulla est aptior ad iudices, cum iudicant metu Dei implendos, & ad iustè iudicandum absque vlla *αεριστοπολεψα* animandos. Si nomina deorum apud Græcos & Deus apud Latinos appellatiua sunt, id aliunde profectum non est, quàm à Græcorum & Latinorum errore putantium plures esse Deos, quo errore sublato, tam propria euadunt quàm quæ maximè: quippe cum plures dii nec sint, nec esse possint.

XVII. Hoc iacto fundamento tam debili Socinus aliam responsionem superstruit. *Quod si, inquit, pluralitatem aliquam propter plaralem numerum omnino significari velimus, non personarum quidem, sed gubernationum, & potentiarum pluralitatem, quæ in Deo animaduerti possunt, nomen Elohim significabit. & quamuis vnus prorsus sit, tamen quasi essent plures potentes gubernatores, honoris gratia Deus eo nomine appellatus dicitur.* At primum aliud est gubernator aliud gubernatio. Ponitur quidem nonnunquam abstractum pro concreto, sed concretum pro abstracto vsurpatum legere me non memini. Qui dicit plures gubernatores dicit plures personas, plures verò gubernationes non dicit, nisi quatenus pluralitas gubernationum consequens quoddam est pluralitatis personarum. Contingere autem potest vt sint plures gubernatores potentes, cum tamen non sit nisi vna gubernatio, vt videre est in regimine Aristocratico. Si igitur Deus pluralitatem gubernationum, & potentiarum præcisè, minimè verò gubernatorum & potentium, seu personarum, nomine aliquo pluralis numeri significare voluisset, is vsus fuisset nomine aliquo abstracto gubernationes & potentias, non autem concreto gubernatores & potentes, significante.

XVIII. Taceo istum hominem videri gubernationes & potentias pro eadem re ponere, cum tamen & nominibus & re valdè:

Ecc. 3,

inter se differant. Illa enim ad modum actionis, hæc ad modum qualitatis concipitur, nec possunt ambæ vno communi nomine comprehendi. Illud tacere non possum, cum potentia quæ in Deo est sit ipsa essentia diuina, aut saltem cum ea reciprocetur, intelligere me non posse, quomodo multiplicari possit potentia diuina, non multiplicatâ naturâ diuinâ. Si dixeris, potentiam Dei cum sit infinita, æquipollere multis potentijs, idem de eius essentia, deque eius persona dici pariter potest. sunt enim non minus infinitæ quàm potentia. Quod si potentiam propter pluralitatem effectuum ad modum plurium potentiarum concipias, hæc pluralitas in mente tua erit, in Deo nullo modo, nihilque prohibebit quominus similiter Deum pro varietate eius actionum & relationum ad creaturas ad modum plurium personarum concipias, eiusque intellectum ad modum plurium intellectuum, voluntatem ad modum plurium voluntatum &c. & sic multæ erunt pluralitates, sed, vt dixi, in mente tua non in Deo, nec causa est idonea, quamobrem Deus ob eiusmodi pluralitatem appellari se voluisset nominibus pluralis numeri.

XIX. Hic Socinus obuiam ire conatur argumento, quod nos breuitatis studio vix attigimus. *Nec verò est*, inquit, *quod quis adhuc urgeat, nomen numeri pluralis Elohim, de summo illo Deo simpliciter pro numeri singularis nomine usurpatum non fuisse, quia aut verbis, aut adiectiuis nominibus pluralis numeri nonnunquam iunctum reperiatur. Verbis, vt Gen. 20. 13. Hithu O hi Elohim, Ad verbum Errare me fecerunt dij &c. Nominibus adiectiuis, vt Iosue 24. 19. Non poteritis seruire Iehouæ, quoniam Elohim Kedoschim hu, id est, dij sancti ipse. Animaduertendum enim est in istis, & si qui similes sunt loci, habitam fuisse rationem terminationis nominis Elohim, quæ est numeri pluralis, & quamvis de vno tantum sit sermo, nomina quoque & verba illi adiuncta fuisse pluralis numeri amplioris adhuc honoris gratiâ, quem præter modum Deo tribui nunquam contingere potest. Primum, quis credat habitam esse rationem terminationis potius quàm significationis, literarum quàm vis nominis, soni quàm rei? Deinde, cum eadem sit nominis illius pluralis terminatio vbicunque usurpatum est, quæ factum est, vt alibi nulla habita sit illius terminationis ratio? vbi enim eadem ratio fuit, cur nomini *Elohim* verba & adiectiua pluralis numeri adjungerentur, ibi quoque adjungenda illi fuerunt*

siquidem ratio illa & bona est, & sufficit. Cum certum sit, Deum tantâ sapientiâ Scripturam contexuisse, ut etiam Apostolus non dubitauerit argumentum ducere à constantia Dei in usurpando numero singulari quoties de semine Abrahami in promissionibus suis loquitur, estne locus dubitandi, quin si voluisset, ut nomen illud Elohim crederemus sola terminatione plurale esse, significatione verò singulare, constans fuisset in adjungendis ei verbis & adjectiuis singularis numeri? Cur enim ab illa sua consuetudine in his locis, & similibus quibusdam discessit, nisi ut ne ab ea possemus argumentum ducere, quo probaremus, Elohim, cum de Deo usurpatur, non esse pluraliter accipiendum? Confirmavit enim nominis illius pluralitatem adjunctis verbis & adjectiuis pluralis numeri, quæ constat semper pluraliter in Scriptura accipi, quorumque cum terminatione significatio conspirat, quominusque singulariter accipiatur nomen Elohim conjunctim resistit.

Gal 3:
16.

XX. Præterea meritò quæri poterit, cur Deus voluerit inter nominis sui terminationem & significationem intercedere repugnantiam? Nam si voluit nominis sui significationem esse singularem, cur non ei formam & terminationem dedit consentaneam? quis huius dissonantiæ usus esse potest? Nonne suppetebat nomen *Eloah* singularis numeri, quo uti potuisset, necnon *El*, *Schaddai*, & similia? Cur ista significationis & terminationis discordia ita delectatus fuisset, ut eâ totam ferè Scripturam Veteris Testamenti respersam esse voluisset? Cur eam etiam auxisset appositis verbis & adjectiuis, in quibus eiusmodi pugna prorsus insolens esset, quæque externa forma & terminatione aliud præ se ferrent, quàm quod reuera significare deberent? Quis enim huius rei usus esse potuisset, nisi ad decipiendos lectores, aut certè illos torquendos admiratione primùm, deinde inquisitione causæ, quâ inuentâ nullum esset operæ pretium. nempe in plurali illo Elohim nihil reperirent præter inanem terminationem pluralem vacuum significatione consentanea, in pluralibus verò verbis & adjectiuis adjunctis nihil, nisi habitam esse rationem inanis illius terminationis nominis Elohim. En scilicet egregium operæ fructum! Dehonestant profectò isti homines ea ratione Scripturam Dei, mirabili sapientia ubique splendescentem.

XXI. Sed id fit, inquit Socinus, *amplioris honoris gratia*.

Egregius scilicet honor, in sola plurali terminatione vocabulorum, prorsus inani, situs! Hunc scilicet honorem Deus experit, positum in syllabis! Itaque, ne nimius videretur quàm ut posset conuenire Deo, Socinus addit, *quem præter modum Deo tribui nunquam contingere potest*. Hic scilicet honoris est excessus quidam & summus gradus qui, si posset honos tribui Deo præter modum, nimius esset. Non pudet eos qui profitentur religionem Christianam sic sentire de Dei honore? Si honorificum est Deo vnicam esse personam, nec posse plures esse, quo id apertius significatur siue nominibus, siue verbis, eo magis honoratur: quia id exprimitur in quo sita est eius gloria. minus vero honorari videtur, cum id quod ei gloriæ opponitur, ei in speciem tribuitur nominibus & verbis numeri pluralis. Tum etiam ab hominibus afficitur honore, cum & de eo rectè sentiunt, & fidei internæ verba externa conueniunt, eamque apertius exprimunt. Si igitur piorum ea fides & fuit & debet esse, vnicam esse diuinam personam, non plures vllò modo, majori honore afficitur Deus, cum nominibus & verbis singularis numeri fidem istam suam profitentur, & conuenienter exprimunt, quàm cum vtuntur nominibus & verbis suæ isti fidei in speciem repugnantibus, pluralitatemque personarum in Diuinitate innuentibus.

XXII. Cum etiam controuersia esset maximi momenti illis temporibus inter fideles & idololatrias, vtrum essent plures dii, necne? negarentq; fideles, affirmarent idololatræ, non est existimandum, Deum eo modo loquendi magis honoratum fuisse qui ad errorem idololatrarum magis accommodatus videri posset, quàm ad veram fidem. Non potuisset enim Abrahamus loqui magis ad errorem Gentium accommodatè, quàm fecit, cum dixit, *cum dii errare me fecerunt à domo patris mei*. Consilium igitur sacri auctoris, cum sic se expressit, non fuit, vsurpare pluralem de Deo numerum amplioris honoris gratia, sed instinctu Spiritus sancti id fecit, ut notam quandam ibi poneret, vnde suo tempore agnosci posset Veteris Testamenti cum nouo in asserendo dogmate de Trinitate conspiratio.

XXIII. Obseruat Socinus non deesse, *qui prius illud testimonium Gen. 20. 13. de Angelis interpretentur, quorum ministerio Deus, in alloquendo atque à paterna domo educendo Abrahamo, usus fuisset. Cui simile est illud eodem libro cap. 35. 7. Nam ibi apparuerant*

ruerant ei dii &c. *quem locum non pauci de angelis loqui affirmant.* Quod autem ad prius illud testimonium atinet, quicumque illi sint qui ita sentiunt, falli mihi videntur. Primum enim causa nulla est, cur per Elohim eo loco Angelos intelligamus: vsurpantur enim alibi verba pluralis numeri de ipso Deo. Deinde cur Deum ipsum intelligamus causæ sunt idoneæ. Primò consensus horum Abrahami verborum cum eius ipsius historia, in qua qui ei apparuit, qui iussit è domo paterna egredi, quæcum errare fecit in terra Canaan, & modo ad Aquilonem, modo ad meridem, modò ad ortum, modò ad occasum progredi, is perpetuò Dominus seu Iehoua appellatur, idemque est qui fœdus cum eo ferit, & semen benedictum promittit. Deinde, cum certum sit ipsum Deum errare fecisse Abrahamum per terram Canaan, non fit verissimile, Abrahamum maluisse ià, angelis quàm Deo ascribere, aut Deo adjunxisse Angelos, tanquàm qui, & eiusdem speciei essent cum Deo, & cum eo eius è domo paterna errationis auctores.

XXIV. Adde quod constat ex Gen. 22. 11. 12. reuera duas personas autores fuisse Abrahamo, vt sic per Canaan erraret, quarum vna appellatur simpliciter Iehoua, altera, vt ab illa distinguatur, Angelus Iehouæ, sed tamen ita Angelus, vt idem fuisse Deus seu Iehoua non obscure significetur. *Ecce, inquit Moses, Angelus Domini de cælo clamanis ad eum dicens, Abraham, Abraham. Qui respondit, Adsum. & ille ait, ne mittas manum tuam in puerum, neque facias illi quicquam, quia iam cognoui quod timeas Deum, & non pepercisti filio tuo unigenito propter me.* dicendo propter me significat se illum fuisse qui hoc præceperat Abrahamo, & cui voluit Abrahamus filium suum immolando obedire, & rem gratam facere. Is autem sine dubio est Deus. Non enim existimandum est, Abrahamum voluisse vnigenitum suum immolare in honorem meri angeli, aut vsque aded amauisse certum quandam angelû creatum, vt propter eum non pepercerit filio dilecto suo, aut commendari hoc loco eius amorem erga angelum, & non potius erga Deum in quem crediderat, & quem sciebat posse mortuos suscitare.

XXV. Ad alterum verò locum Gen. 35. 7. quod spectat, *Nam ibi apparuerant* (vel potius *reuelati fuerant*: est enim Heb. 1722) *ei dii &c. per Elohim, deos, non esse intelligendos angelos*

Heb.

11. 19.

Fff

multa suadent. Primum, quod Angeli quidem apparuerant ibi Iacob, sed tantummodo ut nuntij Dei, non verò sub ea forma ob quam Elohim appellari possint. Sic enim reuelatio illa narratur Gen. 28. 12. *Et somniauit, & Ecce scala stans in terram, & summitas eius pertingebat ad cælum, & ecce angeli Dei ascendebant & descendebant per eam, & ecce Dominus stabat super eam, & dixit, Ego Dominus, Deus, (heb. Elohe, dij) Abrahami patris tui &c.* Scala illa fuit Christus, eodem Christo teste Ioh. 1. 52. *Ab hoc tempore videbitis cælum apertum, & Angelos Dei ascendentes & descendentes super filium hominis.* hoc est, vos re ipsa videbitis id ipsum quod Patriarcha Iacobus vidit per somnium. Ego sum illa scala quæ cælum iungit terræ. Ego is sum cuius beneficio communicatio est inter Deum & homines, & cuius vi Angeli seu nuntij Dei descendunt ad homines & ab his remeant ad Deum. Absque me foret, nulla esset inter cælum & terram, Deum & homines pax, communio, commercium. Non enim vult significare Dominus à se nuntios seu angelos ad Deum mitti, & à Deo ad se: Intercedit enim inter Patrem & Filium immediata prorsus communicatio, neque opus habet Filius, ut veniant ad se à Deo nuntij: ita enim in terra erat, sicut ista scala quam Iacobus vidit, ut simul esset in cælo, quemadmodum ipse testatur disertis verbis Ioh. 3. 13. Erat ipse in Patre & Pater in ipso, & quidem ita, ut alter absque altero videri non posset, essentque vnum. Itaque scala illa non erat terminus à quo, vel ad quem ascensionis & descensionis Angelorum, sed medium & causa, & id quod omnis illa communicatio nitebatur, habebatque in vna extremitate Iacobum dormientem, & in altera Deum loquentem ac promissione beneuolentiam suam testificantem. nempe Christus quatenus eiusmodi est scala habet in vna sui veluti extremitate se hominem verum Iacobum duodecim patriarcharum Ecclesiæ Christianæ parentem, somno mortis sepultum in terra, & in altera se verum Deum loquentem ac promittentem è cælo hæreditatem cœlestis Canaan illis, qui per fidem in eius mortem cum eo conscripti sunt, & cum eo resurgunt, ut in nouitate vitæ ambulent à domo paterna exulantes, & versus patriam cœlestem fugientes. ac propterea non considerantur hoc loco Angeli ut dij, sed simpliciter ut angeli, hoc est, nuntij, qui ascendunt ad cælum & descendunt de cælo beneficio scalæ, quâ nituntur, quæque eos sus-

stinet, & sine qua ipsi, ut ita loquar, caderent propria infirmitate, nec angelorum seu nunciorum functiones obire possent inter cælum & terram, seu Deum & homines.

XXVI. Sed redeamus ad locum Gen. 35. 7. is sic habet, *Et edificavit ibi altare, & vocavit locum El Beth-El, quoniam ibi ei revelati fuerant dii, cum fugeret à facie fratris sui.* Primum igitur Iacobus extruxit altare: solent autem altaria extrui ad cultum, non Angelorum, sed Dei. Deinde nomen imposuit loco *El Beth-El*, id est, *Dens Domus Dei*: potest autem domus vel nominatiui casus esse per appositionem, vel genitiui. Idem locus eodem capite *Ÿ. 19.* ab eodem Iacobo appellatur simpliciter Beth-El, id est, Domus Dei. Quomodo potuit locus ille Domus Dei esse & Deus, nisi typicè? Cuius autem rei fuit typus? Annon illius, quæ simul & templum seu domus Dei est, & Deus, in qua est scala terram cum cælo iungens, & altare super quo Deus colitur? Ea autem alia esse non potest quàm Christus, qui idem est templum seu domus in qua corporaliter habitat omnis plenitudo Deitatis, & scala cælum copulans cum terra, & altare absque quo frustra colitur Deus, & Deus, verè, inquam, & propriè Deus, immò Deus domus Dei, hoc est, Ecclesiæ suæ, necnon cæli. Sic paulò antè Gen. 33. *Ÿ. 20.* idem Iacobus erexerat altare, illudque vocauerat *El Elohe Israël*, id est, *Dens, Deus Israël*, cuius typi veritas alibi quæri non debet quàm in Christo, qui solus est verum altare. id quod Deo patri convenire non potest. Non me fugit esse qui hunc postremum locum vertant aliter, nempe sic, & *innocavit ibi Deum fortem Israël*, sed primum *וְלִי* in verbis *וְיָקָרָא* non potest significare *ibi*: est enim sine dubio dativus singularis pronominis tertiæ personæ *וְלִי*. Verbum autem *וְיָקָרָא* sequente dativo non significat inuocare, sed vocare, appellare. Deinde si seponas illud *וְלִי*, supererunt verba *וְיָקָרָא אֶל אֱלֹהֵי יִשְׂרָאֵל*, quæ nihil poterunt significare, nisi vocavit Deum Deum Israelis. Qui sensus non est appositus.

XXVII. Cur autem ibi Iacobus altare ædificauerit, & locum appellauerit El beth-el, id est, Deum, Domum Dei, ratio redditur verbis sequentibus, *Nam ibi apparuerant ei dii, cum fugeret fratrem suum.* Quæ ratio, si per Elohini qui illi apparuerant Deus intelligitur, optima est, uti quilibet videt; si vero intelliguntur Angeli, minus est appositum. Vocavit locum Domum Dei. Quid

ita? Quia ibi Angeli Dei ipsi apparuerant. Ratio videtur minus firma: possunt enim Angeli in eo loco apparere, qui non fit domus Dei. At apparuerunt ascendentes & descendentes per scalam, id quod domum arguit, nec aliud quam Dei. Itaque cum enigilasset exclamauit Iacobus, *Quàm terribilis est locus iste? Iste nihil est nisi Domus Dei, & ista est porta cœli.* Fateor sic quidem rectè colligi: sed hoc pacto considerabuntur Angeli Dei, non vt dii, aut vt domini domus, sed tantum vt famuli. Quo respectu non videntur appellandi fuisse Elohim seu dii. Hoc primum. Deinde sic ratio nulla reddetur, cur locum appellauerit non modo Domum Dei, sed Deum Domus Dei, vel Domum Dei: Nam quæ hæc est ratio, locum appellauit Deum, Domum Dei: quia ibi ei apparuerant Angeli Dei? Ea vero optima est, vocauit locum Deum, Domum Dei, quia ibi personæ diuinæ ei reuelatæ fuerant; sic nimirum, vt earum vna esset simul & Deus, & Domus Dei, & scala cœlum eum terra iungens: quam rem non potuit Iacobus conuenientiore nomine notare, nec cur sic notata fuerit, conuenientiore rationem Moses reddere.

XXV I I. Huc accedit, quod necesse est per Deos qui apparuerant Iacobo, vel Deum Israelis, vel Angelos, vel simul Deum Israelis & Angelos eius intelligere. Primum si dicitur, id ipsum est quod nunc probatum volumus. Secundum dici non potest: primò quia ibi non solum Angeli Dei, sed ipse etiam Deus Iacobo apparuerat: qui eò minus prætermitti hoc loco debuit, quòd, & ei altare illud Iacobus extruxerat, & nomen *El* singulari numero de eo solo usurpatur in Scriptura, & Deum quàm Angelos apparere multo majus est beneficium, & nomen Elohim de eo sine vlla comparatione frequentius dicitur, quàm de Angelis. Tertium pugnat cum versione, *Nam ibi ei apparuerant Angeli.* Deum enim Angelorum nomine, quasi de eorum numero esset, comprehendere non est rationi consentaneum. Sed neque etiam confundi Deus debet cum Angelis, ipsum eosque simul vno isto Deorum nomine, tanquam eodem sensu communi, intelligendo. Id enim est Angelos Deo aliquomodo æquare, & opinioni de pluribus. Dijs non obscurè fauere. Non igitur verti debent ista verba, *נבנל אליו האלחיו apparuerant ei Angeli*, sed, vt vertit ipse Vatablus, *apparuerat ei Deus.* Quæ versio cum eius annotatione ad marginem, *apparuerant ei Angeli*, (siquidem interpretatio est, &

non potius additio, etiam Angelos ei apparuisse) pugnat aperte.

XXIX. Obijcit nobis Socinus, Elohim, quamvis de vno tantum sermo esset, prolatum tamen fuisse numero multitudinis ab ijs, qui veri Dei cognitionem non habebant, quique pluralitatem aliquam personarum in vno Deo ne somniabant quidem. Nempe illi secuti sunt morem loquendi Hebræorum, qui nomen illud Elohim numero multitudinis de Deo Israelis, quem vnum esse profitebantur, vsurpare soliti erant, ipso Deo autore & comprobante. Quid hoc obest argumento nostro, quod non ducitur ab autoritate, aut cogitatione hominum nomen Elohim vsurpantium, sed Dei ipsius, qui non sine graui causa nomen pluralis numeri sibi ipse imposuit, eoque magis, quam alijs nominibus delectatus est?

XXX. Obijcit etiam nobis Caluinus, qui in explicatione horum verborum, *In principio creauit Deus*, &c. parum solidam sibi videri tantæ rei probationem, quæ ex nomine Elohim pluralis numeri duci solet, aperte significat. Quæ obiectio primum aliena est ab hac controuersia, in qua Aduersarij nullam admittunt autoritatem præter diuinam sacrarum literarum, ac propterea etiam nos ab omni aliorum librorum laudatione abstinuimus. Magno quidem est in pretio apud nos Caluinus merito suo, sed tamen in eius verba non iurauimus. Vnicus est doctor noster Christus, qui per Apostolos suos doctrinam suam perscribi curauit, & per Spiritum suum, eam cui, & quando, & quantum vult reuelat. Deinde (quod fortasse prima fronte mirum lectori nostro videbitur) idem sentimus cum Caluino. Non enim ex eo quod nomen Elohim est pluralis numeri colligi posse arbitramur, vbicunque vsurpatur de Deo, siue in primo capite Geneseos, siue alibi, id perpetuò tres personas notare. Fatemur enim vtrò, id modò Patrem, modò Filium, modò Spiritum sanctum, pro locorum circumstantijs, significare.

XXXI. Quod ergo, inquiet aliquis, est tuum ex hoc nomine argumentum? Aut quomodo potes ex eo plurali personarum diuinarum pluralitatem colligere, quod de vnica persona vsurpari potuit, & reuera vsurpatur nonnunquam? Id quidem in titio Disput. XXXVII. exposui, sed vereor ne brevis esse laborans obscurus fuissim. Explicabo igitur quod cum dixi paulò clarius & vberius.

Argumentum sic concipi potest. Si plurale nomen Elohim diuinitus impositum est Deo ob pluralitatem personarum diuinarum, necesse est esse plures personas diuinas. Non enim Deus illud nomen sibi ipse imposuit ob rationem falsam & absurdam. Atqui plurale nomen Elohim diuinitus impositum est Deo ob pluralitatem personarum diuinarum. Ergo necesse est esse plures personas diuinas. Negabunt sine dubio Aduersarij minorem. Ea igitur probanda nobis incumbit.

XXXII. Primum autem non negabunt, plurale illud nomen impositum fuisse Deo significando. Id enim Deus in Scriptura sibi tribuit frequentissime, immo prius & frequentius, quam vllum aliud ex suis nominibus, quorum nullum, præter plurale istud & eius singulare Eloah, (sine vlla comparatione minus vsitatum quam plurale) Deum; quatenus talis est, si mihi ita loqui liceat, species Entis, significat: El enim interpretantur Fortem, Schaddai Omnipotentem, Adonai Dominum, Eljon supremum vel excelsum, Hu Ipsum, Ehjeh propriè est Ero, Ichouah Erit, Iah est Ichouah contractum, solum plurale istud Elohim & eius singulare Eloah propriè est Deus. Quod enim affirmavit Socinus hoc nomen significare potentes, gubernatores, iudices, id ab eo sine vlla prorsus ratione dictum est. Nullum certè nomen est quo melius exprimat apud Græcos quam θεός & apud Latinos quam Deus.

XXXIII. Non negabunt etiam, opinor, plurale istud nomen Deo impositum fuisse ab ipso Deo, non autem ab hominibus. Primum enim lingua Hebræa omnium linguarum prima est, confessione omnium Iudæorum & Christianorum, id quod nomina imposita à Deo diei, nocti, cœlis, terræ, mari, Adamo, &c, ab Adamo Euz, ab Eva Caino & Setho, ab alijs Patriarchis filijs suis, abundè testantur. Ac propterea Deum habet singulari quadam ratione autorem. Quanquam etiamsi prima non fuisset, sed vna ex illis, quas Deus tunc creauit, cum hominum turrim Babel extruentium linguam confudit, tamen non posset alij, quam Deo, auctori ascribi. Itaque siue prima lingua sit, siue non sit, Deus huius suæ nominationis autor fuit. Deinde impositio nominum argumentum est autoritatis eius qui imponit in eas res quibus imponit. Qua propter Deus voluit Adamum nomina imponere cum Euz uxori, tum alijs animalibus quorum dominum eum constituerat: præcipuis verò huius mundi partibus cœlo, terræ, mari, luci, te-

nebris, noluit Deus nomina imponi ab Adamo, sed ipse has partes sibi reservauit, ut intelligeret Adamus, non se, sed Deum mundi dominum esse. Quis igitur credat Deum voluisse sibi Adami & totius mundi domino nomen ab Adamo pro illius arbitrio imponi?

XXXI V. Fortasse, inquit aliquis, Deus sibi nomen imposuit Eloah singulari numero, cuius plurale Elohim non tam diuina impositione quam hominum consuetudine, præsertim eorum qui plures Deos esse putabant, paulatim usurpari cœptum est de Deo. Quominus ita sentiamus obstat Moses, vel potius Deus, qui mundi creationem describens, & colloquium Euz cum serpente, necnon varios sermones primorum Patriarcharum referens plurali Elohim & primùm & frequentissimè vitur, singulari Eloah nunquam. Hoc enim singulare non compareret in quatuor primis libris Moysi, nec in quinto seu ultimo extat, nisi versus finem, ac bis tantummodo; Et, si Iobi librum excipias, in quo legitur quadragies, vix in tota Scriptura vices occurrit. Ex quo intelligi potest, rarum fuisse apud Israelitas singularis illius vsum, & iam ab initio mundi à primis parentibus usurpatum fuisse plurale Elohim Deo sine dubio autore, qui non tam sese & ipse nominauit, & ab hominibus nominari voluit singulari numero Eloah, quam plurali Elohim. Non est autem quod quis reponat, Deum se nominasse potius Iehouam. Primùm enim id non obstat quominus ab initio sese & ipse appellarit, & ab hominibus appellari voluerit, & appellatus fuerit, Elohim. Deinde nomen Iehouah non significat Deum: alioqui quicumque Deus diceretur, diceretur etiam Iehouah: sed est proprium nomen Dei Israelis, quo ab omnibus alijs dijs distingui voluit; ac propterea, quamuis omnes dij gentium dij appellarentur, tamen eorum nemo Iehouah vocabatur. Cum enim Gentium dij propria nomina haberent, quibus à se inuicem discernerentur, voluit etiam Deus sese à dijs gentium proprio nomine discerni, quod nomen vulgò legunt Iehouam. Itaque Moses, cum Deus sese Elohim appellasset, intelligens nomen Elohim tanquam commune, Gentium dijs tribui solere, proprium nomen scire voluit, quo Deus Israelis ab Ægyptiorum dijs internosci posset, Exod. 3. 13. Ex dictis, ut ego arbitror, satis manifestum est, plurale istud Elohim diuinitus Deo significando impositum fuisse.

XXX V. Impositum est autem sine dubio non temerè & sine ratione, sed prudenter admodum, & ob rationem aliquam memo-

rabilem. Id quod etiam ab Aduersarijs negatum iri non puto. Cum enim homines rei singulari nomen pluralis numeri imponere non soleant; præsertim cum res est vna per se & simplex, causam subesse oportet grauem, cur Deo qui naturam suam maximè singularis est, & vnus, & simplex, nomen impositum fuerit pluralis numeri. Videbatur enim vnitati naturæ diuinæ conuenire magis numerus singularis quàm pluralis. Cur igitur in nominando Deo pluralis numerus antepositus sit singulari, & quidem ab ipso Deo, causam aliquam esse necesse est dignam nostra inquisitione. Non enim id potuit Deo excidisse imprudenti.

XXXVI. Accedat lector ad legendam Scripturam vt Dei cognitionem adipiscatur, qua nihil potest esse optabilius homini. Occurret ei statim in primo capite, in primo versu plurale istud Elohim. Putabit autem sine dubio hoc nomen sibi ante omnia expendendum esse. Non nihil enim ad rei nominatæ cognitionem conferre solet nominis prudenter impositi consideratio. Agnosceret igitur statim, & mirabitur, nomen esse pluralis numeri, huiusque rei causam inquireret. Animaduertet etiam nomen illud plurale constitui cum uerbo singulari, quam anomaliam mirabitur esse tam frequentem, plusquam enim tricies recurrit in primo capite Scripturæ. Vbi autem ad secundum accesserit, augebit admirationem huius nominis pluralis cum singulari Iehoua frequens coniunctio. Ita enim duæ res quæ simul consistere non posse videntur simul copulantur, vnitatis & multitudo, singularitas & pluralitas. Fit autem ad istam admirationem accessio aliqua ex rei huius insolentia. Quæ enim alia res, vna perse cum sit, gaudet nomine plurali? Quæ alia res solet significari nomine plurali ferè perpetuò constructo cum verbo numeri pluralis? Quæ alia res solet duobus nominibus coniunctis appellari, quorum vnum sit numeri singularis, alterum pluralis? Quis credat diuino auctori ista excidisse temerè & sine ratione? Quis non agnoscat ea in re aliquid mysterij latere?

XXXVII. Noli mihi obijcere pluralia, Adonim, & Baalim. Illa enim non sunt nomina vni alicui rei singulari imposita. Illa significant formaliter relationes, quæ sunt in vno homine non raro plures, quæque respectu eiusdem serui potuerunt esse, & diuisæ inter plures dominos, & veluti collectæ & multiplicatæ in vno. Illa non solent ferè semper constitui cum verbo singularis numeri.

Illa.

Illa non iunguntur cum nomine singularis numeri, ut duobus eiusmodi nominibus, vno singulari altero plurali, tanquam nomine proprio, res aliqua singularis significetur. Illa non dicuntur de vno homine frequenter, & modò sine modò cum affixis; sed, & raro, & non sine affixis; ac nisi plures essent domini, pluralia illa in rerum natura non extitissent. Illa denique pluralia nemo de seipso, aut de eo quem alloquitur vsurpat in Scriptura, sed tantum de tertio.

XXXVIII. Cum igitur id factum non sit nisi ob grauem aliquam causam, in eam diligenter inquirendum est. Non enim id frustra Deus nobis ob oculos constituit, & quidem tam sapè. Id factum fuisse dicunt Aduersarij honoris causa. Afferunt-ne probationem aliquam? nullam prorsus. Iudæos ea in re sequuntur malè sentientes. Id iam à nobis, & quidem bis, refutatum est. Nec potest firmari exemplo modernarum linguarum, non modò quia ex illis æstimari non debet antiqua illa, & iam inde ab initio mundi vsurpata lingua Hebræa, sed etiam quia nihil est simile. Agitur enim de nomine plurali Deo, & quidem ante omnia alia nomina imposito. Est-ne in vlla lingua mos vni rei singulari nomen plurale imponendi honoris causa? tantum abest ut id fiat, ut ne quidem quisquam honoris gratia appellari soleat nomine plurali. Omnis iste honos in verbis & pronominibus poni solet, nunquam in nomine, quo compellatur, nisi fortè cum vtimur nomine abstracto. Hic autem contrà est. Verba & pronomina sunt ferè semper singularis numeri, nomen pluralis. Deinde vtimur plurali numero aut de nobis ipsis, aut de eo quem compellamus, aut de tertio. De nobis numero multitudinis loquimur, non honoris, sed modestiæ causa. Etiam reges, (qui nunquam se nomine pluralis numeri appellant) cum verba de se & pronomina pluralia vsurpant modestius loqui videntur, durius & majori cum ostentatione auctoritatis cum vsurpant singularia. Alios verò compellamus verbis & pronominibus numeri pluralis honorandi eos gratia: At cum de illis in tertia persona loquimur, nunquam vtimur plurali. Hic verò fit aliter: nam quicumque loquuntur, seu Deus de semetipso, seu homines de Deo, vel ad Deum, illi in Scriptura plurali nomine Elohim uti solent constructo cum verbis & pronominibus singularis numeri. Id quod ab earum linguarum, quæ hodie obtinent, consuetudine valdè abhorret. Nomina etiam Adon & Baal,

vt iam obseruauimus, non vsurpantur numero multitudinis de vno homine nisi in tertia persona. Nemo alium hominem nominibus illis compellat numero plurali. Solus Deus nomine plurali Adonai compellatur in Scriptura. Id eius proprium est. Adiunguntur autem illi plurali verba & pronomina singularis numeri.

X X X I X. Denique in hodiernis linguis vernaculis, quos honoris causa compellamus, adhibitis, non iam nominibus, (id enim per absurdum haberetur.) Sed verbis & pronominibus pluralis numeri, eos perpetuò eodem modo compellamus. Si igitur honoris causa & nomina, & verba & adiectiua & pronomina vsurparentur de Deo numero plurali, id semper fieret, aut saltem frequentissimè: semper enim honorandus est Deus, loquendumque & de eo, & ad eum admodum honorificè. Nam si eiusmodi pluralibus honore afficitur Deus, priuatur is profectò debito honore, cum de eo, vel ad eum loquimur vsurpato solo singulari numero, & mirum est eiusmodi honore eum fuisse in Nouo Testamento à Christo, ab Apostolis & Euangelistis, à tota Ecclesia primis post promulgatum Euangelium seculis omnino priuatum. Non est autem quod quis hoc argumentum existimet in nos ipsos posse retorqueri, hoc pacto. Si nomina, verba, pronomina & adiectiua, ob pluralitatem personarum diuinarum plurali numero vsurpantur de Deo, ea eodem illo numero vsurpanda fuerunt de Deo aut semper, aut sæpissimè ob eandem illam causam: quoniam semper pluralitas personarum conuenit Deo. Non enim par est ratio. Nam honorandus est Deus semper. Nunquam de eo loquendum est aliter quàm honorificentissimè. Nunquam homines eum alloqui debent nisi cum summa reuerentia, summo honore. At non fuit necesse dogma de Trinitate personarum diuinarum vbique inculcari. Satis fuit illud certis locis modò apertius doceri, modò obscurius insinuari, prout visum fuit sapientiæ diuinæ mysteria religionis Christianæ in Veteris Testamenti varijs locis variè reuelare.

X L. Iam igitur, opinor, constat, Deo nomen Elohim plurali potius quàm singulari numero tributum fuisse, non simpliciter honoris causa, sed ob aliam causam, quæ alia esse non potest quàm pluralitas quædam. Quid enim aliud significari possit numero plurali quàm pluralitas? Non enim differt à singulari nisi pluralitate. Dent nobis Aduersarij si possunt aliam causam, ob quam plu-

alis numerus potius quam singularis tribuendus Deo fuerit. Nulla profecto alia animo concipi potest. Ob quam igitur pluralitatem Deus plurali numero appellari potuit & debuit Elohim? Profecto sic appellari non potuit ob aliam causam, quam ob pluralitatem personarum.

XL I. Primum enim alia nulla pluralitas idonea causa esse potuit huius appellationis. Non pluralitas relationum. Relationem enim nomen Elohim non significat. Alioqui Deus non fuisset ab æterno Elohim, id est, Deus. Antecedit etiam ista Dei appellatio in Scriptura omnem creaturæ ad quam Deus referri potuisset mentionem. vocatur quidem Deus Abrahami, Isacii, & Iacobi, Deus Israël, Deus exercituum, sed quemadmodum nemo inde colliget, Abrahamum, Isaacum, Iacobum &c, propriè loquendo esse correlata, sic nemo colligere poterit, Elohim seu Deum esse relatum. Sic cum aliquis in Scriptura dicitur homo Dei, ineptus esset, qui inde confici posse putaret, hominem significare relationem. Adde quod nemo vnquam ob pluralitatem relationum plurali nomine appellatur. Erant Dauidi plures filij filiarque, Salomoni plures vxores, Regi Persarum plura regna, num propterea vocati sunt plurali numero Dauid patres, Salomon mariti, rex persarum reges? Nimirum patres, mariti, reges, aliarque relationum nomina, vt loquuntur, concreta, pluralitatem significant non relationum, sed personarum in quibus relationes insunt.

XL II. Idem dicendum est de multitudine operationum. Nam neque nomen Elohim formaliter operationem significat, neque multitudo operationum efficere potest, vt plurali nomine quisquam vnus & singularis aut appelletur, aut appellari possit. Itaque nemo ob multitudinem creationum Deum appellauerit creatores, aut ob multitudinem iudiciorum iudices, aut ob multitudinem actionum causas vel agentes. Nimirum nomina illa & similia non significant pluralitatem operationum, sed eorum, vnde operationes proficiuntur.

XL III. Idem etiam existimandum est de multitudine potentiarum aut proprietatum. Non puto Elohim formaliter significare potentiam, sed deitatem: sic enim apud Græcos nomen *θεός* significat *deïtatem*, & apud Latinos nomen Deus significat deitatem. sed fac significare potentiam, vt loquuntur, in concreto, quemadmodum qui potentem dicit singulari numero, personam

dicat præditam potentia; sic qui potentes dicunt plurali numero, personas dicunt præditas potentia. Perpetuò eiusmodi nomina, cum numero multitudinis efferuntur, multitudinem seu pluralitatem significant suppositorum seu personarum. Itaque Deus sibi potius abstractum nomen indidisset quàm concretum, si eius plurali pluralitatem potentiarum, aut actionum, aut relationum significare voluisset.

XLIV. Deinde hoc ipsum sic potest confirmari. Quam rem nomen aliquod in singulari numero significat, eius rei pluralitatem idem nomen in plurali numero significare necesse est, siquidem retinet nomen plurale singularis sui significationem. Atqui nomen Eloah in singulari numero significat personam diuinam. Ergo idem nomen in plurali numero significare necesse est pluralitatem personarum diunarum. retinet enim sui singularis significationem, nihilque ei addit præter pluralitatem. Eodem, inquit aliquis, argumento probabo plurale Elohim significare pluralitatem Deorum. Nam si singulare significat Deum, certè plurale significat Deos. Prius autem est verum. Ergò & posterius. Quid autem, inquam, intelligis per Deum? Nonne personam diuinam? personam præditam natura diuina? Ergo per Deos intelligis personas diuinas, personas præditas natura diuina. Hactenus igitur objectio ab argumento nostro nihil differt. Iam autem personæ diuinæ seu diuina natura præditæ duobus modis concipi possunt: vno tanquam præditæ diuersis naturis: altero, tanquam præditæ eadem natura. Cum de dijs gentium agitur, quoniam illi tanquam personæ diuersis naturis præditæ concipiebantur, significat singulare Eloah, Deum, hoc est, personam ab omni alia persona diuina diuersam naturâ, ac propterea plurale Elohim significat plures personas diuinas naturis diuersas, id est, plures Deos. At cum de personis verè diuinis agitur, quoniam illæ concipi debent tanquam præditæ eadem natura diuina, significat singulare Eloah Deum, hoc est, personam præditam diuina natura, non diuersâ ab ea, qua præditæ sunt alix personæ diuinæ, sed eâdem, ac propterea plurale Elohim significat plures personas eadem diuina natura præditas. id quod non est significare plures deos, sed plures personas quæ sint vnus Deus. Illud igitur negari non potest, nomen Elohim plurali numero aliam pluralitatem significare non posse quàm personarum.

siue personæ illæ naturis diuersis præditæ sint, siue eadem. Plures autem duabus personas illas esse necesse est : Elohim enim duale non est, sed plurale.

XLV. Accedit ad superiora hoc quoque argumentum, quod cum hoc nomine res ipsa conspirat. Apparent enim in Scriptura plures personæ diuinæ, & quidem in ipso primo libro Moïsis. Non reponam hoc loco ea loca & argumenta quæ jam laudaui. Gen. cap. 16. *¶* 10. *Dixit ad eam Angelus Domini: multiplicando multiplicabo semen tuum, & non numerabitur præ multitudine.* Hic duæ apparent personæ distinctæ. vna vocatur Dominus, vulgò Iehoua. altera Angelus Domini. Prior sine dubio est persona diuina. Posteriorem etiam personam diuinam esse probant; Primò eius verba, *multiplicando multiplicabo semen tuum.* quis enim ita loqui verè possit, præter vnum Deum naturæ & gratiæ auctorem? Deinde verba Agarit *¶* 13. *Et vocauit nomen Domini (Iehouæ) loquentis cum ea Tu Deus (Heb. El) vides me.* Qui igitur cum ea loquebatur idem Angelus Domini erat & Dominus ac Deus. Sunt ergo plures personæ communi nomine Domini & Dei præditæ.

XLVI. Confugient ne iterum Aduersarij ad suam illam responsionem iam aliquoties à nobis refutatam, Angelum illum sustinuisse personam Dei, itaque & Deum & Dominum appellatum fuisse; necnon ita locutum, ac si reuera fuisset Deus. At quid erit tam disertum tamque perspicuum quod non possit ea ratione eludi? Aut quo argumento poterit persona aliqua probari diuina esse, si tam, vt loquuntur, formalia & expressa testimonia non sufficiunt? Ecquis non videt personas illas tam apertè distingui, vt confundi non debeant? Cum dicitur *Angelus Domini dixit ad eam, multiplicando multiplicabo*, &c, persona Angeli distinguitur apertè à persona Domini cuius fuit Angelus, quis ergo credat Angelum illum loqui non tanquam Angelum Domini, sed tanquam illam ipsam personam cuius dicitur Angelus? Quis credat eum deposita Angeli Domini persona, assumptaque Domini illius persona cuius angelus appellatur, id dixisse quod dixit? Quis credat cum vocatur Dominus & Deus, per Dominum & Deum eandem personam intelligi cuius dicitur Angelus? Quæ hæc esset personæ missæ & mittentis confusio? Quid? cum Angelus inducitur dicens, Ego sum Iehoua, Ego sum Deus Abrahami &c, vt fit non-

Gen. 31. nunquam, nūm sensus est, Ego sum illa persona cuius dicor Angelus, Ego is sum à quo sum missus, & à quo venio nuntius?
 11. 13. Ita Scriptura non sine aperta falsitatis & contradictionis specie
 Exod. 3. personas relatiue oppositas tribueret eidem eodem tempore. Cur
 2. 6. Scriptura sic loquitur. *Et dixit Angelus Domini ad eam: multiplicando multiplicabo semen tuum*, nisi vt doceat verba illa, *multiplicando multiplicabo* &c. esse verba Angeli Domini? & cur docet esse verba Angeli Domini, nisi vt doceat Angelum Domini cum esse verba Angeli Domini, nisi vt doceat Angelum Domini cum esse qui multiplicando multiplicaturus erat semen Agaris? Quod si hoc docere noluit Spiritus Sanctus, cur igitur non dixit simpliciter, *Et dixit Dominus ad eam*? Cur illius qui hoc dicit *multiplicando multiplicabo* &c. personam describit, si is ex sua illa persona, quæ describitur, hoc non dicit? Quorsum enim illa descriptio personæ hoc dicentis ad Agarem pertinisset, nisi vt videretur falso sibi tribuere id quod sibi non conueniebat? Nam si hoc non dicit ex persona Angeli Domini, sed ex persona illius ipsius Domini cuius appellatur Angelus, quis non videt inter descriptionem personæ quæ hoc dicit & eius verba pugnam quandam intercedere, minimèquæ seruari decorum personæ, quæ loquens inducitur?

XLVII. Obijciat mihi forsitan aliquis exemplum Moïsi, qui Deut. 11. 14. 15. loquitur quasi esset Deus. *Dabo*, inquit, *pluiam terræ vestre in tempore suo* &c. *Dabo quoque herbam in agro tuo* &c. versio Græca & vulgata Latina habent in tertia persona *Dabit*, sed in textu hebræo est *נתתי* *Et dabo*. Si Moïses eo loco assumpsit personam Dei, & loquutus est vt Deus, cur non potuit similiter Angelus Domini assumere personam Domini & loqui vt Dominus? Hanc objectionem in libris Aduersariorum non legi, sed, vt alibi dixi, veritatis causâ scribo non victoriz. Non dicam subaudiri verba, *dicat Dominus*, calore dicendi, vt ita dicam, absumpta. Dicam hoc ipsum confirmare fidem nostram de diuina Domini nostri natura. Eius enim Moïses insignis typus fuit. Typo autem nonnunquam id tribuitur quod ei non conuenit, sed rei tantum significatæ, vt patet ex 2. Sam. 7. 13. 14. Psal. 45. alijsque multis locis. Qualis igitur Moïses fuit typicè talis esse debuit Christus reapse, qualis ille fuit vmbraçiliter talis hic fuit corporaçiliter. Concurrerunt quidem duo genera typorum ad eum mediatorum Dei & hominum adumbrandum Angeli & Homines, in-

primis Moses. Illi eum adumbrarunt secundum eius naturam diuinam, hi secundum eius naturam humanam potissimum. ut autem duarum illarum naturarum vnio personalis, quoad eius fieri potuit, etiam in Mose adumbraretur, Primum iubetur sic dicere filijs Israël Exod. 3. 14. *Ero misit me ad vos*, primam & tertiam personam simul copulans, ut innueret se illum qui futurus erat aliquomodo & esse & non esse: esse typicè & non esse reip̃sa: Illum autem, qui futurus erat, Deum Israël esse. Deinde Exod. 4. 16. *Tu, dicit ei Deus, eris ei*, nempe Aaroni, *in Deum*, & Exod. 7. 1. *Ecce constitui te Deum Pharaoni, & Aaron frater tuus erit Propheta tuus*. Denique hoc loco ipse Moses, quasi is esset quem adumbrabāt, *dabo*, inquit, *vobis pluiam in tempore*. sic in hoc Christi veri mediatoris typo nota quædam diuinitatis, sed, ut vmbra deuit, obscura & vmbra tilis micuit.

XLVIII. Vtar alio exemplo ex eadem Genesi petito cap. xix. 24. *Et Dominus pluit super Sodomam & Gomorrhā ignem & sulphur à Domino è cælo*. In his verbis persona quæ pluit distinguitur à persona à qua pluit, gaudetque vtraque communi Domini seu Iehouæ nomine. Si negas, doce igitur quare sit hoc additum, à *Iehoua*. Nonne enim verbis illis, *Iehoua pluit*, satis significatum fuerat, pluuiam illam profectam fuisse à Iehoua? Cur igitur non contentus dixisse *Iehoua pluit*, subjunxit à *Iehoua*? frustra ne hoc additum est hoc loco quod alibi non legitur additum, quodque adeò cum sit rarissimum non potest non afficere lectorem? solent enim quæ sunt admodum rara diligentius considerari & majore in pretio haberi, quàm quæ minùs rara sunt. Significat, Inquies, Iehouam pluuisse à seipso. scilicet verendum erat, ne putaretur Iehoua pluuisse ab alio quàm à Iehoua! Seposita distinctione personarum diuinarum quorsum hæc observatio pertinere possit non intelligo. Dices eò pertinere, ut innuatur, Iehouam pluuisse à seipso immediatè. Dixisset igitur, inquam, potius *per Iehouam* quàm à *Iehoua*. hæc enim locutio non est comparata ad excludendas causas instrumentales, nihilque prohibet, quominus Deus dicatur facere aliquid à seipso per angelos aut homines. Ioh. 10. 18. *Pono*, inquit Dominus, *animam meam à me ipso*. Hocne dicit ut excludat causas instrumentales, Iudeos & Romanos? 2. Chron. xi. 4. *à me facta est hæc res*, quæ tamen facta fuerat per decem tribus Israël. Ac ne alia

exempla conquiramus, non est credibile sacrum historicum ministerium eorum Angelorum excludere uoluisse, qui se missos profitentur à Domino ad perdendam Sodomam hoc ipso cap. Gen. 19. *℣.* 13. Omnino quoquo se vertant Aduersarij idoneam rationem afferre non poterunt, cur sit additum מאת יהוה *mei*, à Domino, Gallicè *de la part du Seigneur*. Fatendum est igitur duas personas diuinas innui, quarum vna pluit ignem & sulphur ab altera. Distinguntur efficiendi modo & loco. Pluit enim vna ab altera, atque adeò hæc per illam siue mediante illa. Pluit illa apparens in terra aut iuxta terram, hæc verò sedens in cælo. Nam ex tribus illis viris qui Abrahamo apparuerant, ille qui, & Dominus appellatur, & loquitur tanquam iudex mundi, non legitur cum duobus alijs ingressus esse Sodomam & exceptus hospitio à Lotho, sed videtur Lotho è Sodoma educto apparuisse, atque eum fuisse quem Lotho precatur *℣.* 19. & 20. quique, vt Dominum decebat, eum exaudit *℣.* 21. Hoc autem totum sic prudentissimè scriptum est, vt extaret in ea historia typus vel specimen, vel, vt loquitur Iudas, *τύπος*, aut, vt ait Petrus, *ὑπόδειγμα* futuri impiorum iudicij. Descendet enim è cælo Filius, cui Pater omne iudicium dedit, isque à Patre suo destruet omnes impios igne æterno ac sulphure. vt igitur hac quoque in parte typus & res adumbrata, aut si mauis specimen & id cuius est specimen sibi mutuo, vt par erat, responderent, duæ personæ inducendæ fuerunt, quarum altera iudicium illud exerceret ab altera, Filius nempe à Patre.

Iud. 7.

2. Pet.

2. 6.

X L I X. Subiungam & tertium locum ex eodem libro Gen. xi. vbi Dominus, de quo vsurpata fuerant verba singularis numeri, *Descendit, videret, dixit*, vers. 5. & 6. inducitur vers. 7. sic se & alias personas diuinas cohortans, *Agite, descendamus, & confundamus ibi labium eorum*. Ad hunc locum respondet Socinus in hoc eodem fragmento his verbis, *Observandum est hoc loco, paullo superius ab hominibus illis urbem & turrin construere volentibus dictum fuisse, Venite faciamus lateres, &c. & iterum, venite faciamus nobis ciuitatem, & turrin. Vnde *κατὰ μίμονιν* quandam, ea verba à Deo, qui simul eos irridere, & eorum incaptum atque conatus irritos se facturum dicere volebat, prolata fuisse planè verissimile est, adeò vt etiam si eum ipsum, & de seipso tantum loquantem Deum fuisse statuamus, nullam tamen pluralitatem in ipso per numerum illius*

lms

lum pluralem significari appareat. Primum, Est-ne mimeſis cum alio tempore, ad alias perſonas, alia verba ſeriò pronunciantur, ſeriòque executioni mandantur; ſic, vt nihil ſit ſimile præter genus ſermonis qui utrobique hortatorius eſt, & verborum numerum pluralem? Illi homines diu antè dixerant, *venite faciamus lateres, &c. Venite & faciamus nobis civitatem & turrim, &c.* Deus alio tẽpore ad alios dicit, *Venite descendamus, & confundamus labium eorum.* Quid eſt ſimile niſi illud *venite* heb. *וּבֵרְכֵהוּ* interieccio hortantis *Eia, Age, Agite?* Fuitne in plurali numero, quo ſe alij alios, quia reuera plures erant, cohortati fuerant, aliquid, aut falſi, aut inepti, quamobrem ficti pluralis numeri imitatione, propterea quod uſi eſſent numero plurali, deridendi eſſent? Erat-ne tanti apud Deum eiufmodi Mimeſis, vt eam qualemcunque maller, quàm perſonæ ſuæ & ædificationi Eccleſiæ conuenienter loqui? Loquantur ſanè κατὰ μίμωσιν aliter quàm oportet, illi, quorum conſilium eſt aut fallere, aut delectare tantum. Qui ſeriò aut hiſtorias ſcribunt, aut docent hos veritatis potius rationem habere decet quàm eiufmodi figuræ ſermonis, quæ minus, & veritati orationis conueniat, & gravitati loquentis.

L. Adde quod iam Deus ſeſe fuerat plurali numero cohortatus, *faciamus hominem ad imaginem noſtram* &c, nec tamen κατὰ μίμωσιν. Iam ſe plures eſſe perſonas aperte & diſertè docuerat dicendo, *Ecce Adam factus eſt ſicut unus ex nobis*, nec tamen in eius illis verbis vlla fuerat Mimeſis. Quod igitur pluralem de ſe numerum uſurpat, id non eſt aſcribendum ſtudio homines illos imitandi, eorumque verba eſſingendi, deque ſeſe vno ſic loquendi quemadmodum illi de ſe pluribus loquuti fuerant. Quanquam etiamſi aliqua in verbis illis eſſet Mimeſis, ea tamen figura impedire non deberet, quin quàm appoſitè de ſe pluralem numerum homines illi uſurpauerant, tam etiam appoſitè & verè Deus de ſe pluralem uſurparet numerum. An enim quia de pluribus pluraliter loquuti fuerant, vt eorum Deus imitaretur ſermonem, ei fuit loquendum pluraliter de vnica perſona ſingulari? Num tanto ſtudio eos homines imitandi flagrabat Deus, vt ſuæ ipſius ſingularitatis obliuiſceretur? Num ita tenebatur ſtudio inanem quandam ſyllabarum ſimilitudinem aucupandi, vt propterea ſenſum negligeret, pluraliterque efferret quod nollet accipi pluraliter? Num voluit lectores in eo plurali expendendo operam ſuam in-

utiliter collocare, vt post multam disquisitionem nihil inuenirent, nisi pluralem illum esse inanem & vacuum sensu, studio imitandi pluralem illum numerum quo turris Babel extructores vsi fuerant, à Deo (adedò impensè huiusmodi imitatione delectabatur) sine vlllo alio vsu effectum? Capratne Deus sine vlllo fructu tales leuiculas figuras, quibus delectari solent homines irrisores? Decetne nos ita versari licenter in verbis ipsius Dei interpretandis, ac si alicuius hominis essent? Quanquam nescio an eiusmodi Mimesis, qualis ista foret, cadere possit in auctorem prudentem & grauem.

L I. Præter superiorem responsionem huius loci propriam, duas alias adhibet veluti subsidiarias Socinus, quas locis Gen. 1, 16. & 3. 22. iam aptauerat nosque à V Volkelio, & Schlichtingio propositas iam refutauimus. Earum responsionum prima est, Deum sese & Angelos suos compellare verbis illis, *Venite descendamus, & confundamus linguam eorum.* Id quod, inquit, *hic tantò rectius dici potest, quantò in confundenda lingua eorum hominum verisimilius est, Deum angelorum opera usum fuisse, quàm in homine condendo, cum nulla hic prorsus suspicio sacrilegi futura sit, si eius operis, linguam scilicet hominum confundendi, angelos participes faciamus. per quos multò præstantiora opera Deum sepiùs patrasse compertum est.* Non repetam argumenta, quibus hoc commentum iam refutaui ad Arg. xxxvii. § 27. 28. 29. 30. 46. 47. 48. 49. 50. 51. Retorquebo illud ipsum quod Socinus hoc loco vrget. Quid enim est hoc loco confundere linguam? Nonne in instanti materiam linguam ex animo delere, & nouam in illius loco creare? Tantumne igitur possunt in hominum mentes Angeli? Num Scriptura tale quiddam illis alicubi tribuit?

L I I. Certè hoc loco altum est de Angelis silentium. Qui loquitur, qui exequitur Dominus seu, vt vulgò pronunciant, lehoua appellatur, quod nomen ei non est cum angelis commune. Quos autem secum cohortatur, eos, veluti socios & sibi naturæ æquales, compellat, ac tanquam secum eiusdem descensus participes, & confusionis linguarum autores, id quod est eos sibi æquare. Quorsum igitur id pertineret si angelos alloqueretur, nisi vt insinuarer, secum angelos diuisum habere mundi imperium, esseque suos in genere humano creando & gubernando socios, sibi propterea in cultu ab hominibus exhibendo adiungere.

dos? Fac ergo Deum angelorum opera ad confundendam linguam hominum & nouas linguas in eorum animis creandas vsum fuisse. vsus ne est eorum opera tanquam seruorum suorum, an tanquam sociorum? tanquam seruorum, opinor. Cur igitur non dixit potius in imperatiuo, Agite, descendite, confundite linguam eorum? Cur se non tanquam Dominum, sed tanquam socium illis adiunxit? Cur hæc linguæ confusio, & quæ ea ratione facta est, hominum dispersio in sequentibus versibus soli Domino tribuitur, & quidem ter, adhibitis verbis singularis numeri, neque ei in eo opere adiunguntur angeli? Cur dixit *Descendamus*, quasi eodem sensu de suo & eorum quos secum alloquebatur descensu verbum illud vsurparetur, cum certum sit longè alio sensu Deum, alio angelos dici descendere? Ille enim duntaxat figuratè, hi verò propriè descendere dicuntur. Cur denique dixit, & *confundamus*, quasi ipse per sese immediatè vna cum illis personis, quas alloquebatur, rem illam mandaturus esset executioni? Nam si vsus est opera seu ministerio angelorum, partes eius fuerunt imperare, angelorum exequi.

LIII. Alteram responsionem Socinus his paucis verbis proponit. *Quod verò*, inquit, *de numero plurali singularis loco usurpato diximus, hic plausibilis multò videri potest, cum Deus hoc loco manifestè, tanquam imperium & auctoritatem habens, loquatur.* Hoc quoque ipsum retorqueo. Cum enim homines illi dicerent, *quisque ad proximum summo, venite faciamus lateres &c, venite faciamus ciuitatem &c*, num loquebantur tanquam imperium & auctoritatem habentes alij in alios? Contrà est potius. Loquebantur tanquam socij ad socios. Cum igitur Deus dicit similiter, *Venite descendamus, confundamus*, non loquitur tanquam imperium & auctoritatem habens in eos quos secum alloquitur, sed contrà potius, tanquam qui vnus sit de eorum numero, & qui velit cum illis manum operi illi admouere, immò quasi non minùs ab illis quàm ab ipso pendeat operis illius effectio, quasque non possit ab ipso fieri, nisi illis consentientibus ac concurrentibus. itaque non minus se, sibi sine dubio æqualem, quàm eos, verbis illis compellat & cohortatur, ac propterea nullam præ se ferunt verba illa auctoritatem, nullum imperium. Ex quo intelligitur, nec Angelos compellari, nec Deum de se ipso numerum pluralem vsurpare honoris causa, aut auctoritatis ostendendæ gratia.

LIV. Addam & quartum locum ex Pl. xcvi. *ſſ. 7. Hodie ſi vocem eius audieritis, nolite obdurare corda veſtra, &c.* Nonne hic duæ apparent perſonæ, vna quæ loquitur, altera quæ pronomine *Eius* ſignificatur? Cur enim non dicit qui loquitur *vocem meam*, ſed, *vocem eius*, niſi vt ſe ab eo cuius vocem commendat ſignificet perſonam eſſe diſtinctam? Iam autem negari non poteſt, quin vtraque illa perſona ſit diuina, ſit Deus. Illa quidem cuius vox commendatur: refertur enim pronomen *Eius* ad eum de quo agebatur, cuiusque nomen exprimitur in verbis antecedentibus. Is autem appellatur Dominus & Deus, & mare, & aridam, & homines feciſſe affirmatur. Illa etiam quæ loquens & Dei vocem commendans inducitur: Id enim ipſa teſtatur verbis ſequentibus. *Sicut in irritatione ſecundum diem tentationis in deſerto, ubi tentauerunt me patres veſtri: probauerunt & viderunt opera mea. Quadraginta annis offenſus fui generatione illa, & dixi ſemper hi errant corde & iſti non cognouerunt vias meas: & iuravi in ira mea, Si introibunt in requiem meam.* Sunt igitur ſaltem duæ perſonæ diuinæ, quæ in deſerto ſuas partes egerunt. vna apparuit Moſi in monte Sinai, è cuius cacumine & Moſem & populum Iſraeliticum allocuta eſt certo tempore. Altera fuit cum Moſe & populo Iſraelitico quandiu peregrinati ſunt in deſerto. Hæ duæ perſonæ ita diſtinguntur, vt hæc dicatur Angelus illius, ſed Angelus in quo eſſet nomen Domini, quique eſſet præditus ſumma auctoritate, vt patet ex cap. 23. Exod. *ſſ. 20. 21.* vt autem hæc perſona fuit Angelus Domini qui loquebatur è monte, ſic Dominus qui è monte loquebatur erat Angelus Domini, vt patet ex Exod. 3. 2. Act. 7. 38. &c. Erant igitur tres perſonæ. vna erat tantum Dominus ac mittens. Altera erat ita Dominus, vt tamén Angelus diceretur illius Domini. Tertia erat etiam ipſa & Dominus, & Angelus Domini illius qui loquebatur è Monte. Prima miſerat ſecundam, ſecunda tertiam. Reſpondebant tres illæ perſonæ tribus perſonis diuinis in Euangelio reuelatis. Pater non mittitur ſed mittit. Filius miſſus à Patre loquutus eſt certo tempore è cacumine montis Sion, ſœdusque Euangelicum promulgauit. Spiritus Sanctus miſſus à Filio, in medio fidelium eſt quandiu peregrinantur in hoc mundi deſerto, cuiusque partes ſunt efficere, vt voci Filij auſcultemus. itaque auctor Ep. ad Heb. obſeruaui eum qui dicit, *Hodie ſi vocem eius audieritis &c.* eſſe Spiritum Sanctum.

LV. Hæ eadem tres personæ diuinæ inducuntur loquentes Ps. 2. Pater *¶* 6. *Ei ego unxi regem meum super Sion montem sanctitatis mee.* Filius *¶* 1. 7. 8. 9. *Narrabo Decretum.* Dominus dixit ad me, *Filius meus es tu, hodie genui te.* Spiritus Sanctus *¶* 1. 10. 11. 12. *Nunc ergo Reges,* &c. Horum trium testium diuinis testimonijs & verbis, non autem armis carnalibus, patefactum est quàm stulti atque irriti fuerint hostium Domini nostri Iesu Christi, cum eum condemnarunt & morte affecerunt conatus, quàm vana consilia. Solo Patris, Filij, & Spiritus Sancti verbo, hostes Dei & Christi oppugnantur efficaciter, & debellantur. itaque nihil aliud eis eo plalmo opponitur.

LVI. Possem etiam addere hoc loco verba Domini apud Esai. 6. 8. *Quis ibit nobis,* hoc est, mihi & Patri meo : sunt enim verba Filij, vt probatum est à nobis Disp. 1. necnon refellere ineptam Socini coniecturam, qui in hoc ipso fragmento affirmat, Deum in hoc loco *sine dubio dixisse* Mi jelech lanu *pro* Mi jelech lo mimmennu. Hoc est, *Quis ibit nobis, pro quis ibit ex nobis.* Atque in ea re *miram esse elegantiam*, deque suo isto inuentro, tam scilicet egregio, modesta quadam ratione gloriatur. Rationem huius suæ affirmationis & verborum illorum contortionis nullam affert. Putauit, opinor, sibi sine ratione, non minus quàm olim Pythagoræ, credi debere. Sed neque necesse est omnia ad examen reuocare, & nolo istam additionem longiorem facere.

LVII. Vt igitur ad plurale Elohim redeam, Si in vtriusque Testamenti Scriptura plures personæ diuinæ apparent, quid est quamobrem non existimemus, ob eam pluralitatem plurale illud nomen impositum Deo fuisse? Cur enim aliam fingamus pluralitatem, cum hæc sola sit & nominis illius numero, & significationi, & reuelationi diuinæ consentanea? Sic abundè confirmatum nobis videtur Argumentum nostrum ex numero plurali nominis illius petitum. Ne quis tamen scrupulus hæreat in animo lectoris, Distingui velim diligenter inter causam impositionis nominis & eius impositi vsum. Quæ distinctio firmari potest multis exemplis. Nomina Hebræa membrorum, quæ sunt in corpore humano bina, loco pluralis numeri dualem habent. Cur, nisi quia in vnoquoque homine non sunt eiusmodi membra plura duobus? Dux tantum sunt aures, duo oculi, dux manus, duo pedes &c. vtuntur tamen istis dualibus nonnunquam Hebræi,

tanquam pluralibus, ad plures oculos, manus, pedes &c. significandos. Ratio cur expanso seu cœlo nomen duale *schamaym* impositum fuit est cœlorum, vt ita loquar, dualitas: sunt enim duo cœli; vnum inferius supra quod sunt aquæ, alterum superius in quo sunt luminaria, tamen vsurpatur illud duale de vno cœlo, modò de hoc infimo in quo volant aues, qui propterea cœli volucres appellantur, modò de superiore in quo sunt sol & luna & stellæ, modò etiam de supremo illo quod Apostolus tertium vocat. Similiter dualis numeri est nomen hebræum *Majm*. cur? Nonne propter duas aquas, quarum aliæ sunt supra, aliæ infra expansum? Attamen id nomen sæpenumero de vnīs aquis vsurpatur, modò de ijs solis quæ sunt supra expansum, modo de ijs solis quæ sunt infra expansum, vt ex Gen. 1. 8. 6. & 7. & alijs plurimis locis liquere potest. Idem accidit nomini Elohī, quod plurali numero ob pluralem numerum personarum diuinarum, vt iam probauimus, impositum est Deo. Id enim interdum de vni ca persona diuina, modò de Patre, modò de Filio, modò, sed rarius, de Spiritu sancto vsurpatur, manente interim vera ratione ob quam, cum plurale esset, ad Deum significandum destinatum, atque institutum, & selectum est. Reliqua quæ habentur in isto Socini fragmento, vel iam satis refutata videntur, vel etiam minus digna refutatione.

FINIS.





Index Locorum Scripturae Sacrae, qui in hoc et superiore libro, vel ex professo, vel obiter, exponuntur.

a Librum primum, b Hunc secundum significat.

GENESIS.

Cap.	Verf.	Pag.
I.	1.	a <u>243.</u>
	2. & c.	a <u>218.</u> & seqq.
	6.	a <u>245.</u>
	16.	b <u>324.</u> & <u>395</u> & seqq.
II.	7.	a 74.
III.	21.	b <u>177.</u> seqq.
VI.	7.	b <u>421.</u>
XVI.	10. 13.	b <u>419.</u>
XVIII.		a 117. b 188. & seqq.
XIX.	24.	b <u>431.</u>
XXI.	11. 12.	b <u>407.</u> <u>409.</u>
XXVIII.	12.	b <u>408.</u>
XXIX.	27.	b <u>317.</u>
XXXI.	11. 13.	a <u>170.</u> b <u>194.</u> & seqq.
XXXIII.	10.	b <u>409.</u>
XXXV.	7.	b <u>407.</u> <u>409.</u>
XLVIII.	15. 16.	b 121.

EXOD.

III.	2. 6.	b <u>194.</u> & seqq.
	13.	b <u>255.</u>
	14.	b 421.
VI.	2.	b <u>257.</u>
	2. 9.	b 259.
	4. 5. 6.	b 259.
	7.	
VII.	1.	a 130.
XVII.	2. 7.	a 133.
	6.	b 61.
	15.	b 441.

Gap.	Verf.	Pag.
IX.	3.	b <u>214.</u> & seqq.
XXV.	9. 29.	b 200.
XXVIII.	1. 12.	b 201.
	31.	b 29.
XXXV.	29.	b 200.

NVMER.

XIV.	3.	a 133.
XXI.	5. 6.	a 131. b <u>154.</u>

DEUTER.

VI.	13.	b <u>180.</u> & seqq.
XI.	14. 15.	b <u>420.</u>
XXII.	17. 21.	b 318.
	39.	b 304. 319.

IOSVE.

V.	13.	b 201.
X.	14.	b 125.
XXIV.	19.	b <u>148.</u> <u>149.</u>

IVDIC.

VI.	24.	b 44.
-----	-----	-------

I. SAM.

XXVII.	21.	a 148.
--------	-----	--------

II. SAM.

VII.	21.	b <u>148.</u> 349.
VIII.	2.	a <u>148.</u>
XVI.	20.	b <u>327.</u>

INDEX

I. REG.

Cap.	Vers.	Pag.
viii.	<u>32.</u>	b 184. & seqq.
xi.	<u>3.</u>	b 317.
	17.	b 400.
	20.	b 326.

II. CHRON.

vi.	30.	b 184. & seqq.
-----	-----	----------------

IOB.

xviii.	2; 3.	b 318.
xxxv.	ii. 17.	a 243.

PSALM.

i.	1.	b 316.
ii.	12.	b 298 & seqq.
xvi.	10.	b 112.
xxiv.	<u>1. & 6.</u>	b 118. & seqq.
	3.	b 139.
	5. 5.	b 140.
xxxiii.	6.	a 246.
xl.	7.	a 310.
	9.	a 51.
l.	13.	b 143.
lxviii.	1.	b 147.
	<u>16. 17.</u>	b 146.
	<u>19. 20.</u>	a 39. & seq. b 144. & seqq. (147.)
lxxviii.	1.	b 101.
	2.	b. 303.
lxxxii.	2.	b 403.
	8.	b 317.
lxxxiii.	19.	b 123.
xc.	2.	a 111.
xcv.	13.	b 136.
xcvii.	3.	b 137.
	5. 10.	b 112.
	8.	b 118. & seqq.
cxviii.	1.	b 226.
	2.	b 136.
lxx.	3.	a 313. 318.
lxxi.	14.	a 371.
	26.	a 369. & seqq. b 150. & (seqq.)
lxxiv.	4.	a 74.
lxxv.	7.	b 120.
lxxv.	21.	b 49.
lxxv.	12.	b 203.

PROVERB.

Cap.	Vers.	Pag.
i.	8.	a 201.
vii.	3.	a 197. 198.
viii.	1.	a 199. 202.
	12.	a 199.
	22.	a 196. & seqq.
	24. 25.	a 207.
	30.	a 109.
ix.	3.	a 200.
	12.	a 201.

CANTIC.

ESAI.

i.	4.	b 318.
2.	ii. 17.	b 202.
vi.	1. & c.	b 1. & seqq. 25.
	3.	b 30.
	11. 12. 13.	b 15.
vii.	14.	b 33 & seqq.
	16.	b 43.
viii.	8.	b 35. 41.
	9.	b 42.
	13.	b 45. & seqq.
	16. 17.	b 60.
	20. 22.	b 63.
	21.	b 62. 63.
	23.	b 64.
ix.	6.	b 203. & seqq.
xi.	10.	a 182.
xxi.	4.	b 401.
xxv.	9.	b 158.
xxviii.	16.	b 46 & seqq.
xxxv.	4.	b 156. & seqq.
	5.	b 163.
	9. 10.	b 162.
xl.	3.	b 166.
	5. 8. 9.	b 167.
	10.	b 158. 167.
xli.	4.	b. 80. & seqq.
xlii.	8.	b. 80. & seqq.
	13.	b 113.
xliii.	7.	a 314. 334.
	10. 11.	b 218. 219.
li.	11.	b 84.

Cap.

INDEX.

Cap.	Verf.	Page
	24.	b 211. & feqq.
	25.	b 214.
xlv.	6.	b 21. 86.
xlv.	3.	b 205.
	22.	b 77.
	23.	b 65 & feqq.
	24.	25. b 79.
xlviii.	11.	b 214.
	12.	b 82.
l.	2.	b 214.
	3.	b 158.
li.	1.	b 174.
	6. 7.	b 170. & feqq.
	10. 11.	b 173.
lii.	2. 3.	a 49.
liv.	5.	b 128 & feqq. 350 & (feqq.)
lx.	16.	b 226.
lx.	1.	b 171.
lxii.	4.	b 44.
	13.	b 169.
lxiii.	1.	235. & feqq.

IEREM.

k.	11.	a 351. b 227. & feqq.
	4. 10.	b 227.
xvii.	5. 7.	b 307. & feqq.
	9.	b 187.
xxiii.	6.	b 236. & feqq.
xxvii.	1.	b 281.
xxviii.	15.	b 237.
	16.	b 44.

EZECH.

xxviii.	a 75.
xlviii.	35. b 44.

DANIEL.

ii.	36.	b 328.
-----	-----	--------

HOSE.

2.	2.	b 162.
11.	16.	b 179.
xii.	12.	a 346.

IOEL.

ii.	32.	b 270.
-----	-----	--------

MICHEAS.

v.	2.	a 175. & feqq.
		ZACHAR.
ii.	4.	b 183.
	5.	b 184.
	6.	b 186.
	7.	b 95. 171. & feqq.
	9.	b 180. 187.
	10. 11.	b 172. 181. 189. 190.

iii.	2.	b 292. & feqq.
iv.	2.	b 272.
vi.	13.	b 30. 273.
x.	12.	b 271.
xi.	11.	b 29. & feqq.
xii.	10.	b 24 & feqq.
	11.	b 103.

MALACH.

i.	6.	b 401.
iii.	1.	b 108. & feqq.
	2.	b 98.
iv.	2.	b 176.

MATTH.

l.	23.	b 21. & feqq.
ii.	20.	b 328.
v.	14.	a 126.
vii.	25.	b 56.
ix.	2.	b 128.
xi.	5.	b 156. & feqq.
	10.	b 102. & feqq.
	27.	a 103. & feqq.
xiii.	17.	a 116.
xvi.	12.	b 54 & feqq.
xxv.	35. 42.	b 25. 27.
xxvii.	2.	b 89. & feqq.
	44.	b 128.

MARC.

i.	13.	b 42.
iv.	10.	b 180. & feqq.
	30.	b 27.

LVC.

i.	17.	b 113.
	22.	a 105.
76.		b 108. 113.

INDEX.

Cap.	Verf.	Pag.
IV.	8.	b 180 & seqq.
	18.	b 177.
VII.	27.	b 102.
	35.	a 197.
X.	22.	a 105.
XI.	49.	a 197.
XVII.	18.	b 190.
XXII.	15.	a 150.

IOHAN.

I.	1. 2. 3. 4.	a 111. & seqq.
II.	a 212.	& seqq. 221. &
	b 99.	& seqq. 263.
		& seqq. 275. & seqq.

1. 2. 3. 4. a 110.

3. a 290. & seqq.

4. 9. a 298. & seqq.

5. 10. a 251.

10. a 104.

11. a 81.

14. a 71. & seqq.

15. a 97. & seqq.

16. a 99. 102.

17. a 100.

18. a 19. 213.

21. a 215.

30. a 101.

III. 39. 40. a 117.

18. a 119. & seqq.

21. b 7.

39. a 130.

I. 2. 7. 8. a 11. & seqq.

18. a 59.

33. a 118.

34. 35. 36. a 181.

37. 38. b 182.

40. b 3.

40. b 11.

III. 19. a 120. 131.

XIV. 6. a 332. 370.

9. a 394. b 17. 68. 101.

20. a 124.

ACT.

36. a 187.

Cap.	Verf.	Pag.
IX.	4. 5.	b 95. 96.
XVI.	11.	b 67.
XXVI.	23.	a 197.

ROM.

I.	3.	a 68. 150.
	15.	b 317.
VIII.	a 7. 19.	a 14. a 111.
	26.	a 161.
IX.	33.	b 45. & seqq.
X.	11.	b 270.
	15.	b 172.
XIV.	9.	a 347.
	10. 11.	b 61. & seqq.
	12.	b 26.

I. CORINTH.

III.	2.	b 93. 18.
VIII.	6.	a 145. & seqq.
X.	7.	a 41.
	2.	a 130. & seqq. b 154. & seqq.
	16.	b 138. & seqq.
XV.	9.	a 3. 6.
	19.	b 329.
	28.	b 72.
	38.	a 63.
	47.	a 12.

II. CORINTH.

III.	7.	a 45.
V.	1.	a 188.
	17.	a 344.
XI.	2.	b 180.

GALAT.

IV.	6.	a 161.
	24.	a 181. 183.
	27.	b 179. 313. & seqq.

EPHES.

I.	4.	a 186.
	20.	a 330.
II.	10.	a 334.
	17.	a 101.
	19.	b 56.
	19.	b 56.
	20.	b 586.

INDEX:

Cap.	Verf.	Pag.
III.	9.	a 315.
IV.	8.	b 144. & seqq.
	9.	a 39. & seqq.
V.	14.	b 175.
PHILIP.		
II.	6.	a 46 & seqq. b 385.
	9.	b 71. 124 125.
	10.	b 71.
COLOSS.		
E.	14.	a 325.
	15. 16. 17.	a 315 & seqq.
	16.	a 243.
II. THESS.		
II.	1.	b 27.
	2.	a 163.
II. TIM.		
A.	9.	a 186.
HEBRÆ.		
B.	3.	a 310 & seqq.
	4.	a 351. b 296.
	6.	a 01. b 18 & seqq.
	10.	a 35 & seqq. b 10 & seqq.
II.	5.	a 326.
VII.	9.	a 376. & seqq.
	27.	a 349.
VIII.	3. 4.	a 108.
IX.	7.	a 309.
	12. 14.	a 19.
	14.	a 385.
X.	5.	a 307. 310.
XI.	8.	a 346.
	26.	a 140. & seqq.
XII.	23.	a 155.
XIII.	2.	b 292.
	18.	b 317.
IACOB.		
I.	17.	a 20.
	28.	a 331. 232.
III.	15.	a 20.

Cap.	Verf.	Pag.
IV.	12.	b 300.
I. PETR.		
I.	11.	a 143. & seqq.
II.	3.	b 58.
	6. 7. 8.	b 48.
III.	14.	b 50.
	19.	a 146. & seqq.
	22.	a 172.
IV.	6.	a 175.
I. IOHAN.		
I.	2.	a 266.
II.	28. 29.	b 7.
IV.	1.	a 32. 160.
	3.	a 144.
	6.	a 143.
APOCAL.		
I.	7.	b 98 389.
	8. 11. 7.	a 387. & seqq.
	18.	a 392. (b 80.)
II.	7.	a 387. & seqq.
	23.	b 184. & seqq.
V.	5.	a 182.
	13.	b 151. 152.
VIII.	3.	b 193.
XIII.	8.	a 127.
XIV.	6.	b 183.
XIX.	10.	b 182.
	13.	a 232.
XXI.	3.	b 36.
	10.	a 20.
	14.	b 56.
XXII.	9.	b 182.
	13.	a 387.
F I N I S.		



*Errata quaedam crassiora sic benigne Lector
corrigito.*

Pag. 8. in margine *lege* V Vickum. 18. in margine pro 54. *lege* 35. 45. & 46. *lege* Rom. 1x. 32. 64. *lin.* 8. *lege* contemptibilem fecis terram Zabulon & terram Nephtali. 166. *lin.* 4. dele Matth. 5. 14. 137. *lin.* 42. *lege* 2. Theff. 2. 7. 254. *lin.* 9. & 10. *lege* Hieronymum Evangelistas & Apostolos. 310. th. 25. *lin.* 11. *lege* substantiz. 313. *lin.* 26. *lege* Maledictum non est. 326. th. XI. l. 10. *lege* huic. 387. th. XLVII. *lin.* 8. *lege* disjungi. 414. th. 36. *lin.* 18. pro pluralis, *lege* singularis. Reliqua pro tua xquitate & prudentia, Lector beacuolet, facile, vti spero, per te ipsum corriget.

5-3-2

111
~~111~~
—
11
12
88

